



k = 19066/A/2

CALGARTH PARK.

22753

100.157-
15.7.09

JOANN. ANDR. CRAMERI
ELEMENTA
ARTIS DOCIMASTICÆ

Duobus Tomis comprehensa,
Quorum Prior

THEORIAM,

Posterior

P R A X I N,

Ex vera Fossilium indole deductas, atque
indubitata Experimentorum, summâ
cum accuratione institutorum, fide fir-
matas, ordine naturali & doctri-
na apertissima exhibet.

P A R S P R I M A
T H E O R E T I C A.



LUGDUNI BATAVORUM,

Apud } CONRADUM WISHOFF, }
 } E T } 1739
 } GEORG. JAC. WISHOFF, FIL. CONR. }

22753



V I R O

CLARISSIMO & EXPERIENTISSIMO,

HIERONYMO DAVID GAUBIO,

MEDICINÆ DOCTORI, ejusdemque ac CHE-
MIÆ in Acad. Lugd. Batav. P. P.

JOAN. ANDR. CRAMER.

Consecro TIBI, VIR CLARISSIME, hunc
de Arte Docimastica Libellum, quem
tanquam signum gratæ Officiorum Re-
cordationis, quibus TIBI devinctus sum,
benevolè ut accipias rogo. An aliquid
boni in eo præstiterim, TUO submitto
Judicio, TUÆ que Me ulterius commen-
do Benevolentiae. Vale.

Dedi Leidæ 17 $\frac{1}{3}$ 39.

V-1 R O

THE MODERN VICTORIAN
MARTIN DOUGLAS
The New York Public Library
Astor Lenox Tilden Foundation
New York City

JOHN ANDERSON

JOHN ANDERSON
The New York Public Library
Astor Lenox Tilden Foundation
New York City
The New York Public Library
Astor Lenox Tilden Foundation
New York City
The New York Public Library
Astor Lenox Tilden Foundation
New York City

JOHN ANDERSON

L. B.

PRomitto in hocce Opusculo ARTIS
DOCIMASTICÆ Elementa, hoc
est, istam Chemiæ partem, quæ circa
Mineralium rigidius concinno Apparatu
instituendum versatur Examen. Conscrip-
si autem id eum præcipuè in finem, ut
Chemiæ cultoribus inserviat Mineralium
studio operam navantibus. Hinc præ-
parationes quasdam Chemicas leviores,
& magis vulgares, jam quadantenus
cognitas præsupponens, pauca de iis-
dem feci verba, ubi tanquam auxiliatri-
ces in Arte Docimastica exercenda ali-
quando in subsidium fuere vocandæ; nisi
fortè quædam momenta, hunc in finem
peculiariter, minus in vulgaribus Pro-
cessibus Chemicis observanda, amplio-
rem postularent descriptionem. Bre-
vem hujus Artis & specialioris theoriæ
ideo præmittere, necesse judicavi, ut
postea ipsos Processus aggredienti quæ-
dam scitu necessaria jam essent cognita;
ut sic mens & eo integrius ad Appara-
tus delineationem dirigi, eoque facilius
procedendi rationes intelligi possent. In-
cepi hanc ab Objectorum Artis minus

P R Æ F A T I O.

compositorum explicatione; ut ista pura oblata, ex habitu externo, vel levissimo tentamine, præ primis ad ignem, dignosci valerent. Plurimum difficultatis hâc in re attulere Lapides simplices: etenim fere omnes Auctores horum Classes constituerunt ex sola figura, pelluciditate, colore, &c. quæ tamen Methodus, quoad nostrum scopum, quin & in genere, parum utilitatis asserre potest. Inde enim est, quod in qualibet specie dentur, ob aliqualem ex jam memoratis convenientiam, exceptiones; ita ut Lapides, qui generali quodam designantur nomine, non adeo semper reliquis inter se convenient Characteribus, etiam magis essentialibus, hinc minime sanè negligendis. Cum etiam Compositorum Mineralium cognitio, solidior, haud parum adjuvetur, si actio Simplicium in se invicem innotescat; modo ad requisitas in quolibet casu attendatur conditiones, neque fictiones intempestivè admittantur; hinc vim menstruaalem sequenti explicui capite. Nemo interim hancce materiam completè, quatenus videlicet per Experimenta hætenus cognita constat, heic

P R Æ F A T I O.

tractatam expectet; siquidem hæc non aliter, quam ex ipsis Processibus exactius intelligi potest. Quam ob rem paucissima ejusmodi inserui, nec nisi faciliore tentamine confirmanda. Si aliter egissem, plurima cognita debuisssem supponere, artificibus modo exercitatis familiaria, quorum vero in gratiam talia tradere, inanis labor fuisset. Similiter Instrumentorum Descriptio eidem fini assequendo accommodata est.

Facile autem liquet de Mineralibus compositis cunctis mentionem fieri non potuisse, ob infinitas, ex diversa qualitate, proportionem, componendi modis, emergentes differentias. Hinc solummodo ut specimen considerari velim, quæ de hisce tradidi, Tyronibus tamen utilissimum, quin & necessarium.

Denique subjunxi brevem Operum, præcipue strictè Docimasticorum, Scia-graphiam cum annexis terminorum explicationibus. Sequitur denique Effectorum & inde emergentium in variis Artibus & Scientiis Usuum brevis enarratio, quatenus nempe heic loci intelligere talia licet. Hæc erant monenda quoad Ord-

di.

P R Æ F A T I O.

dinem, quem mihi in Theoriæ tractatione constitui.

Cum vero in ipso hoc Opere, ut spacio parcerem, rarò allegaverim Auctores, heic in genere eorum mentionem faciam, ex quibus profeci; dum interim labor indefessus, oculi intentissimi, & manus nigrorem carbonum non averfantes, præcipui heic magistri mihi fuerunt. Quod ad Theoriam Artis attinet, ejus primo fundamenta clarius exposuit passim in scriptis suis Clarissimus STAHLIUS. Mineralium compositorum, præcipuè Minerarum Metalliferarum Doctrinam debemus Cl. HENCKELIO, qui maxime in Pyritologia sua hanc rem aggressus est. Ipsos Processus LAZARUS ERKKERUS in Tractatu idioma Germanico conscripto, *Probir-Buch* vocato, & AGRICOLA de Re Metallica lib. vii. tradidere; quibus, sed pauca, adjecit MODESTINUS FACHSIUS. Reliqui Auctores vel omnia ex ante laudatis hausere, vel saltem iis, mihi quippe incognitis, non usus fui.

Si hæc B. L. placuerint, alia expectes fortè magis elaborata. Vale.

E L E N.

E L E N C H U S

CAPITUM ET TITULORUM

THEORIÆ DOCIMASTICÆ.

| | |
|---|--------|
| CAP. I. De Definitione & Objecto Docimasiæ. | Pag. 1 |
| I. De <i>Metallis.</i> | 3 |
| II. De <i>Semimetallis.</i> | 7 |
| III. De <i>Salibus.</i> | 9 |
| IV. De <i>Sulphure.</i> | 11 |
| V. De <i>Lapidibus & Terris.</i> | 12 |
| CAP. II. De Menstruis Docimasticis eorumque præparatione. | 20 |
| I. De <i>Metallis eorumque Productis, ut Menstruis.</i> | 21 |
| II. De <i>Semimetallis, ut Menstruis.</i> | 32 |
| III. De <i>Sulphureis puris, seu Oleosis, ut Menstruis.</i> | 38 |
| IV. De <i>Salibus ut Menstruis.</i> | 41 |
| V. De <i>Sulphure, ut Menstruo.</i> | 62 |
| VI. De <i>Cæmentis.</i> | 67 |
| VII. De <i>Fluxibus Simplicioribus & Reducentibus.</i> | 76 |
| CAP. III. De Supellectile Docimastica. | 76 |
| I. De <i>Vasis.</i> | 76 |
| II. De <i>Furnis.</i> | 110 |
| III. De <i>Reliqua Supellectile Docimastica.</i> | 139 |
| CAP. IV. De Mineralibus compositis & Mi- | |

ELENCHUS THEORIÆ.

| | |
|--|-----|
| Mineris. | 180 |
| I. De Sulphure & Mineralibus Sulphureis. | 184 |
| II. De Arsenico & Mineralibus Arsenicalibus. | 188 |
| III. De Mineris in genere. | 191 |
| IV. De Ferro ejusque Mineris. | 198 |
| V. De Cupro ejusque Mineris. | 208 |
| VI. De Plumbo ejusque Mineris. | 213 |
| VII. De Stanno ejusque Minera. | 217 |
| VIII. De Argento ejusque Mineris. | 221 |
| IX. De Auro ejusque Mineris. | 227 |
| X. De Mercurio & ejus Minera. | 230 |
| XI. De Regulo Antimonii, & Minera ejus. | 233 |
| XII. De Bismutho & ejus Minera. | 234 |
| XIII. De Zinko ejusque Minera. | 236 |
| XIV. De Vitriolo & Mineralibus Vitriolicis. | 242 |
| XV. De Alumine & Mineralibus, ex quibus id producitur. | 248 |
| XVI. De Sale communi & Modis quibus acquiritur. | 251 |
| XVII. De Borace ejusque Origine. | 251 |
| XVIII. De Nitro ejusque Matrice & Generatione. | 251 |
| CAP. V. De Operationibus Docimastricis. | 361 |
| CAP. VI. De Effectis & Usu Artis Docimastricæ. | 381 |




Fig. I.




Fig. II.




Fig. III.




Fig. VI.




Fig. V.



Fig. VII.



Fig. IX.




Fig. IX.



Fig. XII.




Fig. XI.




Fig. X.

Fig. VIII.




Fig. XIV.








Fig. XIII.






















TAB. V.






Fig. I.



Fig. II.



Fig. V.





Fig. IV.





DOCIMASIÆ

P A R S I.

THEORETICA.

C A P. I.

D E

DEFINITIONE

E T

O B J E C T O

DOCIMASIÆ

§. 1.



DOCIMASIA est ars metalla, semimetalla, sulphura, & salia mineralia, à se invicem, aliisque admixtis corporibus, separandi; ut inde appareat, quantum cujus libet in subjecto explorato præexstiterit, vel ex eo cum lucro extrahi possit.

2 D O C I M A S I Æ, P. I.

§. 2. *Objecta* hujus artis sunt *Mineralia* omnia: cum enim ante dicta corpora raro tali conditione à natura exhibeantur, ut pura, & vera sua forma, sese sistant sensibus; sed plerumque infinitis modis non modo secum invicem, sed præterea cum plurimis terrarum lapidumque speciebus, confusa reperiantur; hinc horum omnium indoles cognita esse debet artifici, ut conditiones ad eorum separationem requisitas determinare possit.

§. 3. *Mineralia*, termino latiniore dicta *Fossilia*, cum Clariss. Boerhaavio (a) voco Corpora naturalia, nata in Telluris gremio, vel & ejus superficie, quorum simplex adeo fabrica, ut nulla hæcenus perspicientia, ne quidem per microscopia acutissima, detexerit in his varietatem inter vasa, & ea, quæ iis continentur, sed simillimam omnibus partibus affinitatem toti; licet in plurimis horum fluidarum & consistentium partium concursus certo cognoscatur permixtu factus.

Corollar. Horum igitur species simplices, ad concretorum compositionem ingredientibus, quantum ex habitu externo, simplici ad ignem applicatione, aliisque levioribus, ex tempore instituendis, experiri-

(a) Elem. Chem. vol. 1. p. 30.

perimentis fieri potest, describere prius decet eum, qui Docimasiam exhibere rationaliter conatur.

§. 4. *Mineralia* hæcenus cognita ad quinque classes referri possunt omnia; quarum I. Metalla. II. Semimetalla. III. Salia. IV. Sulphura. V. Lapidés & terras complectitur.

I.

D E M E T A L L I S.

§. 5. *Metalla*, si pura sunt, vocantur corpora ponderosissima, in diverso ignis gradu fluida, calore atmosphæræ naturali solida, sub malleo in omnes dimensiones extendi potentia, opacissima. Horum numerantur sex: Aurum videlicet, Argentum, Cuprum, Plumbum, Stannum, Ferrum.

§. 6. *Aurum, Sol*, cujus character (☉) metallorum notas characteristicas (§. 5.) quam perfectissime habet. Amittit in aqua pura, destillata, suspensum intra $\frac{1}{19}$ & $\frac{1}{20}$ sui ponderis; in summo igne, quantumvis diu, fusum substantiæ suæ nihil perdit, adeoque fixissimum; malleo facillime cedens; percussum non tinnit; in igne, statim

tim ac candescit, funditur, exhibetque tum coloris Thalassici superficiem; ab aqua Forti non attingitur; colore fulvo se distinguit.

Scholion. *Exactiorem Auri ideam exhibebunt infra cum hoc metallo instituendi processus, quos hactenus lectori incognitos suppono: quod & de reliquis metallis notatum velim.*

§. 7. *Argentum, Luna, (♄)* in aqua $\frac{I}{II}$ vel $\frac{I}{II\frac{1}{2}}$ sui ponderis perdit; in igne æque fixum est ac Aurum; eodemque fere igne fluit; post Aurum omnium maximè malleabile, facillime flexile; Aquam Regiam perfectam respuit; coloris splendidi, albi, purissimi.

§. 8. *Cuprum (♀,) Venus,* de pondere in eadem aqua amittit intra $\frac{I}{8}$ & $\frac{I}{9}$; in igne non fixissimum, sed sui multum specie exhalationum & scoriarum perdit; malleabile quidem est, prioribus tamen longe minus; maxime sonorum; coloris intensè fulvi; magnum ignem ad sui fusionem requirit, & mox ac candescere incipit, tingit ignem elegantissimo colore ex cæruleo viridi; ab omnibus salibus, & iis, quæ salia continent, applicatis, arroditur; maximam colorum varietatem, inprimis pulcherrimè viridem vel cæruleum, ostentans.

Scho-

Scholion. *Fossilia in scoriam verti hoc loco mihi dicuntur, si quando igni exposita in vitri abeunt speciem; quod est corpus fragile, in igne fusile & fixum, in aqua non solubile.*

§. 9. *Plumbum* (♄), *Saturnus*, levius fit in aqua suspensum $\frac{1}{11}$ ad $\frac{1}{11\frac{1}{2}}$; liquefcit longe, ante quam rubescat; non est fixum, sed validiore igne si urgetur, specie fumi multum perdit, & pro diverso ignis gradu vel pulverulentam, vel vitrescentem in scoriam, *Lithargyrium* dictam, coloris flavi, totum vertitur; tenacissimum; metallorum omnium mollissimum; malleo percussum vix sonorum; coloris ex albo cœrulescentis.

§. 10. *Stannum* (♁), *Jupiter*, omnium metallorum est levissimum; levius fit in aqua $\frac{1}{7}$ sui ponderis; non fixum est, sed leni igne, longe ante ignitionem fusum, specie fumi, satis cito partim avolat, partim in calcem fatiscit; antecedentibus minus malleabile est; non tamen valde durum; si flectitur, stridet; colore æmuletur *Argentum*.

§. 11. *Ferrum* (♂), *Mars*,) amittit in aqua sui ponderis intra $\frac{1}{7\frac{1}{4}}$ & $\frac{1}{8}$; valde fixum est in igne; requirit summum ignis gradum ad sui fusionem; tumque de sub-

stantia sua quam plurimum amittit, scintillat, in vitrum fusco-cærulescens, & in fumos sulphureos resolvitur; omnium est rigidissimum; attamen nisi candescens subito extinctum sit, satis malleabile; coloris aquei; trahitur à Magnete.

§. 12. Hisce sex Metallis ab omnibus ferre adnumeratur ut septimum; *Argentum vivum*: quanquam non habeat alias, præter gravitatem, metallicas dotes. *Argentum vivum* (☿), *Mercurius*, ponderis sui $\frac{1}{14}$ in aqua privatur; si purum est, semper, etiam in summo frigore, fluit, ergo nec malleabile; argentei splendoris; opacissimum; igne mediocri in fumos resolutum, totum evanescit, paucissimis forte granulis, rubicundis, sabuli instar, relictis; collecti tamen vapores eundem, qui antea fuerat, Mercurium reddunt.

Scholion. I. Hæ sunt notæ Metallorum purissimorum, à se invicem separatorum: hinc non valent, si duo, vel plura sunt mixta. e. g. *Cuprum*, *Argentum*, *Aurum* cum *Stanno* colliquata malleabilitate carent, colorem immutant &c.

Scholion. II. Specificæ gravitates Metallorum exactissime determinari non possunt: differunt enim aliquantulum 1. pro diuerso calore atmosphære; quippe qui aquam ceteraque fluida in longe maiorem dimensionem extendit, quam solida; hincque, pondus inæqualiter tollendo, stabilem proportionem exhibere negat, nisi calor exactissime determinetur.

2. pro

2. pro varia puritate aquæ; quæ differentia quandoque satis insignis deprehenditur. 3. pro diversa metallorum puritate: siquidem perquam raro metallum deprehenditur tam purum, quin facile cum aliis permixtum esse demonstrari possit. 4. pro diverso atmosphæe ipsius pondere; quanquam hujus effectus haud admodum notabilis sit. Hinc patet, cur tot diversæ gravitates specificæ metallorum indicentur, quot auctores per experimenta in illam inquisiverunt. Attamen, nisi maxima metallorum impuritas accedat, aggregatum omnium differentiarum, quæ ex dictis causis fluunt, non impedire valet, quin quodlibet metallum suo specifico pondere à quocunque alio distingui possit.

II.

DE SEMIMETALLIS.

§. 13. Hæc conveniunt cum prioribus, nisi quod malleabilitate longe minore, vel plane nulla, gaudeant. Sunt autem sequentia.

§. 14. *Zincum*: corpus est ex cæruleo album; cum quadam tenacitate fragile; hinc malleo quodammodo figurabile; longe minus tamen metallis; in igne leniori fluit, mox fumat, sicque camino forma levissimorum alborumque florum se applicat; validiore igne ardet flamma viridi elegantissima, sulphuris copiosi præsentiam manifeste notans.

§. 15. *Bismuthum* constat, si frangitur, ex tessulis, hæque iterum ex lamellis sibi mutuo appositis; priori magis fragile; cæterum externa facie parum differens; nisi, quod non cærulescat, sed potius levissime fulvo splendore conspicuum sit.

§. 16. *Regulus antimonii* est fragilissimus; à sulphure rite depuratus albo nitore priora superat; majore igne ad sui liquefactionem eget: unde facile à prioribus duobus distinguitur.

§. 17. Datur præterea in regno minerali corpus, quod ad Semimetalla ob magnam convenientiam merito referri potest, vocatum *Arsenicum* (O—O). Hoc, si purissimum est, gaudet colore albo; in igne liquefcit; tuncque toto suo corpore, specie densissimi fumi, albi, alliaceo odore infesti, avolat; frige factum vero in solidum, semidiaphanum, ponderosum, album, corpus coalescit; non inflammabile est; aëri expositum cuticulam quasi lacteam induit; reducitur in Regulum antimonio quam simillimum, qui ardet.

Coroll. A quibusdam *Arsenicum* refertur ad Sulphura; sed admodum improprie: uti ex modo recensitis ejus characteribus ad notas sulphurum comparatis clarè patet.

THEORETICA

III.

DE SALIBUS.

§. 18. *Salia* vocantur corpora in aqua solubilia, in igne fluentia vel volatilia, non inflammabilia.

§. 19. Duo Salium purorum, nativorum, genera in regno minerali præprimis sunt cognita; alterum Neutrum, alterum Acidum.

§. 20. Neutrorum duo dantur: alterum *Sal commune* (Θ), *muria*, quod si purum est, colore candidissimo splendet semper; semi-pellucidum; aqua pura solutum, leni igne inspissatum, crystallos tessulatas, hexaëdras, cubicas, quæ in pyramides truncatas coacervantur, exhibet; in ignem injectum valide crepitat.

§. 21. Alterum vocatur *Nitrum*, quod aqua pura solutum, lege artis crystallisatum, induit figuram prismaticam, hexaëdram, ad bases in pyramides similis polygoni terminatam; coloris est candidi; semi-pellucidum; in igne puro, qualis est ignis solaris concentratus, vel in vasis a pabuli ignis illapsu defensis, liquefcit mediocri igne; summo igne partim per vasa
A 5 trans-

transsudat, partim in fumum, qui Nitrum existit, resolvitur; addito vero inflammabili quocunque, ingenti cum strepitu, comburitur, atque cum hoc, ex parte, in alkali mutatur.

§. 22. Datur & *Sal Acidum, vagum fossile* dictum, in chalcantho, sulphure, alumine, quin ubique fere obvium; rarissime, si unquam, purum; sed hærens vel in metallis, præsertim Cupro & Ferro, vel terris calcareis, sæpius vitrescentibus, ipsisque silicibus, vel inflammabili fossili conjunctum. His autem dotibus id se ab aliis distinguit, quod sit acidis omnibus reliquis, cognitis, ponderosius; fixius; hæc e matricibus suis excutiens; cum aqua pura mistum incalescens fortiter; cum oleosis cujuscunque Regni coiens in sulphur vulgare. Quænam ejus in Metalla &c. vis sit, postea in *cap. de Menstruis* exponetur.

§. 23. Huc forte referri possent Acida Salis communis & Nitri; quæ tamen ut arte chemica tantum e salibus istis expelli possunt, ita haud constat certo, naturaliter uspiam reperiri.

Corollar. An verum & perfectum sal Alkali, fixum vel volatile, detur naturaliter in regno minerali, quæritur? De priore testari videtur sal Aquarum Spadanarum,
&

& Natrum veterum ; posterius marmora forte, lapidesque fissiles, foetentes, continent : utrumque tamen accuratiore scrutinio eget. Vid. Fr. Hoffmannus (a) & Henckelius. (b)

I V.

D E S U L P H U R E.

§. 24. Omne, quod est inflammabile, generali termino à chemicis vocatur *Sulphur*. Tale datur in Regno Minerali, semper Acido §. 22. mixtum. Cæteroquin inflammabile purum, minerale, à vegetabili ac animali haud videtur discrepare, nec nisi unicum dari in rerum natura: ut hinc totum, quod varia inter Sulphura datur, discrimen solummodo in diversa cum heterogeneis mixtione consistat. Quum igitur Inflammabile vix suppeditet natura purum; hinc de variis sulphureorum speciebus, utpote semper mixtis, hic agendi locus non est: non enim, nisi simpliciora, nunc commemorare, instituti nostri ratio exigit.

V. D E

(a) Dissertat. Physico. Chern. lib. II. obs. I.

(b) Tractatu de Appropriatione, pag. 126. n. 4.

V.

DE LAPIDIBUS ET TERRIS.

§. 25. *Lapides* vocantur corpora in aqua non solubilia, sub malleo non ductilia, in igne non ardentia, fixissima, firmiter cohærentia.

§. 26. Quando illi minimis impalpabilibus particulis existunt, parum, vel non cohærentibus, dicuntur *Terræ*.

§. 27. Si vero visibiles, palpabiles, admodum parvi, tamen lapilli coacervati sunt, nomen gerunt *Arenæ, Sabuli, Glareæ*.

§. 28. *Lapidum* differentiæ ex habitu in igne ut indicentur, scopus noster maxime requirit; sed simul reliquos eorum characteres, facile in sensus incurrentes, haud inutile erit adnotare.

§. 29. Quidam summo igne anemio liquefcunt, & dicuntur *Vitrescentes*: quo referuntur.

1^{mo}. *Schistus*, qui est lapis ex laminis facile fissilibus coacervatus, opacus, mollior, ut plurimum niger, tuncque durior, *Ardesia tegularis* dictus, alias & obscure cæruleus, vel cinereus. Hi expositi in vasis clausis ignem mediocrem fusorium sine mutatione sustinent; magis aucto fluunt;

fluunt; & quidem prior species nigra in nitidum vitrum nigrum sic abit; quædam vero aliæ, igne intensissimo, attolluntur in spumam, adeo, ut parca copia magnum vas repleant, inque spongiosissimam mutantur massam, levissimam, aquæ supernatantem.

2^{do}. *Argilla vulgaris*, figulina, gravis, albicærulei coloris, quæ in aqua mollescit in pastam tenacem; igne mediocri prius induratur; magno denique diffuit in vitrum fusco-viridis coloris.

3^{ti}o. *Boli*, *Terræque sigillatæ*, prioribus (n^o. 2.) affines, sed pinguiores, variorum colorum; quæ quidem igne mediocri fusorio eousque indurescunt, ut plerumque ad chalybis ictum scintillas fundant; majori igne in vitrum abeunt, partim solidum viride, partim spongiosum, leve, (uti n^o. 1.). Huc pertinent quædam *Terræ Margacæ*, minus tamen pingues.

4^{to}. *Silex*, qui lapis est valde ponderosus; chalybe strictus scintillas fundens lucidissimas, quæ microscopio examinatæ deprehenduntur scoria ferri & lapidis liquefacta; perquam durus; colorum diversissimorum. Venit autem sub diversissimis nominibus; prout color ejus variat: imo vilissimus alias lapis pro magnitudine, colorum pulchritudine & varietate, magno
pre-

pretio æstimatur. Si lapis hic vel naturali superficie, vel fractus, admodum angulosus, & scindens est, dicitur à metallicis *Quarzum*. Quædam hujus species igne anemio sat facile liquefcunt: aliæ autem maximum ignem vix mutatæ sustinent, adeoque haud viderentur huc pertinere; nisi addito pauxillo salis, aliove menstruo, imo ipso carbonum alkali, liquefcerent nudo igni expositæ. Quando Silices minimi, granulati, coacervati modo sunt, non vero cohærent, vocantur *Arena*, vel *Sabulum*. Si vero aggregati cohærent, distincti tamen sunt, *Lapis* dicitur *arenarius*, vel *Saxum sabulosum*, quod naturæ ejusdem est, ac *Silex*, variisque coloribus, subtilitate, ac habitu in igne donatum.

§. 30. *Calcarei* alteram constituunt *Lapidum* classẽ; qui exusti summo igne ita saltem immutantur, ut vel statim in igne mollescant, vel addita aqua tandem dehiscant in calces. Hujus generis sunt.

1^{mo}. *Spathum*, quod est lapis mollis; leniori igne, cum levi crepitatione, tam fragilis reddendus, ut intra digitos in farinam conteri possit; gravitatis diversæ, prout magis vel minus compactus est; ut plurimum rhomboidalibus, sæpe prismaticis parallelis, oblongis, partibus aggregatus; di-

diversæ pelluciditatis ; plerumque aquei, vel lactei coloris.

2^{do}. *Marmora* coloribus diversissimis, plurimis sæpè permixtis, varia. Marmor autem lapis est durus ; plerumque opacus ; qui, magno igne ustulatus, si aëri exponitur, vel aqua humectatur, summo cum æstu dehiscere solet in tenuem calcis pulverem. Sed & hic datur exceptio : sunt enim Marmora quædam nitida, quæ igne haud adeo vehementi in vitrum opacum, nequaquam in calcem, commutantur.

3^{tio}. *Stalactites*, qui lapis est levior ; mollis ; albi plerumque vel grisei coloris ; & calcareus semper, raro alterius naturæ deprehenditur.

§. 31. Quidam denique *Lapides* in igne summo vulgari vel plane non mutantur, vel, si mutantur, haud tamen funduntur, neque in calcem, mediante humido, dilabuntur : unde appositissime vocantur *Apyri*.

1. *Creta* inter hos primum meretur locum ; utpote, modo pura sit, sub ipsis speculis causticis ne quidem mutabilis. Est levis ; alba ; mollis ; porosa ; transmittens aquam ; effervescens cum omnibus acidis, in quibus & solvitur ; ad tactum non pinguis, sed scabra.

2. *Margæ* dein huc pertinent impuriiores,

res, cretaceæ: quo referenda Terra tripolitana; Cretæ similis, sed levior, ad tactum mitior; flava; alba; rubra; grisea; indurefcens in summo igne eosque, ut chalybe percussa scintillas fundat.

3. *Asbestus*, lapis fibris, rigidis, filamentosis, sese decussantibus, contextus; pondere quam maxime diversus; igne summo vix mutabilis, nisi quod colorem ut plurimum in album mutet, ac durior fiat, ac antea. Species ejus ista, levissima, quæ dicitur *Suber montanum*, colliquefcit in vitrum nigrum (a).

4. *Amianthus*, qui parum à priori differt, nisi quod fibræ ejus utcunque flexiles sint & parallelæ; ut ideo fila, panniculi, & chartæ de quadam ejus specie à curiosis conficiantur. Sustinet is ignem mediocrem absque mutatione: quando vero summo ignis gradui exponitur, deperdit vel pro parte, vel in totum, suam flexilitatem: id, quod præsertim in Amianthi illa specie, quæ, intra digitos friabilis, falso dicitur *Alumen plumosum*, obtinet; quippe quæ adeo indurefcit igne, ut ad chalybem scintillas fundat. (b)

5. Ol-

(a) A. Henckel. de lapidum origine, pag. 52.

(b) Idem ibid. pag. 55.

5. *Ollaris* (a), *lebetum lapis*; qui ad tactum perfecte saponem refert; plerumque semi diaphanus; mollis; satis ponderosus; acie cultri facillime figurandus; mutans in igne colorem suum in album, & adeo indurefcens, ut filicem ad amussim æmuletur, percussusque prompte fundat scintillas. Agit autem rimas igni vehemētissimo expositus. Huc quædam *Cimoliæ* species pertinent.

6. *Talcum*. Est lapis ex squammulis coarctatus; ad tactum saponaceus; utcunque tenax; magnum sustinens ignem, nec nisi fragilior in eo evadens.

7. *Mica*. Prioris est species; splendens; magis nitida; nigra; aurea; argentea; nec igne nec aqua domabilis.

Plurimæ Lapidum horum species, ante actionem saponaceæ, vi ignis asperiusculæ fiunt.

§. 32. Dantur adhuc plura *Lapidum* genera, infinitæque horum species, figura, colore, duritie, pelluciditate, gravitate, diversæ, quibus tamen enumerandis supercedeo: jubet enim instituti mei ratio, eo tantum heic describere, qui magis sunt vulgares, & in quibus reliqua mineralia plerumque solent esse recondita. Adde, quod plu-

(a) Carol. Linnæi Systema naturæ, Tab. 1.

plurimæ species ex mixtura variorum oriuntur; quarum hinc ratio hoc loco non habenda, ubi de simplicibus tantum differimus. Cæteroquin qualescunque demum reperiantur insuper Lapidés, ad unam hæctenus expositarum classium referri possunt; quanquam alios præterea characteres possideant specialiores.

§. 33. Interim haud quaquam crediderim, ea, quæ hæctenus tradidi, sufficere ad exactam Lapidum omnium, quos natura suppeditat, cognitionem: neque enim ut volui, sed ut potui, rem executus sum, meliora si quis dederit, avide amplexurus. Sunt certè Lapidés infinitis adeo modis ac proportionibus inter se mixti; ut ne armatus quidem oculus iis accurate discernendis plenè sufficiat. Figuræ eorum, Colores, aliæque ejusmodi externæ dotess vix constantes sunt; ab infinitis causis, non semper ad ipsius lapidis materiam pertinentibus, pendent: ut ideo facile falli queat, ex talibus qui judicium atque digestionem promit. Firmiore talo stare videtur illa methodus, quæ per varios ignis gradus explorationem facit in vasis primo clausis, purissimis, igni resistentibus, deim & insapertis ad focum anemium vel fabrillem.

§. 34. An plura dentur Mineralium sim-
plici-

simplicium genera vel species, præter jam dicta, quis negabit? Nullum enim dubium est, quin Salia, forte & Metalla, ac Semimetalla, existant in rerum natura ab enarratis diversa, quin forsan & Mineralia ad nullam harum classium referenda: quod ante pauca secula modo inventum Nitrum, veteribus, quantum scimus, incognitum, asserere cogit.

Coroll. Cum Docimasia doceat indolem & differentiam Mineralium simplicium, nec non compositorum mixtionem; patet ejus usus in condenda Historia Naturali. Sed neque minus utilis est & necessaria in Metallurgia. Cum enim solo adspectu de indole Mineralium certum judicium nemo ferre possit; opus est, ut experimenta in subsidium vocentur Docimastica. Minera Plumbi flavo viridis, crystallis spathum nitriforme æmulantibus, sit pro exemplo, quæ, quantum scio, in uno tantummodo loco reperitur. Pone aliquem omnes minerarum Plumbi species, hac sola rarissima excepta, vidisse; solo is sane adspectu, figura, colore, pondere, nunquam eruet, eam Plumbo esse ditissimam: quod & de plurimis aliis verum esse, quilibet harum rerum peritus facile concesserit. Mineras Stanni a metallicolis pro mineris Ferri habitas fuisse, mag-

no cum detrimento, narrat Erckerus. (a)

§. 35. Duplex Operationum Docimasticarum est finis; videlicet, ut sciatur, (a.) quale & quantum de quolibet minerali in subiecto composito sit aggregatum. (b.) Quale & quantum cum lucro inde possit separari.

Scholion. *Falluntur sæpe metallicolæ a Docimasticis; quando hi explorationem tali modo & per talia additamenta instituunt, quibus, in majori opere, ob majores sumtus & labores, uti non licet. Si enim eum in finem instituitur operatio; requiritur talis methodus, quam vel majori opere imitari, vel cui aliam viam æque proficuum liceat substituere.*

C A P. I I.

DE MENSTRUIS DOCIMASTICIS,

Eorumque præparatione.

§. 36. Antequam tractemus de Instrumentis & Vasis, ipsosque Processus aggrediamur; decet eorum corporum indolem exponere, quæ Vasis istis contineri, Instrumentis dirigi & applicari, nec non in Artis Objectum agere debent.

§. 37.

(a) Vid. Laz. Erckers *Probir Buch*. pag. 120. lb. vom. Zinn.

§. 37. Illa corpora, quæ certis conditionibus aliis applicata, ea sic solvunt, ut inter soluti partes divisa hæreant, nec rursus sponte inde secedant, vocantur *Menstrua*. Dividuntur hæc præsertim in *sicca* & *humida*: hæc iterum variis modis subdividuntur: qua de re ubique in Chemicorum scriptis mentio fit, nec heic loci agemus; utpote specialiozem duntaxat Chemiæ partem, nunc pertractantes: solummodo enim opus erit huc pertinentia, quatenus scopus noster requirit, specialissime exponere, eorumque præparationes docere.

DE METALLIS, EORUMQUE PRODUCTIS UT MENSTRUIS.

De Plumbo.

§. 38. Ejus characteres vide cap. i. §. 9. Quando *Plumbum* in vase terreo exponitur igni mediocri, nascitur mox cuticula scoriarum versicolor, tenax; aucto ad luculentiozem vasorum candescentiam igne hæc cuticula tenuiter liquefcit, rejicitur ad marginem, format scorias, quæ vocantur *Lithargyrium*. Videtur tunc ebullire & fumare Plumbum, perpetuoque guttula, scorias prioris generis referentes, ori-

untur, quæ olei instar supernatant Plumbo, perpetuoque rejiciuntur ad priores. Si ignis sic continuatur, totum denique Plumbum convertitur in Lithargyrium.

§. 39. Si *Plumbo* sic fumanti immittitur Cuprum; videtur motus ebullitionis admodum incitari, & Cuprum quasi vi dirumpi, disparere, & in unam, ad aspectum homogeneam, massam cum Plumbo abire, fragilem, cujus fractæ superficies, si subduplum circiter Cupri additum fuit, ferè chalybem induratum colore & figura repræsentat.

§. 40. Aurum & Argentum eodem modo à *Plumbo* solvuntur, fragilia fiunt, & Aurum præprimis ab ejus minima copia pallescit.

§. 41. Stannum solvitur in *Plumbo*, igne non multo majore, quam quo ambo fluunt: simulac vero ignis ita augetur, ut candescant vasa; Stannum mox assurgit supra Plumbum, in forma grumulorum, pulverulentorum, candescentium; ut imperito videatur carbunculos illapsos esse: siquidem de igne exempti aliquamdiu, prunarum instar, ardent. Frigefactum Stannum, sic calcinatum, colore albo, flavo, & rubro variegatis apparet.

§. 42. *Plumbum*, quamdiu formam suam metallicam habet, non attingit
Fer-

Ferrum, quomodocunque igne urgeatur.

§. 43. Semimetalla ad ignem facile colliquescent cum *Plumbo*, hujusque malleabilitatem tollunt, si majore copia ipsi unita fuerint.

§. 44. Sæpe opus est hoc Metallo granulato, ut cum aliis misceri, & pondus ejus exactum facilius determinari possit.

Fit vero hæc comminutio optime via sicca, sequenti modo, & vocatur *Granulatio*. Immitte *Plumbum* in cochleare ferreum, funde leni igne, statim ac perfecte liquescit, infunde uno rivo in pyxidem ligneam, operculo ligneo munitam, vel aliud quodcunque vas, in quo liquidum quoddam validissimè conquassari queat, neque tamen, ut exsiliat, metus sit: sint vero parietes vasis creta vel cera largiter perfricati; tunc ocysime conquassetur ea lege, ut agitatum intus *Plumbum* fortiter ad latera vasis allidat, continuato motu hoc tam diu, donec solidum persistat: invenies maximam *Plumbi* partem in tenuissima, porosa, granula divisam; abluatur dein adhærescens forte creta; trajiciantur granula per cribrum, ut fiant æqualia, exsiccentur, & vase puro contra pulveris illapsum tecto servantur in usus postmodum exponendos.

Scholion. I. *Ratio istius Processus hæc est. Dantur inter metalla quadam, uti Plumbum, Stannum, Aurichalcum, quæ fusioni proxima sunt fragilissima instar sabuli madefacti. Creta, qua vas intus obductum, reddit superficiem valdè resistantem, & defendit contra ambustionem. Si nunc Plumbum fustum, modo ante descripto, ad vasis latera concutitur, eo momento, quo abire incipit in solidum, massa fragilissima divellitur in tenuem scobem, vix nisi hac encheiresi obtinendam.*

Scholion. II. *Cautela sunt. 1^{mo}. Ne Plumbum nimio igne fundatur: nascitur enim cuticula, qua licet separata mox alia atque alia producitur, quæ conquassando intermixta Plumbo operationem optimè succedere impedit; quia nimis tenax est. 2^{do}. Ut sat bene fluat; ne mox immissa massa frigescat, antequam divelli possit.*

Corollar. Patet ergo, talem granulationem non fieri posse cum istis metallis, quæ eo tenaciora redduntur, quo liquefactioni sunt propiora; uti Aurum; Argentum &c.

§. 45. *Plumbum, & omnia ex eo producta, magno igne tota abeunt in Vitrum. (§. 9. & 38.)*

§. 46. *Hoc Vitrum, sive Lithargyrium, mixtum terendo & fustum cum Lapidibus Vitrescentibus, (§. 29.) hos longe minore igne in vitrum commutari facit, quam per se fieri potuisset. Si Lithargyrii copia satis magna additur, Lapides hi in Vitrum fluunt adeo attenuatum, quod*
per

per vasa se subducit, ipsaque vasa, nisi transitum liberio-rem concedant, liquefacit.

§. 47. Lapides Calcarei omnes (§. 30.), si eodem modo §. præced. cum *Lithargyrio* tractantur, idem patiuntur. l. c. sed requirunt longè majorem *Lithargyrii* copiam, ut æque tenuiter fluant.

§. 48. Lapides in igne persistentes *Apyri* (§. 31.) difficiliter immutantur, & nisi accedat commixtio mechanica, & mediocri ignis gradus diutius continetur, per vasa continentia sese citius subducit *Lithargyrium*, quam ut perfecte solvat hos Lapides.

§. 49. Inter metalla *Cupri* & *Ferri* liquefactionem ad ignem *Lithargyrium* quidem promovet; eo ipso autem eorum portionem insignem consumit, in vitrum se- cum convertit, dictis (§. 46.) obnoxium. Antequam vero hæc metalla sunt destructa, Vitrum *Saturni* sese non æque miscet cum iis, ac cum lapidibus ante dictis; sed circum, & supra, natat.

§. 50. Stannum ejusque calx (§. 10. 41.) cum *Lithargyrio* perquam difficile subigitur in vitrum, sed semper sese ex eo subducens supernatat: si vero tandem subigitur; manet quidam lentor, non, nisi magna *Lithargyrii* copia addita, diluendus.

Facilitatur quodammodo vitrefactio calcis hujus per Cuprum: hoc enim addito, confuso, commodius domatur.

§. 51. Auri & Argenti liquefactio à *Vitro Saturni* promovetur quidem (uti §. 49.); sed jacturam inde non patiuntur. Quod si tamen sæpissime Aurum & Argentum cum *Lithargyrio* liquefcunt, tandem pondus eorum aliquantulum imminutum reperitur: quamvis interim isthac sui parte non destruantur; utpote quæ simplici separatione rursus inde educta ejusdem, ac ante, naturæ esse deprehenditur: uti processus Partis sequentis docebunt.

§. 52. Semimetallorum liquefactio a *Lithargyrio* promovetur; tumque idem, ac metalla imperfectiora, patiuntur: quod per Ferrum additum facilitatur.

§. 53. Patet ergo usus hujus *Lithargyrii* in excoquendis mineris refractariis Auri, Argenti & Cupri insignis. Solvit enim qualescunque lapides & terras citius, quam metalla in vitrum destruat; modo omnia æquabiliter & minutim permixta sint. Tumque metallum gravius per tenuiter fluens vitrum descendit, & in regulum colligitur, supernatantibus terrestribus levioribus scoriis. Semper autem metalli simul aliquid perit; vel si est Aurum & Argentum, scoriis pro parte exigua detinetur.

§. 54. Quum vero *Lithargyrium* adeo facile per vasa sese subducatur quæcunque, & dum liquescit, in spumam attollatur, sicque facile transcendat vasa; nunquam eo solo utuntur Docimastæ, sed lentorem ei inducunt, & id ligant per filicum, arenæ, luti, &c. certam proportionem additam: sumunt enim pulveris filicum calcinatorum vel arenæ partem 1. Lithargyrii partes 2. terendo miscent exactissime, superaddunt Nitrum vel Sal Commune, ut eo facilius fluat, claudunt vasa, quæ esse debent densa & solida, tigillo, ope luti firmato, ne carbones *Lithargyrium* in Plumbum reducturi illabantur, fusum sic relinquunt ultra quadrantem horæ vel diutius: in qua operatione semper in cinerarium furni anemii respiciendum; ut recognoscatur, an crucibulum coërceat vitrum nec ne: sæpissimè enim accidit, ut aquæ instar per crucibula transudet, inque cinerarium destillet: quo viso statim vasa ex igne sunt auferenda; nisi totum, quantum, perire velis. Fracto crucibulo ut plurimum parvus regulus Plumbi invenitur, à pinguitudine salis vel nitri impuri reductus; in medio Vitrum hæret Saturni separandum, & in usus servandum; gleba salina superior abjicienda.

§. 55. Si Luto vel Argilla uteris, vel capite mortuo Vitrioli edulcorato, optimum quoque nascitur ex *Lithargyrio* vitrum: cavendum modo, ne nimia horum copia addatur: nimis enim saturatum *Lithargyrium* tum non consumit corpora a metallis separanda. Fit quoque iners vitrum, si *Lithargyrium* pro parte sese per vasa subducatur; cujus jacturæ causa est, si crucibula non sunt sat solida, vel mixtio *Mechanica* neglecta fuerit.

§. 56. Cæterum de *Plumbo* notandum, quod ejus vapor *Aurum* optimum adlabens huic fragilitatem conciliet.

De Stanno.

§. 57. Ejus descriptionem vide (§. 10.) *Stannum* solvit *Argentum*, *Aurum*, *Cuprum* facile; reddit vero hæcce metalla, si æquali vel minori copia cum eo colliquescent, fragilia admodum; præprimis *Argentum*, quod a minima *Stanni* copia admista, instar vitri, redditur fragile: si vero longe majori copia ingreditur massas metallicas, manent hæc utcunque flexiles: e. g. *Stanni* partes X. *Cupri* pars 1. fusione mixtæ exhibent massam rigidiores puro *Stanno*, quæ tamen adhuc tractabilis manet: quo artificio utensilia ex *Stanno* fiunt

fiunt longe durabiliora. Cupro si Stanni X partes adduntur, & simul Aurichalci, vel Zinci pauxillum, nascitur inde Campanarum & Tormentorum bellicorum Metallum fragile, & maxime sonorum.

§. 58. Plumbum omnium minime a *Stanno* fragile fit; attamen paulo rigidius evadit.

§. 59. Limatura martis, vel hujus lamellæ tenuissimæ, subito in crucibulo candescentes redditæ, à super affuso *Stanni* duplo, magno tamen igne, abeunt in regulum fragilem, album, magneti prompte obsequiosum. Subitissimo igne hîc opus est, ne magna Stanni copia comburatur; eumque in finem, & ut ferrum eo citius lique scat, convenit Tartari & Vitri aliquid superaddere.

§. 60. Vapores *Stanni* Argento, Auro, & Cupro sunt admodum noxii: fragilia enim indè fiunt: imo si minimum Stanni in foco, ubi dicta metalla sunt tractanda, dispergitur; ductilissimum metallum, modo in tali foco igniatur, adeo intractabile evadit, ut ne malleo quidem attingi queat, quin vitri instar findatur: quare si minimum Stanni in focum delapsus fuerit, totus est, quam accuratissime emundandus, ignisque instruendus una vel altera vice
for-

fortissimus, ut diffletur, quicquid forte remanserit.

De Cupro.

§. 61. *Cuprum* solvit *Aurum* & *Argentum*; quod omnes monetæ & utensilia docent; eaque reddit magis firma; cum alias ob magnam flexilitatem vix ad ullum negotium in vita communi possint adhiberi.

§. 62. *Cuprum* cum *Ferro* igni expositum hujus liquefactionem promovet: ipsum tamen hac miscela & rigidius fit, & coloris pallidioris. Ut autem colliquatio hæc felicius fiat, *Tartari Vitrique* vulgaris tantum, quantum ad superficiem massæ contegendam requiritur, super injicere juvat.

De Auro & Argento.

§. 63. *Aurum* & *Argentum* se invicem solvunt: præterea ferro sese optime misceri patiuntur. De cæteris vide præcedentia.

De Ferro.

§. 64. Videantur antecedentia. Notandum modo, quod *Ferrum* purius esse debeat, in ejusmodi commixtionibus: si enim multo scatet sulphure, confusio minus bene procedit; sed *Ferrum* in separatum a reliquis Metallis regulum colligitur.

De Mercurio.

§. 65. *Mercurius* solvit *Aurum*, *Argentum*, *Plumbum*, *Stannum*, *Zincum* & *Bismuthum*; *Cuprum* vero paulo difficilius: vocatur hæc solutio, *Amalgamatio*. Omnia autem isthæc *Amalgamata* fiunt alba, & si multum metalli in *Mercurio* solutum fuerit, pastæ instar spissescunt. Ut vero hæ solutiones feliciter promteque procedant, requiritur

1^{mo}. Ut comminuatur metallum: id, quod omni modo facere licet, modo non accedat alcali: hoc enim *Mercurii* actionem vel retardat, vel prorsus impedit.

2^{do}. Ut mixtio accedat mechanica terendo.

3^{io}. Calor, quantum *Mercurius* ferre potest, quin dissipetur.

4^{to}. Ut

4to. Ut metallum nitidæ sit superficiei; à pinguedine inprimis liberæ.

§. 66. Solvitur vero metallorum dictorum plus vel minus; prout conditiones jam dictæ adfunt, puritasque Mercurii major vel minor est.

§. 67. Notandum vero, quod pars metalli soluti tam perfecte attenuetur à *Mercurio*; ut salis instar in aqua soluti sese per poros filtri subducatur. Attamen perexigua tantum quantitas sic solvitur; certa non determinari potest universaliter, utpote in specialissimis experimentis per leniorem destillationem saltem detegenda. Alia pars Metalli soluti currit quidem cum *Mercurio* libero: si vero per alutam premitur *Amalgama*, retinetur imperfecte solutum metallum, una cum adhærente æquali circiter *Mercurii* copia.

§. 68. Ferrum & regulum *Antimonii* vel plane non attingit, vel arcanis modo usque dum artificiis eo disponendus est *Mercurius*.

I I.

D E S E M I M E T A L L I S , U T M E N S T R U I S .

De Arsenico.

§. 69. *Arsenicum*, cujus descriptio (§ 17.) data,

data, si cum variis Terris, præsertim calcariis & apyris, trititando bene miscetur; igni dein expositum longe fixius deprehenditur, ac per se est.

§. 70. Si mixtura (§. 69.) pauxillo Tartari commiscetur, aqua dein levissimè humectatur, interpositisque ubique lamellis ferreis in vase summum ignem sustinente comprimitur, ac tandem vas, manente parvo foraminulo aperto, bene clausum p. 6. vel 8. horas exponitur mediocri primum Igni, denique in summum aucto, ut massa intus contenta fundatur; deprehenditur regulus Ferri dealbatus, fragilis, non, nisi igne aperto, diu continuando, in pristinum statum reducendus.

§. 71. Si eodem modo Cuprum cum *Arsenico* tractatur; dealbatur itidem, retinetque insignem malleabilitatem: præprimis, si una vel altera vice cum Tartaro & Borace funditur; ut superfluum adhærens Arsenicum dissipetur.

§. 72. Stannum & *Arsenicum* ad ignem mixta cito dilabuntur in cineres, Arsenici parte sat pertinaciter Stanno adhærente.

§. 73. Plumbum cum *Arsenico* mixtum densissimi fumi specie cito ex parte abripitur, residuo manente subtili vitro coloris crocei.

§. 74. Argentum ab *Arsenico*, similiter (§. 70.) applicato, penetratur, ac maleabilitatem amittit; igne vero majore abripitur fumi specie.

§. 75. Aurum, ab *Arsenico* penetratum, fit quam fragilissimum, color ejus deturpatur, magnum in Ignem subito tunc immissum pro parte sublimatur.

Scholion. Ob hanc *Arsenici* proprietatem vocatur id Sulphur rapax; siquidem ejus actione, per ignem & Aërem suscitata, plus metallorum, sub specie florum ac sublimati, in caminos sæpe elevatur, quam in ipsis furnorum catillis colligitur. Materies autem solida sic sublimata vocatur *Cadmia* fornacum.

§. 76. *Arsenicum* porro varia vi a diversis Metallis trahitur, hæcque vicissim trahit. Inter omnia quidem metalla Ferrum absorbet avidissime; dein Cuprum, Stannum, Plumbum, denique Argentum. Hinc omnia metalla per Ferrum à labe *Arsenicali* liberari possunt: non vero æque per scorias Ferri; nisi fusio fiat in igne aperto: tunc enim scorix adhiberi utiliter possunt; quia, licet ipsæ per se *Arsenicum* non absorbeant, reductæ tamen in Ferrum hujus instar quoque agunt. Atqui reduci eas sub memorata conditione, paulo post monstrabitur.

De Antimonio.

§. 77. *Antimonii* (§. 16.) *regulus*, magno igne fusus, totus deprehenditur volatilis; ad ignem instar Plumbi fere ebullit, inque vitrum non fixissimum resolvitur; dum interim reliqua parte fumi specie avolat.

§. 78. Is ipse omnia corpora, hactenus cognita, reddit volatilia, Auro certis modo conditionibus excepto.

§. 79. Ruditer pulverisatus mediocri igne fusorio dilabitur in calcem, quæ magno igne fusa, tota, convertitur in vitrum, intense rubicundum, semi-diaphanum, durum satis. Hoc *Vitrum* fortiolem in corpora effectum edit, quam ipsum Lithargyrium (§. 46. ad 52.): Lapidem enim omnis generis attenuat, dissolvit, atque igne aperto validissimo in auras secum rapit.

§. 80. Quin *Vitrum* hoc metalla omnia æque immutat, in scoriam convertit, volatilia reddit, solo Auro excepto; utpote quod ab omnibus heterogeneis per illud liberatur, præterquam ab Argento & Stanno: horum enim difficilior obtinetur hac via separatio. Hinc lupum & devoratore non modo metallorum, sed corporum fere omnium, id merito vocaveris.

§. 81. Actio tamen isthæc (§. 80.) regulinæ *Antimonii* partis admodum augetur; si ignis validus vasis clausis prius adhibeatur, vel pingue qualecunque super injiciatur: per hæc enim remedia impeditur, quo minus *Antimonii* regulus cito avolet: actio ejus hinc diutius in corpora destruenda durat; ut denique igne aperto validissimo omnia dissipari possint.

§. 82. Cæterum ratione unionis variæ cum diversis Metallis idem valet de *Antimonii* regulo, quod de *Arsenico* (§. 76.) dictum est: cum Ferro enim avidissimè sese unit, proximè cum Cupro, &c.

Coroll. Patet hinc convenientia *Reguli Antimonii* cum *Arsenico*: videtur enim totum in eo consistere discrimen, quod *Arsenicum* in *Antimonio* per vitrescentem terram sit fixatum. Unde fit, quod, si metallis est admixtum *Antimonium*, sola ustulatione vix inde dissipari queat; imo vero liberiori igni cum iis expositum, dum avolat, ipsas metallicas partes simul destruat atque volatiles reddat.

De Bismutho.

§. 83. *Bismuthum* (§. 15.) metalla difficiliora fluentia longe minore ignis gradu facit liquefcere, quam si sola sunt liquefacienda; com-

commiscet sese facilè cum omnibus, & pro ratione quantitatis additæ plus minus ea dealbat, fragilia reddit, formamque iis semimetallicam conciliat.

§. 84. Cum autem *Bismuthum* adeo fit destructile; convenit, ut ejus commixtio cum metallis difficulter fluentibus fiat in vasis clausis, igne ocyssime aucto, nec non super additis (§. 59.)

§. 85. Perquam notatu dignum est, quod *Bismuthum* cum Plumbo, Stanno, vel Argento, fusum, hæc ita disponat; ut dein cum Mercurio amalgamata, longe magis attenuentur, ac pro longe majore parte per alutam una cum Mercurio transeant, quam si *Bismuthum* abfuisset. (§. 67.)

De Zinco.

§. 86. *Zincum* (§. 14.) cum Plumbo & Stanno facile sese miscet, redditque ea, pro additi quantitate, minus malleabilia.

§. 87. Qui *zincum* cum metallis difficulter fluentibus colliquare cupit, dicta (§. 59.) artificia adhibeat oportet.

§. 88. Si id cum cupri quadruplo miscetur, per fusionem; fit metallum fragile, coloris pulcherrimè aurei, dictum *Metalium principis Ruperti flavum*.

§. 89. Cæteroquin notandum, quod *Zincum* sit valde rapax: quæ quidem ejus indoles per *Ferrum* additum non tam facile, sicuti in prioribus, corrigitur. Sublimat enim omnia admixta metalla validiore ignis & aëris actione accedente: ut dissipata furnis aut caminis adhærescant vel in forma florum, qui tum *Nihil album* vel *griseum*, (*pompholyx*) dicuntur; vel coëant in formam sublimati, cui nomen est *Cadmie fornacum*, germanice (*Offenbruch*) coloris, ponderis, consistentiæ, figuræ, diversissimorum.

Scholion. *Ejusmodi autem Flores & Sublimata quoque oriuntur ab antecedentibus Semi-metal-
lis; quanquam non adsit Zincum: unde diversæ quidem indolis sunt; at semper tamen, ubi producuntur, aliquid arsenicalis, vel semimetallici, subesse indicant. Fixitate hinc etiam valde differunt: quædam enim eorum in ipsis furnorum parietibus persistunt, magnum ignem sustinentia; alia in altissimis caminis deprehenduntur, minorem ignis gradum ferentia.*

DE SULPHUREIS PURIS, SEU O- LEOSIS, UT MENSTRUIS.

§. 90. Metalla imperfecta, *Ferrum*, *Cuprum*, *Plumbum* & *Stannum*, calcinatione diuturna & valida, formam suam immu-

mutant, malleabilitatem in totum, fluxilitatemque pro parte, hinc indolem metallicam (§. 5.) perdunt. Semimetalla, excepto Arsenico, simili calcinatione, in calces dehiscunt, quæ summo igne in scoriam (§. 8. *Schol.*) abeunt, vel volatiles fiunt.

§. 91. Hisce calcibus, (§. 90.) si superadditur sulphureum (§. 24.), acido chalcanti (§. 22.) carens, corpus tam fixum, ut magno tantum igne dissipari queat; fit mutatio scorix fragilis, vel calcis, in statum priorem vel Metallicum, (§. 5.) vel Semimetallicum, (§. 13.) diciturque talis operatio *Reductio*.

§. 92. Hoc Metallum vel Semimetal-
lum, reductum, calcinatione repetita iterum in talem scoriam, vel calcem, destrui, (§. 90.) & simili (§. 91.) modo reduci potest.

§. 93. Patet hinc *Oleum purum principium* ad compositionem Metallorum & Semimetallo-
rum ingredi: id quod vel magis etiam confirmatur per Nitrum additum. Quodsi enim Nitrum, cum omni sulphureo detonans, candescentibus ad ignem metallis superingeritur; hæc, manifestissima sub detonatione, quam citissime in calces scoriasque immutantur; cum abs-

que Nitro, eodem ignis gradu, ac tempore, nunquam adeo subitam mutationem experiantur.

§. 94. Docet autem Chemica Analyfis, in omni Vegetabilium ac Animalium parte *Sulphureum* seu *Oleosum* ejusmodi *principium* (§. 24.) contineri; quum valida id destillatione copiosum prolici inde possit.

§. 95. Notandum tamen, quod calces & scorix (§. 90. 91. 92. 93.) nunquam eousque per *Sulphurea*, vel *Oleosa*, reduci queant (§. 91.); ut pristinam quantitatem reddant: quin semper aliquid perit: quod quidem dispendium varium est pro diversitate Metallum vel Semimetallum adhibiti, pro diuturnitate & violentia ignis, quo facta est Calcinatio, pro citatiore vel lentiore Calcium Reductione, & pro ipsius Oleosi, quo cum Reductio instituitur, majore vel minore puritate ac fixitate.

Coroll. I^{um}. Ex hisce Metallorum Ferri, Cupri &c. ex lapidibus suis excoquendorum ratio patet: si enim cum carbonibus stratificantur, & igne dein validissimo, per folles excitato, torquentur; liquefscens eorum scoria, inter prunas decurrens, per ignem attenuatissima, imprægnatur exhalationibus prunarum oleosis, & sic reducit in formam metallicam.

Coroll.

Coroll. 2^{dum}. Cum calces Metallorum longè difficilior ad ignem fluant, quam ipsa metalla, ex quibus destructis fuere natæ; patet, cur longe majore igne opus sit ad Metallum vel Semimetallum e calce sua reducendum, quam ad idem reductum liquefaciendum.

Coroll. 3^{rium}. Hinc & Oleosa, addita Metallis colliquandis, hæc citius ad fluorem deducunt, quam quidem fieri potuisset eodem ignis gradu, sine immediato Oleosorum contactu.

Coroll. 4^{tum}. Quin constat etiam, cur Metalla vel Semimetalla, per nudum ignem destructibilia, longe minus destruantur, si sub pulvere Carbonum, aliove corpore Phlogistico addito, liquecant, quam si sola ac nuda vim ignis patiantur.

DE SALIBUS UT MENSTRUIS.

De Alkali fixo ut Menstruo.

§. 96. Notas characteristicas hujus salis vid. Boerh. Elem. Chem. T. I. p. 764.

§. 97. *Sal Alkali* omnis generis Terras Lapidisque, inprimis vitrescentes, in igne magno solvit: quod eo citius procedit, quo exactior antea mistio facta est. Fit tunc vitrum pro salis lapidumque diversi-

tate, pelluciditate, duritie, gravitate, colore, ad ignem fluxilitate, diversissimum.

§. 98. Aurum & Argentum ope hujus *Salis* facilius liqueſcunt, & nihil eis detrahitur, ſi *Sal* tantummodo ſuper ingeritur; modo Metalla, & *Sal* pura fuerint. Si vero horum Metallorum calx, limatura &c. mixtæ cum majori *Salis* Alcalini copia ad ignem liqueſcunt; non omne metallum fundum petit, ſed quædam ejus portio in *Sale* ſupernatante detinetur: ſi autem terreſtria & lapides ſimul adſunt, lentor *Sali* per hæc inductus, nullo igne perfectè attenuandus, facit, ut quantitas metalli, quod in iis remanet, ſit inſignis.

§. 99. Ferrum, Cuprum, Stannum, & Semimetalla, cum hoc *Sale* olei experte, acerrimoque reddito, fuſa lentius conſumuntur. Præterea *Alcali* Ferri, Cupri, & Reguli Antimonii liquefactionem ad ignem admodum adjuvat: non vero Stanni, Plumbi, Biſmuthi, & Zinci; quippe, quæ ipſo *Sale* facilius fluunt.

§. 100. Mercurius *Alcali* prorsus reſpuit, nullaque methodo cognita cum eo combinari poteſt. Hinc id in præparatione Metallorum ad amalgamationem prorsus fugiendum (§. 65.)

§. 101.

§. 101. Quidnam *Alkali fixum* cum oleoso puro, aut sulphure minerali, combinatum præstet, postmodum, ubi de compositis Menstruis, Fluxibus, Cæmentis, &c. agemus, indicabitur: hætenus enim simpliciora saltem exhibemus.

§. 102. Præcipue autem *Alkali fixum*, tanquam menstruum ficcum, inservit ad calces metallorum, per acida factas, reducendas. Acida enim, metallis adhærentia, per ignem nimis intensum impetuose propulsa, insignem horum copiam secum abripiunt: at si per super additum *Alkali fixum* transire prius coguntur, quidquid Metallici secum ferunt, absorbetur atque figitur. Ut hinc hac via calces metallorum, per Acida, præsertim salis marini, totæ volatiles redditæ, sine jactura reduci possint: quod haud commodè per alia menstrua addita efficere licet.

§. 103. *Alkali volatilis* heic mentionem facere vix opus est; quia rarissimus, si ullus, in Docimasiis ejus usus occurrit.

De Acidis ut Menstruis.

§. 104. *Acida* vel via humida, vel via sicca, trahuntur in usus Docimasticos, diversaque diversis viis præstant effecta. Occurrunt inter hæc *Acida* 1^{mo}. *Vegetabilia*, ex qui-

ex quibus solummodo Acetum Vini adhibetur. 2^{do}. *Fossilia*, inter quæ nativum Calcanthi vel Vitrioli (§. 22.) primum locum tenet; dein arte chemica producti spiritus Nitri & Salis Marini.

De Aceto vini.

§ 105. *Acetum vini* affusum omnis generis Terris & Lapidibus Calcareis, crudis, vel exustis, eos cum magna effervescencia in liquidum ad aspectum homogeneum dissolvit. Apyros, cretaceos, prorsus itidem consumit. Inter Lapides autem Vitrescentes ii, qui Silices vocantur, reliquique ad hanc speciem pertinentes, Sabulum &c. *Aceto Vini* prorsus resistunt: cæteri vero saltem quoad partes suas vitrescentes huic Acido non obediunt.

§. 106. Inter Metalla, & Semimetalla, Cuprum, Plumbum, Zincum, promptissime cum *Aceto* liquefcunt. Ferrum ab eo corroditur. In Argentum, Aurum & Mercurium *Aceto* nulla vis est. Cætera potius lentissimè per Acetum extrahi, quam dissolvi dixeris.

§. 107. Solutiones autem istæ (§. 105. 106.) in calore promptius, quam in frigore procedunt: id quod de reliquis omnibus, quæ sequuntur, Menstruis Acidis itidem dictum est.

De Acido Vitrioli.

§. 108. *Acidum Vitrioli* (§. 22.) quoad Lapides, Terrasque idem præstat, quod Acetum Vini (§. 105.)

§. 109. Inter Metalla & Semimetalla Zincum, Ferrum & Cuprum promptissimè dissolvit; & quidem Ferrum cum exhalatione foetidissimi vaporis, à quo ignis arcendus, si solutio fit in vase angusti colli: accenditur enim, & violentissime disjicit vasa.

§. 110. Argentum, Mercurius, Plumbum, & Stannum ab *Acido hoc* concentratissimo, in ebullitionis calore, potius saltem corroduntur, quam solvuntur: quamvis tamen aliquid horumce metallorum simul ita solvatur; ut transeat per filtrum, & aqua dilui se patiatur.

§. 111. Aurum ab *Acidi* hujus actione penitus immune est.

De Aqua Forti.

§. 112. *Aqua Fortis* & *Spiritus Nitri* idem sunt, nec nisi ratione conficiendi differunt: Illa enim cum Vitriolo & Colcothare, hic cum Argilla, Bolo, Oleo Vitrioli, farina Laterum &c. destillatur.

46. D O C I M A S I Æ, P. I.

latur. Utuntur autem Docimaestæ ut plurimum Aqua Forti, utpote facilius comparanda; cum longe minor Vitrioli copia, minore etiam igne, expellat spiritum ex eadem Nitri quantitate, quam modo memorata Terrea ista additamenta. Sequenti modo sese habet isthæc Aquæ Fortis Destillatio.

§. 113. Vitriolum immittitur in ollam figulinam, vel ferream; cui si substruitur ignis, incipit Vitriolum liquefcere, fumare; aucto sensim igne cinereum induens colorem spissescit: tunc statim, antequam solidum fiat, spatula lignea moveatur, donec perfecte siccum sit; quin fervidum adhuc ex olla auferatur: si enim in olla frigescat, adeo huic adhæret, ut vix inde eximi queat. Calcinati hujus Vitrioli libras tres tere in pollinem subtilissimum, & misce exacte cum Nitri bene siccati, in pollinem quam subtilissimum triti, libris quatuor; mixta immitte in cucurbitam, retortam, vel ollam ferream, hancque dein repone in Athanorem sub instrumentis describendum; ubi & reliquus, huc perti-
nens, apparatus exponetur.

Ignis tum administretur, in initio non multo major, quam quo opus est, ut aqua ebulliat: incipiet excipulum calefcere: continua hunc ignis gradum tam diu, donec

nec omne Phlegma sit expulsum: id quod remittens excipuli calor indicat: augetur tunc ignis sensim, donec fumi tenuiores, flavi, exsurgant; sustentetur talis per unam alteramve horam; denique tantus applicetur, ut vasa mediocriter caudescant; quo per aliquot horas continuato frigescent vasa, effundatur de excipulo liquor, fumos rubellos fundens, in vas vitreum, vitreo epistomio munitum. Sic paratam habes *Aquam Fortem*.

Scholion. I. Circa hanc operationem semper ratio est habenda quantitatis materiae destillandae in determinanda graduum ignis duratione.

Scholion. II. Nota porro quod, securitatis gratia, in excipuli & vasis materiem destillandam continentis commissura, foramen sit relinquendum, quod stylo ligneo claudi & aperiri queat: si enim ignis gradum justum forte transcendere; praesertim, quando sub initium spiritus primi, tenuiores, maxime elastici, prodeunt; aperiendo hoc foramen exitus ipsis concedi potest; ne, cum summo discrimine, vasa displodant.

§. 114. Nitrum in hac Operatione requiritur perfectè purum, ut *Aqua Fortis* sincera obtineatur. Cavendum præprimis a labe salis marini ob rationem infra, ubi de *Aqua Regia* agimus, dicendam. Interim, quia summa isthæc Nitri depuratio admodum laboriosa est, multumque temporis abripit; ideo postea modum trademus,

mus, quo Aqua Fortis, ex Nitro etiam haud purissimo destillata, ad requisitam puritatem deduci queat.

§. 115. Dantur adhuc alia plurima additamenta, quæ in destillanda *Aqua Forti* vulgo adhibentur; uti sunt Alumenustum, Sabulum & similia: quæ quidem eo fine adduntur, ut impedian, ne species forte non satis calcinatae spumescant, & vas impetuosè frangant. At vero si hæc satis sunt calcinatae, exsiccataeque; inutilia prorsus sunt ista additamenta, & præter necessitatem, molem destillandorum augendo faciunt, ut majora longe vasa requirantur.

§. 116. Quin alia insuper ab Aquæ Fortis Destillatoribus huc solent adhiberi partim inutilia, partim & noxia: cujusmodi sunt Lap. Hæmatites, Calx viva, Alumen plumosum &c. A quibus tamen omnibus abstinuisse consultius est: quandoquidem tantum abest, ut boni quidpiam conferant; ut potius *Aquam Fortem* tantummodo & deteriorem & pretiosiore exhibeant: quare tunc nunquam, nisi prius bene explorata, ad usus Docimasticos adhiberi potest. Sanè enim heterogeneis ejusmodi Aqua Fortis sæpius inquinatur, pro maxima parte consumitur, & figitur sæpe eousque; ut summo igne vix quid-

quidpiam extorqueri queat. Solum igitur vitriolum calcinatum, vel hujus caput mortuum, Nitro intime mistum, huc fumere consuluerim; dum nullo alio opus est.

§. 117. Bolus tamen, Argilla, farina laterum, æque expellunt e Nitro Aquam Fortem, qui tum dicitur *Spiritus Nitri*. Sed quadruplo plus horum, respectu Nitri, est addendum: hinc, dum longe majora vasa huc requiruntur, non tam proficua est hæcce methodus, quam prior. (§. 113.)

§. 118. Cum Spiritus Nitri expulsi, in primis tempore æstivo calido, valde difficulter in guttas condensentur; haud malè una quarta pars, respectu ingredientium calcinatorum, aquæ purissimæ, vel quod melius, phlegmatis abstracti ex Aqua Forti, in vas recipiens infunditur: quo artificio longe commodius Spiritus recipiuntur.

§. 119. *Aqua Fortis* Lapides Calcareos omnes, variosque Apyros, & Vitrescentes, solvit atque corrodit; Silicosos autem non attingit; hinc nec Sabulum, utpote ex talibus lapillis constans.

§. 120. Solvit præterea Ferrum, Cuprum, Plumbum, Argentum, Mercurium, regulum Antimonii, Bismuthum & Zincum; Stannum imperfecte; Aurum plane non.

§. 121. *Aqua Fortis* vulgaris, quando affunditur Argento, initio solutionis plerumque turbatur, fitque, paulo post peractam solutionem, præcipitatio pulveris albicantis. Si Pulvis hic, seorsim captus, cum cineribus clavellatis ad ignem liquescit; reperitur regulus Argenteus in fundo vasis collectus: interdum difficilimè is fluit ad ignem, habetque omnes dotes calcis Argenti ex *Aqua Forti* præcipitatae per *Oleum Vitrioli*. Scilicet hoc inde oritur, quod vel nimis magno ac diuturno igne extorta fuerit *Aqua Fortis*, vel nimia *Vitrioli* calcinati copia adhibita, vel denique permixtio *Vitrioli* & *Nitri* mutua haud probe peracta: in hisce casibus enim circa finem destillationis videntur fumi opaci, lactescentes, vitriolici, in recipiente: quod quidem phænomenon causam memoratae præcipitationis satis manifestè prodit. Rarius calx ante dicta facillimè ad ignem fluens reperitur, quæ postea in Lunam Corneam abit, & Salem marinum, impuro Nitro, venali, ad destillationem *Aquæ Fortis* adhibito, intermixtum fuisse testatur.

§. 122. Cum vero per ejusmodi præcipitationem (§. 121.) solutio Argenti, præprimis ista, qua Aurum ab Argento per *Aquam Fortem* separatur, admodum tur-

betur

betur & fallax reddatur; opus est, ut Olei Vitrioli, vel Spiritus Salis labes inquinans Aquam Fortem separaretur: quod sequenti modo fit. Infundunt trigesimam vel quadregesimam Aquæ Fortis depurandæ partem in cucurbitulam, & calore mediocri solvunt in ea tantum Argenti purissimi, ut saturatissima sit Aqua Fortis: si initio solutionis turbatio lactea fit, Aqua Fortis censetur repurganda: calidam tunc solutionem, per filtrum trajectam, pellucidam, instillant guttatim in reliquam Aquam Fortem depurandam: fiet similis turbatio, ac prius: pergunt instillare tamdiu, donec ad illapsum guttulæ non amplius turbetur: reponunt tunc per aliquod horas in quiete, ut subsideat præcipitata calx; quo facto iterum instillant guttulam; idque tam diu repetunt, donec non amplius nubecula lactea illapsu guttulæ producat: decantant tandem Aquam Fortem puram, limpidam, a calce per subsidentiam in fundo collecta; aut & transcolant per filtrum quadruplex, chartaceum, quod parvum esse debet; ne nimia Aquæ Fortis copia oneratum rumpatur. Calx residua est talis, qualis (§. 121.) exposita fuit: *Aqua Fortis* autem plenè depurata.

Scholion. Solent quidam Argentum vulgare, Cupro mixtum, imo ipsum Cuprum adhibere ad præ-

precipitationem spiritus Salis Marini, vel Vitriolici, ex Aqua Forti : hoc autem plane non procedit, si spiritus Salis Marini est præcipitandus ; quia hic mixtus cum Aqua Forti optimè solvit Cuprum. Oleum vitrioli quidem ex Aqua Forti per Cuprum excutitur sub forma pulveris albi ; sed non tam perfecte, sicuti per Argentum. Cæteroquin apparet in hac operatione, quod corpori præcipitando ipsam adhæreat præcipitans, & cum eo fundum petat.

§. 123. Sæpe Aqua Fortis optima viriditate tincta est : quod accidit, si Aquæ Forti, expositæ per aliquot dies aëri libero, & spiritu suo fumante rubro sic privatæ, recens generosa Aqua Fortis, fumos adhuc eructans, affunditur ; vel si recens Aqua Fortis per aquam diluitur. Ut autem certus sis, hunc colorem non pendere à Cupro ; effunde pauxillum in cucurbitulam, & adde solutionis vel spiritus alkalini tantum, quantum sufficit ad Acidificationem : fiet tunc, si Cupri minimum inest, profundissimus color cyaneus, cum flocculenta præcipitatione ; quia Nitrum regeneratum inde factum est, quod tantum Cupri non solvit, quantum Aqua Fortis : si vero non ; color evanescit prorsus.

§. 124. Aqua fortis sic parata (§. 113. & 117) atque correctæ, (§. 122.) certo gradu debet esse concentrata : si enim nimis debilis est, solutionem vel retardat, vel sæpe Argentum nequidem attingit : si contra ni-

miss

mis fortis est, per fumos vi erumpentes
 ex vasis, tametsi satis altis, Argenti quid-
 piam simul surripitur; Auri vero si quid
 in Argento extiterit, id in pulverem corro-
 ditur, cujus dein penitissima collectio satis
 est difficilis. Primum vitium corrigitur,
 si Aqua Fortis in altioremm immittitur cu-
 curbitam, & leni igne tantum phlegmatis
 inde abstrahitur, donec fumi appareant fla-
 vescentes. An vero nimis fortis sit, hoc mo-
 do exploratur: confunde Auri partem u-
 nam, Argenti partes quatuor; fac inde la-
 minam, quam in tres vel plures partes dis-
 cinde; quamlibet partem convolve, ut eo
 commodius in cucurbitulam possit immit-
 ti: convolutæ huic lamellæ, ad ignem prius
 leviter candefactæ, in cucurbitulam immis-
 sæ, super affunde Aquæ Fortis triplum cir-
 citer respectu ponderis metalli; pone in
 modico calore: si tum Argentum eroditur
 ex Auro, ut Aurum residuum perfectam
 convolutæ laminæ figuram retineat, ne-
 que rubellus pulvis in vasis fundo appa-
 reat; justè temperata est Aqua Fortis: si ve-
 ro tanta cum violentia peracta fuerit solu-
 tio, ut pulvis Auri abrasus sit, vel lamina
 penitus disrupta; nimis fortis est: quapro-
 pter addere tunc juvat aquæ puræ, vel po-
 tius, si præsto est Aquæ Fortis debilio-
 ris, vel ejus phlegmatis abstracti, unam

D 3 deci-

decimam vel octavam ad Aquam Fortem temperandam : quo facto similis lamellæ solutio exploratoria iterum ac toties repeti debet ; donec Argentum solvatur integerrimo manente Auro residuo, adeoque bonam Aquæ Fortis temperaturam esse constet.

§. 125. *Aqua Fortis* optima est, quæ à metallo soluto per ignem iterum expulsa rediit ; quia tota fere destillando inde revocari potest. Quem in finem immittitur talis solutionis libra una, vel dimidia, in mediocrem cucurbitam, vitream, alembico perforato instructam, & destillatur apparatu, inferius sub instrumentis describendo, in recipiens amplum ; ut guttæ sese ad intervallum aliquot minutorum secundorum excipiant : postquam ad aliquot uncias residui abstractum fuerit phlegma ; immitatur tantundem solutionis recentis, mediocriter calefactæ ; iterum abstrahatur ; similique modo affusio recentis solutionis repetatur, donec omnis inspissata sit. Debet hoc fieri in cucurbita parva, repetitis vicibus ; ne vas magnum, facilius fissuras contrahens, simul & semel majore solutionis copia oneratum crepet, & Aqua Fortis una cum metallo perdatur. Cum dein, phlegmate omni abstracto, auctiore paulum igne incipiunt fumi flavesc-

vescentes apparere, una vel dimidia drachma sebi addatur; ne metallum residuum, exsiccatum, tam fortiter adhæreat parietibus vasis, quin possit auferri: tandem ubi sicca evaserit massa, urgeatur ad levem usque candescentiam. Calx metalli, in fundo cucurbitæ restans, colligenda, cumque cineribus clavellatis confundenda.

De Spiritu Salis Communis.

§. 126. Ex *Sale communi*. (§. 20.) eadem methodo (§. 113. & 117.), qua ex Nitro, propellitur Spiritus; qui tamen longe vehementiorem, & diutius continuatum, requirit ignem ad sui destillationem, quam Spiritus Nitri. Prodit is specie albarum, tenuiorum, nubecularum, quæ in flavo-viride coagulantur liquidum. Longè interim faciliore methodo is ipse Spiritus per Oleum Vitrioli potest produci; si hujus circiter pars una, æquali quantitate aquæ diluta, ad Salis communis partes duas affunditur, & ex vasis dein vitreis in balneo arenæ destillatio perficitur. Spiritus sic prodiens, dilutior, dein ex cucurbita, super aliqua quantitate Salis marini, purissimi, quo adhærens forte Olei Vitrioli portio absorbeatur, leni igne destil-

latus, dephlegmatus, rectificatus, pro optimo *Spiritu Salis* est habendus.

§. 127. *Spiritus Salis* Ferrum dissolvit in flavo-viridem, Cuprum in intense luteum liquorem: Stannum violenter, cum valida crepitatione, in hoc Spiritu liquefcit magna copia, fitque spiffum, pellucidum, liquidum. Plumbum eo quidem solvitur; fed postquam aliquamdiu quievit, femper aliquid pulveris albi rursus excutitur in fundum. Argentum, modo fit puriffimum, non dissolvitur in Spiritu Salis; si vero Argento vel minimum Cupri inest, à quo id raro prorsus liberum deprehenditur, superficies ejus ab Acido Salis velut arroditur, colorque deturpatur. Aurum a Spiritu Salis optimo, per Oleum Vitrioli parato, rectificato, (§. 126.) super adfuso, prorsus intactum persistit. Mercurius ab hoc Spiritu dissolvitur in limpidum liquorem. Regulus Antimonii ab eodem dilutiore non solvitur; in concentratissimo autem solutus, accedente aqua, vel humido tantummodo aëre, in albi pulveris forma iterum excutitur. Zincum prompte solvitur.

De Aqua Regis.

§. 128. Quando Spiritus Nitri (§. 113.)
&

& Salis (§. 126.) mixti sunt, Mixtura vocatur *Aqua Regis*. Optima hæc paratur, si Aquæ Forti optimæ, bene exploratæ, temperatæ (§. 122. 124.) dimidia pars Salis Communis, ficcissimi, in pulverem triti, in retorta vitrea super affunditur, & primo lentiore, denique validissima, destillatione in balneo arenæ propeliuntur Spiritus. Vel si quarta pars Salis Ammoniaci, vel Spiritus Salis, (§. 126.) in Aquam Fortem immittitur; hæc illico colorem flavum acquirit, vaporesque simul albos Spirituum Salis copiose eructans, veram cito exhibet Aquam Regiam. Cavendum tamen circa modum posteriorem, ne vas misturam continens statim firmiter obturatur: dissiliret enim. Quin & commixtio isthæc sub camino instituenda est; ne suffocantes spiritus totam officinam repleant.

§. 129. *Aqua Regis* solvit Ferrum, Cuprum, Stannum, Aurum, Mercurium, Regulum Antimonii, Bismuthum, Zincum perfecte: Plumbum vero perfectius quidem, quam Spiritus Salis; at cum quadam tamen turbatione: Argentum non solvit, si rite est temperata: si autem iusto minor copia Salis Ammoniaci, vel salis marini, aut hujusce spiritus, miscelam ingressa est, tunc Argentum ab ea corro-

D 5 ditur,

58 D O C I M A S I Æ, P. I.

ditur, imo pro parte solvitur; quia talis Aqua Regia imperfecta est.

Coroll. Patet ergo, cur in separatione Argenti & Auri per Aquam Regiam satius sit justo majorem, quam nimis parcam, Spiritus Salis, vel Salis marini, aut Ammoniaci quantitatem adhibere. Quin constat etiam hinc, quod & cur separatio exacta Argenti & Auri melius per Aquam Fortem succedat, quam per Aquam Regiam; quoniam illa nunquam Aurum, hæc sæpe Argentum rodit.

De Salibus Neutris, ut Menstruis.

§. 130. *Salia Neutra*, quæ præcipue heic usurpantur, sunt Borax, Fel vitri, Nitrum, Sal commune, Sal Ammoniacus.

De Borace.

§. 131. *Borax*, seu *Chrysocola*, est sal difficillime in aqua solubile, album, semipellucidum, crySTALLIS octoëdris, saporis subdulcis in initio, in fine vero urinosi alkalini. Igni expositus Borax cum sibilo in spumam attollitur, denique candente vase fluit tenuiter, tumque frigefactus exhibet speciem subtilissimi vitri, in aqua
tamen

tamen utcunque , sed difficillime , solubilis.

Scholion. *Cum adeo ad ignem spumescat ac intumescat Borax , conducit , antequam is adhibeatur , ut liquecat prius ; ne vasa transcendat.*

§. 132. Omnes Terræ , Lapidisque , tritura bene commixti cum *Borace* , in vitrum variæ speciei dissolvuntur.

§. 133. Metallorum difficilium fluitum , uti est Aurum , Argentum , Cuprum , Ferrum , Regulus Antimonii , liquefactionem optimè promovet *Borax* , vix iis aliquid detrahens. Quando igitur metalla disgregata , seu in minutas valde partes divisa sunt , salva tamen adhuc eorum forma metallica , tumque iterum ope ignis in unam massulam sunt redigenda , Boracis insignissimus est usus. Scilicet Auri & Argenti particulæ ab interspersis sordibus , vel cineribus , quanquam paucissimis , impediuntur , ne in unam massam coalescere facile possint : si vero validissimo igne eo disponuntur , ut in regulum fluant ; rejectis sordibus levioribus semper metalli magna portio adhæret. Metalla autem ignobiliora non solummodo dicta longe magis patiuntur ; sed & , auctis eousque superficiebus , Cuprum & Ferrum tota , Stannum vero & Plumbum pro magna parte , in scorias abeunt & destruuntur.

tur. Quin pessimum ideo est, si hæc, viliora nempe Metalla, exigua saltem proportionē Auro & Argento mixta sunt: nascuntur enim sub colliquatione in superficiebus scoriolæ, in quibus, tanquam in spongiis, Aurum & Argentum hæret, & impeditur, quo minus liquefactum cum regulo confluere possit. Ut incommoda isthæc amoveantur, additur Borax: utpote qui metallorum, omniumque corporum, liquefactionem ad ignem adjuvans, totam massam prompte ad fluorem deducendo efficit, ut metalla fundum petant absque jactura, sordesque leviores vitrefacit, ac in superficiem ejicit: id quod de Metallis nobilioribus, æque ac de ignobilioribus, inprimis tamen de Cupro & Ferro, verum est. Præterea & Borax, vitri tenuissimi specie superficiem metalli igne torti obducendo, hanc sic contra ignis & aëris conjunctam actionem, imperfectiora præcipue metalla maxime destruentem, defendit; præterquam quod & longe minore igne Metalla fundi faciat.

§. 134. Convenit quoque semper, ut crucibula, in quibus cariora metalla fundi debent, antequam immittantur in ignem, *Borace* intus perfricentur; tota enim sic tenui crusta vitrea sub fusione obducuntur; foveolæ, quibus optimorum quoque cru-

crucibulorum interna superficies semper inæqualis est, implentur: unde metallum tunc nitidissime totum effundi potest. Præprimis ideo nunquam negligenda est hæc encheiresis, si quando eadem massula Auri vel Argenti iterato est fundenda.

§. 135. Nota tamen, quod, si Aurum fundas cum *Borace*, aliquid insuper Nitri vel Salis Ammoniaci (non vero ambo simul: fieret enim detonatio) addendum sit: à solo enim Borace Aurum pallescit; at ope Nitri vel Salis Ammoniaci iterum recuperat colorem.

§. 136. Ob ante memoratam (§. 133.) *Boracis* virtutem adnumeratur is, quamquam improprie, Reducentibus, hoc est iis, quæ Metallis, quocunque modo destructis, formam suam metallicam iterum conciliant: reducit enim disgregata modo, non vero destructa, in unum aggregatum regulum.

§. 137. Adhibentur & alia *Salia Neutra* ad fluxum Metallorum promovendum; raro tamen sola, sed fere semper tantummodo cum ejusmodi mixta, quæ vere reducant, de quibus paulo post. Sola enim Metallis ignobilioribus in igne fere semper aliquid detrahunt, vel & hæc prorsus immutant: cuiusmodi sunt *Sal commune*, *Fel Vitri*, *Nitrum*. Inter hæc tamen Nitrum omnium maxime

cyl

evitandum: quia hoc Auri & Argenti liquefactionem egregie quidem promovet; sed e contra, detonans cum parte sulphurea, non adeo arcte mixta, Metallorum ignobiliorum, hæc in calces, ut plurimum difficillime liquefaciendas, convertit: id quod in Cupro, Ferro, Plumbo, Stanno, cum æquali copia Nitri mixtis, in candens crucibulum injectis, experiri facile est. *Sal Ammoniacus* itidem Docimastæ quandoque inservit: quamvis tamen ejus defectum facile suppleat Sal communis alias, alias Nitrum. Vix enim adhibetur, nisi in duobus casibus, ante (§. 128. & 135.) indicatis, vel ad Aquam Regiam conficiendam, vel ad colorandum Aurum. Atqui prius Sale communi, posterius Nitro obtineri pulchrè potest. Unde & Ammoniacy Salis mentionem in capite 1. facere omisimus.

DE SULPHURE, UT MENSTRUO.

§. 138. Hic non intelligitur sub nomine *Sulphuris* qualiscunque materia inflammabilis (§. 24.); sed ista tantummodo, quæ acidum Chalcanthi sibi admixtum habet: cujusmodi est Sulphur vulgare, fossile, quod, ratione admixti acidi, vires longe alias exerit, quam sincerum principium Oleosum.

§. 139. Aurum purissimum, si funditur cum *Sulphure*, manet perfectè idem, ac ante fuit, & patitur sulphur liberrimè comburi, ipsum interim perstans illibatum; modo fuerit defæcatissimum.

§. 140. Argentum, in crucibulo rubescens, à superaddito *sulphure* mox liquefit, hinc citius fluxile redditur. Effusum dein massam exhibet sciissilem, vere malleabilem, coloris & consistentiæ Plumbi; quæ tamen si summo & diuturno igni rursus exponitur, sulphure iterum, quippe dissipato, liberatur; fitque tum, sicubi ignis gradus circa finem mitior adhibetur, germinatio quædam lanuginosa.

§. 141. Stannum granulatum, cum *sulphuris* æquali vel dupla copia stratificatum, ad ignem deflagrat, ac si Nitrum additum esset, relinquitque massam fluidam, quæ dum adhuc ab igne rubescit, jam solidè consistit: unde patet, Stanni fluxum à Sulphure retardari. Regulus residuus, malleo percussus, est fragilissimus, Semimetallo similis, plumbei coloris. Pars vero Stanni, sic in scorias mutata, superius cinerea, pulverulenta, interius atra, nitidior, apparet; cujusmodi in scorias totum Stannum abit, si ejus cum novo Sulphure addito deflagratio jugiter continuatur.

§. 142. Plumbum cum *Sulphure* fufum poft deflagrationem in maſſam coit, magno igne vix fundendam, friabilem, nitidiſſimis particulis ſplendentem, qua & totum crucibulum incruſtatum cernitur.

§. 143. Cuprum, ſtratificatum cum æquali copia *ſulphuris*, ſtatim ad ignem liqueſcit, & abit in nigram fragilem maſſam: quod ipſum etiam contingit, ſi Cupro luculenter candenti Sulphur ſuper injicitur.

§. 144. Idem quoque accidit Ferro, quod, ſi candescens ex igne educitur, & *Sulphure* confricatur, deſluit mox in ſpongioſam ſcoriam. Difficillime autem Ferrum Sulphur rurfus dimittit; ſed commodiſſimè cum eo liqueſcit: ut ideo inter omnia metalla & ſemimetalla amiciffimum fit Sulphuri.

§. 145. Regulus Antimonii, non niſi bene pulveriſatus, cum *ſulphure* mixtus, fuſus, cum unco agitatus, abit in Antimonium crudum, cujus fluxus ſimiliter per Sulphur facilitatur. Prioribus tamen omnibus difficilior cum Sulphure coit.

§. 146. Biſmuthum eodem modo, ac Regulus Antimonii (§. 145.) ſeſe habet, ubi cum *Sulphure* ad ignem colliqueſcit: quod tamen paulo tardius fit. Naſcitur autem tunc inde maſſa Antimonio ſimilis,
colo-

colore dilute gryseo, minimis spiculis, nitidissimis, sese decussantibus, constans, admodum fragilis.

§. 147. Zincum, cum *sulphure* fusum, difficile cum hoc sese miscet; si vero diutius in igne mediocri remanens, *Sulphure* repetitis vicibus super adfuso obruitur, accedente jugi cum rutabulo agitatione, nascitur tandem substantia fragilissima, fusca, splendens.

Coroll. 1^{mum}. Per Ferrum ergo, utpote *Sulphuris* rapacissimum, omnia cætera metalla, & semimetalla, à *Sulphure* liberari possunt.

Coroll. 2^{dum}. Ferri minima, Cupri major, Plumbi & Stanni maxima copia requiritur ad absorbendam eandem *Sulphuris* copiam.

Coroll. 3^{tium}. Cum Ferro, Cupro, Plumbo, Stanno, Argento, regulina Antimonii pars ex *Sulphure* præcipitatur.

Coroll. 4^{tum}. Scoriæ supernatantes Regulis Antimonii, per quinque metalla factæ (*Coroll. 3.*), commodius vel difficilius fusiles sunt; prout metalla dicta difficilius vel tardius cum *Sulphure* ad ignem fluunt: sunt enim scoriæ reguli Antimonii nihil aliud, quam Antimonii *Sulphur* mixtum cum metallis præcipitantibus: hinc Argenti scoria facillimè, difficilius

E Stan-

Stanni, Cupri, Ferri, difficillime tandem Plumbi, est fusilis.

§. 148. Arsenicum album, factitium, si cum *Sulphuris* decima parte mixtum, in crucibulum ad ignem rubescens injicitur, statim tigillo clauditur, & postquam per unum vel alterum minutum fluxerit, effunditur, exhibet solidum, fragile, citrinum corpus; si vero cum una quinta parte *Sulphuris* eodem modo liquefcit, frigefacta massa rubrum induit colorem; si tandem Arsenicum & *Sulphur* æquali copia colliquantur, vel sublimantur; nascitur elegans rubra, pellucida massa, quæ dicitur *Rubinus Arsenicalis*, *Sulphur Auratum*.

§. 149. *Sulphur*, cum subduplo Alkali fixi (§. 96.) fufum, abit in *Hepar Sulphuris*; quod respectu salis alcalini, quem continet, omnes Terras Lapidesque cito ad ignem diffuere facit; cum quibuscunque metallis fufum hæc reddit cito fluentia, fragilia, nec metallo, nec semimetallo amplius similia, solubilia in aqua: id, quod tam generaliter obtinet, ut ne quidem Aurum vel Argentum excipiat. Hinc igitur multæ cautelæ in mineris per varios fluxus excoquendis peti possunt.

§. 150. Simile *Hepar* (§. 149.) nascitur ex Tartaro vitriolato, Felle vitri, aliisque

que salibus neutris fixis, Acidum Vitrioli continentibus, si his ad ignem caudescentibus, vel fluentibus, pulvis carbonum, vel quaecunque phlogiston fixius superadditur.

§. 151. Cum Nitro tamen fixo, per carbones facto, vel cum Alkali ex Tartaro & Nitro conflato, *Hepar sulphuris* (a) tam potens non nascitur, neque cum salibus neutris addito Sulphure acidum Vitrioli jam jam in se recondente.

D E C Æ M E N T I S.

§. 152. Quid *Menstrua Acida*, in formam fluidam condensata, calore haud majore, quam quo ebulliunt, in Metalla & Semi-metalli agant, enarratum (§. 104. ad 129.) Restat nunc, ut, quid ea ipsa, tanto ignis gradu, quo candescunt, excitata, in modo dicta corpora efficiant, exploremus.

§. 153. Cum vero Sales Acidi, condensati in liquores (§. 105. 108. 113. 126. 128.) non ferant candefactionem, sed longe minore igne resolvantur in vapores non coercibiles; hinc alia ad hoc obtinendum encheiresi opus est: Acidum enim Aceti ut ex crystallis Aeruginis expellatur; Spiritus Nitri & Salis ut per terrestria additamenta, vel vitriolum, e sali-

(a) Frid. Hoffmanni, *Observ. Physico-Chemi.*

e salibus suis excutiantur (§. 113. 126.); Vitrioli tandem acidum ut per se de matrice sua metallica vel terrestri ejiciatur; ingenti singula egent ignis actione. Propterea ita procedendum est, ut corpora, per hos acidos Spiritus mutanda, in eodem, quo illi producuntur, vase locentur, ibique candelacta vaporibus istorum spirituum igne agitatibus undique ambiantur: id, quod optime efficitur, si ea inter ipsam materiem spiritus acidus excussuram, leviter maledactam, atque compressam, collocantur, unaque dein igni exponuntur. Quæ quidem operatio tunc vocatur *Cæmentatio*; dum species siccæ, Menstrua Acidæ fundentes, ad hanc operationem adhiberi solitæ, vocantur *Cementa*.

§. 154. Ratio additamentorum in faciendis *Cementis* eadem est, ac in destillandis Spiritibus Acidis (§. 113. & 126.) Cum autem Sal commune & Nitrum sint menstrua fusoria metallorum (§. 137.); Vitriolum vero eo igne, quem in Cæmentationibus adhibere decet, scil. neutiquam intensissimo, valdè indurescat; hinc, ut caveatur, ne, igne paulo fortiore adhibito, liquescentes sales metalla simul, Aurum præprimis & Argentum, in fluxum deducant, triplo vel quadruplo major quantitas farinæ laterum, colcotharis &c. adhi-

adhibetur: sic enim salia a liquatione impediuntur; vel saltem, etsi liquecant, prohibentur, ne confluere possint atque eousque indurescere, ut massa dein divelli, ac Metallum interpositum separari, difficulter queat. Eandem quoque ob rationem solo heic Bolo, loco additamenti, uti non convenit; quoniam is, rubescens ad ignem, lapidis instar, indurescit.

§. 155. Ut autem spiritus, e materie *Cæmenti* (§. 153. 154.) expulsi, eo validius & diutius agant, vasa, in quibus Cæmentatio instituitur, sunt claudenda, & commissuræ luto, haud tamen prorsus imperspirabili, obturandæ: sic spiritus reperiuntur quidem, nec interim prorsus adeo coercentur, quin auctiore igne per vasorum commissuras tandem penetrare possint: quod nisi iis concedatur, vasa certo diffringuntur.

§. 156. Inter metalla Cuprum, Ferrum, Plumbum, Stannum, & Semimetalla omnia, cuicunque *Cæmento* ex ante dictis (§. 153. 154.) commissa, intra aliquot horas prorsus corroduntur: quod eo citius fit, si laminarum vel granulorum forma cæmento interponuntur.

§. 157. Argentum sic à Spiritus Nitri speciebus promptissime consumitur, Quin & Spiritus Salis, qui alias forma fluida

Argentum non arrodit, hac tamen via id consumit. Vaporibus etiam Vitrioli haud resistit Argentum sub Cæmentatione. Ipsum Acetum vegetabile, in crySTALLIS Viridis æris concentratum, terrestribus mixtum, sub *Cæmenti* specie Argento aliquid detrahit. Aurum tamen in omnibus antedictis Cementis intactum relinquitur; cætera Metalla, & Semimetalla omnia, si quæ Auro intermixta sunt, ex eo, in laminas vel granula redacta, Cæmentatione eroduntur; Argentum quidem paulo difficilius; Cuprum verò, si majore quantitate Auro est permixtum, satis promte consumitur; sed parva saltem ejus copia, in Auro superstes, ab hoc ita defenditur, ut non facile prorsus per Cementum separari possit.

§. 158. Variæ *Cementorum* compositiones, eorumque effectus, describentur in Parte sequenti, sub operationibus cum Auro instituendis.

DE FLUXIBUS SIMPLICIORIBUS ET REDUCENTIBUS.

§. 159. Omne, quod corpus difficulter, vel plane non ad ignem fusile, facit liquefcere, vocatur *Fluxus*.

§. 160. Quænam autem Corporum species

cies istam (§. 159.) habeant facultatem, vi cujus *Fluxus* nominantur, vide (§. 46. & seq. 97. &c. 130. &c.) ubi de Vitro Saturni, Salibus Alcalinis fixis & Neutris egi. Utuntur autem hisce Docimaestæ, cum Mineralia minima quantitate explorare cupiunt: unde & vocantur *Sales Fusorii*. At ubi insignior mineralium copia simul tractanda est; ejusmodi Fluxibus raro cum fructu uti licet ob sumptuum magnitudinem. Inserviunt tunc, loco antedictorum salium, Lapides in igne leviores vitrescentes, vel, quæ his etiam aptior est ad hoc opus, Scoria ex iisdem jam semel fusis facta: quo sæpius enim hi Lapides jam passi fuere ignem; eo magis ad fluxionem dispositi sunt: cujus ratio esse videtur Sal Alkali, ex pabulo ignis natum, scoriis istis adcretum (§. 97.) Talia igitur, in opere majore, sat copiose mineris addita, faciunt, ut hæ, ob Calcarios Apyrosque admistos Lapides & Terras refractariæ redditæ, fusiles fiant: quod tamen longe minus commode per modo dictas Scorias obtinetur, quam per Vitrum saturni & ante memoratos Sales. At pretium horum majus frequentiore vetat usum.

§. 161. Ad Aurum & Argentum, horumque calces, commodius liquefacienda

Sales istos (§. 159. 160.) inservire, jam ante (§. 51. 98. 133. & 137.) expositum est. Quando autem Aurum & Argentum, sub ipsa fusione, ab aliis Metallis & Semimetallis repurganda sunt; conducit vel solo Nitro, vel eo saltem simul cum aliis salibus permixto, uti. Per Nitrum enim Semimetalla, & quatuor Metalla imperfectiora, destruuntur (§. 137.); Nitrum tunc pro parte, per detonationem cum eorum sulphure factam, alcalescit, & convertit calces inde natas, igne modico accedente, in scoriam vitream tenuissimam.

Coroll. Hinc ratio patet, cur Aurum & Argentum, fragilia facta, optime per Nitrum reddantur malleabilia. A Semimetallis enim, & inter Metalla a Plumbo & Stanno maxime, tale vitium Auro & Argento adfricatur: illa autem per Nitrum dicto modo (§. 161.) immutata, simplici fusione dein ab Auro & Argento respuuntur; ut se his iterum immiscere amplius haud possint, nisi reductio quædam fiat. Cæteroque vero nullum aliud corpus cum Auro & Argento in igne sese miscere potest, quod fragilitatem iis conciliet; nisi forte a carbonibus suffocatis, crudis, in vas, quo Aurum & Argentum liquescunt, illapsis, Arsenicalis quædam labes eo inferatur; quum Stahlio & Hoffmanno monstran-

strantibus Arsenicale quidpiam carbonibus talibus contineri videatur.

§. 162. Metalla imperfectiora, & Semi-metalla, salibus (§. 159. 160.) additis, facilius quidem, quam per se, liquefcunt; attamen semper multum sic deperdunt: id quod imprimis circa Cuprum & Ferrum obtinet. Ut hoc emendetur, requiritur additamentum oleosi cujusdam corporis, destructionem impediens, & jam destructa reducentis: quo quidem vel tanto etiam magis opus est, si calces, ustulatione, vel detonatione cum Nitro paratæ, sunt reducendæ. *Fluxus* huic operi aptus optime sic paratur. Nitri vulgaris partem unam, Tartari crudi partes duas vel tres, exsiccatas, terunt seorsim in tenuem pulverem, dein miscent ambo terendo, & in ollam figulinam angustioris orificii, intus vitrea crusta non obductam, triplo capaciore, quam pulvis requirit, immissa superponunt medicori igni: statim ac massa cum strepitu incipit inflammari, orificium clauditur tigillo. Erit inde post detonationem natus Sal niger, oleosus, alcalinus, sat facile ad ignem liquefcens, qui dicitur *Fusus niger*, reponendus olla bene clausa in locum siccum & calidum, ne deliquescat.

Coroll. Tartarus solus in vasis clausis u-

stulatus, vel cum Nitro detonans, alcalescit quam citissime, retinetque sic simul insignem olei sui, quo scatet, satis fixi, quantitatem, commodissime hinc in Fluxum abiens Reducentem. Hic *Fluxus* ergo respectu salis alcalini Terras & Lapides solvit, ac mediocri igne fusorio in vitrum imperfectum convertit (§. 97.) Oleum vero fixius, in eodem simul latens, est id, quod ad metalla a destructione defendenda & ad destructa reducenda requiritur. (§. 91.)

Scholion. I. Si olla vitro est obducta, aliquid huius abrasum, *Fluxui admixtum*, fusum, reducitur in Plumbum, ut ita falli possit artifex: Lithargyrio enim vel Plumbo crusta illa vitrea ollis obducitur.

Scholion. II. Omnes *Fluxus* quam siccissimi servari & adhiberi debent: humidi enim sales admodum spumescunt, & cum in vasis clausis fiunt operationes, igne cito aucto, ab humiditate exhalare non potente, finduntur vasa.

§. 163. Si eorundem ingredientium (§. 162.) partes æquales eodem modo detonant, oleum a Nitri copia fere totum consumitur, & residuus sal cinereo vel albo colore apparet, magis alcalinus & acris, quam prior; hinc vocatur *Fluxus albus*.

§. 64. *Fluxus albus* (§. 163.) potentius Lapides Terrasque solvit; sed minus est reducens, & igne paulo diutius, ac decet, continuato destruit Metallum.

§. 165.

§. 165. Hi *Fluxus* (§. 162. 163.) commodissime quidem inserviunt ad Metalla & Semimetalla e calcibus suis reducenda, & a Lapidibus, in quibus hærent, liberanda: sed quando Ferri calx refractaria summo & satis diuturno igne debet reduci, Fluxus isti attenuatissimi 1^mo dimittunt, quamquam vasis clausis coërceantur, principium suum oleosum, 2^{do} superstitite dein sale suo Alcalino incipiunt consumere vasa, ex quacunque demum materie sint confecta (§. 97.), eaque penetrando sese subducunt. Ut primus defectus corrigatur, addunt pulverem carbonum: hic enim non, nisi aëre libero accedente, fixum suum oleum dimittit. Secundo vitio medemur vitro vulgari ex silicibus & alcali fixo certa proportionem facto: hoc enim fusile satis, cum Fluxibus additis colliquescens, suo lentore quodammodo salem figit & saturat, hincque impedit, quo minus is facile arrodat vasa.

§. 166. Ex ante memoratis Salibus (§. 97. 130.) & Reducentibus (§. 91.) quam plurimi *Fluxus* ab Artificibus componuntur; imo quidam ad singulas mineras & metalla alio atque alio utuntur Fluxu; quos vero omnes describere utique superfluum esse censemus. Satius est, paucos simpliciores, pro omnibus inservientes, comparandos facillime, exposuisse, quam
The-

Theriacalibus compositionibus molestum esse: præcipue quoniam, quod uno eodemque potuisset facile effici, aliquando pluribus ejusdem naturæ ingredientibus, præter rationem congestis, operose, nec tamen magis apte aut secure, obtinere conantur Artifices imperitiores, numerum sic, vim vero neutiquam, augentes. Qui autem variatione delectatur, secundum rationes atque cautelas superius datas pro lubitu ex simplicibus eligere accommodata, variosque Fluxus inde componere potest.

C A P U T I I I.

D E S U P E L L E C T I L E
D O C I M A S T I C A.

§. 167 Sub hoc titulo intelligi velim *Vasa, Furnos, cæteraque Instrumenta passiva*, quibus opus est, ad Operationes Docimasticas commode & accurate perficiendas.

I.

D E V A S I S.

§. 168. Inter *Vasa Docimastica* primum locum obtinet *Cupella* seu *Cineritium minus*,
quod

quod est vas ex tali materie confectum, quæ Metalla fusa, quousque in statu vero metallico sunt, quidem continet, sed hæc ipsa, quin & alia omnia corpora, vitrefacta, absorbet.

§. 169. Eligenda ergo est ad *Cupellas* (§. 168.) materia igni violentissimo resistens, nec facile cum corporibus vitrescentibus, e. g. Vitro Saturni, in vitrum colliquescens, in massam bene coherentem, porosam tamen, redigi potens. Optima, huic scopo inserviens, inventa est Terra ex calcinatis ossibus animalium omnium, paucissimis, præsertim suillis, exceptis: ex suillis enim parata, dum absorbet vitrum, simul metalli quid in se recipit. Optima vero sunt ossa vitulorum, boum, vervecum, equorum, præprimis tenuiora; quæ quidem eo facilius calcinantur, quo diutius injuriis cœli exposita fuere.

§. 170. Calcinatio horum ossium (§. 169.) fieri debet igne summo, aperto, per aliquot horas, aut ultra: prout nempe diversa est eorum crassities: hinc eligenda, quæ minus sunt crassa, nec multa infarcta pinguedine. Signum peractæ calcinationis est, si nulla macula nigra nec exterius, nec, si frangantur, interius, appareat.

§. 171. Albissima hæcce ossa (§. 170) contunde in mortario, trajice per cribrum,

brum, cujus foraminula sint angustissima; vel nisi tale præsto sit, rudiorum pulverem, per cribrum trajectum, tere super lapide durissimo in pollinem, huncque dein Aqua dulci, calida, ablue: sub calcinatione enim ossa fere semper cineribus falsis pabuli ignis inquinantur. Erit tunc Terra optima pro conficiendis Cupellis.

§. 172. Ossa piscium, cum valde sint tenuia, facilius, quam cæterorum animalium ossa, calcinantur: id, quod in magno vase figulino, aperto, facile perficitur. Hæc dein comminuta prioribus (§. 171.) vel meliora etiam sunt.

§. 173. Gypsum ex quibusdam *Spati* speciebus, ante dictis, (§. 171. 172.) fere præferendum est; sed non omne *Spathum* huic scopo inservit. Hinc antequam copia hujus Gypsi præparetur, experimentum prius faciendum est, an succedat, vel non. Calcinatio talis *Spati* fit in vase figulino, tigillo occluso, igne mediocri: sic oritur levis crepitatio, qua desinente calcinatio peracta est.

§. 174. Verum, cum Cinerum ossium præparatio satis sit laboriosa (§. 171. 172.); *Spathi* vero dictæ species (§. 173.) non ubique præsto habeantur; hinc cineres *Vegetabilium* possunt addi, ubi magna
Cupel-

Cupellarum copia opus est. Ne autem ob sal Alkali, istis cineribus adhærens, vitrificentur Cupellæ, sequens antecedere debet præparatio. Favilla de ligno molli, alba, levissima, trajiciatur per cribrum ope aquæ puræ, super affusæ; ut omnes carbones forte inhærentes separentur, nec optimus subtilior cinis avolet: trajecto pulveri super affunde aquam puram, fervidam; move baculo ligneo; dein quiete subsidat cinis, & supernatans aqua, quæ prima vice semper manet opaca, decantetur: affunde residuo cineri novam aquam, &, postquam iterum subsederit, decanta: hoc toties repete, donec aqua supernatans prorsus insipida deprehendatur; tum aquam recens adfusam move baculo ligneo, & post octo vel duodecim minuta secunda effunde turbidam adhuc in vas purum: remanebit aliquid cinerum in vase priore, in quo edulcoratio facta fuit; residuum isthoc aquam affundendo, movendo, similiter ablue, ac dein post brevem quietem transfunde; idque eadem lege repete, donec in fundo primi vasis nil nisi sabulum, aliaque corpuscula crassiora, relinquantur. Ablutus cinis quiete subsideat, tumque aqua supernatans modeste decanetur. Sic habetur Terra bona, a sale & oleo redundante liberata, immutabilis in igne; quæ

quæ tamen si in globulos dein redigitur, & in furno figulino iterum ustulatur, iterumque abluitur, adhuc melior evadet.

§. 175. Tandem Cinerum ossium, vel spinarum piscium (§. 171. 172.) parcam copiam immitte in vas terreum purissimum, & validissimo igne altera vice per aliquot horas calcina, aqua dein abluere, tum terre super porphyrite in pollinem subtilissimum, seorsim servandum, usibus mox indicandis inservitutum. Vocatur *Clær* Germanicè.

§. 176. Cavitas *Cupellarum*, metallum recipiens ac continens, debet esse segmentum sphæricum paulo obtusius; ut (1) superficies massæ fusæ, quantumvis hæc minuatur, sat pateat oculis artificis; (2) ut metallum in hoc cavo relictum confluat in unum globulum. Exterior autem *Cupellarum* superficies paululum modo versus basin convergat, cono similis truncato; ut basi suæ firmiter insistat.

§. 177. Ut autem hæc figura (§. 176.) *Cupellis* commode concilietur; requiruntur Moduli ex Cupro vel Aurichalco, quorum figura (Tab. I. Fig. 1. & 2.) depicta est: ubi & explicationem accuratam adjunximus. Quin & varia eorundem magnitudo pro metalli in *Cupellis* tractandi quantitate ibidem reperitur determinata.

§. 178. Hisce omnibus paratis (§. 168. ad 177.) *Cupellæ decimasticæ* sic conficiuntur: (1), Cineres ossium, aut spinarum piscium, solos, vel partes duas Cinerum Lignorum (174.), & partem unam Cinerum ossium, siccorum, (§. 171.) misce exactè in mortario, vel super porphyrite; dein adde guttatim tantum aquæ, vel albuminis ovorum aqua diluti, ut materia modo intra digitos fortiter compressa cohæreat, non plus, nec minus; vel si Spatho (§. 173.) uteris, irroretur simili lege solutione Vitrioli. Hujus pulveris madefacti largam quantitatem immitte in Mortariolum (Tab. I. Fig. 2.) firmo & puro ful-Tab. I. cimento sustentatum; comprime digitis Fig. II, massam laxè immixtam, ut mortarioli cavum prorsus sit impletum; superfluum remove. (2) Pistillum (Tab. I. Fig. 1.) Tab. I. impone mortariolo perpendiculariter, & Fig. I, dein cum malleo ligneo tribus, vel quatuor, ictibus, pro diversa vasis conficiendi diametro, adige, ac compinge massam sat fortiter, cavendo, ne Pistillum ad latera Mortarioli allidat. (3) Remoto dein Pistillo consperge superficiem vasculi cavam, superiorem, ossium cineribus quam subtilissime contritis ficcis (§. 175.): quod sit ope cribri (Tab. I. fig. 4.): impone Tab. I. denuo Pistillum, linteolo puro prius ab- Fig. IV, ster-

sterfum, & uno vel altero ictu sat fortiter comprime. (4) Tunc præsto fit asserculus ligneus, cineribus ficcis, ad altitudinem quartæ partis pollicis conspersus; huic super impone Mortariolum, Cupellam jam paratam continens, sic, ut basis minor sit infra; preme illud contra asserculum: tum facile relinquit Cupella suum modulum: inæqualitates hinc inde, ad marginem superiorem & fundum Cupellæ super eminentes, acuto cultro abscindantur: Cupella tandem inverso situ reponatur in locum siccum.

§. 179. Cineres ficci, *Cler* dicti, ideo superficiei internæ Cupellæ adprimantur necesse est; ut minimas inæqualitates, semper fere ibi remanentes, impleant, & ut subtilissimum quasi cribrum formet, transmittens corpora vitrefacta, eoërcens Aurum & Argentum: hinc his cineribus ubi dextrè obducta est Cupellæ cavitas, parum nocet, si sabulo, aliove facilius vitrescente pulvere, massa (§. 178.) Cupellis parandis adhibita, leviter sit inquinata. Et sanè prorsus omnem evitare inquinationem vix licet: præsertim si cineribus Lignorum uteris. Patet inde, cum tanta cum cura ille pulvis (§. 175.) debeat præparari. Quin & ideo maxime cavendum, ne pulveris hujus lævigatio fiat
super

super lapide molliore; utpote cujus abra-
sæ particulæ pulverem inquinare pos-
sent.

§. 180. Convenit, ut Cupellæ paulo
plus potius, quam minus, compactæ sint:
hoc enim semper nocet; illud, lentius ab-
sorbendo vitrum, tantummodo operatio-
nem paululum retardat.

§. 181. Cupellæ è cineribus ossium, spi-
narum piscium, Spatho, ideo etiam sunt
optimæ; quia nec opus est, ut valide
prius ustulentur, nec tam exactam regimi-
nis ignis observationem postulant. Si ve-
ro Cineres lignorum simul additi fuere,
necessum est, ut per dimidiam vel inte-
gram horam, antequam imponatur metal-
lum, Cupellæ prius ustulentur: quod nisi
fiat, a prorumpentibus vaporibus aquosis
guttatim ejicitur metallum: nunquam e-
nim benè aëre solo exsiccari possunt ejus-
modi Cupellæ; cum semper aliquid salis
alkalini lignorum cineribus adhæreat, a-
quam ex aëre attrahens: prout horum ci-
nerum color fuscus, & ipsis affusa solutio
salis ammoniaci clare docet. Hinc etiam
cineres isti magis proni sunt in vitre-
factionem, quam cineres ossium: hi e-
nim magis cum Apyrorum natura con-
veniunt.

Coroll. Hinc quoque ratio patet, cur
F 2 pul-

pulvis ficcus, (§. 175.) quo cavum Cupellæ obductum est, sub Cupellatione facilius secedat, si cineres lignorum ad materiam Cupellarum admisti fuere: id quod valde noxium est; quoniam adhærentibus istis aut pondus fallax accrescit, aut, emundando granulum Metallicum, de hoc aliquid perditur.

§. 182. Circa madefactionem materiæ (§. 178.) Cupellarum observa: (1) ne nimis mucilaginosum, pingue, fluidum adhibeas: Cupellæ enim inde fiunt tam compactæ, ut non modo vitrificata respuant, hisque lentissimè transitum concedant, sed & valide ustulatæ, dissipato prius oleoso, findantur. (2) Ne tale mucilaginosum adhibeatur, ex quo per ustulationem producatum multum salis Alkalini fixi; uti ex Tartareis fermentatitiorum fæcibus. (3) Ne nimium humectentur Cineres: nunquam enim tunc superficiem nitidam nanciscuntur Cupellæ. (4) Admiscent quidam unam decimam circiter argillæ elutriatæ partem Cineribus ante (§. 178.) dictis: quod dum fit, aqua solummodo materies est madefacienda: ope argillæ enim satis cohærent Cineres. Cavendum tamen, ne nimium argillæ addatur; sed semper pinguitudinis diversæ hujus terræ ratio est habenda. (5) Nisi Cineres ossium nimis rudi-

diter-

diter sint triti, tunc aqua pura irrorati
 eousque cohærent, ut neque argilla, ne-
 que mucilago, cohæfionis ergo, sint adden-
 dæ: tales vero Cupellæ, sicuti & istæ, quæ
 fiunt ex Spatho, (§. 173.) vix ustulatio-
 ne egent, antequam iis imponatur metal-
 lum.

Coroll. Patet ergo, cur in Cupella ex ci-
 neribus ossium, spinarum piscium, aut
 gypso spathi, facta, paulo diutius duret
 Cupellatio, sed tutius perficiatur, quam
 si cineres vegetabilium admixti sint. Len-
 tius enim quidem vitrificatum metallum ob
 compactiorem substantiam recipit: sed eo
 etiam minus metuendum, ne aliquid ab-
 sorbeatur metalli perfecti; quanquam re-
 gimen ignis non tam exactè servetur.

§. 183. Cineritia hæc parva (§. 168.)
 pro operationibus Docimasticis, concin-
 nis, inserviunt; sed si major copia metalli
 tractanda est, utimur longè majoribus
Cineritiis, a dimidio ad sesqui pedem la-
 tis, quæ vulgo *Test* vocantur. Pro his au-
 tem conficiendis adhibentur cineres ligno-
 rum, tanta tamen cum cura, ac (§. 174.)
 non præparatis; quibus addunt aliquid
 farinæ laterum subtiliter tusorum. Pro
 modulis verò tunc inserviunt vel testa si-
 gulina, vel annulus ferreus (Fig. 8. & 11. *Fig.*
Tab. I. depicta. *Tab. I. depicta.* *Tab. I. depicta.*

§. 184. Confectio ipsa fit sequentem in modum. (1) Testa figulina, crusta vitrea carens, magnitudine & profunditate quantitati diversæ imponendi metalli respondens, aquâ intus bene irroretur; ut cineres immittendo melius adhæreant. (2) Cineres mox memoratos, eodem modo, ac de Cupellis dictum (§. 178.), humectatos, immitte in hanc testam; ut hæc ad dimidiam partem impleta sit: hos dein cineres cum Pistillo ligneo dentato, (Tab. I. Fig. 12.), vel, si parvum saltem paras Cineritium, simplici cylindro, ligneo, pollicaris crassitie, comprime; compressis super adde alios cineres similiter comprimendos; donec testa figulina penitus sit impleta: superfluum remove per regulam ferream. (3) Inæqualitates ad marginem superstites ope globi lignei circumvoluti lævigentur; quo facto exscinde cavitatem cum Ferro incurvato (Tab. I. Fig. 9.); ut fiat segmentum latum, non valde profundum, sphaericum. (4) Cavum hoc interventu cribri consperge cineribus siccis ossium animalium subtilissime tritis, (§. 175.), globi rotatione apprimendis: sic paratum erit *Cineritium*, quod una cum sua testa in locum calidum & siccum ponatur.

Tab. I.
Fig.
12.

Fig. ix.

Aliter.

§. 185. Annulus ferreus (Tab. I. Fig. 8.)^{Tab. I.} impleatur similibus cineribus, ac jam dictum^{Fig. VIII.} (§. 183.), ita, ut hi luxuriose emineant; tum firmiter eos comprime manibus, vel cum Pistillo dentato. (Tab. I. Fig. 12.)^{Fig. XII.} (2) Dein a peripheria versus centrum spirali ductu, mediocribus mallei ictibus, comprime cineres ea lege, ut satis compressi paululum supra annuli marginem emineant: vel si quid deficiat, priori materie excussâ, de novo largius imple annulum: si enim cinerum quid saltem superadditur, posteriores cum prioribus non ita cohærent, quin sub operatione secedant. (3) Hoc factô inverte annulum, & altero latere, cultri ope, cineres ad tertiam altitudinis annuli partem exime, vacuumque denuo cineribus iisdem sic juxta n. 1. & 2. hujus reple, ut nullum sensibile cavum maneat. (4) Denique exscinde cavum in superficie annuli latiore, eodem modo, ac (§. 184.) dictum.

§. 186. *Testæ*, Germ. *Treibscherben*, sunt vasa ignem validissimum ferentia, valde compacta; ut non modo metalla liquefacta, sed & ipsum Vitrum Saturni, aliquamdiu coërcere possint.

§. 187. Figura & magnitudo earum talis esse potest, qualis Cupellarum: quandoque tamen paulo fiunt ampliores. Iis formandis adhibetur modulus ligneus vel
 Tab. I. aurichalceus depictus (Tab. I. Fig. 5. & Fig. v. 6.) Neque datur differentia Cupellam inter & Testam, nisi quod materia hujus magis compacta & cohærens requiratur.

§. 188. Materia pro *Testis* conficiendis sic præparatur. (1) Argillam bonæ notæ, puriorem, redige in globulos, aëre vel igne exsiccandos; exsiccatos contunde in mortario; affunde aquam copiosam, calidam, ut Argilla penitus in hac diluatur; postquam mixtura aliquamdiu quieverit, & subsederit argilla, effunde aquam supernatantem: quæ elutriatio & altera vice institui potest; ut omnes glebulæ argillaceæ ab aqua bene penetrentur, & quicquid forté falsi in iis continetur, abluatur. (2) Adde tunc fabuli purissimi, pulveris silicium calcinatorum, contusorum, elutriatorum, crucibulorum Hassiacorum vitiosorum, purorum tamen, vel quorumcunque lapidum apyrorum, tenuiter communitorum, tantum, ut spissior pasta manibus subigentis vix adhæreat, & in lamellam redacta vix flexilis sit. Erit massa hæc apta, e qua fiant Testæ.

§. 189. Conducit vero, antequam magna Testarum copia ex hac materie (§. 188.) conficiatur, ut prius unicum de ea confectum vas Vitro saturni oneretur, & per horam, vel ultra, valido igni exponatur; quo certus sis, an sustineat ignem & Vitrum Saturni: exacta enim proportio ingredientium ob argillæ diversitates determinari non potest. Natura quandoque aliquibus in locis exhibet argillam sic temperatam; ut absque ulla præparatione, vel alterius materie admittione, aptissima sit conficiendis Testis: quandoque ablutione tantum eget: frequentius tamen modo supra dicto (§. 188.) prius accommodanda est.

§. 190. Si ergo massa explorata (§. 189.) abeat in vitrum; addendum aliquid de supra dictis lapidum, præsertim apyrorum, pulveribus. Caveas tamen, ne Cretæ pulverisatæ nimium addas: si enim cum hac sola sit temperata materies; igni quidem magis resistunt confectæ inde Testæ; at tamen nimis porosæ Lithargyrio transiunt concedunt: quo absorpto adeo mollescunt; ut vel spontè dilabantur, vel forcipe apprehensæ prorsus comprimantur.

§. 191. Formantur Testæ in modulis Tab. I.
 Tab. I. Fig. 5. & 6. sequente ratione: Fig. v.
F 5
Mor. & VI.

Mortariolum & Pistillum leviter inunge lardo vel oleo ; tum imple prius Argilla præparata (§. 188.) ad duas tertias circiter ; ac dein, ope pollicis, materiæ argillaceæ medio imprime foveolam ; super impone Pistillum, & mallei ictibus compinge materiem, quo fortius, eo melius ; tandem exime Testam simili, ut de Cupellis dictum (§. 178. n°. 4.) modo.

§. 192. Argillacea materies huc adhibenda tam rigida & sicca esse debet ; ut manibus flexa mox frangatur : si enim mollior sit, vix integras eximere Testas licet, aut saltem deformes fiunt. Nec tamen & nimia peccet siccitate : difficulter enim aliàs figuratur.

§. 193. *Testæ* sic confectæ (§. 191.), loco sicco, & mediocriter calido, per aliquot dies exsiccatae, statim tunc absque præcedenti ustulatione inservire possunt ; nisi salia in iis sint tractanda, vel & Lithargyrium : hæc enim in vasis liquefacta, ante non excoctis, cito per ea transudant.

§. 194. *Fornix docimasticus*, vel, ut alii vocant, *Tegula*, *Testudo*, Germ. *Muffel*, est receptaculum summo igni resistens, quod Cupellas & Testas (§. 178. 191.), sub operatione, contra illapsum cinerum & carbonum defendit, sic tamen simul figuratum, ut nec aëris nec ignis actio, neque & artificis ad-

spe,

spectus, in dicta Vasa ab eo præpediatur.

Coroll. Licet ergo varias *Tesludinum* figuras eligere; modo dicta (§. 194.) requisita habeant.

§. 195. Conficiuntur tamen ut plurimum illæ, quæ Cupellationi Docimasticæ inserviunt, semicylindricæ; pro Cineritio autem majori (§. 184. 185.) instar hemisphærii cavi.

§. 196. Foramina in *Fornice* sunt necessaria; ut (1) Artifex commode possit introspicere: quem in finem pars illius anterior prorsus aperta esse debet. (Tab. II. Tab. Fig. 1.) (2) Ut aër eò melius una cum Igne^{II.} agat, perpetuoque renovetur: absque hu-^{Fig. 1.} jus enim actione vix ulla exhalatio fieri potest; quæ tamen ad Saturni vitrificationem absolute requiritur: ubi namque aër certa vaporum copia semel repletus est, vix deinceps plures admittit: unde aëris perpetua renovatione opus est. (3) Inserviunt & hæc foramina pro ignis regimine: siquidem per apertum anterius foramen, magnum, aër irruens frigidus corpora Fornici supposita refrigerat; aut carbonibus impositis aperturam hanc pro parte obstruendo, vel & porta adducta prorsus claudendo, ignis in summum intenditur: id, quod per furni spiracula tam prompte vix procedit. (4) Ut vapores Plumbi,
Anti-

Antimonii, Arsenicales, per foramina ad basin Fornicis facta transeuntes, non noceant adstanti Artifici.

Coroll. In determinandis ergo altitudine, longitudine, & latitudine *Fornicum* considerandum, quot & quanta vasa simul sint immittenda, & quod totum interius vasorum, tam antica, quam postica in parte sitorum, cavum oculis Artificis commode patere debeat: cujus posterioris requisiti præprimis ratio habenda. Sufficit autem plerumque altitudo quatuor pollicum, longitudo sex vel octo, latitudo quatuor vel sex. Segmenta, ad basin pro foraminibus minoribus excissa, debent esse tam alta; ut modo vascula supposita non inquinari possint per illabentes carbones & cineres: illi enim vitrificationem plumbi, aliorumque metallorum, & semi metallorum destructionem, impediunt, jamque destructa reducunt in integrum; scorix autem per cineres inquinatæ lentescunt, & operationem retardant.

§. 197. Pro figurandis hisce *Fornicibus* Tab. I. opus est Modulis ligneis, (Tab. I. Fig. 13).

§. 198. Materia, ex qua conficiuntur, eadem est ac Testarum (§. 188.); modo paulum magis humectata & flexilior sit.

§. 199.

§. 199. Ut *Fornices* formentur, redige (1) materiæ argillaceæ præparatæ, (§. præc.) tantum madefactæ, ut flexilis ut cunque sit, quantitatem sufficientem in unam molem, manibus bene subigendam; hanc pone supra lapideum, vel aliud quodcunque, quod ab humiditate non valde mutatur, planum; extende massam æqualiter in placentam, cujus longitudo paulo major sit longitudine Fornicis conficiendi, latitudo vero limbum ejusdem, in lineam rectam redactum, aliquantulum superet, crassities, ut duæ vel plures lamellæ, duas circiter lineas geometricas crassæ, inde abscindi possint: id quod optime obtinetur circumvolutione Cylin-
dri lignei supra massam argillaceam, cineribus vel creta leviter prius conspersam.

(2) Ope fili tenuioris, aurichalcei, fortiter tensi, abscinde de placenta (No. 1.) lamellam æqualis crassitie, quam caute, ne findatur, aufer, & dorso convexo Moduli (Tab. 1. Fig. 13.) lardo vel oleo Tab I: prius obliniti, super applica. (3) Eodem Fig. modo dein latus ejusdem moduli posterioris^{XIII.} per lamellam similem, in semicirculum figuratam, claude: ita, ut hujusce limbus cum margine posteriore laminæ dorsalis (Nº. 2.) conglutinetur: id quod ope aquæ obtinetur: nisi enim hæc interponatur; poste-
rior

rrior lamella cum priore non cohæreret.
 (4) Eodem artificio (Num. 3.), si utile
 judicas, pavimentulum inferiori priorum
 binarum laminarum margini adnectere po-
 teris. Alias pavimentulum, ex lamella
 argillacea abscissa figuratum, mobile re-
 linqui potest: quod tamen tunc semipolli-
 cis latitudine ultra latera & planum poste-
 rius Fornicis (N. 2. & 3.) excurrere debet;
 ut Fornix ipsi, tanquam basi, eò securius
 insistere possit. (5) Stringe dein manu ma-
 defacta undique Fornicem jam figuratum;
 ut rimulæ hinc inde forte absconditæ
 claudantur, & argilla modulo bene appli-
 cetur. (6) Postquam per aliquot horas in
 aëre sicco stetit modulo applicatus For-
 nix, exscinde ex eo, jam rigido factò,
 segmentula quædam secundum legem ante
 dictam (§. 196. *Coroll.*) & (Fig. 1. & 2.
 Tab. II.): quo factò modulum cautè ex-
 trahe: si enim supra illum penitus exsic-
 caretur Fornix, certo rimas ageret. Post-
 quam dein per aliquot dies aëri expo-
 situs Fornix penitus exaruit, in furno
 tandem figuli, vel in ipso Furno Doci-
 mastico, inferius describendo, excoqui-
 tur; ita tamen, ut in posteriori casu car-
 bones supernè primum accensi lento gra-
 du versus inferiora ignem propagent: a-
 lias enim certissimè ob nimis subitam
 ignis;

Tab.
 II.
 Fig. 1.
 & 2.

ignis actionem in rimas dehiscit. Unde & securius est, priore modo in excoctione Fornicis procedere.

§. 200. Si Modulo convexo (Tab. I. Fig. Tab. I. 13.) alius Modulus concavus (Tab. I. Fig. Fig. 14.) ea ratione, uti in explicatione modo ^{XIII.} ^{XIV.} citatæ figuræ descriptum, adaptatur, ut valida pressione materies argillacea utrique interposita possit figurari; fiunt *Fornices* solidiores longe, minore labore, minus rimas trahentes, in igne magis constantes. Proceditur autem hunc in modum. Materia argillacea, priore paulo ficior, vel & improprie dicta Argilla Gallica, in cavum Modulum, lardo prius perfri-
catum, immittitur, atque manibus per cavum Moduli semicylindricum, & ad Afferem posterius applicatum (Tab. I. Fig. 14. l. Fig. m.) distribuitur: super imponitur tunc Ar- ^{XIV.} gillæ expansæ Modulus convexus, lardo ^{l. m.} lubricus redditus; ita, ut latera ejus à superiore Moduli cavi margine æqui distent: denique applicatur Affer superior (Tab. I. Fig. 14. n. o.) una cum Cochleis (g) huic ^{n. o. g.} respondentibus, constringiturque harum ope eousque, donec moduli cavi truncum superimpositus affer attingat: quo facto per Cochleas posteriores (Tab. I. Fig. 14. i. k.) apprime tandem Modulum conve- ^{i. k.} xum, quantum fieri potest; solve Coch-
leas,

leas, &, superiore ac posteriore affere ablatis, extrahe Modulum convexum: quod fit ope

Tab. I. cochleæ (Tab. I. fig. 14. p.) manubrii
Fig. loco inservientis. Fornix sic erit figura-
xiv tus, facile ex cavo cylindrico auferendus;
lit. p. e cujus dein basi segmenta statim possunt
excindi: exsicca denique & excoque, si-
cuti priores. (§. 199.)

§. 201. Ut majora Cineritia (§. 183.) ope-
riantur, inserviunt vel magni *Fornices* Sphæ-
Tab. roidei (Tab. II. Fig. 3.) ex ferro fuso conflati,
II. vel similes *Fornices* conficiuntur ex mate-
Fig. ria argillacea super modulis similis figuræ
III. (Tab. II. Fig. 4.). Massa tunc argillacea
Fig. IV. manibus saltem madefactis ex vertice mo-
duli sphæroidei versus ambitum extendi-
tur, sicque levi negotio Fornix confi-
citur.

§. 202. *Patinarum & Crucibulorum* fi-
Fig. v. gura patet ex (Tab. II. Fig. 5, 6.). Va-
& VI. ta hæc, si parva sunt, intruuntur basi
paulo latiore; tum ne carbonibus superim-
positis e fulcris suis dejiciantur; tum
ne ex igne exempta, si reponantur in pavi-
mentum non examussim horizontale pla-
num, cadant.

§. 203. Formantur hæc Vasa (§. 202.)
in Modulis ligneis, vel Aurichalceis, se-
cundum altitudinem bifidis; ut divelli,
iterumque committi possint. Hinc annu-
lusa

lus latus, ferreus, ita exteriori Moduli superficiei adaptatur; ut eo applicato compingi, ablato separari queant binæ Moduli partes: sicuti Tab. II. Fig. 7. & 9. Tab. II. melius, quam descriptio, docet. Hic ta-^{Fig. VII.}men Modulus cavus exteriorem saltem vasi^{& IX.} figuram conciliat; interiorem vero cavam Pistillo (Tab. II. Fig. 8.) effici-^{Fig.}mus. VII I.

§. 204. Materia, ex qua fiunt hæc Vasa (§. 202.) eadem esse potest, ac Testarum & Fornicum (§. 188. ad 190.). Notandum modo, quod conducat, vasis similibus, Ignem magnum jam passis, attamen mundis, in pulverem redactis, pro temperanda Argillæ pinguedine uti.

§. 205. Ut cum hoc Apparatu § 203.) formentur Vasa (§. 202.); committe Modulum cavum, per Annulum ferreum (Fig. 7. & 9.)^{Fig. VII.} & pone supra firmum fulcimentum: ca-^{& IX.}vum dein Moduli imple Materiæ (§. 204.) valdè rigidæ quantitate sufficiente; quæ vix, nisi per solam experientiam, determinari potest: hanc porro digitis, vel bacillo ligneo, comprime, cavumque ei imprime; ut Materia ultra latera Moduli cavi paululum assurgat: impone denique Pistillum, (Fig. 8.) lardo perfricatum, & fortissimis ali-^{Fig.}quot ictibus, ope Mallei lignei infligendis,^{VIII.} adige: aufer tandem caute Pistillum; & si

Materia fuit satis rigida, & Modulus cavus satis expolitus, laxato annulo, ex divulso cavo Modulo Vasa statim poterunt eximi: si vero Materia nimis pinguis, aut humectata, neque cavus Modulus satis politus fuerit, repone Modulum, extracto Pistillo, in locum siccum & calidum: sic intra pauca minuta Modulus divelli, & Vasculum eximi poterit.

§. 205. Postquam satis exsiccata sunt hæc Vasa (§. 204.); in furno figuli sunt excoquenda.

§. 206. Majora *Crucibula* & *Patinae* eodem modo conficiuntur. Tantummòdo, loco Mallei, prælo utimur ad Pistillum in Modulum cavum adigendum.

§. 207. Cautelæ in hisce Vasis conficiendis observandæ sunt. (1.) Ut Materiae sufficiens quantitas simul & semel una vice in Modulum immittatur: si enim semel compressæ Materiei nova ejusdem molecula superadditur; hæc cum priore non cohæret: quod idem accidit, si aliquot massulæ solidæ, saltem compactæ, non prius subigendo probe unitæ, immittuntur. Hinc plurimæ fissuræ, & pori, sub exsiccatione & excoctione dein nascuntur sæpe nec visu, neque, si percutiuntur, tinnitu detegendæ, interim promptè salia transmittentes. (2.) Nisi Vasa hæc fiant

cum

cum lato fundo; Modulus concavus lardo non est obliniendus: alias enim dum Pistillum educitur, Vas, huic adhærescens, simul cum eo de Modulo cavo avelli solet; ut postea non nisi fractum de Pistillo auferri possit.

§. 208. In Fusionibus sæpe opus est, ut Vasa *Tigillis* claudantur: hæc igitur (Tab. II. Fig. 10.) exhibeo. Conficiuntur ea ex Materiâ eâdem, è quâ Patinæ & Crucibula: Vulgaria enim figulina, præsertim Lithargyrio obducta, summo igne lentescunt & adhærent Vasis; ita, ut ægre auferri possint; vel etiam prorsus liquecunt. Exscinduntur igitur potius Tigilla ope cultri ex placenta argillacea (§. 188.), supra tabulam planam extensa, ea magnitudine, quæ requiritur pro varietate diametri Vasis claudendi: effingitur dein in lamellæ excissæ superficie inferiore, quæ Vasi claudendo contigua esse debet, assurgens margo; cujus ope sic firmatur Tigillum, ut id rutabulo, vel dum Carbones ingeruntur, haud facile dimoveatur: superadditur tandem in medio superficiei externæ frustulum argillæ ejusdem; ut hac quasi ansa, eo commodius cum forcipe auferri atque apponi rursus queat.

§. 209. *Cucurbitulæ separatoriæ* (Tab. II. Fig. 11.) debent fieri ex vitro pellucidissi-

mo, simul tamen Aquis stygiis satis resistente; ne arrodantur. Nec nimis crassæ sint, præsertim in fundo: crassiores enim igni impositæ facillimè crepant. Altitudo earum octo vel decem æquet pollices: orificium sit augustius, vix ultra dimidium pollicem apertum; ne valide effervescens intus contenta materies vel oram supergrediatur; vel saltem aliquid ejus sub forma tenuium guttularum, pluviam subtilem velut referentium, quibus semper nonnihil de metallo soluto adhæret, excutiat; tum ut fumi magis repercutiantur. Bulbus satis capax est, si unam alteramve unciam Aquæ fortis capit. Convenit præterea, ut orificium earum, in marginem vel oram repandam reflexum sit; ne solutiones, dum effunduntur, juxta vasis latera decurrant.

§. 210. Pro tali Cucurbitula, §. 209. sustinenda utimur *Tripode* (Tab. II. Fig. 12.) sic formato, ut & parvæ, & paulo majores, ejusmodi Cucurbitulæ tuto ipsi imponi queant. Hinc pedes ejus valde sint divergentes; ut commode pruna supponi & auferri, omniaque solutionis phænomena accuratè cerni possint.

§. 211. *Catinus* dein, Ansa & Gutturnic instructus, cupreus, vel vitreus, (Tab. III. Fig. 13.) pro edulcoratione Calcis Argenti

Tab. II.
Fig.
XII.

Fig.
XIII.

ti per Cuprum ex Aqua Forti præcipitatae inservit. Aptior is est, de Cupro si paratur; quia tum excutere potest, quidquid Argenti in solutione post præcipitationem remansit. Atqui fere semper ejus quidpiam remanet. Diameter Catini debet esse sex pollicum vel ultra; profunditas circiter quatuor.

§. 212. Porro *Catillus* aureus, pollicem latus, dimidium pollicem profundus, (Tab. II. Fig. 14.) præsto sit, inserviens Tab. II. ad Aurum, ex quo aliud metallum in Se. Fig. paratione Docimastica est erosum, ignien-^{XIV.} dum; ut, quicquid ei adhærescit menstrui, dissipetur. Puro is ex Auro confectus requiritur: in terreo enim Catillo facile aliquid de Auro, utpote sub separatione fragili & pumicoso facto, abradetur: si vero ex alio metallo conflatus esset; vel liquesceret tanto igni ferendo impar, vel scorias squamosas deponeret, vel & per menstruum in Auro residuum arderetur, sicque utroque modo Auri pondus cresceret, Docimastam decipiens.

§. 213. Pro hoc Catillo (§. 212.) sustinendo, singularis itidem *Tripus* ferreus (Tab. II. Fig. 15.) aptatus desideratur. Fig. xv.

§. 214. *Situla lavatoria* (Tab. II. Fig. Fig. 16.) est Vas oblongum, in quo leviores^{XVI.}

Minerarum partes, steriles, per aquam affusam, motamque, abluuntur. Materies ejus sit figulina, vel lapidea, crusta vitrea carens, in nitidam tamen superficiem expolita. Inservit cæterum huic quoque usui qualecumque vas, mediocris capacitatis, repandum.

§. 215. *Pyxis tandem lignea, granulatoria*, pro Plumbi & Stanni granulatione ante descriptâ (§. 44.) requiritur, operculo suo munita, tantæ amplitudinis; ut aliquot libræ metalli in ea contineri, valideque Tab. II. conquassari possint. Iconem ejus (Tab. II. Fig. 17.) exhibet.

Fig. XVII. §. 216. Ut vero Metalla viâ humidâ in granula comminuantur; adhiberi potest quodcunque Vas repandum, aqua impletum frigida, scoparum ope in gyrum movenda. Scilicet Metallum, si majore quantitate simul in granula redigendum est, liquefactum prius, ope minimi dein Crucibuli candefacti, forcipe apprehensi, ex majori vase, in quo tota massa liquescit, hauritur, & dum alius interea scopis aquam agitât, hasque tunc pro dimidia parte supra aquam elevat, infunditur uno rivo in istas scopas, ut per has in aquam delabatur. Scopæ autem non nimis densæ esse debent; ne tot obstaculis impeditum Metallum justo citius frigescat, ac in illarum

rum interstitiis detentum cohærescat, aquam haud attingens. Postquam omne Metallum sic injectum est, decantatâ aquâ, reperietur id in minutas partes divisum.

§. 217. Alii utuntur singulari aliâ ad hoc opus accommodata Machina, quam (Tab. Tab. II. II. Fig. 18.) exhibet. Cylindrum videlicet Fig. ligneum, sex pollices longum, diametri^{XVIII.} decem pollicum, axi & manubrio, Cotis instar instruunt: tum ejus in ambitu juxta longitudinem sex vel octo efformant cancellos, profunditatis trium circiter pollicum. Cylindrus sic aptatus supra simile (§. præc.) Vas repandum collocatur; ita, ut Axis ejus, semicircularibus cavis, margini Vasis incisus, exceptus coërceatur, ne, dum rotatur, e loco suo moveri possit. Postea Vas aqua impletur ad tantam altitudinem, ut una tertia pars Cylindri intra aquam demersa sit. Metallum tunc liquefactum, simili ratione, ac §. præced. haustum, supra Cylindrum descriptum, qui ope Manubrii circa Axin suum rotari interea debet, projicitur. Ita Metallum subtilius, quam priori modo, §. præc. in laminas complicatas comminutum acquiritur.

schol. Hisce binis Modis (§. 216. & 217.) Aurum & Argentum, variaeque Mixturae Metallica, optime &

tuto granulantur: Cuprum vero semper cum periculo: quod ut evitetur, tenui rivo, parca copia simul, est effundendum: id quod securius peragitur, si per Crucibulum candefactum, cujus fundus foraminibus quibusdam parvis instructus est, transfusio fit; ut sic percolatione quasi divisum prius Cuprum in Scopas (§. 216.) vel Cylindrum (§. 217.) decidat.

§. 218. Olle Cæmentatoriæ sunt Vasa figulina, Cylindrica, quibus adaptata sunt Tigilla, ex vulgari argilla a Figulis tornata. Magnitudo istarum Ollarum debet respondere quantitati Cæmenti immittendi (§. 153.). Attamen non convenit, ut ultra octo vel decem pollices sint latæ: si enim ampliores sunt, difficilius & inaequaliter, præsertim in medium earum, agit Ignis.

§. 219. In Vasis hisce (§. 218.) & Operculis eorum figulinis conficiendis, nota, quod omnis Argilla sub exsiccatione, & excoctione, in minus spacium coëat: ita quidem, ut argilla purior una parte decima secundum diametrum imminuatur: quo magis vero temperata est sabulo, aliove lapidum & vasorum iam excoctorum pulvere; eo minus, imo tandem vix sensibilibiter imminuitur. Hinc si determinatæ magnitudinis Vas, vel Operculum, ex Argilla fieri debet; tanto id majus est faciendum, quantum experientia docet argillam crudam,
vel

vel certo modo præparatam, exsiccatione imminui.

§. 220. *Conus fusorius* (Tab. II. Fig. ^{Tab. II.} 19.) interservit ad Præcipitationem fusoriam: ^{Fig. XIX.} quæ fit, cum duo corpora simul liquefacta, haud tamen sub fusione exacte inter se mutuo coëuntia, ob diversam gravitatem specificam, in duo strata sponte secedunt. Posset equidem ista Præcipitatio in eodem illo Vase, in quo Fusio instituitur, fieri: sed tunc necessum foret semper qualibet vice Vas fusorium frangere; quia ex eo integro excuti nequit præcipitatum. Hinc peculiaribus Conis ita dictis ad hoc opus utimur, in quos liquata Massa effunditur, peracta Præcipitatione facile excutienda. Quoniam autem Præcipitandæ materiei exigua sæpe tantum copia est; ideo eligitur pro Conis Fusoris Figura Conica: ut nimirum in apice ejus subsidens materies gravior in unum solidum Regulum colligatur.

§. 221. Materia, ex qua *Conus fusorius* fit, est Cuprum vel Aurichalcum; ut interior ejus superficies sat expoliri possit. Si ex Aurichalco is paratus est, cavendum, ne nimis fervidus fiat: si enim tunc paullo validius percutitur, ob hujus Metallum in calore magno fragilitatem, facile finditur.

§. 222. Si magna liquefacti Præcipitandi copia effundenda est; loco Coni fusorii (§. 221.) substitui potest Mortarium magnum, Aurichalceum aut Ferreum, vel aliud quodcunque amplum vas Ferreum.

§. 223. Porro quando Metalla, aut Semimetalla, fusa effunduntur, ut vel adserventur, vel deinceps aliqua parte explorentur; conducit iis sub effusione formam oblongam, non nimis crassam, conciliare; sic enim eo commodius dividi aut in frustula conscindi possunt. Ad hoc obtinendum inservit *Infundibulum* (Tab. II. Fig. xx. 20.), *Lingonem* vocant, uno vel pluribus incilibus, prismaticis, vel semi-Cylindricis, bene politis, magnitudinis diversæ, & longo valde manubrio instructum, e Ferro, utpote aptissima ad hoc opus materia, paratum.

§. 224. Si vero Massula Metallica Præcipitata ilico, & tota, Cupellæ est imponenda; eligitur potius *Infundibulum*, formam segmenti parvæ sphaeræ habens, itidem e Ferro conflatum; quale ad effundendas etiam Mineras per Plumbum extractas & scorificatas adhiberi solet. Ita nimirum cavetur, ne Massula Metallica, angulosa sua superficie, forsan de tenero Cupellæ cavo, dum huic imponitur, aliquid abradat, idque scabrum reddat.

§. 225.

§. 225. Omnia hæc Infundibula, (§. 221 ad 224.) debent bene calefieri, antequam in ea effundatur Metallum; ne forte madidiuscula sint, vel tempore præsertim frigido, per subitaneum calorem, dum infunditur Massa liquata, madorem contrahant: quo in casu sæpe, cum insigni periculo, infusa Materies disjicitur.

§. 226. Dein & sebo oblinienda sunt prius; ut Reguli eo melius inde rursus excuti possint, nec a Massa infusa arrodatur cavum Infundibuli. Si vero maxima copia Metalli, præsertim valde sulphurei, vel ope Sulphuris præcipitati, effundenda est; sebacea Coni, aut Mortarii, illinitio vix sufficit ad impediendam modo dictam arosionem: quia moles ingens Materiei infusæ quam diutissime fervida manet. Unde in hoc casu luto utuntur ope aquæ in tenuem pultem redactæ, quod, cavo Coni aut Mortarii tenuiter illitum, deinde exsiccat. Sic crusta hac mediante certius prohibetur Sulphuris in Metallum Infundibuli actio. Quin vel Cuprum quoque purum, nullo licet cum Sulphure fusum, simile quid efficit: quare & in hoc casu dicta cautela opus est.

§. 227. Porro duobus opus est ad Docimasiâ *Mortariis*; altero Ferreo, profundiore, in quo corpora tundendo comminuuntur.

nuuntur; altero minus profundo, Ferreo, vel Ligneo, repando, ad quod Pistillum requiritur ligneum. Posterius, præcipue Ferreum, pro Amalgamatione inservit: Ferrea enim Mortaria ad hoc opus sunt aptissima; quia, licet trituratione de Ferro aliquid abradatur, id tamen Amalgamati se non miscet: ut ideo Ferrum cæteris Metal-
lis hunc in finem præferendum sit. Accedit, quod mediocriter etiam in eo calefieri possit Mercurius: unde Amalgamatio valde acceleratur: id, quod in ligneo Mortario haud adeo commode efficere licet.

§. 228. Requiruntur præterea pro Operationibus quibusdam, ad Docimasiam quidem directè non pertinentibus, at quas tamen Docimasiam proprio Marte perficere expedit, varia *Vasa Destillatoria*; cujusmodi sunt *Cucurbitæ* ac *Retortæ*, *Terreæ* & *Vitreæ*: sed quum hæc satis cognita sint, & ubique in Chemicorum libris descripta; haud opus est, a me heic ut prolixè describantur. Modo notandum, quod Vasa vitrea, quæ calorem magnum ferre debent, eo sint meliora, quo tenuiora: crassa enim mox finduntur. Contrarium vero obtinet in Excipulis; utpote quæ crassiora esse possunt.

§. 229. Quando Vasa (§. 228.) summo igni nuda exposita sunt, facile contingit; ut ab in-
gesto

gesto in Furnum novo ignis pabulo, frigidō, crepent: quod ut impediatur, opus est *Loricatione*. Hæc autem sic peragitur. Materiem, ex qua Fornices & Crucibula fiunt (§.188.), loco aquæ humecta Sanguine recenti, nondum coagulato, duplo vel triplo aquæ diluto; ut tenuis fiat pasta: huic dein pastæ insuper admisce pilos vaccinos, aliosve non nimis longos, nec rigidos: quin & si præsto est Vitrum comminutum, atque per cribrum trajectum, hujus itidem aliquid haud inutiliter intermisceri potest. Hac tunc massa, penicilli ope, obline Vas, ac dein exsicca: siccatum denuo obline, rursus exsicca: idemque & tertia & quarta vice repetere, donec Vas obductum sit crusta, vel Lorica, pollicis tertiam vel quartam partem crassa.

Scholion. *Ut Sanguis a coagulo præservetur; necessum est, recens, mox ac ex animali profluxit, manu aut bacillo agitur ad refrigerium usque: sic attenuatus dein per aliquot dies absque coagulo perstat.*

§. 230. Pro claudendis Vasorum (§.228.) commissuris, si Spiritus acres, corrosivi, destillandi sunt, convenit Bolum, Albumine Ovorum aqua diluto subactum, priori pastæ (§. præc.) intermiscere, ea proportionē, quam experientia sola determinare licet: sic *Lutum* acquiritur vaporibus acerbis coërcendis adaptatum.

II.

D E F U R N I S.

§. 231. Cum Artis Docimasticæ exercitium, maximè, in Fossilium per Ignem tractatione concinna consistat; requiruntur Instrumenta, in quibus Ignis contineri, ad objecta applicari, & in determinatum gradum augeri ac minui pro lubitu promte possit. Dicuntur hæc *Furni*.

§. 232. Primus *Furnus*, qui præcipuè dicitur *Docimasticus* (Tab. III. Fig. I.), sequenti modo fabrefit. 1^{mo}. De bractea ferri formatur prisma quadrangulum, cavum, undecim pollices latum, novem altum, (aa. bb.) superius in pyramidem convergens truncatam, quadrangulam, cavam (bb. cc.), apertura (d) terminatam, septem pollices altam, cujus latus superius sit septem pollicum. Inferius autem prisma istud simili lamella ferrea, tanquam Basi (aa) clauditur. 2^{do} Ad Basin fiat Porta (e) tres pollices alta, quinque lata, quæ ad Cinerarium ducat. 3^{tio} Supra hanc Portam fiat in altitudine sex pollicum a Basi alia Porta (f) segmentum circuli referens, quatuor pollices ad basin suam lata, in medio dimidium supra tres pollices alta. 4^{to} Postea tres Bractæ fer-

ferreæ ad anteriorem Furni hujus partem Tab.
 firmentur: quarum prima (gg) undecim^{III.}
 pollices lata, dimidium pollicem alta, in-^{Fig. 1.}
 fimo suo latere ad Bafin Furni tribus vel^{gg.}
 quatuor clavis ferreis ea lege adfigatur; ut
 fursum nascatur Crenula, inter Lamellam
 istam & Furni parietem intercepta, tantæ
 amplitudinis, in qua locari, & liberè huc
 illuc moveri possint Valvæ Portæ in-
 ferioris (k k), ex crassiore bractea fer-^{k k}
 rea conficiendæ. Secunda Lamella (hh),^{h h}
 lata undecim, alta tres pollices, situ la-
 mellæ priori exactè parallelo, ad spatium
 inter ambas Portas (No. 2. & 3.) medium
 ita adfigatur; ut tam superior, quam in-
 ferior, ejus margo cum latere Furni crenam
 formet cavam. Altera nimirum harumve
 crenarum, deorsum spectans, inservit ex-
 cipiendo margini superiori Valvarum, Por-
 tam infimam (No. 2.) claudentium: alte-
 ra vero crena, fursum respiciens, margi-
 nem inferiorem Valvarum Portulæ supe-
 rioris (No. 3.) exceptura est. Tertia La-
 mella (ii), similis primæ, proxime supra ii.
 Portam superiorem (No. 3.) eum in mo-
 dum defigenda est; ut crenam constituat
 deorsum spectantem, contiguam mar-
 gini superiori Portæ supremæ (No. 3.).^{5to.}
 Ad quamlibet Portam (No. 2 & 3.) clau-
 dendam duæ aptentur Valvæ, ex laminis
 fer-

Tab. ferreis conficiendæ, in Crenis supradictis
 III. mobiles (kk. ll.). Valvæ autem duæ, ad
 Fig. r. superiorem Portam (No. 3.) pertinentes
 kk. ll. (ll) in suprema sui parte perforandæ sunt;
 altera quidem Rimulâ $\frac{1}{5}$ pollicis latâ, ses-
 m. qui pollicem longâ (m); altera vero fora-
 mine semicirculari, pollicem alto, duos
 n. lato (n). Singulæ præterea Valvæ mo-
 biles instruantur ansa, qua, dum moveri
 debent, apprehendi possint. 6^{to}. Quin-
 que insuper foraminibus, rotundis, polli-
 caris diametri, perforetur Furnus: quorum
 oo. duo in parte Furni anteriore (oo), totidem-
 que in posteriore fiant, altitudine quinque
 pollicum a Basi, a lateribus autem Furni
 utrinque intervallo trium & dimidii polli-
 p. cum distantia: Quintum denique (p) fiat in
 altitudine unius pollicis supra Portæ supe-
 f. rioris (f) marginem superiorem. 7^{mo}. In-
 teriora tandem Furni latera armata sint
 Uncis ferreis, dimidium pollicem promi-
 nentibus, tres circiter pollices a se mutuo
 distantibus, pro luto, quo Furnus intus ob-
 duci debet, firmando inservituris. 8^{vo}. Su-
 a periori porro Furni Aperturæ (d) adapte-
 tur Pyramis ferrea, mobilis, cava, quadran-
 gula (q), tres pollices alta, super basi se-
 q. ptem pollices lata, coiens sursum in Tu-
 bum (r) cavum, diametri trium pollicum,
 r. duos

duos pollices altum, fere cylindricum, non nihil tamen versus superiora convergentem. Scilicet prominens hic Tubus servit sustentando Camino, itidem cylindrico fere, cavo, ex bractea ferri conflato, duos ^{Tab. III.} pedes alto (t), qui, cum igne opus est intensissimo, breviori illi Tubo perpendiculariter ^{Fig. 1.} sic imponitur; ut hunc ad sesqui vel duorum pollicum profunditatem pressæ excipiat, auferrique denuo pro lubitu possit, ubi tanta ignis vehementia non requiritur. Id ipsum vero Operculum pyramidale (q) duabus præterea Ansis (ss) instruitur; ut ^{ss}manibus vel forcipe apprehensum auferri iterumque imponi queat. Quin &, ne id Furni Aperturæ (d) impositum facile dejiciatur, ad dextrum sinistrumque Furni marginem superiorem (cc) bractea ferrea adfigatur sic ^{cc}reflexa introrsum; ut sulcum constituat antè & postè apertum, quo excipi possint firmarique Operculi margines laterales, atque antrorsum ac retrorsum pro arbitrio moveri, ubi id auferri aut adponi debet. 9^{no}. In altitudine supremi marginis Portæ inferioris (e) ad superficiem Furni internam firmetur Tendicula quadrata, ex crassa bractea ferri contexta, sesqui pollicem lata, (Fig. 2.), quæ sustinendæ craticulæ & ^{Fig. 1.}luto est dicata. Constet autem ex duabus partibus ista Tendicula; ut immitti com-

H mode

mode intra Furni cavum possit. Sic paratus est *Furnus Docimasticus*, qui dein Luto intus obduci debet: quod modo sequenti perficitur.

§. 233. Scilicet ut Ignis eo melius coërceatur, neque ferrum ignis vi candescens destruat; tota interior Furni (232.) superficies, ad unius, vel sesqui digiti crassitiem (vid. Tab. III. Fig. 3. & 4.) obducenda est Luto. Lutum huic negotio aptum exhibet massa argillacea (§. 188. 190.), vel Argilla Gallica, sanguine bubulo, triplo vel quadruplo aquæ diluto, madefacta. Antequam tamen parietes interni isthoc Luto obducantur; locari prius intra Furnum debent Bacilli ferrei, longitudine Furni diametrum æquantes, quadranguli, prismatici, semipollicem crassi, extremis suis a Tendicula (§. 232. N^o. 9.) sustentandi, intervallo $\frac{3}{4}$ pollicis a se mutuo distantes, ea lege firmandi, ut plana eorum latera ad Furni sectionem transversam obliqua sint, angulique duo oppositi alter sursum, alter deorsum, spectent: quo situ cavetur, ne cineres pabuli ignis intra Bacillorum interstitia diutius detineantur, obstructionemque faciant liberæ aëris ventilationi obfuturam. (vid. Tab. III. Fig. 4.). Furnus dein, Luto obductus, leni calore exsiccat,

Tab.
III.
Fig. III
& IV.

Tab.
III.
Fig. IV.

tus,

tus, aptus tandem est ad Operationes Docimasticas, præcipue illas, quæ sub Fornice Docimastico (§. 194.) perfici debent.

§. 234. Quod si igitur in Furno hætenus descripto (§. 232. 233.) instituenda est Operatio; per quatuor Furni foramina inferiora, antè & posterius e diametro posita, ante descripta, (vid. Tab. III. Fig. 1. oo)^{Tab. III. Fig. 1.} transmitti debent duo Bacilli ferrei, pollicem crassi, tam longi, ut eorum extrema utrinque paululum ultra foramina foras promineant. Inserviunt hi ad Fornicem, hujusve pavementum, sustinendum. (vid. Tab. III. Fig. 3. & 4).^{Fig. III. & IV.} Fornix igitur tunc per superiorem Furni Aperturam (Fig. 1. d.) immititur, & ita super Baculos ferreos modo descriptos locatur; ut ejus antèrùs latus apertum proxime contiguum sit interno limbo Portæ superioris (f) (vid. & Fig. 3. t. & 4).^{Fig. III. & IV. Fig. 1. d.} Ignis Pabulum ingeritur per Furni Fastigium (d); cujus Operculum ideo & mobile, & non nimis grave sit, oportet (q).^q Materiam pabulo ignis aptissimam hæc præbent Carbones ligni durioris, Fagini præsertim, in frusta pollicaris magnitudinis diffracti, quibus Fornix ad aliquot Pollicum altitudinem est obruendus. Majora Carbonum frusta ideo reprobamus, quia per angustum interstitium, quod datur inter Fornicis latera &

Furni parietes, non delabi, adeoque semet
haud undèquaque sufficienter circumfe-
rentiæ Fornicis accommodare possunt: un-
de fit, ut loca ignis pabulo vacua hinc
inde relinquantur, ignisque sic non sat in-
tensus aut & inæqualis producat. Si
vero contra minora adhibentur Carbonum
fragmenta; tum pars magna delabitur ili-
co per Craticulæ interstitia in Cinerarium,
vel & nimis subito in cineres collabuntur
particulæ teneriores, atque aucta cinerum
mole Craticulam obstruentes liberam Aëris
ventilationem, vel maxime heic requisi-
tam, impediunt.

§ 235. Exacto ut plurimum Ignis Regi-
mine, sub Operationibus in hoc Furno
(§. 232. 233.) instituendis, opus est: hinc ad
sequentia attendendum. Si Porta Cinerarii
Fig. 1. e. (Tab. III. Fig. 1. e.) tota est aperta; Por-
tæ autem superioris (f) Valvæ mobiles
k k (k k) ita ad se invicem adducuntur, ut in
Portæ medio sese tangant; quod si præte-
rea & Operculum (q), hujusque Tubo (r)
adaptatus Caminus altior (t), super imponi-
tur Furni Fastigio (d); tunc ignis erit lum-
inus, qui excitari potest: quamvis interim
Camini applicatio vix unquam, nisi tem-
pestate calidiore, requiratur. Si vero, Fur-
no eadem ratione ac modo descriptum dis-
posito, in apertam ejus Portam superiorem
f (f) ponuntur prunæ candentes; Ignis ad-
huc

huc magis intenditur: quo tamen artificio raro vel nunquam opus erit. Porro, quando Porta superior, obductâ solâ illâ Valvâ mobili, quæ oblonga, angusta Rima (Tab. ^{Tab. III.} III. Fig. 1. m) pervia est, clauditur; tunc ^{Fig. 1.} fit æstus paulo minor: plus vero is ipse imminuitur, si Valva altera, semicirculari Foramine (n), quod Rimâ prioris majus est, instructa, ostio obducitur: quin & hoc minor excitatur æstus, si Caminus Operculo impositus aufertur: denique vel ex parte, vel in totum, clausa Cinerarii porta, calor itidem deprimitur; quandoquidem prohibetur ventilatio aëris ad ignem excitandum necessaria: dum vero, præter priora, simul etiam prorsus aperitur Porta superior; tunc aër irruens, frigidus, Corpora sub Fornice posita, mutanda, adeo refrigerat, ac in ulla Operatione requiritur; ut hinc ebullitio Plumbi penitus tum impediatur. Si inter Operationem, in una vel altera Fornicis parte, Ignis incipit deficere vel inæqualis fieri; signum est, vacua prunis spatia esse nata inter Furni & Fornicis parietes: quapropter tunc immisso per Foramen Furni superius (p) bacillo ferreo undequaque commoveri debent prunæ; ut hæ sic collabantur, decenterque deinceps atque æquabiliter agant.

§. 236. Notandum tamen circa mox

H 3

(§. 235.)

(§. 235.) descriptum. Ignis Regimen, quod, apparatu licet eadem prorsus accuratione instructo, non tamen semper effectus sequatur æqualis: cujus differentiæ causa plerumque in aëris dispositione diversâ sita est. Cum enim omnis Ignis per carbones eo validius excitetur, quo aër magis densatus, majoreque rapiditate motus, illos ferit: quod Folles clare docent: patet hinc tempore calido & humido, atque Athmosphæra existente levi, minoris efficacisë fore Ignem in Furnis: similiter, plurimis Furnis prope se invicem sitis simul ardentibus, ignem pro parte suffocari; quoniam aër circumfusus rarior redditur ac levior: quod ipsum etiam, Tempore præsertim æstivo, Sol, talem locum, quo Furnus situs est, illustrans, efficit. E contra Tempestate frigida, sicca, Athmosphæra ponderosior maximum ignem excitat.

§. 237. Insuper quo minor in eodem Furno locatur Fornix; quo plura & ampliora Fornix iste Segmenta habet excissa; quo minor Parietum Fornicis est crassities; quo magis Vasa versus Partem posteriolem Fornicis sunt locata; eo validior in Corpora mutanda æstus agit: & contra.

§. 238. In eo casu, quando plures, ad
Ignem

Ignem excitandum requisitæ, Causæ deficient, tunc in vulgaribus Furnis Docimasticis, ut Operationes ritè perfici queant, Artifex omni molimine vix sufficienter incitare potest Ignem; quamvis Follis ope, & prunis in Portam superiorem impositis, utatur. Hinc posui Craticulam tres fere pollices infra Fornicem; ne, quod in vulgaribus Furnis Docimasticis obtinet, aër, per Cinerarium irruens, refrigeret pavementum Fornicis; dein, ut minimæ, iam ferè consumptæ, prunæ, & cineres, per Craticulæ interstitia facilius decendant & majores prunæ, ignem adhuc alere aptæ, retineantur. Denique & Caminum (Tab. Tab. III. Fig. 1. t) ideo superaddidi; ut hujus adminiculo aucta ventilatione Ignis in summum, hic requisitum, gradum evehi tandem posset: nam minui Ignis semper potest; nequaquam vero, nisi aptus apparatus præsto sit, pro lubitu augeri.

§. 239. *Furnus* alter, quo Docimasta opus habet, est sic dictus *Fusorius*, qui itidem ex bractea Ferri compaginatur. Cavum ejus secundum Modulum ellipticum (Tab. III. Fig. 5.) formari potest. Imò, nimirum conficiatur cava Ellipsis ex distantia Focorum duodecim, Ordinata quinque Pollicum: abscindatur hæc in ambobus suis Focis; ut nanciscatur figuram

Tab. III. Fig. vi. (Tab. III. Fig. 6.) 2^{do}. Cavum hoc tum prope infimam suam oram quatuor foraminibus, diametri octo linearum, e regione cc positus, (cc) perforetur. 3^{tio}. Ad superiorem dein & inferiorem Elliptici hujus Cavi marginem intus firmentur duo Annuli ferrei (d), sesqui fere pollicem lati: quin & tota ejusdem interior superficies Hamulis, sex circiter lineas prominentibus, ferreis, tres vel quatuor pollices a se mutuo distantibus, instruatur; qui quidem, una cum Annulis modo dictis, Luto firmando inserviunt. Sic Corpus Furni paratum est; nisi quod binæ in se super Ansæ (ee) ferreæ extrinsecus ipsi utrinque adfigendæ sint, quibus prensari atque transferri queat. 4^{to}. Igitur conficiatur Operculum Furni, quod secundum Fig. v. a partem Ellipseos abscissam (Fig. 5. a) for Fig. vii. mari potest (Fig. 7.): instruatur id Porta b (b), alta quatuor pollices, inferiore latere quinque pollices lata, superiore quatuor: cui & Versatilis Valva, ferrea, qua claudi possit, approprietur, internæ suæ superficiei adfixum gerens Marginem, qui exacte respondeat Ostii circumferentiæ, & eousque introrsum promineat, quousque requirit crassities luti adponendi; utpote cui firmando is inservit: (Vid. Fig. 8.). Eundem in finem Hamuli quoque extantes, ferrei, superfi-

perfaciei Valvæ istius interiori, quam Margo
 dictus intercipit, infigantur. Porro ne O-
 perculum istud intus vi ignis exuratur; Luto
 simili, ac ante (§. 233.) de Furno Docima-
 stico dictum, interna ejus superficies ob-
 duci debet: quamobrem annulo quoque
 & hamulis ferreis ad lutum firmandum in-
 struatur necesse est: prout ante (n. 3.) de ^{Tab.}
 Corpore hujus Furni memoravimus. Præ- ^{III.}
 terea & binis Ansis, ferreis, (cc), extrin- ^{Fig.}
 secus Operculo huic adfixis opus est. ^{VII.}
 Tandem quoque vertex ejus foramine per- ^{cc}
 vius fit rotundo, diametri trium pollicum,
 producto in Tubum cavum (d), fere cylin- ^d
 dricum, aliquot pollices altum, cui, modo
 supra (§. 232. n. 8.) circa Furnum Docima-
 sticum memorato, super imponi possit,
 siquando necessum est, Caminus ferreus lo-
 co mox citato descriptus. 5^{to}. Loricatio
 deinde tam Corporis, quam Operculi,
 Furni intrinsecus fit similiter, ac ante
 (§. 233.) descriptum est. 6^{to}. Duo insuper
 conficienda sunt pro hoc Furno Pedistalla
 mobilia: alterum nempe, quod cineres
 recipiat, ventumque admittat: alterum
 inserviens Reductionibus. Prius fit ex
 bractea ferrea, in cavum formatâ cylin-
 dricum, superius apertum, inferius lami-
 na ferrea orbiculari, tanquam basi, clau-
 dendum, quinque pollices altum, diame-
 tri

tri tantæ magnitudinis, ut Corporis Furni
 (no. 2.) oram infimam ad dimidii pollicis
 profunditatem excipere queat (vid. Tab.
 Tab. III. Fig. 9.). Propterea in distantia semipol-
 Fig. ix. licis a margine hujus Pedistalli supremo, ad
 superficiem ejus internam firmetur Circu-
 c lus ferreus (c) dimidium pollicem latus,
 quo Corpus Furni immissum sustineri pos-
 sit. Portam insuper habeat id Pedistallum
 quadratam, quatuor pollices altam, toti-
 b demque latam, quæ versatili Valva (b)
 exacte claudi queat; ut hujus ope pro-
 lubitu Ventilationem augere vel immi-
 nuere, sicque ignem regere liceat. Tan-
 dem a latere hujus Portæ sinistro, in media
 circiter altitudine corporis Pedistalli, for-
 men fiat rotundum, sesqui pollicaris dia-
 metri, nasum Follis, quando hoc opus est,
 recepturum. Alterum dein Pedistallum
 quoad materiem atque figuram simile con-
 ficiatur priori: diametri quoque sit ejus-
 dem; sed duobus pollicibus altius; ut
 septem pollices exæquet. Succingatur
 etiam sub margine suo superiore simili an-
 nulo ferreo, quo corpus Furni excipien-
 dum sustineri queat. Proximè autem sub
 hoc annulo excindatur in Pedestalli hujus
 pariete Foramen, cujus latitudo sit duo-
 rum triumve pollicum, altitudo unius
 Fig. x. (Fig. 10. c). Porro ad latus sinistrum hu-
 c jus

jus foraminis, in eadem Pedistalli altitudi-^{Tab.}
 ne fiat aliud Foramen rotundum, naso fol-^{III.}
 lis recipiendo idoneum (d). Ulterius ad^{Fig. x.}
 dextras, in distantia unius pollicis a fun-
 do, aliud formetur, simile priori, For-
 men circulare (e). Tandem interior tota^e
 hujus Pedistalli superficies, excepta illa
 parte, quæ supra annulum est, Luto ob-
 ducatur, fiatque deinde in fundo Catillus
 talis figuræ, qualem linea (fgh) de-^{fgh}
 scribit. Materia, ex qua hic confici-
 tur, est Lutum vulgare pulverisatum, per
 cribrum trajectum, cum tanta quantitate
 pulveris Carbonum ligneorum, itidem cri-
 bratorum, mistum; ut mistura, simili mo-
 do, ac Cineres (§. 178.) madefacta, com-
 pressa, saltem leviter cohæreat. Tali ex
 materie, in fundum Pedistalli adpressa,
 formatur Catillus, segmento sphærico si-
 milis, in medio depressiorem habens fo-
 veolam (g), lævigatissimus, pari ratione, g
 ac ante (§. 184.) de Cineritiis majoribus
 expositum.

§. 240. Hic *Furnus* (§. præc.) Fusioni-
 bus præcipuè adaptatus est; quæ cum & abs-
 que vasis in eo fieri possunt. Si cum Vase
 fundendum est; pone Corpus Furni (Tab. Tab.
 III. Fig. 6.) supra Pedistallum primum,^{III.}
 versatili porta instructum (Fig. 9.);^{Fig. vi.}
 trans mitte duos Baculos ferreos (Fig. 11.);^{Fig. ix.}
 per^{Fig. xi.}

Tab. III. Fig. vi. cc Fig. III. per foramina Furni (Fig. 6. cc); hisce super impone Craticulam (Fig. 12.) per superius Furni os immittendam: in medio dein hujus Craticulæ locetur Lapis lateritius, utrinque planissimus, calefactus, siccissimus: alioquin enim a vaporibus humidis ex eo sub operatione prorumpentibus Vasa ipsi imposita, præsertim majora, facile finduntur. Sit porro altitudo & latitudo hujus Lapidis paulo major fundo Crucibuli vel Catini super imponendi: si enim minus altus foret, Vasis fundus haud sufficienter posset calefieri: si minus latus; Vas inde facile decideret. Impone tandem Vas materiam fundendam continens huic Lapidi, idque mox undequaque obrue carbonibus, quos juxta legem ante dictam (§. 234.) adaptare oportet. Ignis tum regitur aperiendo vel claudendo portam Cinerarii (Fig. 9. b): intenditur autem, si Operculum (Fig. 7.) corpori Furni super imponitur: quod si præterea ostio d Operculi cylindrico (d) applicatur Caminus (232. n.8.); fit vehementior adhuc Ignis fusorius: si vero foramini Pedistalli (Fig. 9. d) insuper inferitur Follis, & commissura Furni & Pedistalli, imo nisi Valva Cinerarii versatilis arctissime claudi possit, hujus quoque rimæ, luto tenui accurate obthurentur; Ignis sic per flatum Follis exci-

excitatur summus, longe superans illum, qui in foco fabrili valet produci. Accedit simul, quod hac methodo Vasa haud adeo facile rumpantur; quia flatus Follis ea non immediate attingere potest, & Ignis undique æquabilissimè excitatur. Tali Apparatu Lapides, quam ratione sese habeant ad Ignis puri violentiam, commodissimè examinare licet. Si nunc absque Vase, nudo Igne, cupis perficere Operationem, e. g. Cupri, Stanni, Plumbi, Ferri mineras, horumve metallorum calces vel scorias liquefacere atque reducere; Corpus Furni Pedistallo alteri, Catillum in se continenti (Tab. III. Fig. 10) super imponitur. Prius tamen Foramina hujus Pedistalli, oblongum (c) & rotundum (d), adglutinato intus luto obstructa, cultro aperiantur. Tum rotundo (d) ad dexteram ea d lege applicatur Follis, ut hujus nasus, oblique deorsum directus, validè in Catillum (f g h) spiret: Sic enim omnes, qui in Catillum delabuntur, cineres diffantur, & Ignis vis eò determinatur; ut, quæ incum defluunt, liquefacta in fluore retineantur: nam nisi hoc fiat, fusa illico frigescent, & granulatim in Catillo dispersa hærent, quæ in unum regulum confluere debebant. Anterius, oblongum, Pedistalli Foramen (c) intervrit, ut ope Ru-

tabuli, an liquefacta in Catillo materies sit, nec ne, explorari possit; dein ut hac via removeri queat, si forte Follem quid obstruxerit; tum, ut in quibusdam casibus Scorias auferre liceat. Immittuntur Furno tunc prius carbonēs ad spithamæ altitudinem, & flatu Follis validissime excitantur; ut Catillus, priusquam Materia fundenda immittatur, bene percalescat: nisi enim hoc ante fiat, liquefacta massa raro in Regulum confluit, sed inter Scorias cito congelascentes dispersa manet. Catillo demum probe calefacto, imponatur, una cum recentibus carbonibus, tanta materiei fundendæ quantitas; ut hæc non obftet, quo minus ignis ad debitum gradum evehi queat: quæ quidem determinatio solam per experientiam fieri potest: iterum carbonēs, & supra hos aliam injice materiem fundendam; ut veluti stratum sit super stratum. Si verò massa semel fusa Ignis vim diu sustinere non posset; vel majorem materiei quantitatem, quam quæ Catillo capi queat, simul fundere placeret; aperiri debet infimum Pedestalli foramen rotundum (Fig. p. c) ea lege, ut fiat canalis inde ab hoc Foramine per lutum transiens, atque ad infimam usque Catilli foveolam (g) pertingens: huic porro Foramini extrinsecus alius tunc appli-

Tab.

III.

Fig. x. c

g

pli-

plicandus est Catillus similis interiori, aut vas recipiens aliud appropriatum prunis obruendum, in quo materies fusa ex Catillo interiore per Foramen (e) effluens colligatur (Fig. 13. i). Cætera huc pertinentia, specialibus in casibus observanda, sub Operationibus in Praxi Docimastica postmodum exhibendis commodius poterunt enarrari.

Scholion. In determinanda interiori Furnorum, qui excitando igni validissimo inservituri sunt, superficiei non tam exacte respicienda est figura, eum quidem in finem, ut certo in puncto aut linea colligantur reflexi ignis radii. Nam materia, quæ Furni intrinsecus loricantur, adeo accuratè expolitam figuram recipere inepta est: quin si talis etiam figura huic materie arte posset conciliari; brevi tamen per ignis violentiam ea rursus depravatur. Insuper & radii ignis, à Carbonibus projecti, tam regulariter non incidunt, sicuti solares & sonori; adeoque nec ad corpus mutandum tam exacte repercusi denuo possunt; præterquam quod plerumque Vas materiam mutandam continens, aut hæc ipsa nuda, Carbonibus undequaque obruatur. Cæteroquin quoque inutilis ferè esset focus in tam parvum spatium collectus; cum in minimam tantummodo corporis mutandi partem agere possit. Sufficit ergo talis Furni figura & magnitudo; ut primo sufficiens, neque tamen superfluum, ignis alimentum admittat; (2^{do}) ut æstum sic coërceat, quo is nec liberè nimis, nec priusquam satis fortiter in objectum egerit, dissipetur: quam ob rem Operculum quoddam superaddere convenit.

§. 241. Furni hætenus (§. 232 ad 240.) descripti

scripti pro Operationibus Docimasticis strictè dictis sufficiunt. Sed præterea aliæ quoque Operationes ab Artifice perficiendæ sunt, prioribus inservientes: cujusmodi sunt Spirituum acidorum Destillationes, Cæmentationes, Calcinationes &c.; quæ quidem in ante discriptis Furnis commode institui non possunt. Quare, cum istæ Operationes plerumque diuturniori, & constanti, egeant igne; optimum est, hunc in finem construere *Athanorem* dictum, qui est Furnus per multas horas tantum pabuli ignis recentis suppeditans, quantum consumitur, variumque & exactum ignis regimen admittens constantissimum.

§. 242. Construatur ergo (1^{mo}.) ex lapidibus, qui igni resistunt, Turricula quadrata, cava, (Tab. IV. Fig. 1. aaaa.); cujus parietes sint sex pollices crassi, cavumque intus forment quadratum, cujus bbbb. latus decem æquet pollices (bbbb). Altitudo ejus determinatur, prout diu ignem alere debet absque novo pabulo addito: sufficiunt plerumque quinque vel sex pedes. 2^{do}. Ad fundum hujus Turris fiat c Porta (c), sex pollices lata, totidemque alta; ad quam Valva versatilis, ferrea, ostium ipsum in ambitu latitudine pollicis exsuperans, appendatur, qua id exactè claudi queat: quem in finem exterior etiam
Portæ

Portæ hujus ora undequaque ita excavari debet; ut sulcum formet pollicaris latitudinis, quo Valvæ margines excipi possint. ^{Tab. IV.}
 3^{tie}. In distantia decem pollicum à Turris ^{Fig. 1.} fundo ponatur Craticula (d), ex ferramentis prismaticis, quadrangulis, pollicem crassiss, tres pollicis quartas partes a se mutuo distantibus, composita: quæ quidem ferramenta, singula, ratione Turris, ita locata sint; ut duo opposita cujuslibet dorso, acuta, perpendiculariter sursum deorsumque spectent: quo efficitur, ut cineres liberius in Cinerarium delabi possint. 4^{to}. Supra Craticulam fiat Ostium fornicatum (e), sex pollices altum, septem e latum, quod Valvula versatili, ferrea, adpensa, similiter ac Cinerarium (n. 2.), claudi & aperiri possit. 5^{to}. Fastigio Turris adaptetur Operculum ferreum (f), f Turris aperturam in ambitu latitudine duorum pollicum excedens, ansa instructum, qua facile auferri iterumque apponi possit. Sic paratus est *Furnus* dictus *primarius*. 6^{to}. Tum in alterutro Turris latere, heic e. g. sinistro, efforetur Aperitura oblonga, quadrata, oblique extrorsum adscendens, (gg.), quatuor cum di- ^{gg.} midio pollices alta, decem lata, cujus inferior, interior, margo sesqui vel duos pollices supra Craticulam (d) situs sit; d
 I ut

ut hujus foraminis interventu cavum Turris communicet cum cavo alio, mox describendo. 7^{mo}. nimirum, proximè adversus idem Turris latus, Cavum quoddam de lapidibus exstruatur, cujus inferior pars hhhh fit Prisma cavum (hhhh), sex pollices altum, duodecim latum, suprà desinens ii in Fornicem semicylindricum (ii), radio sex pollicum descriptum; ut hinc altitudo totius cavi in medio sit duodecim pollicum. Cavum hoc anteriùs totum sit apertum, & claudi exactè queat Laminæ ferrea (kkk), cujus interior superficies, simili ratione, ac circa Valvam Portæ Furni Fusorii (Tab. III. Fig. 8.) expositum, constructa, Lorica duos pollices crassa muniatur. Præterea in medio hujus Laminæ sit Foramen rotundum (l), quatuor vel quinque pollicum diametri, cujus circumferentia margine cylindrico, ferreo, introrsum prominente, instruatur; ut hujus ope Lorica intus adglutinanda suffulciatur, ne facile decidat. Porro & in ambitu externo aperturæ istius Cavi formetur crena pollicem lata, duos pollices profunda, in quam recipi queat extremitas Laminæ ostium cludentis. Foramen autem hujus Laminæ (l) vel clauditur Epistomio (m), vel transmittendo collo Retortæ inservit. Tandem quoque La

Tab.

IV.

Fig. I.

hhhh

ii

kkk

Tab.

III.

Fig.

VIII.

Tab.

IV.

Fig. I.

m

mii

mina isthæc extrinsecus firmatur duobus
 Repagulis (nn), horizontaliter transmit-
 tendis per Uncos ferreos (oooo) muro pro-
 pe oram Ostii infixos; ita, ut alterum
 Repagulum supremam, alterum infimam
 Laminæ partem coërceat. 8^{vo}. Convenit
 insuper, ut Apertura quadrata (gg), per
 quam ignis ex Turri intrat in Cavum ha-
 ctenus (N^o. 7.) descriptum, Valva ferrea
 claudi & aperiri pro lubitu possit: nisi
 enim hoc fiat; ignis, à minus exercitato
 adhibitus nimius, tam facile compesci non
 potest. Hunc in finem in pariete superio-
 rem Cavi (N^o. 7.) partem constituyente,
 Turri contiguo, relinquatur Rima, di-
 midium pollicem lata, longa undecim pol-
 lices; ut sic Aperturæ quadræ (gg) lon-
 gitudinem utrinque paululum excedat,
 atque anteriùs & posteriùs in fossulas ex-
 currat juxta perpendicularia dictæ Apertu-
 ræ (gg) latera descendentes, Valvamque
 ferream immittendam coërcentes, quo mi-
 nus vacillare possit. Hæc autem Valva
 ferrea (6) sex lineas sit crassa, undecim polli-
 ces lata, quinque alta; ejusque extremi-
 tati superiori utrinque adfigantur duæ Ca-
 renulæ ferreæ (pp), quarum ope Valva
 attolli, iterumque demitti possit. Qua-
 propter & in contiguo Turris pariete,
 perpendiculariter supra illa loca, in qui-

nn

oooo

gg

gg

gg

6

pp

Tab.

V.

Fig. I.

**.

bus Catenulæ dictæ ad Valvam ferream sunt firmatæ, duo Clavi fortes (**.) ferrei sint defixi, ad quos pro lubitu quicunque Catenularum annuli possint suspendi. Totus cæterum Rimæ descriptæ superior tractus lapidibus & cæmento claudatur, duobus solummodo foraminulis relictis, per quæ Catenulæ transmitti possint.

9^{no}. In sinistra hujus (N^o. 7.) Cavi parte, in distantia octo pollicum ab ejus fundo, Caminus quadratus ex lateribus erigatur (qqqq), tres cum dimidio pollices amplius, quatuor pedes altus, sursum versus paululum convergens; ut fastigii ejus diameter trium sit pollicum. Caminus hic perfectè claudi posse debet Lamina ferrea, manubrio instructa (rr), quæ mobilis sit intra duplicem marginem ferreum, quadratum (ssss), in parietibus Camini, ea altitudine à pavimento, quæ cuilibet comoda videtur, firmatum. 10^{mo}. Infra hunc Caminum porro fiat Apertura quadrata, similis priori (N^o. 6. gg), ducens oblique sursum ad fundum Cavi alterius cylindrici, (uuuu), octo pollices alti, sex pollicum radio descripti, superius aperti, atque ibidem convergentis introrsum in marginem pollicaris crassitie, sex lineas latum, sustentandæ Ollæ ferreæ inservituum. Exscindatur etiam in pariete istius Cavi

Cavi anteriore, de ora hujus suprema, ^{Tab. IV.} segmentum duos cum dimidio pollices ^{Fig. 1.} profundum, quinque latum, antè de-clive(vv.), quo Retortæ collum excipi queat. vv.

11^{mo}. Ad hoc Cavum (N^o. 10.) pertinet Olla ferrea (w w), undecim pol- ww
lices lata, novem circiter profunda, quam ambiat Circulus ferreus (xx), pollicem xx
latus, sesqui pollicis intervallo a margine Ollæ supremo firmatus. Exscindatur itidem de Ollæ hujus extremitate superiore segmentum (y), quatuor cum dimidio y
pollices profundum, quinque latum; juxta cujus ductum Circulus ferreus modo descriptus, qua hujus segmenti limites attingit, curvari debet. 12^{mo}. E regione Aperturæ quadratæ (tt), ex priore (N^o. 7.) tt
in alterum Cavum (N^o. 10.) hiantis, alia talis Apertura (z) fiat, duos à fundo Ca- z
vi alterius (N^o. 10.) pollices distans, perfectè similis prioribus (gg. tt.), oblique gg. tt.
sursum pertinens ad Cavum tertium (1111) 1111
Cavo secundo, cylindrico (uuuu), simile uuuu
& æquale; ut ignis ex hoc, in illud transire possit. 13^{to}. In posteriore muri, qui Aperturam modo memoratam (z) efficit, z
parte, Caminus, priori (qqqq) similis, qqqq
eadem altitudine eminens, (2222), assur- 2222
gat, qui simili etiam Valva (3) claudi 3
possit. 14^{to}. Ad latus denique sinistrum

Fig. 1. Cavi tertii (1111) itidem Apertura effo-
 1111 retur (4), prioribus (gg tt. z.) similis,
 4 gg a fundo Cavi tamen remotior, altero ex-
 tt. z. tremo cæca, communicans saltem cum
 555 cavo Camini tertii (555), eadem lege, ac
 9999 priores duo Camini (qqqq. 2222.), super-
 2222 struendi. Sic Furnus habetur ad plurimas
 Operationes accommodatissimus.

§. 243. Restat nunc de *Ufu Athano-*
ris, (§. 242.) descripti, dicendum; &
 præcipuè quibusnam operationibus sin-
 gulæ ejus partes inserviant; tum qua
 ratione Ignis in eo regi possit ac de-
 beat, 1^{mo}. Ad Portam Turris superiorem,
 • fornicatam (e), Fornix semi cylindricus,
 duodecim pollices longus, intrinsecùs po-
 test poni, per Ostium ipsum immitten-
 dus; qui hinc ejusdem, ac hoc Ostium,
 altitudinis & latitudinis sit oportet, tres
 quartas pollicis partes crassus, posteriùs
 apertus; siquidem ibi à posteriore Atha-
 noris pariete, ad quem usque pertingere
 debet, clauditur. Hunc in finem & pa-
 • vimentum Ciaticulæ (d) imponendum est,
 quo Fornix sustentetur. Cæterum hic For-
 nix ad basim suam quoque excisus sit, uti
 vulgares Docimastici (Tab. II. Fig. 1. & 2.)

Tab. II. Fig. 1. Sub hoc Fornice Ollæ cementatoriæ, vel
 & II. corpora valido & diuturniore igne calci-
 nanda, poni possunt: id, quod & absque

For-

Fornice, sed minus nitide, facere licet. ^{IV.} Fig. 1.
 2^{do}. In prima Camera (hhhh ii) fieri pos- hhhh ii
 sunt Destillationes violentissimæ igne a-
 perto: Retortæ enim vel Canthari in
 eam, ablata Porta (kkk), immittuntur, kkk
 & vel ipsi Cameræ hujus pavimento, vel
 Pedistallo singulari lapideo imponuntur.
 Oportet autem Vasa isthæc sic locare,
 ut collum eorum per applicatæ rursus Por-
 tæ Foramen (l) commode transmitti
 queant: quem in finem Pedistallum, mox
 altius, mox depressius, pro varia Vaso-
 rum altitudine, seligitur. Postquam dein
 Porta iterum applicata est, atque ambo-
 bus suis Repagulis (nn) firmata; rimæ nn
 omnes, quæ circa collum vasis, tum &
 inter Portæ & introitus Cameræ margi-
 nes, hiant, luto sunt claudendæ. Tunc
 applicatur collo vasis segmentum cylindri-
 cum, decem vel plures pollices longum:
 quo mediante fit, ut æstus, fervidique va-
 pores prodeuntes, paullatim restinguan-
 tur; ne vas recipiens, quod semper vi-
 treum eligitur, findatur. Recipiens, cum
 altero segmenti dicti orificio committen-
 dum, innititur vel pavimento, vel tripode
 quodam Fulcimento, ita constructo,
 ut ope trium cohlearum altius vel hu-
 milius reddi possit. 3^{io}. In eadem hac

Camera, loco Destillationis, fieri quoque
 Tab. possunt Cæmentationes & Calcinationes
 IV. &c.: quo in casu rotundum Laminæ fer-
 Fig. I. reæ Foramen (l) Epistomio (m) claudi
 l. m potest, rursusque aperiri; ut introspi-
 cere liceat. 4^{to}. Secundum & Tertium
 uuuu. Cava (uuuu. iiii.) præcipue inserviunt
 iiii. istis operationibus, quæ ex balneis Arenæ,
 Cinerum, vel Limaturæ, fiunt. Immit-
 titur nempe cuivis Cavo Olla (w), & ri-
 xx mula, intra Circulum ferreum (xx) & mar-
 ginem Cavi, cui ille incumbit, hians,
 vel tenui luto, vel sabulo imprimis ma-
 dido, circum appresso, obturatur. 5^{to}.
 In hisce præterea duobus Cavis Destilla-
 tiones quoque per ignem Reverberii æque,
 ac in primo, fieri possunt: nisi quod ignis
 in iis minus sit intensus; qui tamen suffi-
 cit pro Aqua Forti expellenda. Eximi-
 w tur tunc Olla ferrea (w), & situ inverso
 superimponitur Ori Cameræ; sic, ut margo
 xx Ollæ, ultra Circulum ferreum (xx), quo
 hæc cincta est, ad sesqui pollicis altitu-
 dinem extans, recipiatur intra Cavi oram,
 y & segmentum Ollæ exscissum (y) cum
 vv segmento de pariete Cavi exscisso (vv)
 constituat foramen pro transmittendo va-
 sis collo. 6^{to}. Omni apparatu sic instru-
 bbbb cto, per Turris fastigium (bbbb) immit-
 tun-

tuntur prius prunæ paucæ, candentes: hisce dein superinjicitur pabulum ignis crudum; ut Turris cavum, prout necesse judicatur, vel totum, vel pro parte sit repletum: tunc ocyssime super ponitur Operculum ferreum (f), ad cujus mar-^fginem extrinsecus sabulum, vel cineres, circum affunduntur, manibusque leviter comprimuntur: nisi enim hoc fieret; omne ignis pabulum, Turri contentum, flammam conciperet.

§. 244. Quantum ad *Ignis* in hoc Furno *Regimen*, pauca quædam generaliora heic adnectemus: Specialissima enim vix exhiberi opus est; quum vel tantillum in arte^{Tab. IV. Fig. 1.} Chemica versatis facile sub praxi innotescant. Ignis in prima Camera (hhhh. hhhh. ii.) fit intensissimus; si Porta Cinerarii ii. (c), totusque Cameræ caminus (qqqq)^{c. qqqq.} est apertus, atque insuper Lamina ferrea catenis suspensa (6.pp.) non impediat,^{6 pp.} quin Ignis libere ex Turri in hoc Cavum transire possit. Quo magis autem clauditur Caminus, una cum Porta Cinerarii; eo magis imminuitur æstus: quod tantò citius accidit, si Lamina ferrea, catenis suspensa, pro parte demittitur: ardet enim tum Ignis Pabulum, Turri contentum, ea saltem altitudine, quæ est inter infimum Laminæ ferreæ marginem & Cra-

IV.

Fig. I. dticulam (d). Porro in istis operationibus, in quibus Foramen Portæ rotundum (l), Epistomio (m) clauditur, observandum est, quod, si Ignis requiratur summus, non diu apertum sit relinquendum istud Foramen: nam aër, violenter per id irruens, corpora in Cavo posita cito refrigerat. In secunda & tertia Camera, eodem tempore ac igne, quo in prima Camera fiunt operationes, simul Processus (§. 243.) enarrati perfici possunt: penetrat enim ignis ex primo Cavo in secundum, & augetur; si Caminus huic superstructus (2222) aperitur. Antequam vero hoc fiat; Caminus primi Cavi tantum debet claudi, quantum Caminus secundi aperitur. Eodem artificio Ignis, qui operationibus in prioribus duobus Cavis inservit, impediri potest, quo minus per horum Caminos exeat, sed contra, per tertium Cavam, hujusque Caminum (§§§) propelli; ut & in corpora, hoc in Cavo locata, agat: prout enim tertio Cavo super impositus Caminus magis aperitur, ita unus vel ambo priorum Cavorum Camini magis claudi debent. Patet hinc in tertio Cavo validissimum excitari non posse ignem, nisi & in prioribus Cavis tantus sit: e contra calorem in Cavo tertio, per hujus ob-

obstructionem Camini, minorem reddi posse; quanquam magnus sit in prioribus. Idem de Cavo secundo, respectu primi, quoque verum est. Tandem sub Fornice, intra Portam Turris superiorem (e) loca- to, æstus non potest fieri summus, quin & in primo Cavo tantus sit; qui hinc intendi potest, dum Porta ad Fornicem (e) tota clauditur; imminui, si aperitur; manente interim in Camera prima & sequentibus æquali calore. Cætera praxis facile docebit.

III.

DE

RELIQUA SUPPELLECTILE
DOCIMASTICA.

§. 245 *Forcipes* quatuor in usum veniunt.

Prima (Tab. IV. Fig. 2.) constat duobus cruribus, ferreis, duos pedes longis, totidem lineas crassis, in medio ope clavi (a) sic nexis; ut claudi & aperiri possint, neque tamen vacillent. Anterior, qua Vasaprehenduntur, crurum pars in semilunarem figuram introrsum curvata sit (b); posterior autem duas Auriculas (c) habeat, quarum ope Forceps dirigi possit. Inservit hoc Instrumentum ad Testas & Cupellas vel minima Crucibula eximenda.

§. 246. *Altera Forceps* ex lamina Chalybea, ad elateris temperiem indurata, conflatur:

Tab.

IV.

tur: longa autem sit sex pollices, antè tur: longa autem sit sex pollices, antè
 fere acuta, & probe polita (Fig. 3.). Ope
 hujus Granula metallica in Cupellis resi-
 dua, aliaque minuta Objecta, capiuntur.

Fig. iv. §. 247. *Tertia* (Fig. 4.) mediocribus
 Crucibulis fusoriis aptata est, longa tres
 pedes, fortioribus instructa Cruribus, cæ-
 teroquin eodem modo facta, ac prima
 (§. 245.); nisi quod anteriora ejus Crurum
 extrema singula in rostrum aliquot pollices
 longum, sesqui pollicem latum, deorsum
 inflexa debeant esse; ut horum ope Cruci-
 buli latera firmiter compressa teneri possint.
 Forcipsis hujus præcipuus usus est, si me-
 talla, in mediocribus vasis liquefacta, in Mo-
 dulos vel Infundibula sunt transfundenda.

§. 248. Maxima Vasa, multo onerata
 metallo, facilius, quam parva, contra-
 hunt in igne fissuras; hæque, nisi a Pe-
 distalli humiditate oriantur, semper in su-
 periore & ampliore Vasis parte, & qui-
 dem plerumque secundum altitudinem pro-
 tensæ, rarius transversæ, obtinent. Ut
 ejusmodi Vasa tuto ex igne auferantur;
 adsit *Forceps* priore (§. 247.) fortior &
 longior (Fig. 5.): cujus alterum Crus,
 antè, introrsum versus parum incur-
 vatum, desinat in fortem Semicirculum,
 diametri octo pollicum, ita defixum, ut
 semirectos cum Crure Forcipsis angulos con-
 stituat (a): alterum Crus, antica parte

Similiter curvum, duos extremo suo Semicirculos, priori similes, ea tamen lege inter se, & ratione prioris, sitos gerat; ut alter ab altero pollicem circiter latum distet, sicque intervallum formetur, quo Semicirculus alterius Cruris excipi queat (b): qua structura fit, ut Forcipsis hujus ope & majora & minora Vasa tractari possint. Forcipsis istius anteriore, curva, parte, leviter prius igne candefacta, Vas eximendum paulo infra marginem suum superiorem apprehenditur, sicque Circulo integro cinctum tuto ex igne auferri potest.

§. 249. Quando Materies, in Vascularibus sub Fornice Docimastico posita, est movenda; utendum *Unco ferreo*, duos pedes longo, sesqui lineam crasso (Fig. 6.). Ejusmodi Uncorum duos vel tres, quot nempe Vasa, cum materie movendâ, simul sub Fornice posita sunt, præsto habere decet; ne idem Hamulus pro omnibus movendis adhiberi debeat, & altera materies per alterius particulas Hamulo adhærentes inquinetur: neque enim semper tempus conceditur, ut malleo decutiantur, vel lima abradantur adhærentia.

§. 250. Quando cineres de Fornicis dorso sunt removendi; vel vacua inter prunas interstitia nascuntur, inæquabilem red-dentia ignem; forte *Filum ferreum* (Fig. 7.)

in

in foramen Furni Docimastici (Tab. III. Fig. 1. p.) intruditur, quo cineres deji-
ciuntur, & prunæ motæ collabuntur.

Tab.
IV.

Fig. § 251. Materies in Crucibulis movetur
VIII. ope *Hamuli* ferrei (Fig. 8)

§. 252. Ad operationes in majori Cine-
ritio perficiendas, opus est, ut adsit *Ru-*
Fig. IX. *tabulum* (Fig. 9.), quatuor pedes longum,
quocum movetur massa, vel detrahuntur
Scoriæ lentiores.

§. 253. Craticulæ obstructæ liberantur
Fig. x. per *Rutabulum* (Fig. 10.), cujus magni-
tudo sponte patet.

Fig. XI. §. 254. Paruum *Cochleare* ferreum, (Fig.
11.) diametri sex linearum, bene poli-
tum, manubrium habens duos pedes lon-
gum, servit ad Corpora, prius comminu-
ta, Vasis, præsertim sub Fornice posi-
tis, infundenda. Majus denique *Cochleare*,
cavum, pro Plumbo, Stanno &c. leniore
igne fundendis, requiritur, cujus forma
fatis est nota.

§. 255. Validus ignis, si diutius inspici-
tur, oculos non modo hebetat, sed & im-
pedit, quo minus corporum mutationes
distincte observare liceat. Pro hoc in-
commodo avertendo comparatur tenuis
asserculus, de ligno aridissimo factus, pedem
longus & latus; ut totam faciem defende-
re queat: manubrio is sesqui pedem longo

instruitur: in ejus autem medio juxta latitudinem rima exscinditur, sesqui lineam lata, versus alterum afferculi latus, igni obvertendum, divergens, & utrinque sat longe excurrent; ut visionis campus major fiat, & ambobus oculis simul commode perspicere liceat. Vocabimus isthoc Instrumentum *Umbraculum*, per cujus rimam videndo, defensus ab igne, & scintillis diva-
Tab. IV.
 gentibus, Artifex secure objectum con-
 templari potest. (Fig. 12). Fig. XII.

§. 256. Ad ignem excitandum, præter parvum *Follem* manualet, majore duplici, quali Aurifabri & Ferrarii utuntur, opus est, tres pedes longo (Tab. V. Fig. 1.).
Tab. V. Fig. 1.
 Sustineatur is Fulcimento ligneo, sic instru-
 cto, ut pro lubitu antierius, & posterius, ad Pedis circiter altitudinem elevari & dimitti possit. Fulcimenti hujus structura ex (Fig. cit.) satis clare patet. Follis hic si quiescit, distentus teneri debet, & omni quadrante anni pinguedine Balænae vel oleo perungi: quod si negligitur, corium cito fissuras contrahit, ligamenta rigescunt: unde debilis & inæqualis flatus.

§. 257. Loco Follis, utuntur quidam *Aeolipila*, quæ est, globus ex bractea Cupri factus, cavus, diametri sexdecim circiter pollicum, secundum tangentis ductum ex se dimittens tubum apertum, talem fere

fere, qualis Folli majori adaptatus est. Si globus hic, ad duas tertias aqua impletus, igni superponitur, ut valide intus ebulliat Aqua; ac dein tubi ejus apertura versus ignem sufflandum dirigitur; tunc prorumpit ex fistula hac flatus, ignem vehementer excitans. Ab hujus tamen Instrumenti usu abstinendum, ubi Cuprum, absque vase, liquefcit, & in Pedistallo Furni colligitur (§. 240.); siquidem haud raro guttulæ majores aquæ ex Aeolipilæ tubo excutiantur.

§. 258. Quando parvæ massulæ metallicæ sunt liquefaciendæ; optime res perficitur, si supra carbonem duriozem, leviter excavatum, ponuntur; tumque flatus oris per Tubulum incurvatum transmissio Flamma Lampadis, forti ellychnio instructæ, ad moleculam metallicam liquefaciendam dirigitur: sic enim absque ullo apparatu & ipsum Ferrum fundi potest: quod eo facilius procedit, si Borax additur. Tubus, quo hoc perficitur, sit ex Cupro factus, & in curvatura sua applicatum habeat globum, cavum, pollicaris diametri, per quem transire debet flatus, eum quidem in finem, ut humiditas flatûs, in guttulas collecta, intra globi istius cavum colligatur, nec ad focus perveniat, actionem ignis turbatura.

Mi.

Minor hujus Tubi apertura, per quam flatus exit, tam parva sit, ut minimam aciculam vix admittat. Dicitur *Tubus Cæmentatorius*.

§. 259. Ad detegendam ferri præsentiam sæpe sufficit *Magnes*; sine quo tædiosus & diuturnus ad hoc opus apparatus requiritur. Magnete igitur, bene armato, instructus sit *Docimasta*, isque oneratus in loco sicco fervetur.

§. 260. *Incude* etiam, cujus superior superficies, perfectissime polita, pollicem circiter quadratum æquet, & *Malleolo* huic accommodato, opus est: quæ ambo nitidissima semper sunt servanda; ne rubigine, fulcis, vel lordibus corrumpantur: alioquin enim variæ operationes, præsertim *Quartatio* in *Praxi* explicanda, turbantur; dum vel inquinatur metallum, vel aliquid de eo abraditur.

§. 261. Cæterum & *Incude*, *Malleisque* majoribus, tum *Helice*, *Limis*, *Cuneis* &c. carere non potest, qui hanc artem exercet: sed hæc cum nimis cognita sint, describere non opus erit.

§. 262. Superest, ut *Bilancis Docimasticæ* Descriptionem, Examen, Correctionem vitiatæ, curatius exhibeamus; quippe quod Instrumentum est maximi in Operationibus *Docimasticis* momenti, cujus

K

ope

ope minorum corporum pondera exactè determinantur.

§. 263. Materia, ex qua *Bilanz* hæc confecta esse debet, sit Chalybs optimus: ex hoc enim rigidissimo, simul satis tractabili, nec nimis ponderoso, subtilius, quam ex ulla alia materie, concinnari potest. Accedit, quod Chalybs non tam facile rubigine deturpetur, quam Ferrum: tum quod nitidiorem quoque, quam cætera metalla, polituram, qua simul arceatur rubigo, admittat. Temperatura interim Chalybi ad hoc opus adhibendo paulo concilietur mollior, quam est Elateris perfecti; ut leviter flexus sese restituat: tum enim non adeo facile vitium contrahere, &, si quod contraxit, id corrigi levi negotio potest.

§. 264. Structura *Bilancis* Docimasticæ a vulgari parum, nisi subtilitate, differt. Tab.V. Jugum ejus (Tab.V. Fig.2.) quo longius sit, Fig. 11. eo ad minimum vitium magis sensibile est: hinc longius breviori præferendum: sufficit tamen 10. vel 12. pollicum longitudo. Crassities Jugi tantilla sit, ut in quolibet ejus a. b. Extremo (a. b.) vix duæ suspendi queant drachmæ, quin flectatur: pondus enim, quod imponitur, maximum raro excedit unam drachmam. Tota hujus Jugi superficies ornamentis careat prorsus, quippe quæ

quæ molem solummodo augment, sordibus-
 que oculos præbent. Suspenditur Jugum Tab V.
 in Trutina (Fig. 3.); cujus duo Crura Fig. III.
 tenues sint Elateres Chalybei, superius
 continui, inferius Confibula (Fig. 4) auri Fig. IV.
 chalycea, flexili, nexi, duarum & dimidiæ
 linearum intervallo a se mutuo parallelè di-
 stantes. Hac Confibula ablata, distentisque
 Trutinæ Cruribus, Jugi Axis in duo Fora- Fig. III.
 mina (aa), eum in finem extremis Crurum aa.
 insculpta, imponi, vel impositus auferri
 potest. In Lacunari Trutinæ infixus sit
 Stylus acutissimus (c), perpendiculariter c
 deorsum, si Trutina suspensa est, spectans,
 tantæ longitudinis; ut Lingulæ Jugi (Fig. Fig. II.
 2. c.), Trutinæ commissi, in æquilibrio c
 constituti, apicem fere attingat. Stylus
 hic æquilibrii Index est; quod ut Artifici
 e regione adstanti observare liceat, Tru-
 tinæ Crura, ibidem latiora, Apertura dua Fig. III.
 rum vel trium linearum (b) pateant. Cæ- b
 terum hanc Trutinam pro lubitu ornare
 licet; modo ne Bilancis motus per ejus-
 modi Ornamenta impediatur. Duæ dein
 Lances, ex tenui bractea Argenti confe-
 ctæ, fere planæ, sesqui pollicaris diame-
 tri, pendentes de tribus funiculis, subti-
 lioribus, sericeis, Jugi fere longitudinem
 æquantibus, superius hamulo figmoideo,
 argenteo, alligatis, ad Jugi extrema ap-
 pen-

penduntur. Ad quamlibet porro harum
 Tab.V. Lancium Patella Argentea pertinet, dia-
 Fig. v. metri pollice paulo minoris, (Fig. 5.).
 In has Patellas corpora ponderanda, ope
 Tenaculi, vel, si sunt comminuta, in-
 terventu Cochlearis vel Batilli parvi, prius
 ingeruntur, hæque dein in Lances im-
 ponuntur: quamobrem Patellæ omnino
 æqui ponderantes esse debent. Utimur
 autem Patellis istis eum in finem, ut eo
 commodius imponi auferrique possint ob-
 jecta de Lancibus, nec hæ, utpote per-
 tenues, contorqueantur, inquinentur,
 tumque abstergendo vitium contra-
 hant.

§. 265. Bilanx hæc (§. præc.) *Fulcimen-*
to mobili, Aurichalceo, vel Cupreo, su-
 Fig. vi. spenditur. Constat hoc ex Pedistallo (Fig. a
 b 6. a), & huic superstructa Columna (b), vi-
 ginti circiter pollices alta, e cujus summo
 c fastigio Brachium, (c), pollicis longitu-
 dine ad angulum rectum protenditur. In
 hujus Brachii extremo locata sit parva
 d Trochlea, trium linearum diametri (d).
 In fastigio Columnæ porro altera sit simi-
 e lis Trochlea (e), & circa Pedistallum
 f tertia, (f): quæ omnes facillime circa
 axin volubiles esse debent. In distantia
 sesqui pollicis infra Brachium supremum,
 e Columna alterum prodeat Brachium,
 ses-

sesqui pollicem longum (g), Foramine ^g
 pervium (h) duas lineas longo, quadran- ^h
 tem lineæ lato, perpendiculariter infra
 Trochleam Brachii superioris (d) locato, d
 quo recipi debet Lamella (i), sesqui polli- ⁱ
 cem longa, tantæ latitudinis & crassitie,
 ut intra Foramen liberè quidem sursum &
 deorsum moveri, at non multum vacillare
 possit. Utroque autem suo extremo Ha-
 mulum gerat isthæc Lamella.

§. 266. Porro cum Bilanx talis, mobi-
 lissima, in aëre libero vix quiescat, & sor-
 dibus inquinata fallax fiat; reponi ea de-
 bet, una cum suo Fulcimento, in *Domun-*
cula vitris superius, & circumquaque ad
 latera, instructa, ut ad interiora ejus per-
 spici possit. Magnitudo ejusmodi Do-
 munculæ spontè patet; quippe quæ talis
 requiritur, ut Bilanx, de suo Fulci-
 mento suspensa, commode locari in ea
 versarique queat. Fenestræ dextri, fini-
 stri, & anterioris lateris, ita sint compa-
 ratæ, ut aperiri & claudi sine notabili
 Domunculæ concussione possint. Funda-
 mentum vero ejus sit Capsa ductilis, duos
 pollices alta, latitudine Domunculæ su-
 perstructæ æqualis, anteriùs ad quatuor
 vel quinque pollices ultra Domunculæ pa-
 rietem procurrens, facile extrahenda &
 reducenda. Scilicet in hujus Capsæ ca-

vo reponuntur Pondera, suis inclusa loculis, Tenacula, parvum Batillum, vel Cochleare, pulveribus in Patellas Lancium ingerendis adaptatum, & si quæ alia huc requiruntur: sic enim ad usum præsto ea sunt, & nitidiuscula servari

Tab V. possunt. Vid. Tab. V. Fig. 7.

Fig VII. §. 267. Apparatus hæcenus (§. 263. ad 266.) descriptus sequenti modo ad usum disponitur. Funiculus sericeus supra tres Fulci-

Fig VI. menti Trochleas (Fig. 6. e. f. d.) extenditur, e. f. d. hujusque altero extremo superiori alligatur Uncinulus Laminæ (i), quæ dein h Foramini Brachii inferioris (h) committitur. Fulcimentum tunc (§. 265.) in medio Domunculæ (§. 266.) reponitur, alterumque Funiculi Sericei extremum, inferius, per Foramen in medio marginis inferioris, Fenestellam Domunculæ anteriorem excipientis, terebratum, foras transmittitur, k ac Ponderi aliquot unciarum (k), in formam cubicam redactæ, adfigitur. Bilancis dein

Fig. III. Trutina (Fig. 3.) suspenditur ad Hamum

Fig. VI. inferiorem laminæ (i). Sic Pondus, Funiculo alligatum (k), super Capsæ ductilis lacunari, ultra Domunculæ partem anticam excurrente, collocatum, antrorsum vel retrorsum movendo, Bilanx intra Domunculam clausam elevatur vel demittitur. Corpora autem ponderanda, & ipsa Pon-

de-

dera, locantur in Patellis Argenteis, (Fig. 5.), Tab. V. hæque tum oneratae per laterales Fenestras, apertas, Lancibus imponuntur. Siquid addendum iis aut demendum, id ope Tenaculi, vel, si pulvis est, ope Batilli, aut Cochlearis, tractatur. Quotiescunque tamen aliquid imponitur, vel aufertur, Bilanx demitti debet; ut Lances super fundamento Domunculæ quiescant: tum vero antequam rursus attollatur Bilanx, Fenestræ prius claudantur oportet; præsertim sicubi Atmosphæra minus tranquilla fuerit. Vid. Tab. V. Fig. 7.

Fig. VII.

§. 268. Bilanx (§. 264.) an iusta sit, examinatur per Patellarum permutationes. Patellæ nimirum prius in Lances ponuntur; tunc Bilanx elevatur; ut observetur, an in æquilibrio constituta sit: si non sit; addito ad leviolem Patellam Plumbo granulato ad æquilibrium deducitur: quo obtento altera dein Patella, una cum Plumbo granulato, si quod additum est, in alterius locum substituitur; iterumque mox attollitur Bilanx: quæ si tum quoque statum æquilibrii servat; signum est eam esse iustam: si vero æquilibrium post Patellarum permutationem tollitur; signum certum est vitiosæ Bilancis. Porro etiam ubi videris Bilancis elevatae Jugum in Trutina, non solum sursum & deorsum, sed

& lateraliter moveri, itidem minus justam esse scias. Tandem & hoc inter vitia Bilancis numerandum, si eâ elevatâ, in æquilibrio constitutâ, alteram Lancem digito deprimis, nec hæc se denuo, amoto digito, restituit: quod si obtinet, justa quidem esse potest Bilanx quoad longitudinem & gravitatem Brachiorum Jugi, sed vix accuratè in statum æquilibrii redigi valet, hinc ponderationi exactæ minus apta.

§. 269. Haud sufficit tamen cognovisse, an Bilanx justa sit, an vitiosa: oportet insuper detecta ejus vitia corrigere posse. Quapropter ante omnia causas vitiorum nosse juvat; ut his ablatis desiderata acquiratur exactitudo. Et sane vel magis etiam necessaria est Docimastæ cognitio modi, quo corriguntur vitia Bilancis, quam quo ipsa conficitur; quum correctio demum requisitam in ponderationibus Docimasticis subtilitatem exhibeat. De hac ergo nunc agendum. Primo. Tædiosum vitium est, si Bilanx vel planè non in statum horizontalem deduci potest, vel in eum deducta, si dein alterutra ejus Lanx deprimitur, ablatâ potentiâ deprimente sese haud iterum restituit. Indicat hoc Axin, cui Jugum Bilancis incumbit, cum istis punctis, in quibus applicantur po-

potentiaæ, esse in eadem linea horizonta-
 li. Correctio ergo fit, si, Jugo ex Tru-
 tina ablato, Brachiorum extrema annula-
 ta (a. b.), ope Tenaculi, paululum depri-
 muntur; ita tamen æquabiliter, ut filum,
 ab uno annulo ad alterum, juxta Jugi lon-
 gitudinem tensum, ad Lingulam utrinque
 rectos faciat angulos: id, quod Rectan-
 gulo applicato explorari debet. 2^{do}. Si
 vero in æquilibrio constituta Bilanx parvo
 præpondio vix mutet suum statum; signi-
 ficatur, vel Axin non satis acutum esse;
 vel Foramen Trutinæ, in quo volvitur
 Axis, nimis angustum motui hujus re-
 sistere; vel Axin nimis alte positum esse
 supra lineam horizontalem, ductam ab uno
 Brachiorum annulo ad alterum. Priora
 duo vitia vel magis acuendo Axin, vel am-
 plicando Foramen, facillime corrigun-
 tur. Posterius requirit, ut, quia Axis
 dimoveri nequit, Annuli eleventur: quod
 efficitur eadem lege, ac (Nº. 1.) dictum.
 3^{io}. Vitium est, si Bilanx, in æquilibrio
 constituta, non fert potentiarum alterna-
 tiones; aut si, potentiis absentibus, in
 alterutram declinat partem. Hoc indicat,
 positis Lancibus & Patellis æquiponderan-
 tibus, vel unum Jugi Brachium altero esse
 brevius; vel alterum alteri præpondera-
 re; vel ambas concurrere causas. Hujus

K 5

igitur

Tab. V.
 Fig. 11.
 a. b.

igitur corrigendi gratiâ elevetur primo Bilanx non onerata, &, nisi servetur æquilibrium, restituatur id Plumbo granulato in Lancem imposito. Immittantur dein Lancibus Patellæ, &, nisi Bilanx tum in æquilibrio permaneat, denuo restituatur id Plumbo granulato in Patellam, non vero in Lancem, immisso. Si tunc alternari possunt Patellæ, non turbato æquilibrio; indicatur, tantum materiæ de altera Lance ope cotis vel limæ auferri debere, quantum Plumbi granulati in oppositam Lancem pro æquilibrio obtinendo fuit repositum: altera enim alterâ est gravior: quam inæqualitatem plerumque sordes aut rubigo produciunt. Si vero alternari Patellæ, salvo æquilibrio, non possunt; certus sis, alterutrum Jugi Extremum, & quidem illud, quod permittatis Patellis deprimitur, altero remotius esse ab Axi. Unde tum Brachium istud reddi debet brevius: quod fit, si Arcus annulatus in extremo Brachii istius positus, ope subtilis Tenaculi, modestè, & parum simul, Axin versus comprimitur, bene interim cavendo, ne eadem opera attollatur vel deprimatur Jugi Extremum: alioqui enim primum (Nº. 1.) vel secundum (Nº. 2.) vitium in locum correcti substitueretur. Hoc igitur peracto aufer

Pa-

Patellas, & tollendo aliquid de Plumbo granulato ante in alteram Lancem posito æquilibrium, utpote quod semper tunc sublatum erit, restitue: certò enim illud Jugi Brachium, quod ante fuerat elevatum, nunc deprimetur. Iterum dein impone Lancibus Patellas, &, nisi detur æquilibrium, Plumbo granulato in Patellam alterutram immisso id restitue: quo obtento, pone alteram Patellam in locum alterius: videbis ex æquilibrium sublato, quodnam Jugi Brachium adhuc justo longius sit: quod si detegis, iterum corrige, ut prius, depressum scilicet Brachium reddendo brevius, aut elevatum elongando, probe attentus ad monita jam ante data. Has encheireses repete toties, donec Bilanx, Patellis non onerata, vel per se vel ope metalli granulati in Lancem alterutram immissi in æquilibrium constituta, Patellarum alternationes, salvo æquilibrium, ferat: tunc enim ambo Brachia ejusdem sunt longitudinis. Postea denique & vitium prius in Lancium inæqualitate situm, si adhuc superest, auferri potest, modo iam supra exposito. Cæterorum vitiorum causæ, quia magis sensibiles sunt, facilius etiam possunt tolli: hinc dextrinati Artificis eas relinquimus & detegendas & corrigendas.

§. 270. In eorum gratiam, qui ipsi Bilancem conficere conantur, sequentia adhuc monebo. 1^m°. Totum Jugum, una cum sua Lingula, ex una Chalybis lamella debet excindi: frustum enim adferruminatum, quia tam subtiliter debet elaborari, facile iterum disjungitur. 2^{do}. Axis, cum sit stylus subtilissimus, ferrumine firmandus est in foramine centro Jugi insculpto: id quod commodissime obtinetur, si Axis media pars, centro Jugi unienda, tenui lamella Auri involvitur: per Aurum enim Chalybs cum Ferro leviori igne ferruminari potest; quum aliter requiratur Ignis violentior, quo facile Axis destruitur. 3^{tio}. Temperatur Jugum, dum prius, igne candescens, in aqua dein frigida extinctum, oleo tandem oblinitur, & supra ignem eousque tenetur, donec oleum inflammatum ac consumtum fuerit: quod si duabus tribusve vicibus simili ordine repetitur, Elateris temperatura demum obtinetur. Faciendum id tamen est, antequam Jugum prorsus elaboratum fuerit. Extrema interim Jugi ad candelam dein iterum candescant; ut, paulo molliora facta, sese levi negotio flecti patiantur, & si necessum est, sub correctione elongari, aut accurtari queant.

§. 271. Si Bilanx laborat vitio inæquali-

litatis Brachiorum quoad longitudinem, vel gravitatem, cæterum vero bona est, neque otium suppetit ad instituendam prius correctionem; poteris eâ interim sequenti modo uti. Immitte ponderandum corpus in unam Lancem; in alteram vero pondera repone ad æquilibrium usque: tunc nota accurate summam ponderum: mox alterna potentias, Patellis tamen neutiquam alternatis: nota denuo pondera, quibus opus est ad æquilibrium obtinendum, utpote quæ certò a prioribus diversa erunt: multiplicentur dein ponderum amborum, prius in partes minutissimas e. gr. Drachmas, resolutorum, quantitates in se invicem: extrahatur tandem numeri sic producti Radix quadrata, quæ indicabit verum pondus rei.

§. 272. Bilanx Docimastica, hæctenus (§. 263. ad 271.) descripta, tam subtiliter, sicuti decet, confecta, cum ultra duos Centenarios Docimasticos, seu Drachmas, absque detrimento, non ferat; opus est alia Bilance paulo fortiore, quæ aliquot Unciis vulgaribus onerari possit, inservitura ad varios Fluxus, Additamenta, Plumbum, & Mineras præsertim Cupri, Ferri, Plumbi, Stanni &c. ponderanda. Cæterum & hæc exacte sit confecta, & fulcramento suspensa.

§. 273. Quot *Ponderum* genera ab artificibus, qui circa Metalla versantur, pro his ponderandis adhibentur, totidem & Docimastæ, præsertim sua arte multum occupato, præsto sint oportet; ne calculis arithmeticis pro reductione Ponderum consumere tempus cogatur. At quæ Docimastis propria habentur Pondera, milles exiliora sunt vulgaribus; quandoquidem perparvæ Metallorum vel Minerarum portiunculæ per Operationes Docimasticas examinantur.

§. 274. Metallurgi, qui ex mineris Metalla eliciunt, Pondere utuntur in centum partes æquales (*Libras* vocant) diviso, quod integrum adpellant *Centenarium*. *Libra* dividitur in triginta duas partes, *Semuncias* (*Loth* germ.) dictas; *Semuncia* rursus in *Sicilicos* duos; *Sicilicus* in totidem *Semificilicos* (Germ. *Quintlein*) vocatos. Neque ferè in magno opere ulterior subdivisio Ponderum adhibetur. Docimastis tamen conducit Semificilicum quoque in duas partes æquales divisum habere; quum aliquando ejusmodi minutiarum rationem habere oporteat. Ut porro omnes modo recensitæ Centenarii partes ponderari possint; necessum est tot diversa præsto habere Pondera, quot requiruntur, ut singulæ Centenarii partes inde componi queant,

queant. Sint ergo in promptu.

| | | | | |
|----|----------------------|----------------|------------------|-----------------|
| 1 | Centenarius pendens | - - | 100. | } Libr. |
| 2 | Pondus | - - - - | 64. | |
| 3 | - | - - - - | 32. | |
| 4 | - | - - - - | 16. | |
| 5 | - | - - - - | 8. | |
| 6 | - | - - - - | 4. | |
| 7 | - | - - - - | 2. | |
| 8 | - | - - - - | 1. | |
| 9 | Pondus Libræ dimid. | f. | 16. | } Sem-unc. |
| 10 | - - - Libræ | $\frac{1}{4}$ | f. 8. | |
| 11 | - - - - | $\frac{1}{8}$ | f. 4. | |
| 12 | - - - - | $\frac{1}{16}$ | f. 2. | |
| 13 | - - - - | $\frac{1}{32}$ | f. 1. | |
| 14 | Pondus Semunciæ dim. | f. | 2. | } Semi-ficilic. |
| 15 | - - - - | $\frac{1}{4}$ | f. 1. | |
| 16 | - - - - | $\frac{1}{8}$ | f. $\frac{1}{2}$ | |

§. 275. Hactenus (§. 274.) exhibitæ tam divisiones quam denominationes Ponderum Docimaſtis æque ac Metallurgis uſitatæ ſunt; eo tamen intercedente discrimine, quod Metallurgorum Centenarius Libras vulgares 100 contineat; Docimaſtarum vero ſaltem

saltem Drachmam vulgarem unicam, cui dein partes reliquæ proportionantur.

§. 276. Quum igitur Pondera Docimastica ad tantam usque exiguitatem dividantur (§. præc.), & a vulgaribus tantopere diversa sint; oportet, ut Docimasta hæc proprio Marte conficere sciat: id quod nunc exhibendum.

§. 277. Hæc Pondera (§. 274.) sunt ex laminis argenteis tessulatis, in tantam extentis arcam, ut cujuslibet Ponderis signum in ea exprimi queat. Eligatur autem primo pro basi Pondus duas tertias Drachmæ vulgaris partes circiter pendens, & notetur Signo 64. libr. Præsto tum sit Plumbum granulatum, ablutum a sordibus, siccum, per cribrum subtile trajectum; cujus tantum reponatur in altera Bilancis Docimasticæ Patella, quantum requiritur ad æquilibrandum Pondus modo memoratum (64. libr.), in opposita Patella locatum. Hoc facto exime de Patella pondus argenteum, & dimidiam Plumbi granulati partem in illius locum repone; ut exactissimum obtineatur æquilibrium. Tum ex alterutra Patella effunde granulatam, & in ejus locum pone aliud, interea confectum, pondus argenteum priori simile, dimidiorum hujus paullo gravius, notatum 32. libr.; bene cavendo, ne minimum quid de gra-

mulato in Patella remaneat. Si pondus argenteum alterum multum excedit pondus granulati, in altera Patella adhuc repositi; subtili lima tantillum auferendum: si vero saltem parum excedit; adhibe cotem subtilem, qua parum simul deteras, sæpiuscule interim comparando, donec granulato id quam exactissime reddideris æquale. Tunc alterna Patellas; ut, si forte commissus sit error, vel Bilanx vitium contraxerit, id necessario appareat. Perge dein eadem lege, usque dum omnia Pondera minora confeceris. Ut vero & Centenarium denique integrum habeas; adde Ponderi 64. Libr: Pondera 32, & 4 Libr:; hisque simul sumtis æquiponderantem confice laminam argenti majorem, signo 100 lb notandam. Habebis sic sat multa Pondera, e quibus varie inter se conjunctis omnes Centenarii partes commode componere licebit.

§. 278. Opus sæpe est Centenario Drachma vulgari majore: qui facile quidem, juxta leges ante (§. 277.) datas, quacunque magnitudine confici potest. Expedit tamen, ut id Centenario minori, hujusque partibus, sit proportionatum, duplum v. g. vel quadruplum illius exactè continens: sic enim minus Centenarium, unà cum suis partibus, inservit ad majoris

L quo-

quoque partes determinandas.

§. 279. An accurate confecta sint Pondera, vel usu vitium contraxerint, exploratur, Centenarium, aut majores hujus partes, cum minoribus comparando: e. gr. Centenarium integrum cum 64, 32, 4 libris; Pondus 64 lb. cum Pondere 32, & duobus 16 lb. & sic porro. Convenit ergo, ut de singulis Centenarii partibus duo præsto sint Pondera: id quod eo facilius fit, quoniam, in confectiōe Ponderum, determinatio Plumbi granulati fere tædiofissimam requirit operam: qua semel facta, levi dein negotio, duæ laminæ, argentæ, eidem quantitati granulati æquiponderantes, parari possunt.

§. 280. Includantur hæc (§. 277. 278.) Pondera Theculæ vel Capsæ, quæ claudiqueat, & in qua pro singulis apta & nitida loculamenta, corio vel panno obducta, efformata sint; ut statim quodlibet reperiri possit, neque plura simul eidem loculo immissa ad se invicem atterantur: unde facillime vitium contrahunt.

Scholion. In perficiendis Ponderibus, (§. 277.) quidam solent Pondus minimum prius determinare, & multiplicando dein usque ad Centenarium adscendere: sed tunc ex insensibili errore in minimo pondere commissi, dum id magis magisque multiplicatur, fit valdè notabilis, omnisque perditur labor. Contra si maximum Pondus, uti quidam solent, primo determi-

natur, difficillime dein inveniuntur minora: dimidian-
do enim vix commode potest procedi a 100 ultra 25.
Hæc ratio est, quare a 64 lb; incipio, nec paro Pon-
dera 50 aut 25 lb; quippe quæ combinatione aliorum
facile acquiri possunt.

§. 281. Centumpondium vulgare variis
in locis differt: sæpe enim plus quam Cen-
tum libras continet, & quidem plerumque
ad Centum & decem usque solet excurrere.
Ubi igitur ad proportionem Centena-
rii vulgaris Docimastica operatio accom-
modari debet; tot Libræ Centenario Doc-
imastico adjungendæ sunt, quot vulgaris
supra centum continet.

§. 282. Pro Argenti & Auri pondere
determinando utuntur Artifices Sēlibra
sive Bessē, quam vocant *Marcam*, & va-
rie dividunt. Pro explorandis Monetis
argenteis, & Cupro argentifero, dividunt
Marcam in sexdecim Semuncias, (*Loth.*),
Semunciam in quatuor Semificilicos,
(*Quintlein*), Semificilicum in quatuor
Nummulos, (*Pfennige.*), Nummulum de-
nique in duos Chalcos (*Heller*). Dicitur
autem Pondus hoc *Nummularium*. (*Pfennig.*
Gewichte).

§. 283. Non necesse est, ut Pondus modo
(§. præc.) descriptum præsto sit; siquidem
Pondus sexdecim Librarum Centenarii Do-
cimastici (§. 274. 277.) substitui possit:
hoc enim si integram *Marcam* repræsen-

tat; tunc quælibet illius Libra valebit semunciam Ponderis Nummularii; octo Semunciae unum Semificilicum; duæ Semunciae unum Nummum; una tandem Semuncia unum Chalcum.

§. 284. Pro Argento per Cuprum temperando Marca quoque dividitur in sedecim Semuncias, uti (§. 283.): sed Semuncia dein subdividitur in octodecim partes, quas Grana vocant, G. Agricola latinius Quaternas Siliquas; Granum denique in quatuor Quadrantes. Maximum igitur Pondus tunc est Marca seu Selibra, quæ circiter dimidiam ponderis vulgaris Drachmam pendit; secundum est octo; tertium quatuor; quartum duarum; quintum unius Semunciae; sextum dimidiæ, seu novem Granorum; septimum sex; octavum trium; nonum duorum; decimum, unius; undecimum dimidii Grani; duodecimum tandem unius Quadrantis. Circa hujusce Ponderum speciei confectioem præter antedicta (§. 277. & seq.) peculiare nihil observandum. Obtinet vero ejus, æquæ ac prioris (§. 282.), usus præcipuè in Germania.

§. 285. In Belgio, loco Ponderum (§. 282. 284.) descriptorum, Docimaestæ utuntur *Marca Nummularia*, quæ in duodecim Nummos, quilibet vero Nummus in viginti quatuor Grana subdividitur. Marca

autem hæc Nummularia dimidiam Drachmam vulgarem pendat, quod est primum Pondus; secundum sit sex; tertium, trium; quartum duorum; quintum unius Nummi; sextum duodecim Granorum; septimum sex; octavum trium; nonum duorum; decimum unius. Ulterius dividendo haud procedunt.

§. 286. Pro Auro per Argentum & Cuprum temperando, Pondere Ceratiorum (*Carath-Gewicht*) utuntur, cujus Marca in viginti & quatuor Ceratia (*Carath.*), Ceratium vero in duodecim Grana est divisum. Primum hinc Pondus heic, uti in prioribus, est Marca Ceratiorum viginti & quatuor, secundum duodecim; tertium sex; quartum trium; quintum duorum; sextum unius; septimum dimidii, vel sex Granorum; octavum trium; nonum duorum; decimum unius.

Scholion 1. Præter hætenus (273. & seq.) traditas Ponderum varietates plurimæ adhuc aliæ ab his diversæ dantur: sed hujus loci non est, fassius de istis omnibus agere. Videatur G. Agricola Lib. VII. de Re Metallica.

Scholion. 2. Cum Marca Nummularia, Belgica, (§. 285), Granorum Germanica, (§. 284.), & Ceratiorum (§. 286), singulæ in ducenta octuaginta & octo Grana sint divisæ; sponte patet, una ex hisce tribus solummodo opus esse: cujuslibet enim horumce Ponderum Grana duodecim unum constituunt Nummum; octodecim vero unam Semunciam; viginti quatuor denique unum Ceratium.

§. 287. Quodlibet Metallum, purum, specifico suo gaudet Colore, quo a cæteris sese distinguit. Cum vero Metalla omnium corporum cognitorum sint opacissima; Color cujuslibet specificus distinctissime apparet, si id ad Lapidem nigerrimum, duriores, affricatur. Quod si igitur duorum aut plurium Metallorum, explorandorum, colores, frictu ad Lapidis ejusmodi superficiem, sat amplis vividisque maculis in eodem plano juxta se mutuo positos expressi sunt, eorundem diversitas aut similitudo sic facile discerni potest.

§. 288. Lapis, huic examini accommodatus (§. 287.), vocatur Lydius, qui sequentibus gaudeat dotibus oportet. 1. Coloris sit nigerrimi, ne a spuris radiis, interlucentibus, metalli turbetur Tinctura. 2. Superficiem mediocriter politam recipere aptus sit: hæc enim si rudior est, metallorum ipsi adfrictorum colores non satis nitide conspiciendos exhibet; si vero nimis sit lævis, Metalla, præsertim Aurum purius, molle, non promte abraduntur. 3. Nec nimis durus, nec mollis sit: nam crustulæ metallicæ per Terram Tripolitana, pulverem Carbonum, vel Cineres Stanni, detergentur: quo fit, ut brevissimo tempore nimia ipsi, sicubi durior est, læ-

vitas concilietur: mollior autem in pollicem facile conteritur, & sulcos contrahit. Itaque Marmor nigrum, rudius, vel Sili-ces fluviales nigri, molliores, optime ad hoc opus quadrant. Rediguntur itaque in prisma quadrangulum, pollicaris circiter crassitiei, longitudinis pollicum duorum vel trium: quæ commodissima est ad usus figura.

§. 289. Metalla, quæ, modo (§. 287.) enarrato, explorantur, sunt Aurum, Argentum, Cuprum, pura, vel varia proportionem per fusionem inter se mixta. Quo melius autem horumce Metallorum, sicuti examinari debent, puritas, aut varia mistura, dignosci possit; massæ explorandæ comparantur cum moleculis similium Metallorum puris, vel cognita proportionem inter se mixtis, ex composito eum in finem præparatis, quæ vocantur *Acus Probatrices*. Scilicet Metalla ante dicta tam pura, quam varia proportionem inter se mixta, formantur in laminas unam lineam latas, quadrantem lineæ crassas, sesqui pollicem longas, quarum singulis insculpitur signum puritatis aut variæ permutationis Metallorum, e quibus conflatae sunt.

§. 290. Acus has (§. præced.) conficiendi rationem nunc trademus; & prius quidem

dem *Argentearum*. Harumce temperatura fit solo cum Cupro: proportio autem determinatur per Marcam in Semuncias & Grana divisam (§. 284.). Unde & Marca tanti ponderis eum in finem adhiberi debet, ut moleculam metalli constituat satis magnam pro Acu conficienda: fit ergo ejus pondus v. g. integra Drachma. Ponderatur tum Marcâ talis Argenti purissimi, huicque in chartulam involuto adscribitur nota sedecim Semunciarum, quæ indicat totam hujusce Metalli Marcam esse Argentum purissimum. Ex hac massula fit Acus prima. Pondera dein quindecim Semuncias Argenti puri, unam Semunciam Cupri puri; involve ambo simul chartæ, & adscribe notam quindecim Semunciarum, quæ indicat, dari in molecula hac metallica quindecim partes Argenti puri, unam partem Cupri puri. Ex hac fit Acus secunda. Porro ad quatuordecim Semuncias Argenti puri adde duas Semuncias Cupri; adscribe signum quatuordecim Semunciarum. Inde conficitur tertia Acus. Perge dein pro reliquis Acubus Argenti & Cupri massulas proportionare, singulisque misturis adscribere ordine sequenti.

| | | | | | | | |
|------------|---------------------|---|----|--------------|------|----|----------------|
| Pro Acu | 4 ^{ta} . | - | 13 | ———— | ———— | 3 | Sem. Cupri. |
| | 5 ^{ta} . | - | 12 | ———— | ———— | 4 | |
| | 6 ^{ta} . | - | 11 | ———— | ———— | 5 | |
| | 7 ^{ma} . | - | 10 | ———— | ———— | 6 | |
| | 8 ^{va} . | - | 9 | ———— | ———— | 7 | |
| | 9 ^{na} . | - | 8 | Semunc. Arg. | 8 | 8 | |
| | 10 ^{ma} . | - | 7 | ———— | ———— | 9 | |
| | 11 ^{ma} . | - | 6 | ———— | ———— | 10 | |
| | 12 ^{ma} . | - | 5 | ———— | ———— | 11 | |
| | 13 ^{tia} . | - | 4 | ———— | ———— | 12 | |
| | 14 ^{ta} . | - | 3 | ———— | ———— | 13 | |
| | 15 ^{ta} . | - | 2 | ———— | ———— | 14 | |
| | 16 ^{ta} . | - | 1 | ———— | ———— | 15 | |

Qualibet dein Metalli portiones, uti peculiari singulæ charta continentur, ita in novum, nunquam ad ullam operationem adhibitum, Crucibulum seorsim immittantur, & pauxillo Boracis addito, subitissimo igne, qui optime ante follem excitatur, colliqueſcant, vel, quod melius, in candescens jam Crucibulum injiciantur, moxque, ac fluunt, agitentur stylo ligneo, arido, ambusto, & tum, absque mora, in Lingonem infundantur. Per Tubum Cæmentatorium (258.), hæc colliquatio itidem, & fere commodius, perfici potest. Porro quamlibet massulam, frigeſactam, sua iterum, ne confusio oriatur, involve chartula, ac

dein singulas denuo ad Bilancem explorat. Si integram quævis Marcam adhuc ponderant; bonæ sunt: si vero notabile pondus cuidam deficit; signum est, nimis lento, vel diuturno, igne tantum Cuprum combustum esse, quantum de pondere deficit: hujus ergo massulæ loco alia simili proportionem est facienda. Tandem ex singulis harum molecularum, mallei ope, formentur Acus (§. 289.), intercedente, si Metallum sub malleo nimis incipit rigescere, levi candefactione. Insculptatum dein singulis hisce Acubus numerus Semunciarum Argenti, quod continent; primæ 16, secundæ 15, & sic porro: tum altero extremo perforantur singulæ, filoque demum argenteo per earum foramina trajecto, ordinate juxta seriem suorum numerorum, colliguntur. Vocantur hæ *Acus Probatrices Argenteæ*: Argenti autem variam cum Cupro Temperaturam adpellant *Ligaturam*.

§. 291. Quidam per dimidias Semuncias proportionem suarum Acuum determinant: alii subtilioribus adhuc divisionibus utuntur, quarum compositiones & numeri ex (§. præc.) facile cognoscuntur. Sed ultra dimidias Semuncias vix aliquid circa Argenti Ligaturam, ope Acuum, distinguere potest.

§. 292. Acubus hifce Argenteis (§. 290.) superaddi etiam poteft quædam ex puro Cupro confecta: fic enim & Cupri fimul puritas aut varia cum Argento miscela per easdem difcerni valet.

§. 293. In Belgio pro Acubus conficiendis utuntur Pondere Nummulario (§. 285.), in grana divifo. Tunc autem Prima Acus, ex puro facta Argento, dicitur duodecim Nummorum: Secunda fit ex Argenti Nummis undecim & Granis Octodecim, additis Cupri Granis Sex: Tertia ex Argenti Nummis undecim & Granis duodecim, tum Cupri Granis duodecim: & fic porro; ut proportio Argenti femper 6 Granis, five uno Nummi quadrante, decrefcatur, Cupri vero additamentum totidem Granis jugiter augeatur; donec tandem eo fuerit perventum, ut Argenti pondus ad unum ufque Nummum decreverit, Cupri autem quantitas ad undecim Nummos aucta fit: quæ quidem proportio ultimam conftituit Acum, ultra quam non proceditur.

§. 294. Inutile tamen eft tam minutis progreflionibus per totam Acuum feriem, ad ultimam ufque, procedere. Sufficit certè, quadrantes Nummorum faltem ufque ad Acum novem Nummorum (§. 285.), dimidias autem Semuncias ufque
ad

ad Acum decem Semunciarum (§. 284.) indicasse: neque enim in deinceps sequentibus Acubus proportionibus adeo subtiles accurate internosci queunt.

§. 295. Aurum pro *Acubus Aureis* parandis miscetur vel cum solo Argento, vel cum Argento & Cupro varia proportionem intermixtis. Dicitur autem hæc mixtura *Caratura*, & determinatur per Marcam, in Ceratia vel binas sextulas divisam. (§. 286.). Circa harumque Acuum confectionem nil, præter jam dicta de Acubus Argenteis (§. 290), notandum est; nisi quod ponderum proportionibus alio modo determinatæ adhibeantur. Sequenti autem divisione & ordine Acus istæ constituuntur. Omnes Besslem sive Marcam ponderant.

Prima fit ex Auro puro tota.

| | | | |
|------------------------|----------------|----------------|--------------------|
| 2da ex 23 Cer. 6 Gr. } | | 6 Gran. } | |
| 3tia - 23 Cer. } | | 1 Cerat. } | |
| 4ta - 22 Cer. 6 Gr. } | | 1 Gr. 6 Gr. } | |
| 5ta - 22 Cer. } | | 2 Gran. } | |
| 6ta - 21 Cer. 6 Gr. } | Auri puri } | 2 Cer. 6 Gr. } | Argenti puli. } |
| 7ma - 21 Cer. } | | 3 Cer. } | |
| 8va - 20 Cer. 6 Gr. } | | 3 Cer. 6 Gr. } | |
| 9na - 20 Cer. } | | 4 Cer. } | |
| 10ma - 19 Cer. } | | 5 Cer. } | |
| 11ma - 18 Cer. } | | 6 Cer. } | |

Et sic porro decrementum fit per integra.

tegra Ceratia; donec ad unum usque pervenerit pondus Auri, ad 23 vero pondus Argenti: neque enim post Acum nonam adeo exacta respectu dimidiorum Cerationum fieri dignotio potest. Vocatur autem hæc Auri cum Argento mistura *Caratura alba*.

§. 296. Si vero Cuprum simul cum Argento ingreditur Auri mixturam, tum vocatur *Caratura mixta*: in qua componenda eadem lege proceditur, ac in priorre (§. præc.); nisi quod illæ portiones, quæ ibi erant purum Argentum, heic ex Argento & Cupro consistent. Unde iterum duplex heic datur series: vel enim partes duæ Argenti, & una Cupri, vel duæ Cupri & una Argenti admiscuntur. e. g.

Prima est ex Auro puro.

| | | | | | | |
|------|-----------------|---------------|-----------------|--------------|---------------|--------------|
| 2da | } ex Auri puri. | 23 Cer. 6 Gr. | } Argenti puri. | 4 Gr. | } Cupri puri. | 2 Gr. |
| 3tia | | 23 Cer. | | 8 Gr. | | 4 Gr. |
| 4ta | | 22 Cer. 6 Gr. | | 1 Cer. | | 6 Gr. |
| 5ta | | 22 Cer. | | 1 Cer. 4 Gr. | | 8 Gr. |
| 6ta | | 21 Cer. 6 Gr. | | 1 Cer. 8 Gr. | | 10 Gr. |
| 7ma | | 21 Cer. | | 2 Cer. | | 1 Cer. |
| 8va | | 20 Cer. 6 Gr. | | 2 Cer. 4 Gr. | | 1 Cer. 2 Gr. |

Et sic porro, uti in antecedentibus.

§. 297. Si in modo (§. præc.) exhibitto schemate, loco Argenti puri, sumitur Cuprum purum, loco Cupri Argentum; habetur Tertia *Acuum Aurearum* series. Quar-

Quarta vero, si Argenti & Cupri æquales quantitates similibus proportionibus, ut ante (§. 296.) descriptum, Auro admiscantur.

§. 298. Hactenus (§. 295. & seq.) expositæ Auri temperaturæ maximè sunt usitatæ. Cæterum vero infinitis adhuc variationibus artifices uti posse facile constat; quæ tamen cum antedictis comparatæ, utcumque ab exercitato, dijudicari possunt: ut ideo eas omnes imitari nec possibile nec necessum sit.

§. 299. Ne vero Acus Aureæ (§. 295. & seq.) nimis pretiosæ fiant; possunt eæ longebreviores parari Argenteis (§. 289. 290.), & laminis Cupreis adferruminari; ut usui commodam longitudinem acquirant.

§. 300. Si nunc occurrit Metallum (§. 289.), quod ad Lapidem Lydium examinandum esse censes, deterge id prius nitido linteamine vel corio; ut ejus color sincerus appareat: ex hoc enim quodammodo in antecessum judicare licet, quale Metallum, & quousque vel quocum id permixtum sit. Tunc stringe commodam, non nimis amplam, Metallum superficiem, aliquot vicibus, fortiter, ad Lapidem Lydium; ut, si forte fallax Metallo super inducta esset crusta, hæc frictu fortiore abradatur: quod tamen & Cotis vel subtilis

tilis Limæ ope adhuc promptius, si licet, perficitur. Tum demum ad Lapidis Lydii planum quoddam mundissimum, detersum (§. 288.), eandem explorandi Metallī superficiem toties attere; donec planum in Lapidis superficie, ad pollicis circiter longitudinem, & sesqui lineæ latitudinem, Metallica crusta æquabiliter & nitide obductum sit. Elige dein Acum, quam conjicis proxime Metallo adfrictō respondere; quæ electio usu crebriore addiscitur. Acus tunc infimum extremum, bene detersum, eodem, quo Metallum, modo, proximè a latere prioris plani, parallelo ad hoc ductu, Lapidis Lydii superficiei adfrica. Si nullam differentiam inter ambo plana possis detegere; probabiliter dicas, Metallum explorandum ejusdem esse temperaturæ, ac Acum, quam cum eo comparasti: hujus autem temperaturam indicat insculptus numerus (§. 290. seq.). Si autem discrepantiam inter colores deprehendis, aliam elige Acum; pro ut nempe Metallum intensiore, vel dilutius, quam Acus, colore conspicuum est: sic tandem invenies Acum congruam, quæ Metallī temperaturæ respondet; vel saltem judicare poteris, Metallī explorandi temperaturam esse insolitam, cuiusque Acubus haud determinandam.

§. 301. Interim quia non modo superficies, sed & tota sæpe massa Metallī, colore spurio, qui variis modis conciliari potest, infecta est; facile patet, ex colore Metallī cujusdam, comparato ad Acus, nihil certi judicari posse, nisi scias, quod & quibus mistis Aurum vel Argentum temperata sint: videlicet, an Aurum & Argentum, Argentum & Cuprum, vel omnia tria, purissima, absque alio addito, permixta sint. Tum enim demum colorum ad Acus comparatio docere temperaturam valet. Neque tamen vel sic etiam ad Grana usque accurata fieri determinatio potest.

§. 302. Si vero per Stannum, Arsenicum, Zincum. &c. Coloris mutatio superinducta fuerit Metallo (57. 71. 83. 88.); ita falli potest per colorem [Artifex, ut pro puro Auro vel Argento habeat, quod nequidem maximam partem tale est. Detegitur hæc fraus per Aquam Fortem, si Metallica massa Aurum æmulatur; per Aquam Regiam vero, si Argento similis est: illa enim omnia Metalla, præter Aurum; hæc omnia, præter Argentum, solvit. In tali igitur casu, Metallicæ crustæ, Lapidī Lydiō adfrictæ, unica alterutrius Aquæ stygiæ guttula superaffunditur, & plumaceolo modeste distribuitur:

si non est Aurum vel Argentum, tota crusta consumitur: si vero aliquid Auri vel Argenti inest, hoc saltem persistat insolutum, colorem monstrans mutatum; quia reliqua pars per solutionem inde separata est. Cave tamen, ne, dum Menstruis dictis uteris, oleosi quidpiam accedat: tum enim illorum actio eluditur.

§. 303. Cæteroquin circa Lapidis Lydii usum nota sequentia. (1^{mo}.) Aurum & Argentum seorsim pura, vel ambo sine accessu alterius materiæ inter se mixta, igne candescentia, colorem suum non modo non deperdunt; sed etiam conspurcata suum splendorem prorsus recuperant, neque ponderis sui minimum amittunt (§. 6. 7.): ut ideo hac dote *Caratura alba* (§. 295.) ab omnibus aliis sese distinguat. Nisi autem liceat sic totam massam ad ignem explorare, potest parva solummodo ejus pars ope Tubi Cæmentatorii (§. 258.) candesceri. (2^{do}.) Si inveneris Acum, cujus color cum colore Metalli explorandi convenit, ambæ crustæ, Lapidi Lydio impressæ, ab Aqua Forti, vel Regia, super affusis, eandem prorsus mutationem pati debent; ut certus sis, nullam latere fraudem: si secus fit; falso te colore decipi neutiquam dubites. (3^{tio}.) Omne Aurum, fragile redditum, comparatum ad Lapidem Lydium cum Acu,

M

mi

minus purum apparet, quam revera in examine accuratiore Docimastico deprehenditur: e contra omne Argentum, fragile factum, majorem Argenti puri albitudinem præ se fert. Nec difficile est, hujus discriminis assequi rationem: nam quæ Argentum, vel Aurum, fragilia faciunt, sunt nonnulla solummodo Metalla & Semimetalla, albo omnia colore conspicua; uti Stannum, Plumbum, Ferrum, Regulus Antimonii, Bismuthum, Zincum, Arsenicum. Hæcce igitur fulvum Cupri Aurique colorem diluunt, vel in album mutant: ut ideo Cupri Argento admixti color tunc occultetur; Aurum verò, ob ejusmodi intermixta multum Argenti in se habere videatur. (4^{to}.) Aqua Fortis Argenti in Caratura alba præsentiam a viginti & tribus usque ad septem Ceratia (§. 295.) non detegit (§. 302.); quoniam Aqua Fortis Argentum ex Auro non erodit, nisi triplo plus Argenti, quam Auri, in massa fuerit. (5^{to}.) Crustæ Metallicæ, quæ aliquamdiu Lapidis Lydio impressæ steterunt, non possunt comparari cum recenter adfrictis: solet enim morâ fieri coloris mutatio. (6.) Argentum, si temperatur cum Aurichalco, albidior colore apparet, quam si tanta Cupri admixta fuisset quantitas: quum autem simul, debita encheiresi ad-

hibita, satis tunc ductile reddi possit; vix lapide Lydio fraudem cognoscere licet, nisi & secunda vice, cum Acu ejusdem coloris, instituatur comparatio, Aquâ Regiâ prius ad affrictam Lapidis crustam adfusâ (§. 302.). Neque Acus probatrices Aurichalco temperatæ hic multum inserviunt; quia Metallum istud factitium, alias magis, alias minus flavescit. (7.) Si metallum, Lapidis Lydio adfrictum, non satis nitide appareat; lambendo saliva ipsi super inducatur non spumosa: tum magis vividè reflectentur colores.

§. 304. Præter hætenus descripta Instrumenta (§. 168. 301.), requiritur commodus pro Operationibus Docimasticis perficiendis locus. Instructus hic sit Camino, pro Furnis locandis satis amplo, fumosque bene determinante; quippe qui, licet haud omnes lethales, tamen semper noxii sub quibusvis fere operationibus prodeunt. Quum vero caustici isti fumi ipsa etiam metalla arrodant; non expedit, illa ut instrumenta metalla, quæ nitidissima servanda sunt, e. gr. Balances cum Ponderibus, Acus probatrices, &c. in Laboratorio, sed alio loco puriore, recondere. Neque & plura Menstrua diversa ibidem reponere licet, nisi vasis perfectè clausis servantur: quædam enim eructando

vapores alia immutant, vicissimque ab aliis immutantur; ut hinc nullum cum iis experimentum exacte institui possit. Præterea cum sæpe minutissima Corpora, eorumque mutationes, intra & extra ignem observari debeant; convenit, ut in prioribus casu obscurari, in posteriore lucidior reddi possit officina: id, quod densis nigrisve peristromatibus ante fenestras suspensis facile obtinetur.

C A P. IV.

D E

MINERALIBUS COMPOSITIS,

E T

M I N E R I S.

§. 305. Expositis Mineralibus simplicioribus (Cap. I.), eorumque præcipuis in se invicem, quatenus leviori arte eo disponuntur, actionibus (Cap. II.), tandem nunc, quæ ex iis composita in Regno Fossili naturaliter inveniuntur, intelligi atque explicari possunt. Horum equidem cognitio, licet tantummodo historica hætenus tradi queat, insignem tamen in Praxis Docimasticæ exercitio usum habet:

is enim, hac qui in antecessum imbutus est, multis experimentis, vagis, superfedere potest, quæ instituere cogitur variorum Compositorum naturalium dignotione plane destitutus.

§. 306. Verum steriles plurimorum Auctorum descriptiones, ab accidentariis saltem dotibus plerumque desumptæ, difficultas ex variis regionibus obtinendi specimina exquisitiora, Mineralium dein multifaria in minimis particulis contiguitas (§. 32.), differentia denique Naturæ & Artis operum, licet ex iisdem, eademque proportionem unitis, principiis conflatorum, isthanc Historiæ Naturalis partem æque difficilem, ac mancā, reddunt. Accedit insuper Figuræ externæ varietas, qua Natura in Regno Minerali plus etiam, quam in Vegetabili & Animali, delectari videtur.

§. 307. Neque Gravitās Specifica in Mineralibus Compositis dignoscendis multum auxilii adfert: siquidem (1.) ubi plura, quam duo, corpora, diversæ gravitatis specificæ, permixta sunt, calculo hydrostatico nihil detegi potest; quoniam ejusdem gravitatis specificæ aggregatum, ex plurimis diversissimis, alia atque alia proportionem mixtis, Corporibus simplicioribus produci potest. Atqui talia in Regno

Minerali, docentibus id Operationibus Docimasticis, reveraprehenduntur. (2.) Materiæ accidentariæ simul inhærentes, ipseque aër in cavernulis & fissuris Minerarum plurium conclusus, exactam ponderationem impediunt, saltem difficillimam reddunt. (3.) Lapides simplices, qui omnibus fere adjuncti Mineralibus Compositis, pondere specifico non modo diversissimi, sed quidam metallicæ prope modum gravitatis sunt: sicuti plurimæ Spathi species.

§. 308. Neque tamen specificum Pondus, neque Figuram, prorsus velim negligi, sed contra simul cum cæteris Characteribus adhiberi; quanquam ex illis solis constans & accurata determinatio haud semper fieri queat.

§. 309. Cum autem instituti nostri ratio sit, Artis Docimasticæ fundamenta tradere; opus solummodo erit, Mineralium Compositorum, tanquam frequentissimorum Artis Objectorum (§. 2.), notas, quibus cognoscuntur, enarrare, eorumque partes constituentes, quousque innotescunt, una cum habitu totius aggregati ad varia menstrua, indicare. Facile quoque patet, de omnibus Mineris hîc loci mentionem fieri non posse, sed eas tantum esse eligendas, quæ minus sunt compositæ, vel saltem frequentius occurrunt.

§. 310.

§. 310. Quodlibet Minerale Compositum ad illius Simplicis classem referemus, de quo maximam in se continet partem; exceptis tamen Lapidibus & Terris simplicibus: horum enim a prædominio si determinarentur classes, longe maximus Mineralium numerus eò referendus foret.

Scholion. Ponamus e. gr. in Gleba quadam contineri partes sex Cupri, unam partem Sulphuris, pauculum valde Arsenici, viginti partes Quartzæ vel Silicis; adscribemus compositum istud Cupro, & sic porro.

§. 311. Vocabimus autem Minerale *Proprium* illi Simplici, quod maximam ejus partem constituit (§. præc.). *Improprium* vero istis, quæ minori copia in eo adsunt; ita tamen adsunt, ut vere mixtionem ejus ingrediantur, & semper adesse debeant, ubi tale Mineralis genus apprehenditur. *Accidentale* denique illis, quæ, mixtionem ejus haud verè ingredientia, extrinsecus saltem adhærent, hinc adesse & abesse possunt, manente Minerali, de quo sermo est, eodem.

Scholion. Priori exemplo (Schol. §. 310.) rem illustremus. Suppositum ibi Minerale, quatenus maximam partem constat Cupro, dicitur Cupro *Proprium*. Sed dum simul Sulphur & Arsenicum ibi Cupro intermixta sunt, & singularem huic speciem conciliavere, dicitur Minerale istud, ratione paucioris Sulphuris & Arsenici sui, hisce *Improprium*. Lapidēs tandem vel alia, prioribus circum & inter posita, sunt *Accidentalia*; quoniam non sunt partes constituentes, sed abesse possunt.

D E

SULPHURE ET MINERALIBUS

Sulphureis.

§. 312. *Sulphur* minerale seu vulgare, fit ab omni alieno liberum est, solidam, friabilem, habet consistentiam; colorem flavum; in majores moleculas concretum plus minus semidiaphanum apparet; igne flagrat, & flammam cœruleam, cum suffocante vopore acido (§. 22.), eructans totum consumitur; parvo calore, vel vasibus clausis, liquefcit absque inflammatione, liquatumque mutat colorem suum in rubrum pellucidum, simulac iterum refrigit, solidescens denuo & flavescens. Compositum est ex principio Inflammabili, purissimo (§. 24.), & copia longe majore Acidi Chalcanti (§. 22.): unde oleo puro longe gravius factum in aqua fundum petit. Analysis Chemica, Sulphurisque veri per artem ex duobus modo memoratis principiis productio, dicta confirmant.

§. 313. In hoc statu (§. præc.) *Sulphur* effoditur ex terra *Nativum*; licet haud adeo frequenter: per aquas etiam, præsertim sic dictas medicatas, tale advehitur, & parietibus fontium sese applicat.

§. 314. Terris Lapidibusque simplicibus immixtum sæpius occurrit, albo, gryseo, cinereo, flavescente, aliisque, qui ab admix-

mix-

mixtis pendent, coloribus varium.

§. 315. Quoties vero Sulphur Aurantio vel rubro colore, pellucido, vel opaco, tinctum est, semper notatur Arsenici in eo præsentia: ut ideo Sulphura sic colorata haud sincera sint, nec tantopere æstimanda.

§. 316. Frequentissimum, imo proprium fere, Sulphuris Minerale est *Pyrites flavus*. Is, si ab extrinsecus circum positis heterogeneis liber est, splendens, externo adspectu Aurichalcum politum refert, figura plus, quam ullum minerale, varius, plerumque tamen sub forma globosa, varia, dein sub cubica, hexagona, regulari & irregulari, reperitur. Solidus, nisi ab inter positis mollioribus Lapidibus, & Terris, mollior factus sit, ad Chalybem strictus, Silicis instar, fundit scintillas; igni admotus mediocri, mox diffilit cum crepitatione, flammulasque & vapores fere sulphureos eructans, colorem flavum in obscure rubicundum, superficiem nitidam in pulverulentam, commutat. Ditissimus autem Sulphure est, ejusque unam quartam, interdum fere tertiam partem, in se continet. Cæterum & semper in eo latet Ferri copia insignis, nunc major nunc minor Sulphure: dein, ex inventu Cl. Henckelii, Terra non metallica, proportionem ad cæteras partes itidem

diversa: unde facile prævidetur, specificum Pyritæ pondus varium esse. Amplissimam hujus Mineralis historiam, una cum accuratissima ejus Analyfi, descripsit modo laudatus Auctor in sua Pyritologia.

§. 317. Paucissima denique sunt Mineralia, quæ Sulphure prorsus carent: quoniam vero nunquam operæ pretium solvit, id inde extrahere; præterea etiam Metalla & Semimetalla majori copia iis insunt; hinc ea commemorabimus illis in locis, ad quæ proprie pertinent (§. 310. 311.).

§. 318. Huc demum referri etiam queunt omnia Mineralia Inflammabilia, a Sulphure strictè sic dicto (§. 312.), copia & qualitate acidi, quo pollent, discrepantia. Talia sunt *Naphtha* & *Petroleum*, ex faxis stillantia, vel & aquis fontium innatantia, inter se vix diversa, nunc subtilissima, limpidissima, nunc flava, crassiora. Hæc ipsa vero valde inspissata, nigrum indutæ colorem, vocantur *Bitumen*; *Pix Judaica*; *Asphaltum*: porro autem magis indurata in Lapidem abeunt *Gagatem* dictum. Occurrunt equidem alia insuper ejusmodi Sulphureorum nomina, quæ tamen vix diversa a modo recensitis concreta videntur denotare.

§. 319. Idem istud (§. præc.) Minerale Oleum, si in lapidea matrice hærens in-

du-

duratur, fit *Carbo Fossilis*, *Lithantrax*: quod est concretum nigrum; scissile; lamellatum; spendens; prioribus (§. præc.) longè gravius; non adeo promte inflammabile; sed flammam semel conceptam diutius & violentius, quam ullum aliud Ignis pabulum, conservans; post combustionem non adeo cineres, sed potius massam relinquens semiscorificatam, nigricantem, spongiosam; sæpe in se recondens Pyritem flavum (§. 316.).

§. 320 *Electrum*, *Succinum*, coloris nigricantis, lutei, fusci; semidiaphanum, sæpe valde pellucidum; leve; aquæ tamen fundum petens; valde durum, neque & aquæ ebullientis calore mollescens; igne tamen fortiore liquescens, spumescens, salem acidum solidum fundens, huc quoque pertinet. Resolvitur id, Destillatione Chemica, in Olea primo subtiliora, sensim crassiora, & Salem acidum solidum: quæ quidem Olea cum Naphtha & Petroleo (§. 318.) adeo conveniunt, ut a Pharmacopoeis, & Sepiasariis, nisi semper, tamen plerumque, hisce nativis substitui videantur. Caput mortuum, a destillatione residuum, haud absimile est Bitumini (§. 318.), sub quo nomine etiam venditur.

D E

ARSENICO ET MINERALIBUS

Arsenicalibus.

§. 321. *Arsenicum* crystallinum, purum, (§. 17.) descriptum, eadem forma ex fodinis eruitur, quin & specie alba, pulverulenta: rarissime tamen sic nativum occurrit.

§. 322. Id ipsum (§. præc.) sub specie Lapidis cinerei, vel nigri, effoditur, qui recens diffractus ex albo cærulescentem, splendentem, intus monstrat superficiem, quæ tamen, aëri præsertim libero exposita, paucos intra dies fusca & nigricans evadit.

§. 323. *Pyrites* dein *albus*, ponderosus, splendens, ad chalybem scintillas fundens, figuræ prorsus irregularis, longe maximam in se continet Arsenici partem, Ferri parum, plus Terræ non metallicæ, & frequentissime in Fodinis occurrit.

§. 324. *Auripigmentum* etiam, Minerale aurei coloris, hinc inde Cinnabarini coloris moleculis stipatum, scissile, lamellatum, molle cum quadam tenacitate, splendens, si frangitur, plurimum continet Arsenici, minus Sulphuris mineralis (§. 312.): unde in igne obscure saltem ardet, flammam ex coeruleo albam, cum densissimo albo fumo, cructans. Id, simul ac ardet, liquefcit;

quiescit; liquefactum supra nitidam tabulam ferream, vel marmoream, effusum, frigesfactum, abit in corpus solidum, intense rubicundum, fragile, splendens, semipellucidum: relinquitur tum tamen Crama minus fluens, scorix imperfectæ simile, quod, magno igne exustum, dehiscit in terram. Effoditur in Hungaria & Oriente.

§. 325. *Cobaltum*, itidem huc pertinens, minerale est ponderosum, subtilissime striatum, vel & granulatum, alias quoque superficiei lævioris, coloris nunc dilute grysei, quasi semimetallici, nunc obscurioris nigricantis. Multum id Arsenici in se continet, nec parum Terræ cujusdam fixæ, quæ cum silicibus & alcali fixo liquefacta abit in Vitrum pulcherrime coeruleum, vergens utcunque in violaceum, *Smaltum* dictum. Præterea plerumque in Cobaltis *Wismuthum* (§. 15.) continetur. Variis insuper Mineralibus nomen Cobalti imponitur, quæ tamen prorsus a modo memoratis characteribus recedunt.

§. 326. *Flos* tamen *Cobalti* dictus, subtiliter striatus, non valde compactus, hinc priori (§. 325.) levior, colore rubro purpureo insignis, ad Cobalta quoque pertinet: est enim Minerale admodum Arsenicale; ita, ut ultra dimidium sui ponderis in igne deperdat: ex residuo autem insignis

signis dein Bismuthi copia eliquari potest: quin & cyaneum hoc vitris conciliat colorem, sicuti cætera Cobalta vera. Hinc verum est Cobaltum; tametsi externa specie multum a vulgari (§. 325.) differre videatur. Pro basi nimirum habet Cobaltum (l. c.), atque ex hoc germinatione veluti Amianthi-formi productum apparet.

§. 327. Hæ (§. 325. 326.) sunt præcipuæ veri *Cobalti* species; quæ quidem omnes in eo conveniunt, quod maximam Arsenici copiam in se habeant: quare huc ad Arsenicalia referuntur: quamvis interim eo ab aliis Arsenicalibus discrepent, quod, post sublimationem Arsenici, Caput mortuum relinquant alba vitra colore tingens cyaneo. Plura equidem alia dantur Mineralia, quibus Cobalti nomen imponi solet: at quum a Cobaltis veris prorsus differant, & sæpe ne vestigium quidem Arsenici contineant; hinc, ne confusio oriatur, e classe Cobaltorum merito eliminari debent.

§. 328. Referri tamen huc meretur Mineraliale quoddam, Arsenico dives, Cobalto (§. 325.) utcunque simile, ex gryseo rubellum, semimetallicæ speciei, pauxillum simul Cupri in se habens, parumque Sulphuris; quod vocatur Germ. *Kupfer Nickel*.

§. 329. Mi-

§. 329. Mineralia equidem alia, plurima, ob Arsenicum, quod continent frequentissime, quoque huc referri possent. Sed quoniam Metallum major in iis, quam Arsenici, quantitas est; hinc tanquam Arsenico impropria (§. 311.) aliis potius classibus postmodum adnumeranda erunt. Id solum addendum, quod Arsenicum in quibusvis Mineralibus facile sese prodat fumo albo, & foetore alliaceo, si hæc ardenti prunæ, vel vasculo ad ignem candenti, imponantur.

§. 330. Denique hic notandum, quod Arsenicum in plurimis Terris, Lapidibusque simplicibus, præsertim Micaceis, sese abscondat, valde fixatum in iis hæreat, magno autem igne exagitatum, eos pro magna parte volatiles reddat. In Terra Margacea, Argillacea, id quoque latuisse observavit Celeb. Henkelius. Vid. Ejus Pyritolog. p. 611.

D E

M I N E R I S

in genere.

§. 331. Si Metalla & Semimetalla a Sulphure & Arsenico sunt penetrata; semper Characterem amittunt vel universalem omnibus Metallis & Semimetallicis communem, vel saltem particularem sibi solis proprium (§. 5. 17.). Sic e. gr. Plumbum & Stannum, cum Sul-

Sulphure confusa, amittunt non solum doctem omnibus Metallis communem, Malleabilitatem; sed & sibi singularibus quoque orbantur proprietatibus, certo videlicet habitu in igne: ambo enim longe majorem tunc requirunt ignem, ut fundantur, quam si a Sulphure libera fuissent, coloremque insuper suum perdunt. Argentum vero purissimum, granulatum, cum Sulphure confusum, Malleabilitatem, Fusilitatem, & alias dotes Metallis omnibus communes, quidem retinet, sed sibi proprias tamen amittit: ejus enim color albissimus mutatur in Plumbeum; firma ejus consistentia abit in Plumbeum lentorem; denique, cum mediocrem candefactionem in igne patiatur, si purum est, antequam liquescat, nunc mox, ac rubescit, funditur. In tali autem statu plerumque Corpora Metallica naturaliter existunt, solo excepto Auro.

§. 332. Concreta naturalia, ex Metallo, aut Semimetallo, cum Sulphure, vel Arsenico, vel ambobus simul, dicuntur *Mineræ*. Si vero per Artem tales conjunctiones fiunt, dicimus Metalla vel Semimetalla tunc in statum *Mineræ* esse redacta.

§. 333. Cum ergo hætenus semper prehensum sit, causas singularis istius, alienæ, Metallicis vel Semimetallicis cor-

poribus inductæ, speciei (§. 331.) fitas esse in Sulphure & Arsenico ipsorum substantiæ conjunctis; hinc videretur quidem facile esse, Naturalia ejusmodi concreta per Artem imitari (§. 332.): prout etiam cum quibusdam pulchre procedit. Sic v. c. Minera Argenti vitrea, Minera Mercurii, Reguli Antimonii, arte perfici possunt naturalibus similes; si Sulphur vulgare cum Argento, vel Regulo Antimonii, per fusionem, cum Mercurio vero per triturationem & sublimationem unitur. At alias tamen Mineras haud adeo feliciter per artem hætenus imitari licet: quin alia longe producta inde emergunt; quanquam vel eadem quoque ingredientia, qualia ex Nativis elici revera possunt, imò & simili proportionem adhibeantur. Hujus autem diversitatis ratio videtur sita esse in modo & tempore, quibus Arsenicum & Sulphur per Naturam cum Metallis vel Semimetallis junguntur, nondum satis perspectis, tum & aliquando forte in præsentia cujusdam corporis vel planè non vel minus accurate cogniti: cujusmodi est Terra non metallica in Pyritis & Cobaltis veris (§. 316. 325.), cujus natura nondum satis certò explorata est.

§. 334. Minerae (§. 332.) a Docimaestis ex relativa ad Ignem & Menstrua habitu
N in

in *Fluxiles*, *Refractarias*, & plane non *Fluxiles*, distinguuntur. *Fluxiles* dicuntur, quæ vel solo mediocri igne, vel addito Menstruo appropriato, facile & eoque fluunt, quousque requiritur ad scopum desideratum, i. e. ad eliquationem Metallum vel Semimetalli, obtinendum. *Refractariæ* sunt, quæ validissima & diuturna Ignis actione opus habent, ut debito modo liquecant. Si vero solo igne etiam violentissimo fundi non possunt, sed, præter Ignem, alius insuper Menstrui actione ad sui fusionem egent, vocantur non *Fluxiles*. Facile autem patet, diversos iterum in qualibet harum Classium dari gradus.

§. 335. Ratio differentis Minerarum in Igne & ad Menstrua habitus (§. præc.) latet vel in ipsa Mineræ natura, aut, ut vocant, essentia; vel in corporis cuiusdam accidentaliter in ea præsentis indole. Corpus autem istud rursus vel per se ejusmodi proprietate donatum est; vel relative saltem ad hanc illamve Mineram, cui adhæret, tale existit.

§. 336. Hic, ubi in genere de Mineris agimus, ea solummodo attingemus, quæ sua præsentia omnes absolute Mineras reddunt refractarias vel plane non fluxiles: de iis vero, quæ ratione certæ cuiusdam

Mi-

Mineræ saltem talem effectum præstant, sub specialiori Minerarum tractatione in Praxi mentionem faciemus. Omnes nempe Mineræ, in Terris, Lapidibus, vel aliis Mineris, tanquam matricibus, latent: quod si igitur matricēs istæ per se, difficillime, vel plane non, in igne fluunt; Minera iis contenta liquefieri quidem in se potest, at a matrice tamen sua, utpote non liquecente, sic haud liberatur. Tales sunt e. g. Mineræ Ferri, quæ per se semper difficilior fluunt, atque hinc, ubi Mineris aliis naturaliter intermixtæ sunt, has quoque reddunt difficulter Fluxiles. Lapidēs dein & Terræ fere omnes huc pertinent, exceptis solummodo paucis, inter Vitrescentes (§. 29.) recensitis: neque enim vel omnes etiam Vitrescentes faciliem subeunt fluorem: nam licet igne fundantur; attamen plerumque tum adeo simul lentescunt, ut præcipitationem & excussonem molecularum Metallicarum impediunt. Lapidēs interim Calcarii (§. 30.), & Apyri (§. 31.), omnium maxime Mineras sibi interpositas reddunt contumacissimas; ut solo igne, licet violentissimo, perfecte fundi nequeant. Quin posteriores etiam peiores sunt prioribus. Atque hæcenus dicta de omnibus Mineris, qualescunque sint, ex æquo valent.

§. 337. Quidam ex Lapidibus modo memoratis (§. præc.), longe leviores sunt, ac Mineræ ipsis interfitæ: unde sola Tuffione, & Lotione, aut & prævia Calcinatione, & Extinctione in aqua, sic comminuti facile auferri possunt, relictis Mineræ particulis gravioribus in fundo vasis aut canalis. Ejusmodi autem Mineræ vocantur *Elutriabiles*, (Germ. *Schiedige*). Dignoscuntur tales. 1^{mo}. Ex Mineræ gravitate specifica magna, qua docemur moleculas metallicas majores, solidiores, nec admodum subtiles aut dispersas, in matrice sua hærerere. 2^{do}. Ex Matricis Lapideæ levitate. 3^{io}. Ex ejusdem fragilitate vel per se, vel interventu Ustulationis, & Extinctionis in aqua, obtinenda, facili reddente comminutionem: quo tamen in casu requiritur, ut Minera ipsa satis fixa sit, nec ustulatione avolet, sed saltem in solidiores sic moleculas sphæroideas colliguescat. Talis inter Lapides simplices indolis sunt Vitrescentes (§. 29.), Calcarii (§. 30.), & inter Apyros (§. 31.) Cretacæi, aliive molliores, leviores, fragiles.

§. 338. Si vero per dicta (§. præc.) adminicula Lapides Mineram in se continentes non possunt separari, dicuntur *non Elutriabiles* (Germ. *Unschiedige*). Tales sunt

sunt Mineræ leviores, fragiles, valde sulphuræ, ac minimis moleculis amplissimæ superficiei particularum Matricis interspersæ, aut & Matrîci ponderosiori, duræ, præsertim Apyræ (§. 31.), nec igne nec aqua findendæ, inclusæ.

§. 339. Si denique intra ipsius Mineræ substantiam ejusmodi quidpiam implicitum est, aut & extrinsecus saltem ei adhæret, quod, dum igne tractatur Minera, Metallum ea contentum sub fumi specie dissipat, vel secum in scorias convertit; tum vocatur talis Minera *Rapax*. Hujus causæ solent esse Arsenicum, Antimonium, & illa Mineralia, ex quibus Zincum producitur.

§. 340. Hactenus (§. 334. ad 339.) expositæ tres Differentiæ semper in omnium Minerarum dijudicatione & exploratione primario sunt respiciendæ; & hinc, nisi per signa externa de iis constare possit, eo semper incumbendum, ut alia per experimenta detegantur.

§. 341. Cum Metalla & Semimetalla præ omnibus aliis Mineralibus maximo gaudeant pondere specifico; neque Sulphur & Arsenicum, quibuscum priora conjuncta Mineras constituunt, levissimis sint adnumeranda; facile liquet, Mineras solidas, puras, ingenti suo pondere a cæteris Mineralibus compositis, non Metallicis, sese

distinguere, paucis solummodo Pyritosis, admodum Sulphureis (§. 316.), exceptis. Dico autem Mineras solidas, puras: nam hæ, si in vasta saxorum terrarumque mole, parca copia, latè sunt disseminatæ, pondere neutiquam dignosci valent.

D E

FERRO EJUSQUE MINERIS.

§. 342. *Ferrum*, quippe cunctas concomitans Mineras, ubique fere præsens, maxime cognitum, facillime semet, si absconditum alicubi est, prodens, merito heic ordinem ducere debet.

§. 343. *Ferrum Nativum*, purum, si in Regno Minerali datur, certe tamen rarissimum est. Habentur equidem pro tali Lapilli octoëdri, tum Cubi etiam solitarii, aut vario modo inter se concreti, figura Pyritis Marcasitaceis (§. 316.) similes, fibris interdum quasi ligneis conspiciui, Coloris flavi, rubiginosi, bruni, fusci, Ferro quidem ditissimi, sed sub malleo tamen nec Ferri vulgaris ductilitatem, neque & Chalybis duritiem, exhibentes; hinc potius pro Ferri Mineris ditissimis, quam pro Ferro Nativo, puro, reputandi.

§. 344. *Minera autem Ferri vulgaris*
figu-

figuram certam habet nullam; sed prorsus irregularis est, colore plerumque rubiginoso, pondere specifico inter Mineras mediocri, prædita. Ex hac bonum facili negotio extorquetur Ferrum. Fragilitas ejus, durities, pondus, nunc paullo majora, nunc minora, tum & color rubicundus alias intensior, alias dilutior, quantum ea Ferri in se contineat, indicant.

§. 345. Datur dein Minera, quæ magno pondere, & ex rubicundo coerulescente, si frangitur, colore gaudet, duritieque ingente malleo resistit. Haec, Ferro melloris notæ ditissima, ex Centenario 60. ad 80. Libr. Ferri prima sub fusione exhibere solet.

§. 346. Singularis Mineræ Ferri species est, quæ Spathi habens formam (§. 30. 1^{mo}), coloris ut plurimum sublutei, haud raro tamen grysei, imo albi subpellucidi, Ferri optimi triginta centesimas circiter partes ex se fundit; quanquam ad spectum externo nullum hujus probabile indicium in ea compareat.

§. 347. Ad Sulphurea Mineralia relatus quidem fuit *Pyrites flavus* (§. 316.): sed, cum in eo proportio Ferri & Sulphuris adeo inconstans sit, ut nunc hujus, nunc illius, quantitas prædominetur; merito & Ferri adnumerandus est Mineris: quan-

quam, ob meliorum Metallī hujus Minerarum abundantiam, vix unquam eum in finem igni exponatur, ut inde Ferrum excutiat.

§. 348. Hactenus (§. 342. ad 347.) descriptæ Ferri Mineræ, si cum aliorum Metallorum conferantur Mineris, Refractariæ quidem sunt; sed reliquis tamen Ferri Mineris facilius Fluxiles (§. 334.) vocandæ, parum Sulphuris, aut Acidi Sulphurei, in se continent: id, quod odor sub earum ustulatione nares feriens indicat.

§. 349. Refractariam magis ad ignem indolem habet *Hæmatites* (Germ. *Blutstein*, *Glaskopf*.). Is quidem altera parte gibbosus, fornicatus, altera vero angulosus, rectilineus, planis versus unum punctum tendentibus conspicuus, fere hinc pyramidem refert irregularem: id quod, si frangitur, maximè quidem apparet. Superficies ejus exterior, rubigine prius deterfa, satis est polita; interior vero, Amianthi instar, striis distincta convergentibus. Transverso autem ad strias suas ductu diffractus æmulatur Chalybis elatere molliùs indurati fracturam. Colore gaudet obscure rubicundo; pondere magno; duritie ingenti. Cæterum meracissima fere Ferri est Minera, paucò valde Arsenico mixta. Videtur autem refractarius reddi per Ter-

ram

ram Apyram forte in eo latentem. Summo igne Regulus Ferri albus, fragilis, difficulter ad malleabilitatem perducendus, inde eliquatur.

§. 350. *Smiris* (Germ. *Schmergel*, Belg. *Amarill.*) est Minera Ferri durissima inter omnes cognitae, paullo minus ponderosa, quam Hæmatites, valde refractaria, coloris bruni, Ferrum verè continens; quamvis haud operæ solvat pretium, si id inde extrahatur: quapropter saltem comminuta ab Artificibus pro Chalybe expoliendo, quin & ad vitra gemmasque quasdam terenda, adhibetur.

§. 351. *Magnesia* (Germ. *Brunstein*) subtiliter hinc inde striis convergentibus, cæteroquin nulla certa figura, se distinguit, colore infecta ex gryseo nigro. In Ferrifodinis obvia est, & ipsa Ferrum continet; sed nunquam operæ solvit pretium, ut id inde excoquatur: rapax enim est, nec, nisi friabile Metallum, fundit. Utuntur ea potius, qui Vitra conflant CrySTALLINA; ut colorem horum viridem cœruleumque deleant, & nimiam pelluciditatem temperent.

§. 352. Huic (§. præc.) haud absimilis est Minera obscure grysea, nitens, striata, Ferrum quoque continens, at rapax, Arsenicalis: qua de causa a Metallurgis pro

Ferro inde extrahendo hæud adhibetur. Vocatur Germ. *Eisenman*, *Eisenglimmer*.

§ 353. Occurrit etiam, præsertim in Stanni fodinis, Minera striata, ex filamentis quasi irregulariter contexta, coloris fusci, quæ, si raditur, interdum obscure rubra apparet, satis cæterum ponderosa. Hæc quoque Ferrifera est; sed & simul admodum Arsenicalis: hinc rejicitur a Metallurgis, tanquam semper noxia. Vocatur Germ. *Wolffram*.

Scholion. Minerae Ferri hætenus (§. 342. ad 353) expositæ, sicuti & cætera Mineralia omnia, diversis designantur nominibus, unum sæpe idemque denotantibus; quæ cum singulis locis variant, impossibile, quin imo superfluum esset, omnia hæc recensere: imprimis cum plurima istorum nominum a comparatione plerumque satis manca figurarum, vix una alterave vice observatarum, hinc minime essentialium, sint desumpta. Hinc Piper, Fabas, Pisa, Confectiones Coriandri, Cinnamonomi, ferrea, &c. inter Mineras Ferri ab Authoribus minutiarum curiosis videbis enumerata.

§ 354. Hæc denique locum quoque invenit Ochra Ferri, quæ ex comminuta Ferri Minera, præsertim ex Pyrite flavo destructo, ortum duxisse videtur. Habet ea speciem terræ subpinguis; colore est rubiginoso, qui tamen ab aliarum Terrarum admixtione nunc flavescit, nunc magis obscurus redditur: unde & gravitas huius Ochrae diversa dependet. Reperitur

tur ea tam in locis ficcis, quam paludosis, hinc inde integras venas & strata formans, cæteroquin ubique fere locorum, quam impura, in Margis, Argillis, Bolis, invenienda. Est hæc Ochra passim tam dives Ferro, ut æque, ac bona Ferri Mineræ, excoctionis pretium persolvat.

§. 355. *Rubrica*, sic dicta *Fabrilis*, *Creta rubra*, Ochrae hujus (§. 354) soboles esse videtur, interventu Boli vel Argillæ indurata. Est coloris ruberrimi, mediocriter ponderosa, mollis, ut cultro commode radi, ac figurari possit; ad tactum percipitur saponacea; igni majori exposita indurescit admodum, & fuscescit cum splendore; Ferri plurimum in se habet.

§. 356. Quoties *Arena* nigredine tincta videtur, Ferri aut Plumbi ferax esse observata est. An vero tunc multum metalli in se contineat, pondus ingens docet.

§ 357. Ad hunc titulum porrò commodè revocari possent omnia Mineralia Vitriolacea, nativa; ut Vitriolum stalacticum, Lapides Atramentarii: hæc enim sunt vel merè Ferrea, vel longe maximam saltem partem ex Ferro constant per Acidum Sulphuris corrosivo. Lapis quoque Calaminaris, & varia alia Mineralia, huc locari possent. Sed cum singularia ex iis producta specialiore corum tractationem

me-

mereantur, infra fusius de istis agemus.

§. 358. *Flos Ferri* dictus nihil aliud est, quam *Stalactites* (§. 30. 3.) germinationem coralliformem fingens. Vocatur *Ferri Flos*, quoniam interdum circa Mineram *Ferri* calcariam repertus fuit: cæteroquin hoc nomen neutiquam videtur mereri.

§. 359. Passim in *Ferri* fodinis, præsertim *Sueciæ* & *Norvegiæ*, occurrit *Minea*, quæ vocatur *Magnes*: qui lapis est niger; ponderosus; non valde durus, si purus est; Silice, Spatho, sæpe intertextus, tumque minus bonus. Miræ hujus Lapidis proprietates in scriptis *Physicorum* videantur. Nos præcipue de illa ejus dote agemus, qua occultam *Ferri* præsentiam per eum detegere licet. *Ferrum* videlicet e longinquo, nisi nimio pondere, vel per alia obstacula, impediatur, ad se trahit *Magnes*, valideque sibi appressum retinet: nec cæteroquin per infinita cum *Magnete* instituta experimenta ullum hætenus corpus, præter *Ferrum*, innotuit, quod similiter ab eo trahatur. Exploratur autem *Magnetis* ope, an corpus aliquod *Ferrum* contineat, sequentem in modum. Redigitur Corpus explorandum prius in pulverem subtilem: id quod in mortario æneo, præsertim si durum sit, nequaquam in ferreo, fieri convenit: deinde

im-

immittitur vel sine additamento, vel, quod certius est, cum pauxillo Sebi, in crucibulum, operculo clausum, lutatum; & valido igne per horam circiter ustulatur. Tum frigefacto, lateque supra chartam lævem expanso, vel Magnes ipse, vel hujus armati Poli Chalybei admoventur. Quod si particulæ Ferri in pulvere isto dantur, hæ Magneti hujusve armati Polis sese applicabunt, barbæque instar inde pendebunt. Hoc igitur viso abstergentur particulæ adhærescentes, ut cadant seorsim, Magnesque dein iterum intra pulverem versatur.. Sic eodem opere sæpe repetito tandem educitur omne Ferrum, relictis solummodo particulis non Ferreis.

§. 360. Paucissimæ autem sunt Ferri Mineræ, quas Magnes trahit, antequam juxta (§. præced.) ustulatæ fuerint, imo ne excepto quidem Hæmatite (§. 349.), Ferri licet ditissimo. Id, quod eo magis mirandum, quia Ferrum, quibuscunque adulteratum Metallis & Semimetallis, quin & ipsi etiam junctum Arsenico, haud ideo tamen ineptum fit, quod a Magnete trahatur. Unicum solummodo Antimonium inter Metallica corpora actionem istam impedit. Sulphur in causa esse vix potest: modo dictus enim Hæmatites, Rubrica, Ochra, & solidiores, non pyritosæ, Ferri

ri Mineræ, sub ustulatione parum admodum, & quædam prorsus nihil, de pondere suo deperdunt. Neque interim probabile videtur Antimonium in istis omnibus latere. Quod autem vel magis quoque obscurat hanc rem, est, quod Hæmatites, Rubrica, aliæque quædam Mineræ Ferri, absque ullo Phlogisto addito, solam per ustulationem in vase clauso, ad Magneticam vim disponantur; dum contra alia corpora Phlogisti fixioris additamentum sub ustulatione absolute requirunt, sine hoc vel prorsus nihil, vel longe minorem saltem particularum Ferrearum copiam, Magneti præbitura. Itum hinc est ab Autoribus in duas Sententias. Alii nimirum opinantur, Ferrum per Sulphur minerale & Acida adhærentia impediri, quin trahatur a Magnete; adeoque vel dissipari vel immutari ista debere, ut Ferro vis Magnetica renascatur. Sed dissipationi repugnat, quod Mineræ quædam, absque ullo addito, in clausis vasis ustulatæ, ponderis sui ne minimum quidem sic deperdentes, aptæ tamen fiant, quæ a Magnete trahantur: immutationi vero, quod Sulphur minerale & ejus Acidum, nisi dissipentur, in vasis clausis solo igne, absque addito, nequam immutentur; & contra, quod cum addito vero Phlogisto Acidum Sulphureum

re]

regeneret verum Sulphur minerale, quod tamen Magnetis actioni resistere supponitur. Atqui Phlogiston cum Mineris Ferri ustulatum aptissimum est resuscitandæ attractilitati: neque hæc obtinetur ullo modo, si cum pure Alcalinis, Acidum Sulphuris verè mutantibus, fit ustulatio. Altera Sententia, ex clariss. Sthalii dogmatibus petita, est, quod per Phlogiston, cum Terra Martiali, ope ustulationis, conjunctum, generetur Ferrum: id quod tanto equidem probabilius reddi videtur, si ad sequentia attendatur. (1.) Mineræ & Terræ, quæ absque addito ustulatæ non trahuntur a Magnete, si, sine addito Phlogisto, vel solæ, vel saltem ope Fluxus non Phlogistici, vehementissimo igne funduntur, non in Regulum Metallicum, sed in Vitrum abeunt. (2.) Ex tali Vitro, ope Phlogisti decenter additi, per ignem nascitur Ferrum perfectum. (3.) Ferrum per Acida, Ignem, vel quocunque alio modo, destructum, aut & in rubiginem saltem corruptum, a Magnete non arripitur; tum verò fusum valido igne, absque Phlogisto addito, idem evenit, quod (Nº. 1.) memoratum. Unde patet, per Oleosum Inflammabile ex non Ferro nasci Ferrum. Conferatur (§. 90. ad 95.). Neque huic sententiæ contradicit, quod

quod quædam Mineræ absque addito usta-
latæ vim Magneticam recipiant. Nihil
enim obstat, quin Phlogiston ad Metallei-
tatem necessarium in Minera jam præsens
sit, neque tamen cum fixiore, Ferrum con-
stituente, parte ita conjunctum, uti ad
metallicam formam requiritur: ut ideo ne-
cessum sit illud prius per validam ignis
actionem, quippe quæ in omni Reductio-
ne reposcitur, intime uniri.

D E

C U P R O

Ejusque Mineris.

§. 361. *Cuprum Nativum*, hoc est, in
forma metallica, longe crebrius ac magis
perfectum invenitur, quam Ferrum. Mal-
leabilitate tamen id Cupro bene excocto
quodammodo adhuc cedit.

§. 362. De *Cupri Mineris* in genere no-
tandum, quod nulla earum per certam
quandam figuram sese distinguat, sed irre-
gulares penitus sint omnes. At vero pul-
cherrimi cujuscunque generis colores, so-
los si exceperis diaphanos & rubrum, Cu-
pri præsentiam plerumque indicant, ubi
in Minera observantur. Dein vix ulla ha-
be-

betur Cupri Minera, quin Ferrum eidem sese immiscuerit largius, quam in aliorum Metallorum Mineris solet. In quibusdam tamen longe minor ejusdem est copia, quam in aliis. Ista autem, quibus parcius adjunctum est Ferrum, facilius per se fluentibus adnumeramus. Tales sunt.

§. 363. *Minera Cupri Vitrea.* (Germ. *Kupfer Glass-Ertz.*). Colorem hæc habet oblicurum, violaceo coeruleum, similem illi, quo Chalybs positus ad ferri candentis tactum inficitur. Maculæ insuper & venæ gryseæ solent istum colorem hinc inde interrumpere. Pondus ei magnum est, durities mediocris. Cupri a 50. ad 80. lb: in se continet ejus Centenarius.

§. 364. *Minera dein Cupri Lazurea*, colore pulcherrime coeruleo prædita, mollis, non valde gravis, fracta, vitri coerulei instar, splendens, a Ferro, Arsenico, & Sulphure, inter omnes Cupri Mineras, maxime immunis, posterioris tamen parum sub ustulatione exhalat: hinc multum ex ea, optimum, facillimoque negotio excoctile Cuprum obtinetur.

§. 365. *Minera Cupri Viridis*, crystallorum Viridis Aeris instar, nitidissimè sæpe striata, germinationis quasi speciem præ se fert. Cæteroquin idem de hac, quod de priore (§. præc.), valet.

§. 366. Concrementa leviora, pulverulenta, Cærulea, *Cæruleum Montanum*, Germ. *Bergblau*, Viridia quoque *Viride Montanum*, minus apposite *Chrysocolla* dicta, Germ. *Berggrun*, ambo etiam *Ochræ Cupri* nomine donata, si puriora sunt, quod Color & Ponderus docet, multum & bonum Cuprum fundunt. Leviora vero Terris non metallicis mixta sunt; flavescentia Ochram Ferri continent: hinc difficilior fluunt, minusque copiosum, nec adeo bonum, Cuprum exhibent. Hoc Cæruleum & Viride Montanum per aquas huc illuc devehitur, glebisque, pigmenti instar, exterius applicatur.

§. 367. *Minera Cupri alba*, Germ. *Weis Ertz*, in unica modo Misniæ fodina hætenus reperta; *Grysea*, Germ. *Fahl-Ertz*; *Cinereo fusca*, Germ. *Fahl Kupfer-Ertz*, a Cl. Henckelio descriptæ in Pyritol. pag. 195. 197., sunt solidæ, ponderosæ, per Arsenicum dealbatæ. Prior species a Pyrite Albo (§. 323.) se distinguit per colorem leviter flavescentem; reliquæ autem per colorem longe obscuriorem; omnes simul pondere majore & læviori fracturæ discernuntur: id quod exactius se manifestat, si specimina nativa discernendorum inter se comparantur.

§. 368. Habetur & *Minera Cupri*, a quibusdam *Vitrea* dicta, & forte non multum

tum ab ante descripta (§. 363.) differens, nisi quantitate Ferri, quod continet: unde colore est magis fusco, & durior, quam illa (§. 363.), prioribus difficilior fluxilis, cæteroquin tamen Cupro abundans. Huc etiam pertinet ista, quæ Hepatici fere coloris est, a simili Ferri minera difficilior solo aspectu discernenda.

§. 369. *Pyrites Cupri* mere sulphureus, aurea flavedine, cui levis viror interlucet, tam extrinsecus, quam intrinsecus, tinctus, granulata quasi intus superficiem, si diffringitur, exhibens, facile in pulverem contendus, & Sulphuris & Cupri quantitate admodum diversa, hinc & specifico pondere multum variante, pollet. Si vero ipsi, Cupri ditissimo, simul & Arsenici quidpiam admixtum est; color ejus aureus in flavescentem diluitur, & fractura lævior, æquabilior, nitidior, evadit. Vocatur tunc Germanice *Kupfer-Glantz*. Is sæpe extrinsecus, quin & intra fissuras, nitidissimis coloribus, viridi, cæruleo, splendet, qui tamen, si frangendo recens detegitur superficies, in substantiam intimam haud penetrare observantur. Quando vero multum sese immiscuit Arsenici, pallescunt Cupri Pyritæ, haud aliter ac Pyrites Ferri sulphureus (§. 316.); imo adhuc magis, quam hic, albescunt: prout nempe

Arsenici copia magis redundat. Attamen
vel tum quoque a Ferri Pyritis eo sese di-
stinguunt, quod majori gaudeant ponde-
re, neque tam facile, imo plane non, ad
Chalybem fundant scintillas: id, quod
Ferri Pyrites omnis (§. 316. 323.), quim
omnis etiam Ferri solidior Minera præstat.

§. 370. Cur ante expositæ (§. 363. ad 369.)
Mineræ Cupri Refractariæ, vel planæ
non Fluxiles, reddantur, cognoscitur ex
(§. 336.).

§. 371. Pertinet huc speciatim quoque,
tanquam improprius, Pyrites Ferri luteus,
sulphureus, (§. 316.). Is enim sæpe haud
spernendam Cupri quantitatem in se recon-
dere solet; sed ob longe majorem Ferri
quantitatem Cupro improprius, simulque
admodum refractarius, habetur. Cognosci-
tur interim eum Cupriferum esse. (1^{mo}.)
Ex figura non globosa: globosos enim &
fornicatos Pyritas Cupri prorsus expe-
tes esse, observatis Henkelianis constat.
(2^{do}.) Ex insolita ejus flavedine, per totam
tam substantiam dispersa.

Coroll. Ex jam dictis (§. 369. 371.) facile
deduci possunt regulæ, quarum ope Cupri
præsentiam in Pyrite affirmativè dijudicare
licet. Sed sponte simul patet, ex talium
regularum inversione ad Cupri absentiam
neutiquam certò concludi posse. Est Re-

gui

gula E. Gr. *Aureus viridescens color in Pyrite apparens designat Cupri multum huic inesse*: id, quod Experientia confirmat. Sed minimè invertere licet istam Regulam hoc modo: *si in Pyrite multum latet Cupri, aureo is viridescente conspicuus est colore*; siquidem Arsenicum Pyriten, Cupro etiam ditissimum, prorsus pallescere facit (§. 369.). Idem valet de cæteris ejusmodi Regulis.

§. 371. Minera, quæ Arsenico sub titulo *Kupfer-Nickel* ad scripta est (§. 328.), huc etiam, sed tanquam impropria, locari potest. Continet ea quidem Cupri haud adeo parum in se; sed ob Cobaltum implicatum intractabilis fere reddita spernitur. Notandum interim, haud esse Arsenicum ex se, quod Mineras reddit refractarias, sed Terram, Propriis Arsenici Mineralibus, præsertim Cobalto (§. 325.), semper adjunctam, quæ liquefactioni adeo resistit, & mediante Arsenico, in ea fixato, Metallis, imprimis Cupro & Ferro, tam tenaciter adhæret.

D E

P L U M B O,

Ejusque Minera.

§. 372. *Plumbum nativum*, purum, malleabile.

leabile, naturaliter existere, inter cætera Metalla, rarissimis observatur exemplis.

§. 373. *Galena Tessulata*, Germ. *Bley Glantz*, dives Plumbi Minera, Tessulis Cubicis æquilateris, vel oblongis Parallelepipedis, est coacervata. Tessulæ autem hæc extenuissimis veluti sunt compositæ lamellis, politissimis, vividè splendentibus, ex nigro cæruleis. Cæterum ponderosa valde est hæc Minera, mollis, fragilissima, inter plurimas alias Mineras ad ignem fluxilissima, longe tamen majore igne ad fusionem liquationem egens, quam Plumbum ipsum: cujus equidem causa est copiosum in Galena latens Sulphur, utpote unam circiter quartam ejus partem constituens. Eliquatione bene instituta ex solidæ & puræ Galenæ Centenario 65 ad 70 Plumbi librae acquiruntur.

§. 374. Si Galena (§. præc.) ex Tessulis tenuibus, oblongis, constat, tum fracta subtiles strias exhibet, & vocatur Germ. *Klar Spießfiger Bley Glantz*.

Scholion. 1^{um}. Hæc figura tessulata (§. 373 & 374.) constanter in Galena observatur; neque unquam alia visa est, nisi quæ externa vi aut resistantia extrinsecus ipsi conciliata fuit: intrinsecus enim vel tum quoque semper est eadem. Sed pro varia tessularum regulari, vel irregulari, ad se invicem applicatione magnitudine, & inde pendente splendore, superficiei quæ

nunc levi, nunc aspera granulata, variis nominibus Galenæ distinguuntur. Denique & ratione coloris aliquis observatur differentia: alia enim dilutior, magis splendens, gaudet colore, alia obscurius nigricante.

Scholion. 2^{um}. Lazar. Erckerus pag. 161. Mineræ Plumbi rubræ facit mentionem, eamque describit, quod sit Argille instar rubræ, ponderosæ. Sed Rubram istam, quam mihi videre licuit Plumbi Mineram, falso pro Cinnabaris Minera habitam, nihil aliud esse deprehendi, quam Galenam hinc inde majoribus, nudo oculo detegendis, præterea autem & infinitis minoribus, per Microscopium saltem visibilibus, Tessulis, in Margacea Terra, rubra, latentibus, conspicuam: ut ideo singularem ea speciem non constituat. Is ipse ibidem de alia quoque Plumbi Minera, Saxum album, sabulosum, æmulante, loquitur. Dantur quidem Saxa sabulosa, Plumbo interdum ditissima; sed quæ tamen probe examinata haud continent Mineram ab ea, quam (§. præced.) descripsimus, discrepantem. Saxum scilicet, quod plerumque mollius est, nec adeo Saxi nomine dignum, veram gerit Galenam, quæ extrinsecus irregularis, globosa in speciem, moleculis diversissimæ magnitudinis, parum splendentibus, per Saxi substantiam est disseminata: unde diffractæ Saxo perfectæ Galenæ Species (§. 373.) comparet. Effodiuntur ejusmodi copiosissime ad Breybach.

§. 375. Lapides, qui dilutior colore solent esse tincti, præprimis Silices, eisque affines (§. 29. 4.), si cinereo, vel nigro, colore infecti, aut talibus saltem maculis, venisque, intertincti cernuntur; indicant vel Ferri vel Plumbi quid sibi inesse. Vocantur tum in priore casu Germ. Eisen-Schweiff; in posteriori Bley-Schweiff.

fig. Speciatim tamen vocabulo *Bley-Schweiff* intelligitur Minera Plumbi Sulphureo-Arsenicalis, hinc rapax, colore flavo, maculis cinereis, vel nigricantibus, interstincto, infecta, ad tactum pinguiuscula.

§. 376. *Minera Plumbi viridis*, rarissima, colore ex flavo viridi, diversimodè temperato, subpellucido, insignis, figuram variam, plerumque tamen nitriformem Spathi speciem, sed minus regularem, præ se ferens, ponderosa, non dura & simul valde rapax est. Ejus tamen Centenarius 70. ad 80. Plumbi libras fundit. Huic similes *Alba* & *Cinerea* habentur, quæ æquè, ac prior, rarius occurrunt.

§. 377. Hactenus (§. 373. ad 376.) recensitæ Mineræ Plumbi per Mineræ Ferri, aut Pyritæ Ferri sulphurei (§. 316.), mixtionem neutiquam, uti aliæ Mineræ (§. 336.), redduntur refractariæ: nam nisi Plumbi Mineris naturaliter Ferrifera sit associata, plerique, ad excoctionem illarum facilius, majoreque cum lucro, perficiendam, additamentum Ferri vel hujus Soriæ fluxilioris, adhuc reducibilis, in subsidium vocare solent: qua de re sub Operationibus fusius erit agendum. Pyrites tamen albus, Arsenicalis, (§. 323.), si dignus judicetur in Minerarum Ferri classem reponi, hoc in casu

casu excipi debet, partim ob rapacitatem, partim ob copiosi Capitis Mortui Terrestris, quod Arsenico diffuso inde remanet, refractariam indolem (§. 325.).

D E

S T A N N O

Ejusque Minera.

§. 378. *Stannum* naturaliter in forma vere Metallica extitisse, vix certo, aut saltem rarissime observatum est. Memorat tamen Matthæsius id aliquando visum.

§. 379. *Minera Stanni* omnium ditissima colore est nigro vel fusco, figura polyhedra, sed penitus irregulari, superficie nitida. Pondere ea specifico omnes fere superat reliquorum Metallorum mineras: quod eo quidem magis mirum videtur, quia Stannum omnium Metallorum est levissimum. Sed, cum sub ustulatione ex isthac Stanni Minera merum fere Arsenicum exhalet, & residuum ab ea ustulata, si consideres, quantum Stanni sub omni reductione pereat, merè Metallicum sit consendum; facile insignis istius gravitatis causa intelligitur. Mediocri cæterum duritie prædita est, & respectu Stanni ipsius

sius admodum refractaria : vividum enim ignem sustinet nec liquescens, neque lentescens; & si subitaneo calori exponitur, nec valide diffilit, nec crepitat, nisi quando in majoribus glebis, quibus vel aliæ Minerae, vel Lapidés imprimis Quartzosi, interpositi sunt, experimentum instituitur. Vocatur hæc Minera Germ. *Zinn-Gruppen*.

§. 380. *Minera Stanni maximè vulgaris*, Germ. *Zwitter*, colore est fusco, rubiginoso, flavescente: ut hinc a Ferri Minera, solo adspectu, haud adeo facile semper discerni queat; præprimis cum & ipsa simul Ferrifera sit. Figura ejus irregulariss est, cum priore (§. præc.) in omnibus conveniens: unde & huic gemina esse videtur, & gradu puritatis solummodo ab ea differre.

§. 381. Ob expositum (§. 379.) Mineræ Stanni in igne habitum, extemporaneo experimento sequentem in modum instituto indagari potest, an, & quantum circiter, Mineræ hujus in gleba quadam oblata lateat. Tunditur nempe gleba in pollinem haud subtilem, tumque a sordibus levioribus, terrestribus, aquâ abluitur. Batillo dein bene candefacto, plano, nec nimis lato, nec alta margine instructo, Minera comminuta, abluta, prius refic-

cata, ita inspergitur, ut nullibi in acervum congesta, sed late dispersa sit: quod eam ob causam fiat necesse est, ut satis subito omnes inspersæ moleculæ candescant, neque subitus forte & interpositi lapilli, dum diffiliunt, multum de ipsa Minera secum abripiant. Dissipabuntur sic, cum leni crepitatione, lapilli, & minus elutriatæ aliorum Metallorum Mineræ, intersitæ, graviores; utpote quarum vix ulla subitaneum æstus fert: superstes erit Stanni Minera in rubellum mutata colorem, & Arsenicali flore, gryseo, obducta.

§. 382. Inter Lapides præciosos numeratur *Granatus*, figura haud constanti, plerumque tamen dodecaëdra, satis regulari, obvius, semipellucidus, a colore, quem habet, florum, alias Balauftiorum, sive Arboris Granati, nomen ducens. Est is quoque Stanni quandoque ferax; ut ideo hujus Metallum Mineris annumerari mereatur. Attamen haud omnis Granatus huc referendus est: sub hoc enim nomine venditantur quoque Lapides eodem quidem colore tincti, at magis pellucidi, vitrescentes, qui veram potius Silicis (§. 29.4.) naturam habent.

§. 383. Stanni Mineræ (§. 379. 380.), a Lapidibus Terrisque intermixtis refractariæ

riæ redditæ, ob magnam suam gravitatem, & constantiam in mediocri igne, Ablutione & Ustulatione inter cæterass Mineras optime quidem emendari se patiuntur. At verò a Ferri Minera, præsertim ab illa rapaci (§. 353.), quæ multoties Stanni Mineræ implicata est, haud prorsus liberari possunt. Unde Stannum inde eliquatum minus sincerum est: illo, quod ex puriore Minera producitur: Ferrum enim cum Stanno in regulum abit (§. 59.), duriores, minus tractabilem, nulla ratione cum emolumento disparandum. Cupri Minera, Ochrae vel Pyritæ specie, quoque Stanni Mineris adjuncta occurrit, fragillimumque reddit Stannum, si copia paulo majore cum hoc colliquescit: sed ea per Ustulationem & Ablutionem facilius inde, quam Ferri Minera, aufertur.

Coroll. Ex iam dictis (§. præc.) prævideri potest, cujus notæ Stannum ex Minera proditum sit; & cur Anglicanum omnium optimum sit. Hujus nempe Minera omnium minime Ferro deprehenditur inquinata.

D E

A R G E N T O

Ejusque Mineris.

§. 384. *Argentum ductile*, purum, nec Sulphure neque Arsenico inquinatum, vario modo figuratis moleculis, præcipue filamentorum & squammularum specie, in variis Lapidibus, Terris, atque in plurimo Sabulo, superficiei telluris quoque exposito, naturaliter & longe quidem crebrius, quam priora Metalla, occurrit.

§. 385. *Minera Argenti Vitrea*, irregularis & inconstantis penitus figuræ, ponderosa admodum, sub malleo complanabilis, scissilis, haud multo majore firmitate, quam Plumbum, resistens, hujusque etiam colorem satis exactè referens, liquefcit mox, ac leviter incipit rubescere. Mero ea Sulphure & Argento puro constat: id quod & Regeneratio ejus (§. 140.) & Analysis Chemica docent. Argenti ultra tres quartas partes continet.

§. 386. *Minera Argenti Cornea*, semipel-lucida, prout majoribus vel minoribus constat glebis, saturatiore vel dilutiore flavo, aut fusco, colore, Colophonix in-
star,

star, conspicua, figuram extrinsecus præ se fert irregularem; sed si intrinsecus rite adspicitur, ex tenuissimis lamellis composita esse videtur. Valde quidem ponderosa non est, nec dura, at facile triturbabilis; subito calori admota, crepitans, late diffilit, sicuti pleræque Mineræ, exhalatque tum sulphureum odorem, nonnunquam & leviter ardens, ac tandem Arsenici quidpiam, sed admodum parum, quoque eructat. Videtur hinc a priore (§. præc.) saltem ratione quantitatis Sulphuris differre. Argenti enim vix duas tertias in se continet.

§. 387. *Minera Argenti Rubra*, colore rubro coccineo, alias dilutiore, alias intensiore, fulgens; in priore casu Rubini Arsenicalis instar pellucida; in posteriore autem opacior; figuræ est variæ, multoties tamen prismaticæ crySTALLINÆ; priore Minera Cornea (§. præc.) ponderosior; candelæ aut leniori calori admota diffilit, ejusque pars tunc residua citò, antequam rubescat, liquefcit, tumque foetorem Arsenicalem, cum fumo denso, visibili, spargit; Sulphuris aliquid in se habet: quod valida docet deflagratio, & Acidi Nitrosi exsurgens odor, si Nitro ea liquefacto, candefactoque, super inspergitur; quippe quæ phænomena nec Arsenico,
nec

nec Argento, debentur: ut ideo color etiam coccineus hujusce Mineræ inde pendere videatur (§. 148.). Ex Capite Mortuo hujus Mineræ, post sublimationem in vasis clausis, residuo, nonnunquam per Magnetem (§. 359.) aliquid Ferri extrahi potest; quanquam vel selectissima etiam Mineræ frustra ad hoc experimentum adhibeantur. Argenti cæterum eandem copiam in se habet, ac Minera Cornea (§. præced.)

§. 388. *Minera Argenti Alba*, coloris dilute grysei, figuræ irregularis, satis ponderosa, fragilis admodum, Cupri simul ferax est; quin etiam plerumque plus Cupri in se continet, quam Argenti: unde ratione quantitatis Argenti tantummodo a Minera Cupri alba (§. 367.) differt. Gravior cæterum est prioribus duabus (§. 386, 387.), minus tamen Argenti ex se fundens, quam istæ. Minera Plumbi, præsertim granulata (§. 373.), dilutioris coloris, pro ea venditur. Vide *Cl. Henckelii Pyritol.* pag. 170. 195.

§. 389. Præter hasce quatuor (§. 385 ad 388.) Argenti Mineras proprias, hætenus non innotuere plures: tametsi enim plurimæ aliæ a quibusdam recenseantur; attamen, re rite examinata, vel Argento impropriæ sunt, vel ex jam recensitis,
Ar-

Argento propriis, Mineris, nunc omnibus, nunc harum aliquibus, varia proportionē inter se mixtis, compositæ deprehenduntur. Et hæc quidem commixtio nonnunquam adeo subtilis est, ut vix oculo armato detegi possit. Equidem inter Mineras jam expositas Ferri, Cupri, Plumbi, Stanni (§. 342. ad 382.), aliquando reperiuntur tales, quæ haud parum Argentii fundunt: at hæ, quum plus de aliis Metallis contineant; hinc vel Impropiæ Argento vocari debent, si id substantiæ suæ intermixtum gerunt (§. 311.); vel & Accidentales, si tantum extrinsecus ipsis aliquid Argenti adhærescit (§. 311.).

§. 390. *Impropiæ Argenti Mineræ* possunt vocari *Minera Cupri Alba & Grysea* (§. 367.); utpote semper Argento imprægnatæ. Reliquæ vero Cupri Mineræ, tametsi plerumque Argentiferæ sint; ita, ut nonnunquam insignis Argenti copia ex iis obtineatur; huc tamen constanter reponi non possunt, nisi in specialiori casu per experimenta prius detectum fuerit, eas Argentiferas esse: hætenus enim nondum certiores, & quidem extrinsecus notabiles, innotuere characteres, secundum quos tuto argui possit, quænam Argentum in se contineant, vel non. Si qui autem ejusmodi characteres sunt inventi, valere hi
tan-

tantummodo solent respectu illius fodinæ, quæ Mineras istas, determinatas, fundit: ut ideo incauti crebro decipiantur, qui talia signa externa universaliter applicant.

§. 391. Haud aliter cum Plumbi Mineris sese habet: inter has enim subtilius striatæ, granulatæ (§. 374.), fugaci splendore nitentes, ad Argentiferarum Classsem referuntur: imo, cum tantum sæpe in iis Argenti contineatur, ut id pretio Plumbi inhærentis plus valeat; a quibusdam non ineptè pro veris Argenti Mineris habentur. Sed & hæc regula multoties patitur exceptiones; dum econtra Galena, magnis tessulis insignis, quæ vulgo minus Argentifera censetur, prioribus respectu Argenti æquivalet.

§. 392. Heic denique superaddere juvat cautelam, ut ne quis statim censeat, Argentum in Minera Cupri, Plumbi, Ferri &c. universaliter contineri, si ex gleba, in qua ejusmodi Minera prædominatur, vel ex Metallo inde eliquato, Argentum separari potest: imo vero, antequam experimentum instituatur, & res determinetur; bene prius circumspiciendum est, ut eligatur Minera exterius & interius a saxis interspersis, Mineras Argenti (§. 384. ad 388.) forte occultantibus, libera, purissima, ad adspectum homogenea. Nisi

P

enim

enim talem sumas, non poteris ex elicto inde Argento securè concludere, eam fuisse Argentiferam; siquidem paucissimæ dantur Mineræ, quæ non aliquando cum Argenti Mineris contiguæ sunt. Quod si autem per minutas moleculas talis concretio facta est; primo intuitu haud facile discerni potest, an ea accidentalis tantum, an vero propria, sit Mineræ. Videtur hinc intelligi posse ratio, cur Reguli, ex Mineræ frustis impurioribus, diversis vicibus seorsim præcipitati, pro ratione quantitatis metalli, non eandem, si explorantur, Argenti copiam ex se quandoque fundant; tametsi nulli errores in operatione committantur: id quod nunquam contingit, si Minera antea bene contunditur & miscetur, vel eadem saltem purissima adhibetur.

§. 393. Mineræ Argenti propriæ, puræ (§. 384 ad 388.), vel Cupri vel Plumbi Mineris purioribus quibuscunque insitæ, vel interpositæ, per se sunt fluxiles. Refractariæ autem, & non fluxiles, quænam sint, ex ante jam dictis intelligitur (§. 334.); quippe quæ de omnibus valent Mineris. Sed heic loci Stanni Minera singularem meretur considerationem: hæc enim ad ignem quidem nec sola, nec aliis metallis adjuncta, indolem habet refractariam: quum Stannum etiam Argento, præcipuè autem Plum-

Plumbo, commodissimè se misceri patitur (§. 41. & 57.): interim tamen statim, ac ignis in tantum augetur, ut Plumbum rubescat, Stannum in calcis forma sese ab illo separat (§. 41.); quæ calx a Plumbo plane non, difficillimè etiam a Vitro hujus, solubilis est, insignemque Argenti quantitatem, si hoc Stanno antea admixtum fuerit, abripit. Atqui Argentum per Plumbum, accedente valido igne, ab omni heterogeneo, Aurum si exceperis, abluitur. Unde patet, quod, & quam ratione, Argentum, vel ejus Minera, refractaria sit censenda, si Stannum vel ejus Minera illi sese immiscuerit.

D E

A U R O

Ejusque Mineris.

§. 394. *Aurum*, characteribus suis (§. 6.) insigne, a Sulphure & Arsenico liberum, præ omnibus aliis Metallis, *Nativum* reperitur frequentissimè, nulla interim certa figura distinctum, sed irregularibus tantum moleculis constans. Præcipuas ejus matrices saltem heic recensere haud inutile erit.

§. 395. Est *Silex*, vel *Quartzum album* (§. 29. N^o. 4^{to}.), in quo, solidissimis & maximis moleculis, Aurum reconditum esse solet. In eodem Lapide flavo, & cœruleo, quem quidam Corneum vocant, pariter, sed rarius, minoreque quantitate, idem latet.

§. 396. *Lapis Fissilis*, cœruleus, quem ob colorem *Lazureum* adpellant, a subtilissimis Auri squammulis, eleganter flammeus crebro apparet; quamvis tamen minus in hoc solidum sit Aurum, quam in prioribus (§. præc.)

§. 397. Vix datur in rerum natura *Sabulum*, quin Aurum in se contineat: sicuti & plurimæ *Terræ* limosæ, pingues, idem ferunt; sed rarius adeo fertiles sunt, ut operæ pretium solvat illud per Elutriationem & Amalgamationem inde extrahere. Solet tamen istud Sabulum, præ ceteris, Auro esse ditius, quod in alveis torrentium & fluviorum, vel prope hos, præprimis ubi varios in anfractus sese contorquens canalis aquam reflectit, reperitur.

§. 398. *Aurum* hoc *Nativum* (§. 394.) rarissime habetur absolute purum; sed semper Argento mixtum est: quanquam tamen id, quod in Sabulo & Terris reperitur (§. præc.), magis ferè Argentum sit, quam illud, quod solidæ Matræ incuneatum hæret (§. 395. 396.).

§. 399. Quantum mihi cognitum est, hactenus nunquam inventa fuit *Minera*, in qua Aurum maximam constituerit metallicam partem: unde nullam Auri Mineram propriam recensere valeo (§. 311.): quod ipsum etiam testantur Autores in cognitione & exploratione Mineralium peritissimi (*). Variæ quidem sub hoc titulo venduntur Minerae; sed, quæ rigido examini submissæ tales non deprehenduntur: illis enim in locis, ubi ex Sabulo Terrisque elutriatur Aurum (§. 397.), obviæ non nunquam sunt Minerae Stanni in granulis, sicuti & Granati (§. 379. ad 382.): neque tum harumce comes, rapax illa Ferri Minera, Germ. *Wolffram* dicta (§. 353.), abesse solet. Ita quidem factum, ut colore ejusmodi Minerarum in rubrum vel flavescens vergente, Aurique in iis præsentiam mentiente, multi decepti eas pro Auri Mineris habuerint: interim neminem unquam ex iis ditescere, neque Aurum inde eliciuisse vidi. Idem de Marcasitis, sic dictis Aureis, censendum est: nam nihil aliud sunt, quam Pyritæ sulphurei (§. 316).

§. 400. *Minerae Auri Impropriae*, præter
P 3
Ar-

* Laz Erck. *Aula subterranea* p. 55.

Georg. Leonhard. v. Löhneyß *Nachricht vom Bergwerk*. p. 125.

J. F. Henckel *Pyritologie*. p. 167. 226. 667.

Argenti Mineras, habentur nullæ: in his enim solummodo Aurum, Sulphure & Arsenico penetratum, formam suam metallicam deposuit. Quod si vero in cæteris Mineris deprehenditur Aurum, una cum hoc longe major conjuncta est Argenti copia: ut ideo potius ad Argenti Mineras pertineant; ubi loci etiam ante recensitæ sunt.

Coroll. Cum Aurum constantissimum sit & incorruptile in igne (§. 6.); facile subtilissimæ ejus squammulæ a Pyritosis similis coloris (§. 316.) sese distinguunt: nam priores retinent non modo in igne suum colorem, sed, si inquinatæ fuere, etiam pulchriores tunc evadunt; posteriorum autem color penitus mutatur in intense rubicundum, nitida superficies in pulverulentam, tumque vere Aureæ, si quæ insunt, particulæ magis conspicuæ redduntur.

D E

M E R C U R I O

Et ejus Minera.

§. 401. *Mercurius natus*, currens, vivus, *virgo* appellatus, in lapide fissili, gryseo & cinereo, molliori, ut plurimum
la-

latet; in quo sub forma guttularum vel oculo nudo, vel armato, detegi potest. Circa Hydriam præcipue reperiendus is est uberius; ut quandoque confluentes ex matrice guttulæ vasculis hauriri possint.

§. 402. *Minera Mercurii* cognoscitur modo unica, dicta *Cinnabaris*, cujus puriora specimina, apud Pharmacopœos & Sephasiarios, sub nomine Cinnabaris nativæ, prostant ubique. Colore ea pulcherrimo coccineo fulget, & fracta strias parallelas conspectui exhibet. Insuper ponderosa valde est, mollis, composita ex mero Sulphure & Mercurio; ita tamen, ut Mercurii quantitas sextuplo & ultra major, quam Sulphuris, esse soleat, atque ab illius abundantia coloris etiam Cinnabarini pulchritudo pendeat: prout Regeneratio, & Analysis Chemica Cinnabaris docent. Facile hinc quoque patet, cur ea, ratione aliarum Minerarum, adeo sit volatilis.

§. 403. Mercurius, ejusque *Minera*, *Cinnabaris* (§. præc.), inter Metalla omnia, rarissime reperitur; ita, ut, computum instituyente *Cl. Hoffmanno* (a), quinquagesies plus Auri quotannis ex Terris Fodinisque eruatur, quam Mercurii vel ejus *Mineræ*. Quod uti verissimum est, ita haud

P 4

ra-

(a) Dissert. Physico Chemica, de Mercurio & Medicam: ex Mercurio selectioribus Thes. II.

tamen minus quoque certum esse videtur, Mercurium & ejus Mineram longe frequentius, quam creditur, occurrere, sed non cognosci. Probabile id fiet consideranti, quod Metallurgi Mineralia sibi incognita solummodo examini in igne aperto, valido, subjiciant, Scorificationes, Cupellationes, Præcipitationes fusorias varias, cum iis instituendo, spernantque, vel ignorent, operationes, quæ fiunt in vasis clausis; tum quod de Mercurii præsentia vix unquam cogitent, nisi cum ipse vivus, in visibiles guttulas collectus, velle Coccineus Mineræ ejus, Cinnabaris (§. præc.), color, oculis sese objicit. Accedit, quod Cinnabaris, quæ tamen, si pura est, a cæteris Mineralibus quam clarissime se distinguit, color, pondus, figura, ab aliis Mineralibus admixtis tantopere immutentur; ut, nisi experimentum instituat, solo externo adspectu neutiquam detegi possit.

Coroll. Multa equidem apud Chemicos reperiunda sunt experimenta, per quæ ex Mineralibus elicetus fuisse Mercurius fertur; sed omnia ista nobis hæc parum inserviunt. Nam 1^{mo}. Mineralia ista non exactè sunt descripta; ut, si occurrerent, possent dignosci: & si forte nomen adpositum sit, illud vel plurimis etiam aliis rebus

bus commune est, vel nemini, nisi ipsi Authori, cognitum, quidnam significet. 2^{do}. Circumstantiæ necessariæ in experimentorum enarratione sæpe prorsus omissæ fuere.

D E

REGULO ANTIMONII

Et Minera ejus.

§. 404. *Regulum Antimonii* purum, *nativum*, repertum fuisse, nulla mihi observatione constat; nec apud Auctores de eo effosso alicubi mentionem factam fuisse, memini.

§. 405. *Minera Antimonii*, colore *Galenæ Plumbi* (§. 373.), striis tenuibus, longis, & sese decussantibus, & parallelis, rarius squammis, splendentibus, interdum levi rubedine interlucente, semet distinguens, ponderosa, resolvitur in Regulinam partem (§. 16.), & Sulphur vulgare, ex quibus ambobus etiam, sub debita excheiresi, regenerari facile potest (§. 333.).

Scholion. *Descriptio Minera Reguli Antimonii* (§. præc.) valde quidem convenit cum descriptionibus, quas exhibuimus, *Minerarum quarundam Ferri* (§. 351. 352. 353.), præsertim posterioris (§. 353.). Et sane

tanta etiam heic obtinet similitudo, ut quandoque inter se confundantur. At Antimonii tamen Minera eo sese facile distinguit, quod minuta ejus particula ad lampadis flammam applicata mox liquecat; dum interim Ferri Minere, rapaces, vel plane non, aut saltem non nisi Tubo Cementatorio (§. 258.) adhibito, ad fluorem possunt deduci. Dein si semel habitum quis omnium istarum Minerarum externum, accuratè consideratum, sibi impressit, is, nescio quid, differentie detegit haud equidem verbis facile describende, sed adeo tamen notabilis, ut deinceps solo etiam adpectu eas a se mutuo distinguere queat.

D E

B I S M U T H O

Et ejus Minera.

§. 406. *Bismuthum* tam purum hæret aliquando in Minera sua inclusum; ut pro eo inde eliciendo, præter rudem comminutionem, nulla præparatione ulteriore opus sit.

§. 407. *Minera Bismuthi* omnis, docente id Analyfi Chemica, per Arsenicum in Mineræ statum redacta est: id enim per sublimationem inde prodit. Est & in hac Minera eadem illa Terra, vitra cœruleo tingens colore, de qua jam sub Cobalto mentionem fecimus (§. 325. 326.). Unde liquet, Mineram Bismuthi haud inepte

te *Cobaltum Bismuthi* vocari posse; siquidem in omni *Bismuthi Minera* eadem reperiantur principia, quæ in *Cobalto*, diversa solummodo proportionem.

Scholion. *Heic loci haud inopportunum erit confectionem Zaffræ & Smalti exhibere, quam Kunckelius in Arte Vitraria primus clare descripsit. Videlicet, Cobaltum post sublimationem, Wismuthum post eliquationem, Caput Mortuum relinquit, quod speciatim vocatur Germ. Wismuth-Graupen, si de Wismuthi Minera residuum fuit. Id in se Terram continet, quæ, cum vitri ingredientibus colliquefacta, colorem vitro cæruleum conciliat. Contunditur nimirum istud, per cribrum subtile trajicitur, huicque dein terendo & cribrando intime admiscetur pollen subtilissimum, ex Arena vel Silicibus albis paratus, & quidem dupla plerumque ratione prioris quantitate. Si dein compositus hic pulvis, qui Zaffra vocatur, aqua irroratur, tunc velut in lapidem concrevit mediocris duritiei: quum verò isthæc irroratio semper fiat, antequam Zaffra vendatur; ideo eam nonnulli pro nativo Minerali habuerunt.*

Si vero Zaffra isthæc cum sufficiente e. gr. subdupla Cinerum clavellatorum copia, terendo, miscetur, & dein magno igne funditur; nascitur inde vitram coloris fere nigri, quod tamen, si liquefactum mox projicitur in aquam, tum teritur, & cribratur, pulcherrimum exhibet pulverem cæruleum, qui vocatur Smaltum.

Si eadem ista Zaffra, aut inde confectum Smaltum, miscetur cum centuplo aut plure vitro, confuso, crystallino, aut cum ingredientibus quibuscunque, ex quibus constantur alba vitra; tunc color, qui in solo Smallo liquefacto tam ater apparebat, diluitur in pulcherrimum cæruleum, Sapphirinum: unde nonnulli vocabulum Zaffra deductum fuisse volunt.

D E

Z I N K O,

Ejusque Minera.

§. 408. *Zinkum*, *Zink*, Germ. *Contrafait*, *Spiauter*, in tali forma, sicuti §. 14. descriptum, *Nativum* reperiri, aut reperi-
tum esse, me latet: neque nota est ulla
Minera, ex qua hoc Semimetallum eodem
modo, sicuti cætera Metalla & Semime-
talla ex suis Mineris, eliquari possit.

§. 409. Omne hinc, quod in Germaniâ,
præsertim Gossariæ, paratur Zinquum,
non per Eliquationem, sed per Sublimatio-
nem acquiritur: neque ex Minera quadam
singulari, sed ex intricata adeo Minerarum
congerie; ut inde plurimâ simul alia Me-
talla & Mineralia separare liceat. Maxime
quidem Ferrum, Plumbum, Cuprum, in
iis abundant: quin propemodum omnia
insuper Sulphure & Arsenico sunt involuta.

§. 410. Interim haud peculiare eum in
finem instituuntur Sublimationes, ut Zin-
cum eliciatur; sed, secundario quasi la-
bore, sub aliorum Metallorum, Plumbi
imprimis, eliquatione id simul colligitur.

§. 411. Juvat heic modum enarrare, quo
Sublimatio Zinki (§. 409.) perficitur;
quia accuratam ejus descriptionem vix ul-

los apud Authores reperire licet. Mineræ, Zincum daturæ, per diuturnam, aliquot vicibus repetitam, Ustulationem a Sulphure, quin & eadem opera quodammodo ab Arsenico liberantur. Dein cum Carbonibus stratificatæ (§. 240.) Furnis committuntur prismaticis, quadrangulis, quorum altitudo latitudinem & longitudinem aliquoties superat. Tria cujuslibet talis Furni latera totidem crassi muri constituunt; quartum vero, quod est anterius, occluditur laminis, de lapide fissili, magnum ignem sustinente, extectis, vix ultra sesqui pollicem crassis. Infimæ harumce laminarum, interiùs, ad marginem inferiorem applicata est altera lamina, simili de lapide facta, ita quidem posita, ut a margine dicto oblique sursum, introrsum, assurgens, canalem constituat primum, versus alterutrum Furni latus declinantem, atque in foraminulum in hoc Furni latere relictum desinentem, hinc eò deducentem, quidquid in cavum ipsius delabitur. Si tum, summo igne, excitato per folles, ad posteriorem, inferiorem, Furnorum parietem applicatos, Mineræ (§. 409.) liquecant; tum simul Zincum, toto suo corpore volatile, anteriori mox descripto, tenuiori, semper minus fervido, Furni parieti interiùs guttatim sese applicat, &

maxi-

maximè quidem ad lapidearum laminarum, e quibus ille constat, commissuras, utpote sulcis rimisque inæquales. Si tum, inter fusionem, paries iste subinde leviter percutitur; defluens guttatim Zincum cadit in cavum canalem modo descriptum, hujusque per declivitatem determinatur, ut decurrat versus foraminulum huic canali continuatum, sicque elapsum inde in supposito vasculo colligatur. Maxima tamen sub hac Operatione Zinci copia comburitur & dissipatur: id, quod & Zinci in longe minore igne facilis combustibilitas a priori docet, & præcipue flammæ ipsius ex Furnis eo tempore prorumpentis color eleganter viridis, fumusque albus, densus, simulexiens: ejusmodi enim flamma semper, præsertim circa finem operationis, haud ingrato spectaculo conspicitur. Hinc ex ingenti Minerarum copia, quæ, intra octodecim horas in quemlibet Furnum per vices ingesta, eliquatur, non computatis additamentis, sexaginta Centenarios excedens, vix tres, quatuor, ad summum quinque libræ Zinci obtinentur.

Coroll. Patet ideo ex dictis (§ 408. ad 411.), quam difficulter de Minera Zinci certi quid statuatur; cum id ex tanta Minerarum & Mineralium confusione, tam singulari modo, prodeat.

§. 412. Præter tamen hætenus memoratas, Goslarienteses, Zinci matrices, adhuc quædam aliæ reperiuntur, quæ *Mineræ* ejus possunt vocari. Pertinet huc *Lapis* præsertim *Calaminaris*, Germ. *Galmey*, alias quoque *Cadmia Nativa*, ut distinguatur a *Cadmia Fornacum*, dictus (§. 89.). Est hic figuræ penitus irregularis; interdum spongiosus, interdum solidior; coloris lutei, flavi, rubicundi, aliquando grysei, vel & ex omnibus modo memoratis simul permixti; cæterum nec pondere nec duritie insignis; ruditer diffractus, ignique validiori injectus, mox tingit flammam instar (§. 14), fumumque album, densum, copiosum, exhalat, qui tamen nec Sulphur, nec Arsenicum, redolet, sed odoris est mitioris, singularis, summopere saltem adstringentis, atque in flores levissimos, primum cœrulescentes, dein gryseos albos, condensatur. Caveatur modo, ne ejusmodi experimentum fiat cum talibus Lapidis Calaminaris frustis, quæ Pyrite flavo, sulphureo (§. 316.), vel albo Arsenicali, (§. 323.), aut etiam Galena Plumbi (§. 373), stipata sunt: solent enim istiusmodi quandoque Lapidi huic sociata esse. Præter volatilem partem mox descriptam, insuper in Lapide Calaminari plurimum Ferri adest, tum & Terra non

Me-

Metallica, satis copiosa.

§. 413. Ex hoc quidem Lapide (§. præc.) nec sola ignis vi, nec additis vulgaribus Fluxibus reducentibus, unquam produci Zincum potest. Attamen florum illius (§. præc.) cum floribus Zinci convenientia; mutatio rubri Cupri coloris in flavum aureum, quæ ut a Lapide Calaminari, sic & a Zinco perficitur (§. 88.); denique productio ipsius Zinci ex Lapide Calaminari variis encheiresibus obtinenda, illum inter Zinci Minerarum reponere jubent: quare de re plura sub Operationibus.

§. 414. De *Mineris Zinci Propriis*, ex quibus id, sicuti alia Metalla ex suis Mineris, eliquari possit, varia a quibusdam Autoribus traduntur. Tametsi autem horum fidem subleſtam facere nolim; attamen variæ urgent rationes, quo minus credam, quod istæ Minerae, quibus illi nomen Zinci adscripsere, re vera tales fuerint. Nam 1^{mo}. A plurimis Autoribus Zinnum cum Bismutho confunditur: ut ideo bina hæc nomina pro synonymis habeant; cum tamen maximum detur inter ambo ista corpora discrimen: uti ex Characteribus utriusque, facilius in sensus incurrentibus, (§. 14. 15.) exhibitis, clare pater; ne memorem differentias insigniores, quæ per experimenta Chemica sese

se in iis manifestant. Pro exemplo unicum sufficiat adducere G. L. de Löbneyß, Authorem certe in Re Metallica haud infirmi subsellii: is tamen, ubi narrat, quomodo Zincum Goslariae ex Minera producatur, dicit: *Hoc Zinuum sive Bismuthum aude ab Alchemistis desideratur.* Vid. Ejus *Nachricht vom Bergwerck* pag. 83. b. 2^{do}. Authores descriptionem Mineræ Zinci ipsis dictæ vel prorsus neglexere; vel, si uno alterove verbo mentionem ejus Characterum fecerunt, hi ipsi accuratè etiam Mineræ Bismuthi competunt. Accedit demum, quod Mineræ Bismuthi in plurimis illorum locorum, quos Scriptores Mineræ Zinci feraces esse dicunt, reperiantur potius, quam Mineræ Zinci: e. g. in Anglia, de cujus regionis Minera Zinci multus sermo est; quamvis interim vix existere videatur: qua quidem in opinione magis me firmat locus quidam in *Websteri Metallographia* pag. 339. obvius; ubi Author hic fatetur, se Zinci Mineram frustra ubique, præsertim in Anglia, quæsisisse. (a.)

Q

§. 415.

(a.) Verba ejus sunt: *I Know not, what use is made of this Spelter, but only that the Brasiers do mix it with Copper & there of make their Cement or solder, for from them we have it, & that at very dear rates. The Ore of it I have not seen, nor as yet could procur, and I should be very glad to hear that any of it could be obtained, or any of it found in England.*

§. 415. Multum Zinci ex indiis Orientalibus per naves Belgicas in Europam adfertur, quod Germanico paulo magis cæruleum, & utcunque tenacius est. Sed nec de regione, ubi effoditur Minera Zincum istud fundens, longè minus de modo, quo Zincum inde obtinetur, certi quid constat: fertur enim, nemini Europæorum istas regiones intrandi libertatem concedi.

D E

V I T R I O L O

Et Mineralibus Vitriolicis.

§. 416. Si per Sulphuris Acidum Salemi (§. 22.) Metallum, vel Semimetallum, ita solvitur, ut ambo simul conjuncta sub salina forma appareant, dicitur concretum tale strictè *Vitriolum*.

§. 417. In Regno Minerali hæctenus duotantummodo Metalla ab hoc Sulphuris Acido naturaliter reperta fuere soluta, Ferrum videlicet, & Cuprum. Hinc *Nativa Vitriola* duo modo numerantur, *Ferri* nempe & *Cupri*. Horum illud viride, semidiaphanum, crystallis conspicuum rhomboidalibus, sapore dulci, stiptico, ad-

adstringente, præditum, in igne primum liquefcit, vaporemque aquosum emittit, dein exficcat, abitque in gryseum crama, quod aucto igne tandem rubicundum fit; dum interea vapor acidus, suffocans (§. 22.), inde expellitur. Vitriolum Cupri autem, per artem à priore separat, purum redditum, est cœruleum, minus pellucidum, minus aquosum, ponderosius, non tam facile, sicuti prius, ad ignem fluens, sapore nauseosissimo, caustico, infestum, cæteroquin à priori non multum differens. Ambo hæc Vitriola, in aqua soluta, hanc tingunt eodem colore, quo ipsa gaudent.

§. 418. Utraque Vitriola (§. 417.) simul conjuncta plerumque reperiuntur; sicuti & ambo Metalla, ex quibus, per Acidum Sulphuris solutis, ortum ducunt, vix unquam solitaria, sed inter sese varia proportionem mixta esse solent. Ferri interrim Vitriolum in concretis istis maxime prædominatur. An Cuprum Vitriolo insit, facile detegitur, si in solutionem Vitrioli lamina ferri polita immittitur: tum enim semper Cupri quidpiam excutitur, quod superficiei laminæ, subtilissimi pulveris rubicundi specie, sese statim applicat. An vero, & in quibusnam locis subterraneis Vitriolum Cupri occurrat tam purum,

ac est vulgo venale cæruleum, me latet. Videtur potius factitium esse, quod sub titulo Romani, Cyprici &c. venditur.

§. 419. *Vitriolum Nativum* in aquis plurimis hæret solutum : aqua enim semper concurrere debet, ut Acidum Sulphuris cum Metallo transeat in Vitrioli formam; quia nullus sal virtute salina agit, nisi vel per ignem vel per aquam sit solutus. Accedit, quod crystallina Vitriolorum forma & pelluciditas sine accedente aqua haud acquiratur. Sales autem Vitriolici plurimas constituunt Aquas sic dictas Medicatas, docentibus id Pyrmontanis & plurimis aliis. Unde & ex tempore explorari potest, an tales Aquæ Vitriolum in se contineant, si Aqua decocto vegetabili, austero, e. g. Herbæ Thee, Gallarum, Radicis Tormetillæ, Bistortæ &c. affundatur : ista enim mixtura ilico in opacum transit atramentum, si ei Vitriolum Ferrum inest. An vero Vitriolum Cupri contineat aqua, patet, si ipsi immissa ferramenta successive consumuntur, & contra inde præcipitatur Cuprum. Quin &, si plurimum Aquis inhæret Cupri Vitriolum, Cuprum inde per immissa ferramenta copiose excussum tandem solidescit, & extrinsecus scabrum, puculatum, intrinsecus ex filis parallelis quasi aggregatum, & secundum

horum ductum facilius quoque fissile, cæteroquin ductile, se exhibet. Vocatur tum Cuprum tale præcipitatum Germanice *Cement-Kupfer*: Aquæ vero, quæ Vitriolo Cupreo, copioso, imprægnatæ sunt, *Cement-Wasser*. Hinc & consuetudo obtinet, ut omnes Aquæ Vitriolicæ dicantur Germ. *Kupfer-Wasser*; tametsi Vitrioli Ferri longè maximam, Cupri minimam partem vehant.

§. 240. *Vitriolum* quoque purum, in forma solida varia, passim in *Fodinis* reperitur. Aliquando id congelatum est, gelicidii instar, tuncque vocatur *Vitriolum stalaëticum*, quod coloris est viridis, plus minus tamen cœruleo, Cupri præsentiam indicante, temperati, compactum, nec exterius nec interius illam figuram præ se ferens, qualem nanciscitur secundum artem crytallisatum. Ejusmodi *Vitriolum album* habetur Goslaricæ nativum, quod solutum in aqua, iterumque inspissatum, colorem album servat, nec, quantum memini, alibi reperitur. Est in eo Cuprum & Ferrum; sed & præterea aliud quid, non metallicum, cujus natura nondum hætenus bene perspecta est. Unde, quantum scio, nulli hucusque licuit id adeo imitari, quin artefactum facile à nativo distingui possit. Variæ præterea germi-

nationes, & efflorescentiæ Vitriolicæ in fodinis, imo & in ipsa terræ superficie, occurrunt, nunc densiores, nunc tomentosæ, albæ, virides, cærulescentes, quibus infinita nomina, satis inutilia, nec nisi ab infinita tam figurarum, quam colorum, per fortuitam heterogeneorum admistionem natâ varietate desumpta, hinc meritò spernenda, imponuntur.

§. 421. *Lapides Atramentarii*, Germ. *Atrament-Stein*, sunt concreta mineralia, in quibus perfectè in jam Vitriolum (§. 417.), sed multis aliis terris, mineralibusque, aliquando confusum, latet. Unde iterum facile innotescit, quod ejusmodi Lapidum, ratione ponderis, duritiei, coloris &c. infinita, nec certo determinanda, sit diversitas. Quin & colligitur hinc, quod varia nomina, ab accidentalibus hisce differentiis petita, prorsus omni careant usu; siquidem Vitriola, ex eorum quibuscunque extracta, pura reddita, prorsus sunt eadem, ac (§. 417.) memoratum. Præcipue à coloris diversitate quatuor talium Lapidum numerantur species: scilicet *Lapis atramentarius niger*, *gryseus*, *flavus*, *ruber*. Inter hos Flavus pulcherrimo, sed labili admodum colore, & molliore consistentia, tum Vitrioli copia, maximè sese distinguit. Cæteri vero non semper adeò

facile dignosci possunt; quin Mineras etiam aliorum Metallorum haud raro mentiuntur; & nonnunquam re vera ramenta variarum Minerarum sibi concreta gerunt. Cum tamen perfectum jam Vitriolum in iis sit, sapor Vitriolicus infallibilem omnium eorum constituit characterem; sic ut primoribus saltem labris gustanti sese ilico manifestent (§. 417.).

§. 422. De Pyritis Ferri & Cupri sulphureis (§. 316. 347 369.) heic mentio etiam facienda. Habent certe isti principia omnia in se, ex quibus nasci potest Vitriolum (§. 417.): Cuprum videlicet, Ferrum, & Acidum Sulphuris. Quidam enim Ferri Pyritarum, aëri expositi, spontè fatiscunt, ac in Vitriolum pro parte abeunt: cujusmodi sunt Pyritæ Ferri, puri, merè sulphurei (§. 316.); vix tamen Pyritæ Cupri, & Arsenicalis (§. 369. 323). Alii autem prævia ustulatione & expositione ad aërem per aliquot septimanas vel menses egent, ut inde nascatur Vitriolum: cujusmodi sunt Pyritæ Ferri, Cupri, & qui, una cum Sulphure, Arsenici aliquid in se habent, notante id *Clarissimo Henckelio*. At hac de re tamen plura capienda sunt experimenta: reperiuntur enim quidam Ferri Pyritæ, qui aëri expositi sponte in Vitriolum abire renuunt; tametsi nec Cupri,

nec Arsenici, 'plus in se habeant, quam alii, qui paucos intra dies vitriolescunt.

§. 423. Ex plurimo itidem Lapide Calaminari (§. 412.), præcedente ustulatione, nascitur Vitriolum; licet nec Pyritosus iste fuerit, neque tanta in eo acidi copia, quanta ad Vitrioli inde producti generationem requiritur, ullo experimentorum eventu demonstrari possit.

Scholion. Cui placet in obscura illa nomina Sory, Misy, Chalcitidis, Melenterix &c. inquirere, ut sciat, quales hæc res apud Veteres designaverint; hæc forte inveniet locum, ad quem pertinent.

D E

A L U M I N E

Et Mineralibus, ex quibus id producitur.

§. 424. *Alumen* (O.) est sal coloris albi, vel dilute rubelli, saporis dulcissimi, in aqua solutum, decenter inspissatum, frigesactum, formans crystallos semipellucidas, octoëdras, quæ ad ignem primo liquecunt, ebulliunt, spumescunt, copiosumque phlegma eructant, dein in massam levem, spongiosam, albissimam, abeunt, igne vero tandem magis aucto fundunt similem Spiritum Acidum, ac
Vi-

Vitriolum (§. 417.) vel Sulphur accensum (§. 312.), superstita Terra levi, alba, ad Margarum naturam accedente (§. 31. 2.)

§. 425. Producitur autem Alumen (§. præc.) vel ex Minerali bituminoso, nigro, splendente, fissili, hinc Lithanthraci (§. 319.) valde simili, sed leviori, nonnunquam fibrato, lignum æmulante; vel ex molliori gleba bituminosa. Glebæ hæc inflammabiles sunt, &, in acervos congestæ, sponte incalescunt, inflammanturque, foetorem interea bituminosum, graveolentem, de se spargentes, superstita Terra spongiosa, parum sapida. Si vero non inflammantur, sed solummodo incalescunt atque dehiscunt, tunc Alumine multo fiunt prægnantes: quapropter adfusa aqua cavere debet earundem accensio; utpote qua contingente glebæ steriles redduntur.

§. 426. Sed alia Mineralia, ex quibus prodit Alumen, non sunt bituminosa, adeoque nec inflammabilia: quo pertinent concrementa quædam lutosa, fissilia, tum Lapis quoque Calaminaris (§. 412.). Hic tamen posterior, secus ac priores (§. præc.). species bituminosæ, prævia eget mediocri in igne aperto ustulatione, ut Alumen exhibeat.

§. 427. Contingit multoties, ut, dum Pyrites ad Vitrioli generationem præpara-

tur, (§. 422.), simul, una cum Vitriolo Aluminis insignis quantitas prodeat: id quod observare plerumque licet in Lapidibus Atramentariis (§. 421.); quippe qui per adfusam aquam simul & Vitriolum & Alumen, sæpe fundunt: licet tamen haud omnibus hoc commune sit.

§. 428. Mineralia Aluminosa (§. 425.) recentia, pura, non Pyritosa, si examinata Chemico subjiciuntur, de Acido Aluminis parum inde, vel nihil, obtinetur, saltem nequaquam talis quantitas, quæ respondeat copię Aluminis, quod ex iis obtinetur, postquam aëri aliquamdiu exposita fuerunt. Neque etiam remanens illa Terra in his Mineralibus ostendi potest, quæ post Aluminis exustionem (§. 424.) superstes est. Lapis vero Calaminaris (§. 412. 423.) itidem purus, nec Pyritosus, nec Galenae Plumbi stipatus, crudus, longe minus eadem illa principia in se habere videtur. Neque enim Terra vel Metallica, vel nominata Metallica, datur in hoc Lapide, Capitulum Mortuo Aluminis (§. 424.) gemina. Si vero Acidum actu jam in eo præsens effectus credatur, vix sane concipere licet, quamnam ratione id tam occultum ibi lateat. An ergo Aluminis Acidum, per aërem advectum, sic in Aluminis matricem deponatur, juxta sententiam *Cl. F. Hoffmanni*

ni (a.); an verò ope aëris, aut ignis, aut utriusque simul, nova amborum Aluminis principiorum, Terrestris nempe & Salini Acidi (§. 424.), generatio fiat, uti opinatur *Cl. Henckelius* (b.); cujuslibet judicio & experientiæ relinquimus. Sed cum ante operationes cognitæ vix accurata hujusce rei idea acquiri possit; ideo, ubi ad praxin pervenerimus, fusius de ea agendi dabitur opportunitas.

D E

S A L E C O M M U N I,

Et Modis, quibus acquiritur.

§. 429. *Sal Commune* (§. 20.), *Nativum*, purissimum, in forma solida, fodinæ in plurimis regionibus obviæ eruendum præbent: vocatur *Sal Gemmae*. Est id quidem purissimum, candidum, semipellucidum, ab alio Sale communi maximis, compactis, ad adspectum homogeneis, crystallis, quæ etiam arte productæ majores ex plurimis minoribus aggregatæ sunt, sese distinguens, in aëre longe constantius vulgari:

(a.) *Observ. Physico Chemic. L. III. Obs. VIII.*
pag. 275.

(b.) *Pyritologia* pag. 756.

gari: neque enim adeo cito, ac vulgare humiditatem contrahit. Tam pura vero Salis Gemmæ frustra non adeo larga copie reperiuntur; sed, uti facile prævidetur terris nonnunquam, aliisque mineralibus compositis, intertextis contaminatum esse. Ab his vero peregrinis, si abundant, liberatur solutione in aqua, quiete, percolatione, tandemque *Muriæ* (ita enim solutio ejus in aqua adpellatur) exhalatione Sal in formam solidam iterum redigitur. Tum vero haud amplius dicitur *Sal Gemmæ*.

§. 430. Totus Oceanus, & varia Maris Mediterranea, scatent Sale Communi: haud tamen omnium aquæ eo æque saturatae sunt. Quædam in aquæ libra una ultra Unciam unam Salis solutam habent; alii vero vix Unciam dimidiam & minus. Præcipue Maria sub & circa Zonam Torridam pluri Sale scatent, quam Glacialia versus Septemtrionem sita. Sal, qui inde, vel sola ad Solem & aërem ficcum exhalatione, vel inspissatione ad ignem culinarem, obtinetur, dicitur *Sal Marinum*.

§. 431. Denique plurimi Fontes aquarum Sale Communi imprægnatas fundunt, ex quibus simili modo, ac (§. præc.) dictum, Sal acquiritur, vocatus *Sal Fontium*.

§. 432. Tres istæ Salis Communis species (§. 429. ad 431.) non differunt, nisi 1^{mo}. Ratione Loci, quo repertæ fuere: unde & nomen cujusvis singulare originem ducit. 2^{do}. Puritate: heterogenea enim admixta colorem, habitumque Salis externum, deturpant: hinc etiam pendet, quod quædam Muria Salem suum facile, & absque addito, sola exhalatione, quædam difficulter, vel plane non, nisi per addita despumantia, deponant. Interim quum peregrina ejusmodi Sali Comuni non sint essentialia, sed mere accidentaria; neutiquam veram ea differentiam constituunt: Sal enim Commune, qualecunque sit, modo rite depuretur, in omni examine unum idemque apparet. Super hisce legi merentur *F. Hoffm. Obs. Physic. Chemic. Lib. II. Obs. XVI. G. Agric. de Re Metallica Lib. XI. P. Snellius de Sale Comuni*, aliive.

§. 433. *Sal Ammoniacus*, tanquam Salis Communis species semivolatilis, huc quoque referri potest. Traditur, hunc *Salem Nativum*, fossilem, reperiri circa montes ignivomos, sicuti & in locis sabulosis, siccissimis, fervidis, sub & circa Zonam torridam; exhalare etiam in Persia e rupium rimis. *Sal Ammoniacus* vero vulgaris, vernalis, factitius est omnis, produciturque ex
cor-

corporibus Salem Communem vel hujus Acidum, & Salem volatilem Alcalinum, actu, vel potentia, continentibus; utpote quæ bina sunt principia, ex quibus omnis Sal Ammoniacus constat, & in quæ arte resolvi potest. Urina hinc Animalium, præcipue Sale Communi utentium, Fuligo variorum corporum inflammabilium, &c. cum præbent. Ex Ægypto qui ad nos transfertur, omnium frequentissimus, vel ex sola Fuligine Stercorum Animalium combustorum, vel ex hac ipsa cum Sale Communi & Urina Animalium remixta, sublimando parari dicitur. Vid. *Acta Parifina*, & *Cl. Boerhaave Elem. Chem. T. II. Proc. CII.* Qui ex Indiis Orientalibus, non in panes plano-convexos, sed coniformes, quasi Saccharinos, redactus, adfertur, rarior, quomodo conficiatur, ignotum. Sufficit constare certo, Salem omnem Ammoniacum, verum, ante memorata bina in principia esse resolubilem, exque his itidem conflare posse nativo vel artefacto cuicunque omni dote simillimum.

Ejusque Origine.

§. 434. Egimus iam (§. 131.) de *Borace*, ut Menstruo. Is aliter, minus tamen usitato nomine, vocatur *Chrysocola*: quamquam interim rectius ipsi hoc nomen competat, quam *Ochræ Cupri Viridi* (§. 366.), quæ itidem sic vocata, toto tamen cœlo a *Borace* distat, adeoque neutiquam cum hoc confundi debet. Videtur autem *Borax* vulgaris, venalis, quem *depuratum* (*rafinirt*) vocant, utcunque adulteratus esse. Is certe, qui, *Crudus* vel *Pinguis* dictus, ex Oriente, maxime ex Indiis Orientalibus, ad nos transfertur, multum a *Depurato* differt. Quibusnam vero additamentis ad ejus *Depurationem*, vel potius *Adulterationem*, utantur, nondum palam constat: pro arcano enim habent hanc artem, neque facile aliquem ad suas officinas, quæ præcipue Amstelodami & Venetiis dantur, admittunt *Boracis Depuratores*.

§. 435. In *Borace Crudo* (§. præc.) constans satis figura observatur: gaudet enim crystallis quasi Nitosis, hexaëdris, pris-

prismaticis, utrimque truncatis, satissimè crassis, non tamen adeo longis, nec regularibus, ac sunt Nitrosæ, neque & adeo aggregatis, uti quidem in aliis salibus obtinere solet, sed simplicioribus, solitariis, colore cærulescente infectis, satis duris, ponderosis, difficillime in aqua solubilibus, sapore primum subdulci, dein alcalino præditis, ad ignem facile liquefcentibus, neque tantam tunc adeo, uti Depuratus dictus, in spumam sese adtollentibus.

§. 436. Nondum interim certi quid hætenus relatum est, qua ratione *Borax* primitus obtineatur: anne in terra sic, ut: mox (§. præc.) descriptus est, reperiatur natus; an vero, Nitri instar, e certa matrice eluatur, & crystallisatione deinceps in memoratam figuram redigatur: quod equidem priore probabilius esse videtur.

D E

N I T R O.

Ejusque Matrice & Generatione.

§. 437. *Nitrum* (§. 21.) semper in Terræ superficie generatur; nunquam eruitur ex Fodinis: ultra pedis enim profunditatem si a superficie Telluris saltem infoditur,

tur, Matrix Nitro vix imprægnata amplius occurrit; neque adeo profundius unquam reperitur, nisi cum id, per aquas e Matrice sua ablutum, sicque cum his ulterius deductum fuerit: quod tamen in eo duntaxat casu contingit, cum solum suppositum rimosum, vel lapideo-porosum est; quandoquidem ipsa alias aqua difficulter, ultra duorum pedum altitudinem, in terras plurimas se penetrare potest.

§. 438. *Matrices Nitri* sunt Terræ præcipue Calcariae, Lutosæ, Argillaceæ, Humusque, quæ ex vegetabilibus & animalibus, per aëris vicissitudines destructis, omnis originem ducit. His si accedunt vegetabilium combustorum, præsertim eorum, ex quibus per ignem multum Salis Alcalini fixi generatur, Cineres, non omni suo sale per elixationem prorsus orbati; dein omnes quoque Animalium & Vegetabilium partes putrescentes vel iam putrefactæ, pingues simul & oleosæ; generatio Nitri in dictis Matricibus perficitur: in terra enim, phlogisto penitus omni destituta, nunquam nascitur Nitrum; modo caveatur, ne efflorescentiæ calcariae, stalacticæ, ad pontes & muros reperiundæ, incaute pro Nitro habeantur.

§. 439. Neque multum interest, ubi-
nam modo dicta (§. præc.). Nitri Matrix

R

col-

collocata sit: nondum enim detectus est ullus locus, qui non ad Nitri generationem aptus sit; modo concurrant memorata (§. præc.). Requiritur tamen insuper, ut Aëre pervius is sit, & quoad humiditatem & siccitatem temperatus: nimia enim humiditas Nitrum conceptum abluit: deficiente vero omni humido diluente Salinae materiae vix in se mutuo agunt. Calorem interim & Frigus, nisi ambo admodum excedant, parum heic juvare vel nocere certum est. Solis saltem radii calentiores arcendi.

Coroll. Ex jam dictis (§. 437 ad 439.) patet, in omnibus regionibus Nitrum generari posse; tum quænam loca magis, quænam minus, idonea sint, pro Nitrariis exstruendis. Liquet etiam Aërem probabilissimè vel Instrumentalem, vel Materialem, vel forte utramque generationis Nitri causam esse, aut hanc saltem in sinu suo vehere. Aëris enim aditu præcluso Nitri generatio impeditur. Quin constat pariter, qua de causa, in hisce regionibus, ventus ex Oriente & Septentrione, plagisque inter has duas mediis, spirans, Nitrariis adeo proficuum sit, & præcipue quidem Vernali & Autumnali tempore; dum contra Occidentalis & Meridionalis sterilis est. Observatur videlicet, Aquilonem & Eurum, Ver-

Vernali & Autumnali tempore, maximè noctu, nec humiditate nec siccitate nimia excedere; Hyeme vero & Æstate nimis torridos exarefacere omnia. Auster vero & Favonius, procellosi, imbresque secum vehentes, noxii sunt: qui tamen an sola ablutione Nitrosæ materiæ noceant, an vero, etiamsi ablutio isthæc præcaveatur, alia insuper ratione damnum inferant, inquisitu equidem dignissimum est, at nondum per satis accurata experimenta detectum.

§. 440. Cui placeret hac in re experimenta instituire, facili negotio, minutoque apparatu, Nitrarium sibi exstruere posset, si Materiem, in qua generatur Nitrum (§. 438.), apto loco (§. 439.) exponat. Exemplo rem illustremus. Elige locum aëre pervium quemcunque: optimus tamen erit campetris, vel hortensis. Hujus aræ, octo pedes longæ, totidemque latæ & altæ, superstrue tabernulam ex straminibus, superius tecto declivi stramineo munitam; ut pluvie cadentes arceantur: altitudo tabernæ a pavimento tanta sit, ut quis erecto corpore sub ejus tecto incedere possit. Aditus in hanc tabernulam pateat artifici per portam, quæ claudi & aperiri possit. Præterea, fenestellæ hinc inde in parietibus sint relictæ,

foriculis instructæ; ut aër admitti vel excludi possit pro lubitu. In hac tabernula ad dexterum, finistrum, & posterius latas construe loculamenta, asseribus ligneis, sesqui pollicem crassis, interstincta, quadrata, duos pedes longa & lata, unum vero profunda: hæc imple variis compositionibus eorum, quæ (§. 438.) recensitæ sunt. Sic plura circa hanc rem experimenta instituere poteris. Invenies autem, si ex Cæmento, Cineribus, vel Humo, cum Urina affusa, facis pastam, hacque imples loculamentum quoddam, pastamque exsiccatam iterum Urina irroras, ac, post quamlibet irrorationem batillo probe subigis, quod in hisce sordibus citissime semet generaturum sit Nitrum: intra unum vel alterum enim mensem libra una talis massæ, nisi sævissimum frigus inciderit, duas circiter Nitri uncias continebit. Quomodo autem exploretur, an & quantum Nitri in matrice quadam delitescat, sub Operationibus in Tomo hujus operis posteriore indicabitur.

§.441. Præter Mineras & Mineralia Composita hæctenus (§. 305. ad 440.) exposita, dantur adhuc quædam, quorum indoles & principia nondum satis cognita habentur; ut ideo ad nullam determinatam Classem certò reponi possint. Id tamen satius

extra dubium est, quod ad Classes eorum, quæ prætiosa Metalla fundunt, neutiquam pertineant: Metallurgi enim & Docimastræ in omni, quod circa Mineralia incognita conantur, tentamine tantum fere eò respicere solent, an Aurum, Argentum, Cuprum &c. cum lucro de iis extrahi possint; & nisi talia obtineant, plerumque ab ulteriori indagine desistunt. Inde est, quod vix ullum huc usque repertum fuerit Minerale, quin rigidum examen eo sine sustinuerit. Inter ipsa etiam, certæ classi jam adscripta, Mineralia Composita habentur plura, quæ saltem ex parte, neutiquam quoad totam suam Compagem, sunt cognita: cujusmodi sunt e.gr. *Hæmatites* (§. 349.), *Minera Ferri striata, filamentosa* (§. 353.), *Minera Ferri striata, squammosa, micans* (§. 352.), *Magnesia Nativa* (§. 351.), &c. quippe quorum reliqua principia, præter illam partem, quæ abit in Ferrum, nondum sunt detecta. Hac ratione Ferrum, plerumque maximam Pyritæ constituens partem, veteres diu latuit; utpote qui modo Cuprum in eo involutum respexere: unde fere omnia nomina, quorum plurimis Pyrites donatus est, a Cupro sunt derivata; donec recentiorum quidam, præcipue Sagacissimus *Henckelius*, completam Pyritarum Analysin exhibuerint,

§. 442. Inter Mineralia nondum examinata (§. præc.) imprimis considerationem meretur *Molybdæna*, alias quoque vocata *Cerussa Nigra*, *Plumbum marinum*, Germ. (*Wasser Blei*.), non confundenda cum Galena Plumbi (§. 373.) quæ, licet eodem nomine quandoque designetur, prorsus tamen ab illa discrepat. Est *Molybdæna* Minerale coloris Plumbei, ex squammulis micaceis contextum, mollius, ut cultro facile corradiqueat, pondere Lapides Micaeos simplices (§. 31. N^o. 7), quos fere quoad texturam refert, longe superans, ad tactum valde saponaceum, corpora solida affricu suo lubrica reddens: unde & artifices præla aliaque instrumenta, loco Saponis, *Molybdæna* perfricant; partim ut motus facilitetur; partim etiam ut, colore nigro splendente sic inducto, rubigo obtegatur & arceatur. Stylis itidem Scriptoriis usu pervulgato inservit. In igne aperto summo vix ullam mutationem subit; nisi quod subtilissime sic divisa colorem utcunque mutet, & paulo laxioris consistentiæ fiat. Ceterum de hoc Minerali aliisque huc pertinentibus in sequenti parte, sub Operationibus, data occasione pluribus mentionem faciemus.

OPERATIONIBUS
DOCIMASTICIS.

§. 443. Iſtæ Aſtiones, per quas, mediantibus Inſtrumentis ſecundum leges Artis uſurpatis, Objecta Artis ita mutantur, uti Ars præſcribit, vocantur a Chemicis *Operationes*.

§. 444. Iſtæ autem Mutationes (§. præc.) Solutione & Conjunctione abſolvuntur omnes; ut hinc, quidquid agit Chemicus, ad binas hæſce Claſſes in genere referri facile, nec excogitari ſane queat tertia Mutationis Species; quidquid nonnulli loquantur.

§. 445. Cum Ars Docimaſtica circa Corporum Mineralium, præſertim Metallicorum, concinnam ſeparationem verſetur, hoc eſt, diverſas eorum partes conſtituentes a ſe invicem ſeparet (§. i.), ut cujuſlibet quantitas & qualitas innotefcat; patet, illas maximè Operationes ſtriſte & primario huc pertinere, quæ ad generalem Solutionis Claſſem (§. 444.) ſpectant, cæteras autem, quæ a Docimaſta inſtituuntur,

tur, secundarias saltem vel auxiliatrices esse.

§. 446. Cum ergo Conjunctiones tamquam secundariæ heic modo sint considerandæ (§. præc.); facile colligitur, Operationes Docimasticas haud, uti Chemicas in genere, secundum Solutiones & Conjunctiones distribui posse. Quin & qualiscunque propemodum fiat a Chémico vel Docimasta Operatio, uterque semper & Solutionis & Conjunctionis effectus subesse solet; ut hinc nec Solutio sine nova Conjunctione, nec Conjunctio sine Solutione unquam perficiatur: e. g. Nonne dum heterogenea ab Auro & Argento per Scorificationem separantur, simul particularum Auri & Argenti in majorem molem fit colligatio? Nonne tunc itidem separata heterogenea vel per se, vel cum addito scorificante, confluunt in vitrum, sicque alio iterum modo junguntur? Consultissimum hinc erit in qualibet Operatione ad utrumque semper effectum attendere, atque ab horum præcipuo, tum & a diversitate Apparatus Instrumentorum (Cap. II. & III.), per quæ Mutationes debitæ Artis Objectis (Cap. I. & IV.) inducuntur, differentias, & denominationes Operationum petere.

§. 447. Vix autem ulla habetur Opera-

tio

tio Chemica, quam non aliquando in arte Docimastica opus sit perficere. E contra plures sunt, quas sibi Docimasia solas vindicat. Earum ideo, quæ huc proprie tantum pertinent, vel, licet ex Chemia generali petita sint, creberrimè tamen a Docimastis in usum vocantur, generalem heic Conspectum nunc exhibebimus, mox subjuncturi breves singularum, quoad primarias differentias, effecta & procedendi rationem, descriptiones; ut sic faciliore via ad Praxin manuducatur Tyro, ubi Specialiora circa quamlibet Operationem observanda enucleatius exhibere conabimur.

§. 448. Primaria quævis Operatio Docimastica ab Effectu vocari potest Solutio (§. 444); quum ubivis Menstrua, ad quæ & Ignem & Aërem jure quoque referendos putem, Objectorum mutandorum particulis sese interponendo veram efficiant Solutionem.

Est autem
SOLUTIO
Docimastica vel

Sicca.

Fusio
Vitrefactio
Scorificatio
Cupellatio
Reductio
Amalgamatio
Sublimatio
Cementatio.

Hæ fere Universales vocari possunt ; quia vel totam Obiecti molem, vel saltem longè maximam ejus partem solvunt.

Ustulatio
Calcinatio
Eliquatio
Præcipitatio fusoria.

Hæ Partiales vocare licet ; cum partem tantum Obiecti solvant omnes.

Humida.

Elutriatio
Educcoratio
Quartatio
Præcipitatio humida.

Omnes hæc Partiales sunt, nec nisi partes alias ab aliis separant.

§. 449. Si corporis solidi cohæſio vi ignis ita imminuitur, ut id fiat fluidum, tunc dicitur *Fuſum*, ſeu *Liquefactum*; ipſa vero Actio, qua hoc perficitur, *Fuſio*, ſeu *Liquefactio* audit, quæ inter proprias Docimaſiæ Operationes præ reliquis frequentiffima eſt.

§. 450. Omnia autem, hæcenus in rerum naturâ cognita, Corpora fixa ad Fuſionem (§. præc.) deduci poſſunt; hac tamen intercedente differentia, quod quædam per ſe ad ignem fluant, quædam vero non, niſi cum addito ſolvente, hoc eſt, Fluxu (§. 159. ad 166.). Inter volatilia quoque habentur plurima, quæ ad ignem ſe fundi patiuntur; tum vero ſimul diſſipantur.

§. 451. Si *Fuſum* (§. 449.) corpus, frigefactum, evadit fragile, fixum, in aqua non ſolubile, igni expoſitum iterum fluens, tum dicitur iſtud *Vitrum*; & Operatio, quæ hanc ipſi mutationem adtulit, vocatur *Vitrificatio*.

§. 452. Ea ipſa autem *Vitrificatio* (§. præc.) eum in finem à Metallurgis inſtituta, ut Metallum, in corpore ſolido coercitum, pondere ſuo descendere, & ſeſe ſeparare queat, vel &, ſi ipſum Metallum in Vitri Speciem convertitur, Operatio termino technico vocatur *Scorificatio*,
Germ.

Germ. *Verschlackung*; Vitrum autem, quod sic obtinetur, dicitur *Scoria*, Germ. *Schlackee*.

§. 453. Hanc ipsam immutationem (§. præc.) omnia quoque corpora fixa patiuntur, nec Auro quidem & Argento penitus exceptiss. Inter ipsa etiam volatilia quædam patiuntur se figi, & cum additis figentibus deinde in Vitri formam abeunt.

Scholion. *Scoria* quoque vocatur *salina illa massa* que obtinetur, si *Metalla & Mineræ* cum *Fluxibus salinis & reducentibus* (§. 159. ad 166.) funduntur: neque tamen *Scoriæ* vocabulum tunc de tota ista massa intelligi debet, sed tantum de particulis vitrefactis, que inter *Salium* moleculari hærent, & ab his ope *solutionis* in *aqua* & *filtrationis* separari possunt.

§. 454. Sæpe conducit, ut *Scorificatio* (§. 352.) in vase perficiatur, quod *Scoriam* ipsam absorbet, *Metallicam* vero partem coercet: nuncupatur ea tum *Cupellatio*. Huic autem operationi dicata sunt propria *Cineritia* (§. 168, 184, 185)

§. 455. In *Cupellatione* (§ præc.) igitur insignem *Scoriæ* attenuationem requiri, ut ea per vas transire queat, sponte patet. Neque huic negotio perficiendo aliud aptius datur corpus, præter *Plumbum*, quod uti per se in igne talem subito attenuationem, ita cæteris ideo corporibus, in *Scoriam* tam subtilem convertendis, illiquatum hæc quoque eò disponit.

§. 456. Dantur *Terræ*, quæ intimiores

In-

Inflammabilis principii conjunctione in Metallicum statum abeunt: quemadmodum & destructa Metalla, in scoriam vel cineres conversa, ejusdem materiei unionem in Metallicam denuo formam redeunt. Vocatur hæc Operatio *Reductio*.

§. 457. Omnia autem Metalla, & Semi-metalla hac Methodo (§. 456.) reduci possunt, excepto Zinco; quippe, quod, in cinerem exustum, nullam Reductionem admittit. Auri interim & Argenti mixtio cum nullo; hætenus noto, experimento radicaliter unquam dissoluta fuerit, hinc neque bina isthæc Metalla Reductione per Phlogiston additum (§. præc.) opus habent.

Coroll. Huc ergo neutiquam pertinet illa sic dicta Reductio, qua peregrina, Metallicam formam saltem obvelantia, auferuntur. E. gr. *Sulphur, Arsenicum, Salia* &c.

§. 458. Quæ circa *Amalgamationem* notanda sunt, jam patent ex dictis (§. 65 ad 68.), ubi de Mercurio, tanquam Menstruo, egimus.

§. 459. Si corpori solido, fixo, vaporetenus, aliud volatilius est adjungendum, requiritur, tum ut vapores coërceantur, ne hi nimis facile in auras dissipentur; tum ut corpus ipsum, quod penetrari debet, ita sit collocatum, ut vapores, ab igne maxime agitati, illud perpetuo quasi lambant. Hæc quomodo acquirantur, jam

jam (§. 153.) expositum est, ubi de Menstruis Acidis, tali modo ad corpora, præcipuè Metalla, applicandis egimus. Indd ergo hæc repetantur; quum strictè huic pertineant. Quoniam autem in tali Operatione plerumque Menstrui solventis, in pulverem reducti, leviter humectati, unum stratum, dein corporis solvendi alterum stratum priori super imponitur, tuncque iterum stratum Menstrui, & sic porro stratum super stratum collocatur; hinc vocavere hanc Operationem Artifices *Cæmentationem* ex Analogia, quam habet cum operibus *Cementariorum*, dum muros extruunt.

§. 460. Præter tamen Menstrua Acidæ (§. 153.), alia quoque corpora, volatilia, tali modo (§. præc.) fixioribus corporibus adjunguntur: si nimirum non, nisi igne validiore, & diuturniore, quo volatilia dissiparentur, ejusmodi unio fieri potest, tunc, adhibita Cæmentatione, Menstruum volatile, addito insuper nonnunquam fixgente quodam alio, sub exclusa aëris liberioris actione, aptum redditur, majorem ignis violentiam sine avolatione sustinere, ipsum vero corpus sic solvendum simul eadem ignis actione attenuatum & magis adaperitum pulchrè disponitur ad Menstruum volatile citius recipiendum. Sic

Ar-

Arsenicum & Sulphur cum Ferro & Cupro commodius uniuntur, perque Acidi pauci copiam facile corroduuntur, cui alias pertinacius resistunt. Ferrum purum, tali modo multo Phlogisto imprægnatum, mutatur in Chalybem: seclusa enim in hoc apparatu aëris actione vix ulla corpora per violentiam ignis Phlogisto suo penitus privari possunt; & omnium quidem minime carbones; utpote qui, licet sint in subtilem etiam comminuti pulverem, in vase negligenter saltem tecto summam ignis vehementiam per dies sustinent, neque tamen in cinerem penitus exuruntur. At nisi in hisce Operationibus iusto ignis regimine utaris, frustra expectabis optatum effectum.

§. 461. Quædam corpora ex se Fixa, additamentorum Volatilium ope, volatilia reddi possunt; ita, ut diverso ignis gradu in siccos vapores resolvantur. Quodsi Vapores sic nati colliguntur, dum superficies corporis solidi frigidior iis opponitur, ut huic sese applicent; vocantur *Sublimata*; ipsa autem Operatio *Sublimatio*: in specie tamen tum maximè dicuntur *Sublimata*, si crustam solidam formant; at si sub rari saltem pulveris forma permanent, *Flores* audiunt. Perficitur *Sublimatio* vel in Vasis Clausis, quæ Methodus in omnibus ferè

ferè Chemicorum scriptis satis explanata est; vel in igne aperto, tumque in specie vocatur *Geberiana*, vel *Glauberiana*. Hæc quidem non adeo vulgaris est, sed inter Metallurgos præcipuè cognita; utpote in quorum Operationibus plerisque ea semper contingit, dum fornacum parietibus & caminis sese adfigunt ejusmodi vapores, & Cadmias Floresque fornacum formant (§. 89.).

§. 462. In vasis clausis prima methodo (§. præc.) Sublimationes perficiuntur quidem nitidissimæ; in primis, si vasa vitrea ferendo igni paria sunt: sed Fossilia plurima adhibito in vasis clausis extremo etiam ignis gradu admodum refractaria se gerunt, ita, ut parum vel nihil sic de iis obtineatur; dum contra methodo posteriore, *Geberiana*, in igne aperto, accedente leniore ventilatione, mox in vapores resolvuntur copiosos: prout experiri facile licet in Lapide Calaminari, Cadmiis fornacum variis, & similibus. Ut vero *Geberiana* isthæc Sublimatio concinnè adeo fiat, Floresque & Sublimata accuratè colligantur; singularis eò apparatus requiritur, commodissime quidem sequenti modo instituendus. Furni Fusorii Operculo, loco Camini (§. 239. N°. 4.), Olla magna figulina, intus non vitreata, ampullosa: figu-

figuræ, cujus fundus quatuor vel quinque foraminibus pollicaris ferè diametri est perforatus, super imponitur; ea quidem lege, ut patulum ejus inversæ orificium ab ostio Operculi recipiatur, fundus vero sursum spectet: huic dein alia similis Olla, paulo minor, in fundo perforata, eadem ratione, qua Olla prima Operculo, inversa superponitur: Ollæ huic secundæ denique, si necessum videtur, & tertia similis simili modo imponi potest. Commissuris Operculi & Ollarum extrinsecus lutum applicatur, non valde tenax; ut commodè rursus auferri, & Ollæ separari queant. Ollæ vel alia vasa, huic fini adaptata, dicuntur usitato termino *Aluduli*, vel *Aludels*.

§. 463. *Ustilatio*, Germ. *Rösten*, vocatur, quando volatilia à fixis, per ignis & aëris concurrentem actionem, separantur.

Coroll. Convenit ergo hæc operatio cum *Sublimatione* (§. 461. 462.), si volatile in vapores resolutum colligitur: prout hac ratione Sulphur & Arsenicum ex plurimis Mineris obtinentur, ac depurantur.

§. 464. Hæc autem separatio (§. præc.) nonnunquam satis difficulter procedit; si videlicet totum compositum eodem fere ignis gradu fluit, quo opus est, ut volatile in aëra dissipetur. Hinc tum requiritur

S

præ-

præcipuè (1.) prævia ustulandi corporis comminutio mediocris; ut augeatur ejus superficies cum aëre contigua: (2.) lenior ignis gradus: (3.) liberior aëris accessus; quippe qui vaporum est vehiculum: (4.) si in grumos majores sub Ustulatione coalescit corpus, repetita tusione iterum in superficiem ampliorem restitui id debet: (5.) Materies latè sit expansa necessum est, neutiquam in acervum congesta. Refractoria vero ad ignem corpora faciliore negotio ustulantur: ad hæc enim majore ignis gradu statim uti licet; neque toties repetenda est operatio. Cavendum tamen semper, ne per Volatilia, dum dissipantur, simul de fixis quid subripiatur (§. 461.). Etenim hoc in plurimis casibus, per nimis impetuosum Ignem, mox sub initio adhibitum, contingere solet: quod ut impediat, nonnunquam figens superaddi solet, de quo, suo loco, specialius erit agendum.

§. 465. *Calcinatio* ab Ustulatione (§. 463. 464.), ratione modi operandi, parum differt, sed solummodo respectu finis. In Calcinatione enim, tametsi sæpius ea dissipationem volatiliū habeat comitem, attamen solummodo respicitur ad corporis comminutionem subtiliorem. Obtinetur hinc ejus ope, vel ut corpus sub ipso Calcina-

tio..

tionis igne statim in pulverem dilabatur; vel saltem facile fatiscat, si postea aër humidus, aut aqua, accedat, quod in Lapidibus Calcareis accidit; vel ut flexilia fragilem induant texturam, prout in Metallis observare licet; vel denique ut durissima findantur, sicque postea commodius se confringi patiantur: quo in casu sæpe conducit Calcinatis etiamnum fervidissimis frigidam subito adfundere. Exemplo sunt Silices &c. Nonnunquam per additamenta Calcinatio feliciter perficitur. Sic Stannum, per additum Plumbum, accedente intensiore igne, citò in calcem vel cinerem fatiscit.

Coroll. Patet hinc iisdem in Calcinatione encheiresibus opus esse, quibus in Ustulatione (§ 464.); si nimirum illa per volatilium separationem perficitur: secus tamen in aliis.

Scholion. *Ambæ hæ Operationes (§ 463. 465.), ob magnam affinitatem, plerumque inter se confunduntur; ut Calcinatio quandoque Ustulatio, hæcque vice versa Calcinatio vocetur.*

§. 466. Corporis compositi, ad ignem liquefcentis, pars quædam si separatur à reliqua parte, ea quidem lege, ut altera pars inferiora petat, altera vero superna-

tet, dicitur Operatio ista *Præcipitatio fusoria*, Germ. *Trockene Scheidung*. Pars inferior, gravior, vocatur *Regulus*.

§. 467. Hæc Operatio (§. præc.) semper fere addito eget tali, quod mutuum inter partes separandas nexum, hoc est, vim menstruam, cujus ope altera alteram solutam tenet, tollat. E. gr. Regulinae antimonii pars (§. 16.) & sulphur Minerale (§. 138.) sese invicem solvunt, & constituunt Antimonium crudeum (§. 145.); neque solo igne, absque Reguli destructione, separari rursus a se mutuo possunt: si autem additur Ferrum, Cuprum, Argentum &c., quæ a Sulphure avidius penetrantur (§. 147. Coroll. 3.), & in statum Mineræ sic rediguntur (§. 332.); tunc Regulus antimonii a Sulphure liberatur, & quia gravior est additamentis illis cum Sulphure nunc junctis, fundum petit. Ejusmodi Præcipitatio fusoria accidit in Vitrificatione (§. 451.), Scorificatione (§. 452.), & Cupellatione (§. 454.); dum pars altera abit in Vitrum seu scoriam, pars altera, si adest, Metallica, formam Metallicam adhuc servans, in fundo vasis sphaerici colligitur. Argentum ergo & Aurum, Vitrefactioni perfectæ vix obnoxia, residua manent semper, atque hinc in Cupel-

latione, tametsi minima quantitate adfuerint, scoriâ absorptâ, nitidè oculis sese sistunt, quorum tantillus regulus alias sub ingenti scoriæ mole sepultus latuisset. Neque minus omnia fere alia Metalla, sic dicta imperfecta, Præcipitationis fusoriæ ope obtinentur; nisi forte pauxillum Nativum, vix tamen verè purum dicendum, excipi velis. Cæterum enim omnia vel in forma Terræ habentur, vel in forma Mineræ solidæ: priori in casu fusione sola fit Vitrum: in posteriore, si Sulphur & Arsenicum, quæ una cum Metallica parte Mineram constituunt, per Ustulationem (§. 463.) diffusa sunt, Minera in igne puro, absque Phlogisto oleoso, fit Vitrum, cum lapidibus terrisque non Metallicis vitrefactis miscibile: accedente autem Phlogisto hoc Vitrum, Metallicum, in formam Metallicam reducitur, & quam diu subtili forma est, cum Vitro reliquarum specierum uniri respuit, fundumque hujus petit; excepta saltem admodum parva ejus quantitate, quæ per Vitri lentorem retinetur. Heic ergo Præcipitans revera est Phlogiston. Illud namque corpus, quod istum nexum tollit, quo sublato nascitur Præcipitatio, vocatur *Præcipitans*, Germ. *Nieder-Schlag*.

§. 468. Quodsi ea est Minerarum, vel

Mixturarum Metallicarum natura, ut, altera earum parte ad ignem fluente, pars altera, magis refractaria, adhuc solida persistat; tunc prior, igne leniori fusa, ex alterius interstitiis effluit, sicque separatur. Quæ separationis species vocatur *Eliquo*, Germ. *Saigerung*.

§. 469. Ut hæc Operatio (§. præc.) perficiatur; requiritur (1.) diversa partium massam constituentium fluxilitas. Plumbum v. g. cum Cupro magno igne confluit in unam massam; mediocri vero igne ambo sese invicem non solvunt: si autem massa ex ambobus confusis nata leniori dein igni in plano inclinato exponitur; tunc Plumbum solum liquefcit, & Cuprum fragile, spongiosum, factum in forma solida persistit. Hæc separatio tamen non adeo perfectè fit, quin paucillum Plumbi in Cupro permaneat, Cupri vero aliquid à Plumbo subripiatur: hinc requiritur, ad hoc experimentum, ut non nimis parca proportione hæc Metalla inter se mixta sint: si enim una millesima Plumbi pars Cupro esset admixta, aut vice versa, Eliquo ex votis non succederet. (2.) Opus aliquando est additamentis, quæ vel vim destruant, qua particulae diversæ inter se cohererent, vel & aliquando materiae fluxum faciliorem concilient: neque enim reliquo-

rum Metallorum mixturæ absque addito sic per Eliquationem separabiles sunt, uti mox de Cupro & Plumbo memoravi. E. gr. Aurum, Argentum & Cuprum, inter se confusa, quocunque ignis gradu conjuncta persistunt: hinc ut Auri & Argenti ex tali mixtura fiat Eliquatio, additamentis opus est similibus, ac in Præcipitatione fusoria (§. 467.). Sulphur quidem, hoc in casu super additum, Cuprum disponit, ut Argentum & Aurum dimittat: at si hæc duo, uti plerumque obtinet, parciore copia, insigni Cupri quantitati intermixta sunt, ne sic quidem separatio eorum acquiritur: præterquam enim, quod idem heic verum sit, quod ante circa Eliquationem Cupri & Plumbi dixi (§. 469.), Sulphur etiam Cuprum eodem ferè ignis gradu fluxile reddit, quo Aurum & Argentum liquescunt. Quare tunc insignem copiam Plumbi superaddere oportet; ut hujus ope Aurum & Argentum leniore ignis gradu solvantur, & sic quasi e Cupro eluantur.

§. 470. Hæc duæ (§. 466. 468.) Operationes in Metallurgia summi usus sunt: per eas enim minutæ Auri & Argenti portiones ex magna aliorum Metallorum mole, absque magnis impensis, separari possunt: id, quod hæctenus nulla alia methodo, cum emolumento, efficere licuit. Interim

haud tamen ita hætenus excultæ sunt; ut in quibusvis Metallorum mixturis Præcipitatio fusoria & Eliquatio ex votis succedant: unde ad separationem obtinendam plerumque Metalla vilioris pretii sunt destruenda.

§. 471. *Solutiones Humidas* dicimus, si in fluido aquoso, vel maximam partem aquoso, aliud corpus per minimas particulas ita distribuitur; ut ambo simul in liquidum aspectu homogeneum abeant, quod sine secessu per Filtra quæcunque transit, & cujus quælibet minima pars proportionatam Solventis & Soluti in se continet quantitatem. Ejusmodi Solutio Humida est e. gr. Auri in Aqua Regia; Argenti in Aqua Forti; Salum omnium in Aqua simplici.

§. 472. Species illa Solutionis Humidæ, qua Argentum ab Auro per Aquam Fortem separatur, vocatur *Quartatio*, & singularem meretur considerationem. Si videlicet Argentum & Aurum in unam massam sunt confusa, & Aurum constituit, respectu ponderis, non minorem partem totius massæ, quam unam tertiam; tum Aqua Fortis optima, super adfusa, non valet Argentum solvere: sed si huic massæ ad ignem liquefcenti plus additur Argenti; tum demum frigefactæ adfusa Aqua Fortis inde

inde erodit Argentum: id quod tantò quidem validius fit, quo Auri quantitas una tertia parte totius massæ minor est. Docuit autem experientia, Aquam Fortem promptè satis Argentum Auro mistum solvere, si Aurum unam, Argentum tres quartas massæ constituat partes: quin & in tali proportionem, si non nimis impetuosè perficiatur solutio, Aurum retinere solet figuram illibatam, quam habuit tota massa ante solutionem; ut ideo tunc nullus metus sit, ne in ramentula discerptum Aurum ex parte dissipetur: id, quod vix cavere licet, si Argentum, ratione Auri, tres quartas excedit partes. Quam ob rem Artifices semper exactè modo dictam proportionem servare student: unde & nominis *Quartatio* sponte patet ratio & ortus.

Coroll. Facile nunc ex dictis (§ præc.) colligitur, quam fallax sit Auri ad Lapidem Lydium affricti per solam Aquam Fortem examen (§ 303.).

§. 473. *Edulcoratio*, Solutionis Humidæ species (§ 471.), vocatur, si salina pars adhærens solido, in aqua non solubili, per fluidum aquosum solvitur, solutio vero dein quiete, vel traiectione per Filtrum, a solido reliquo separatur, idque toties repetitur, donec acris salini nulla sensibilis copia amplius superstes sit.

§. 474. Requiritur in hac Operatione (§. præc.) corporis edulcorandi per Comminutionem aucta superficies; ut solutio eo citius procedat: quem etiam in finem conquassatio vel agitatio cum baculo superadditur; ut omnes corporis edulcorandi particulæ, alioquin fundum petituræ, cum fluidi abluentis particulis undequaque contiguæ fiant: quo artificio omnes facilitantur Solutiones. Quin & aqua nonnunquam fervida requiritur: calor enim salinas Solutiones ob motum, quem efficit, intestinum, & rarefactionem, egregie promovet.

§. 475. Neque tamen perfecta unquam salini ablutio ista methodo (§. 474.) obtinetur: nam, cum quælibet Menstrui pars proportionatam solvendi in se contineat quantitatem (§. 471.); ejusdem autem Menstrui aliquanta pars semper in Edulcorando restet; sole clarius est, proportionatam salini partem, remanenti Menstrui quantitati respondentem, simul remanere. Pro exemplo sint Cineres Lignorum, falsi, alkalini: hisce affundatur aqua fervida; ebulliat hæc aliquamdiu cum istis; dein decantatione, vel percolatione, Lixivium separetur: restabit ad minimum quarta Lixivii pars intra Cineres; consequenter proportionata etiam ipsius salis soluti parti-

ticula: recens aqua affundatur, & decantetur: iterum, quamvis longè minor, facilis copia ob eandem rationem superstes erit; & sic porro in infinitum usque. Unde saltem tot vicibus operatio est repetenda, ut tandem insensibiliter parva tantum particula super sit.

Coroll. Hinc patet, cur calces Auri & Argenti, per acida factæ, toties magnam cum jactura reducantur: Acida enim etiamnum adhærescentia, impetuoso igne, aperto præcipuè, agitata, multum Metallum secum abripiunt, ipsa Aqua Forti nequidem excepta, quæ tamen figens dicitur, & revera figens est, sed certis modo limitibus.

§. 476. *Præcipitatio Humida*, Germ. *Fällung*, dicitur, si corpus, quod via humida solutum est (§. 471.), rursus de Solvente excutitur, ut vel menstruo innatet, vel fundum petat: quæ excussio plerumque forma pulverulentâ fit; separatio autem Menstrui à Præcipitato dein perficitur Decantatione vel Percolatione.

§. 477. Peragitur isthæc Operatio (§. præc.) vel per Menstrui solventis, ope lenioris ignis, factam abstractionem seu evaporationem de corpore soluto fixiore; vel per additum tale, quod ab isto Menstruo avidius solvitur: ut si unum Metallum,

lum, in acido solutum, per alterum Metallum, vel per Sal Alkali, præcipitatur: v. g. Argentum, in Aqua Forti solutum, per Cuprum, Cuprum per Ferrum, Ferrum per Zincum, omnia vero Metalla & Semimetalla, pro parte, vel in totum, per Cineres Clavellatos, Salia Volatilia, Urinosa. Denique fit etiam Præcipitatio per talia adfusa, quæ nec sola, neque cum Menstruo corpus solutum continente conjuncta, corpus istud solvunt, vel saltem alio modo, aut & minore quantitate solvunt, quam si prius Menstruum purum adhibitum fuisset. In primo casu fit totalis Præcipitatio: uti videre licet in Præcipitatione Argenti ex Aqua Forti per Spiritum Salis. In altero fit ingens turbatio & Præcipitatio; sed mox subsequitur iterata solutio: prout accidit, si Ferro, in Aqua Forti soluto, sub debita encheiresi additur liquor meracissimus Salis Alkalini fixi: at tum plerumque pars quædam remanet, quæ haud iterum plenè solvitur. In tertio casu Præcipitatio tantummodo fit partialis: hujus exemplum esto, si Mercurius, in Aqua Forti ad saturationem usque solutus, per sal Commune, Ammoniacum, aut horum Spiritum Acidum, præcipitatur. Præcipitatio quoque nonnunquam fit per solam quantitatem additæ diluentis aquæ:

aquæ: qualis fit cum Antimonii Regulo in Spiritu Salis Marini, vel Aqua Regia soluto: hæc enim Menstrua istud Semi-metallum non solvunt, nisi sint concentrata.

§ 478. Omnis hæc Præcipitatio (§. 477.) adjuvatur modico calore; quo videlicet efficitur, ut præcipitans eo facilius Menstruum ingrediatur. Dein, si primam speciem exceperis, copia aquæ diluentis opus est insigni: plerumque enim illico, ac præcipitans additur, pastaceam fere consistentiam induunt solutiones concentratiores; qua impeditur, quo minus præcipitans æquabiliter misceri queat solutioni.

§. 479. Solutionibus humidis (§. 471.) adnecti poterit *Elutriatio*; quæ fit, si solida, in aqua non solubilia, per aquam valide motam a se invicem separantur, ut leviora & simul subtiliora ab aqua abripiantur, graviora vero & solidiora, magis quippe resistentia, in vasorum fundo remaneant. Videantur supra de hoc opere dicta (§. 337.).

286 DOCIMASIÆ, P. I.
CAP. VI.

D E

EFFECTIS ET USU

Artis Docimasticæ.

§. 480. *Effecta* Artis Docimasticæ primaria sunt Metalla, Semimetalla, & alia Fossilia depurata, ab heterogeneis, quibus implicata a Natura exhibentur, segregata: eò enim tendit, quidquid Docimasta molitur. Patebit hoc in Praxi secutura clarius: unde nunc ad singularia non transibimus.

§. 481. Neque difficile hinc est colligere, quanti *Usus* atque *Necessitatis* sit isthæc Ars, quæ, dum in Mineralium cognitione, separatione, & adpropriatione ad usus humanos versatur, infinita sane commoda Chemicis, Mechanicis, Medicis, Physicis, Metallurgis, &c. præstat. Est Docimasia nonnisi concinnior Metallurgia. Cui igitur hujus perspecta est utilitas, dubitare is de illius usu non potest. Nisi enim per Operationem Docimasticam ante detecta fuerit Mineralis inventi-indoles; quis ausit tantos sumptus ad majorem apparatus construendum impendere? Id, quod præ-

præcipue de Argento, & in hoc latente Auro, intelligendum est; quippe quæ Metallata plerumque aliis Mineralibus adeo implicata hærent, ut solo adspectu non possint dignosci.

§. 482. Dein omnibus etiam aliis Artibus, in quibus cognitio mixtionis vel puritatis Mineralium, horumque vel depuratio vel varia per artem compositio, requiritur, necessariam sese facit Docimasia. Hinc in Medicinæ præcipue illa parte, quæ Materia Medica audit, usus ejus est insignis: plurima enim Mineralia in usus vocantur Medicos: hæc autem, tanquam Instrumenta per quæ agit, cognoscere debet Medicus; nisi periculum facere velit æque nocendi, quam juvandi, vel plane nihil agendi. Id facile concedet, qui novit, quam occulte sæpe teterrima Venena Mineralia, qualia sunt Arsenicum, Cuprum, Plumbum &c., abscondita sint in omnibus Mineralium speciebus: ut ideo omnia, qualiacunque sint, antequam in officinas Pharmaceuticas recipiantur, rigido prius examini Docimastico submitienda forent.

§. 483. Sed maxime inanem impendunt operam, qui, Docimasticæ Artis ignari, Alchemisticas conantur instituere operationes; cum hæ inter alia & perfectionem Metallorum, & eorum intimiorem cognitionem, pro
scopo

scopo habeant. Etenim vix magis ridiculum quidquam cogitationibus fingi potest, quam Metalla ad maiorem perfectionem puritatemque deducere velle, atque interim vulgarem eorum cognitionem & separandi rationem, quo titulo abjectè Docimasiam compellant, ignorare. Unde non mirum, quod futilissimis Processibus magnas sæpenumero divitias dissipent fumi-venduli.

§. 484. Ad Artem Vitrariam quoque usus Docimasiæ sese extendit; si videlicet Vitra Gemmarum colore inficere quis velit. Ut enim hoc perficiatur, calces plerumque Metallorum requiruntur; quia cujuslibet Metallī calx specifico colore tingit vitra, & quidem minima, qua additur, copia. Quare ut certus & desideratus prodeat color, opus est, ut Metalla sint quam purissima: atqui hoc sine operatione Docimastice perfici nequit: millesima enim pars Metallī ubi sese immiscuerit Frittæ, ex qua conflatur vitrum, hoc est Mixtioni salium & silicū, quibus nonnunquam Lythargyrium aut Plumbi calx super additur, mox colore tingitur vitrum, quod crystallinum, excolor, debebat esse. Si vero colorem certum in vitro desideras per Metallī cujusdam vel plurium additionem producendum, aliud Metallum tantilla co-

pia

pia sese immiscens hunc admodum immutat: hinc tanta difficultas est purissimum Rubini colorem vitris conciliandi.

§.485. Sed & in instituendis Experimentis Physicis, maxime Ignis naturam & effectum in Corpora Mineralia respicientibus, absolute necessaria est Docimasiæ cognitio; ut scias, an purum istud Corpus habeas, quod exploras, an minus: nisi causam incertam pro certa indicare, & experimento simili dein repitito, alium atque alium expectare velis eventum. Possem heic multa pro demonstratione hujus asserti adducere; nisi cogerer simul, quæ a plurimis tanti æstimantur, & speculationibus mirè authores suos delectantibus ornantur, experimenta, horumque eventus, haud sanè absque fundamento in dubium vocare aut plane annihilare. Sapienti sat!

F I N I S

THEORIÆ DOCIMASTICÆ.



T

F I

FIGURARUM EXPLICATIONES.

TAB. I.

FIG. I. Pistillum, quo Cupellæ tunduntur, Germ. Münch dictum.

a. b. Manubrium ejus ligneum, quod intra cylindrum cavum partis inferioris aurichalceæ firmatum est.
c. d. e. f. g. Aurichalcea pars Pistilli, quæ in Annulum Fig. II. cineribus impletum imprimitur, ut formet cavum & marginem superiorem Cupellæ (§. 177.). e. est segmentum Sphaericum politissimum, cavitati Cupellæ respondens. d. f. est margo prominens, Cupellæ marginem formans.
c. g. est Cylindrus cavus, manubrium a. b. excipiens.

Fig. II. Annulus aurichalceus, Germ. Nonne, secundum sectionem perpendicularem depictus, conum truncatum referens, superius & inferius apertus, qui cineribus, per Pistillum Fig. I. comprimendis, impletur:

FIGUR. EXPLICATIONES. 291

lineæ punctatæ designant, quam profundè Pistillum intrudi posse debeat, antequam ejus margo d.f. latera Annuli attingat.

Tales Annulos cum respondentibus Pistillis tres, vel quatuor, paratos habere convenit magnitudinis diversæ, quorum minimus formet Cupellam $\frac{3}{4}$ pollicis diametri exterioris, maximus 2 pollicum (§. 177.).

FIG. III. Est Cupella perpendiculariter dissecta.

a. b. c. est cavitas metallum coërcens.

d. Fundus (§. 176.).

Fig. IV. d. Pyxis ex laminâ aurichalceâ, superius aperta, diametri $\frac{3}{4}$ pollicis, altitudinis 3 pollicum.

a. b. Operculum, quo clauditur, cribro denso, setaceo, c, superius, instructum, per cujus poros cineres, quibus Pyxis impletur, excuti possunt (§. 178.).

Fig. V. Pistillum ligneum simile Fig. I. pro Testis conficiendis.

a. b. c. Convexa pars, qua cavum Te-

harum formatur.

FIG. VI. Annulus cavus, ligneus, perpendiculariter dissectus, qui massâ argillaceâ impletur, Annulo Ferreo a.a.b.b. cinctus, dum materies iëti- bus adigitur, ne dissiliat (§. 187. ad 191.).

FIG. VII. Testa Scorificatoria, perpendiculariter dissecta, cujus diameter circiter sit 2 pollicum.

a.b. Fundus, quo instructa est, angustior; ut ab igne citius incalescat. (§. 186.).

c.d.e. Ejus cavum.

FIG. VIII. Cineritium majus, annulo ferreo h.i.k.l. inclusum.

a.b.c. Cavitas Cineritii, segmentum Sphæricum referens, quam ambit margo d.e.f.g.

h.i.k.l. Annulus ferreus, qui cineres coërcet (§. 185.).

FIG. IX. Culter, secundum segmentum circuli curvatus, quo Cineres compressi excinduntur, ut fiat cavum Cineritii Fig. VIII.

a. Ejus Acies.

b. Dorsum.

c.d.

c. d. *Manubria duo, quibus apprehenditur* (§. 184. N. 3.).

FIG. X. *Manus rotans Globum ligneum, m, politum, quo Cineres ossium sicci, Cavo Cineritii superinspersi, apprimuntur, ut cavitas reddatur nitida.* (§. 184. N. 3. & 4.).

FIG. XI. *Cineritium majus, in Patella figulina a. b. c. d. formatum.*

e. f. g. *Ejus margo* (§. 184.).

h. *Cavitas Sphærica* (§. 184.).

FIG. XII. *Pistillum ligneum, dentatum, quoncum cineres, in patellam figulinam immissi, comprimuntur* (§. 184. N. 2.).

FIG. XIII. *Modulus semi-cylindricus pro Fornice Docimastico formando.*

a. b. c. d. *Ejus Dorsum convexum.*

c. g. a. *Planum posterius.*

b. d. e. f. *Planum anterius.*

h. *Foramen in plano anteriore, in quo firmatur*

p. *Cochlea, qua Modulus extrahi queat, dum Moduli Dorsum, & Planum posterius, argillâ compressâ obducta sunt* (§. 199. N. 200.).

FIG. XIV. Modulus Concavus, quo, ad priorem Modulum (FIG. XIII.) applicato, citius, & solidiores Fornices confici possunt.

l. Cavitas semicylindrica, priore Modulo convexo (Fig. XIII.), pro crassitie Fornicis conficiendi, major, cujus area cava materie argillaceâ obducitur.

m. Affer posterior, ubi Fornix claudere debet.

r. Affer anterior, compressioni serviens.

ii. k. k. Duæ Cochleæ, quarum Matrices sunt in posteriore Afferre, ut ad se invicem anterior & posterior adigi possint.

o. n. Affer superior, pavementum Fornicis faciens, qui ut vim Cochlearum g. g. cum matricibus sustinere queat, transversali alio afferculo, q, munitus est. (§. 200.).

T A B. II.

FIG. I. Fornix Docimasticus, pavimento fixo instructus, antè & ad

ad latus conspicuus. (§. 194.).

FIG. II. Fornix *Docimasticus*, pavimento mobili super impositus, facie posteriore & laterali repræsentatus.

FIG. III. Fornix *Sphæroideus*, qui Cineritio majori, annulo ferreo incluso, (Tab. I. Fig. VIII.) super imponitur (§. 201.).

FIG. IV. Modulus *ligneus*, cui *Argillacea massa* pro conficiendo Fornice *Sphærideo* Fig. III. super applicatur. (§. 201.).

FIG. V. Patina vel Crucibulum *Fusorium*, pedestallo fixo, latiore, instructum, quod præcipue ad mineras *Cupri* & *Plumbi* examinandas inservit. (§. 202.).

FIG. VI. Patina *fusoria*, superius trigona, effusioni massæ liquefactæ aptata. (§. 202.).

FIG. VII. Modulus *ligneus* *cavus*, perpendicularitèr dissectus, annulo ferreo cinctus, in medio bifidus, ut, annulo ferreo ablato, dilabatur. In hoc formantur Patinæ parvæ. Fig. V. (§. 203.).

295 F I G U R A R U M

FIG. VIII. Pistillum, *ad Modulum*

Fig. VII. *pertinens, quo formatur
cavitas Patinarum.* Fig. V. (§. 203.).

FIG. IX. Modulus Cavus, *Patini strian-*
gularibus Fig. VI. *conficiendis apta-*
tus, similiter secundum altitudinem
dissectus, annulo ferreo cingendus, ad
quem Pistillum simile, ac Fig. VIII.
pertinet, cujus tamen inferior pars,
Patinae cavum formans, Pyramidem
triangularem referre debet. (§. 203.).

FIG. X. A. B. *denotant Opercula,*
quibus Crucibula & Patinae operiun-
tur. (§. 208.).

FIG. XI. *Est Cucurbitula separatoria*
(§. 209.), superius chartaceo obtu-
raculo munita.

FIG. XII. Tripus, *cui Cucurbitula*
Fig. XI. insistit. (§. 210.).

FIG. XIII. Catinus Cupreus *Edulco-*
ratorius, pro abluenda calce Argen-
ti per Cuprum ex Aqua Forti præ-
cipitata. (§. 211.).

FIG. XIV. Catillus aureus *pro Auro,*
ex quo Argentum per Aquam For-
tem erosum fuit, candefaciendo.
(§. 212.).

FIG. XV.

EXPLICATIONES. 297

FIG. XV. *Tripus ferreus, in quo Castillus Fig. XIV. suspenditur. (§. 213.).*

FIG. XVI. *Situla Lavatoria lignea, vel figulina, ad leviores particulas mineris adhaerentes per aquam ablundas, naviculæ similis, pedem circiter longa, aliquot pollices lata, & profunda, cujus postrema altior pars loco manubrii inservit. (§. 214.).*

FIG. XVII. *Pyxis lignea Granulatoria. (§. 215.).*

FIG. XVIII. *Machina Granulatoria, Cylindrica, super imposita vasi aqua impleto, sic ut inferiore sua parte aquae immersa sit. Huic rotatae Metallum granulandum super affunditur. (§. 217.).*

FIG. XIX. *Conus fusorius Cupreus, vel ferreus. (§. 220.).*

FIG. XX. *Infundibulum pro Lingonibus Metallicis. (§. 223.).*

FIG. XXI. *Infundibulum, segmentis Sphaericis instructum, pro Regulis Metallicis in Cupellam ponendis. (§. 224.).*

TAB. III.

FIG. I. Furnus Docimasticus.

aa. bb. cc. Corpus *Furni Docimastici*
(§. 232.).

d. *Ejus in Fastigio Apertura*. (Ibid.
N. I.).

e. *Porta Cinerarii*.

k. k. *Valvae mobiles*, quibus *Porta*
claudi possit.

f. *Porta superior*, *Fornici contigua*,
qui *interius*, una cum duabus *Cu-*
pellis, in suo situ conspicuus est.

l. l. *Valvae mobiles*, quibus *Porta su-*
perior claudi possit.

m. *Foramen oblongum in altera valva*.

n. *Foramen semicirculare in altera*,
per quod, clausâ portâ, in *Fornicem*
introspecti possit.

g. g. h. h. i. i. *Bracteae ferreae*, furno
affixae, facientes inter se & parie-
tes furni crenas, in quibus *Valvae*
portarum moveri possint.

o. o. *Duo foramina*, quibus similia
duo, in parte posteriore furni facta,
respondent, per quae duo *Bacilli*
ferrei

EXPLICATIONES. 299

ferrei transmittuntur pro sustinendo Fornice.

p. *Foramen orbiculare, in parte furni superiore patens, ut mediante bacillo ferreo cineres & prunae circa Fornicem moveri possint.*

q. *Operculum, quod inter bracteolas recurvatas c. c., lateraliter Furno affixas, antrosum & retrorsum moveri potest.*

r. *Segmentum Cylindricum Operculo q. superius adfixum, cui Tubus ferreus, Camini loco serviens, imponi potest.*

ss. *Ansa Operculi.*

t. *Tubus Conicus, segmento Operculi r. superimponendus, pro igne incitando, Camini loco inserviens.*

FIG. II. *Tendicula Bifida quadrata, in altitudine marginis superioris Portæ Cinerarii Fig. I. e. intrinsicè locanda, cui Prismata ferrea pro Craticula sustinenda, & Lutum, quo furnus interiùs obducitur, inniuntur.*

FIG. III. *Est Sectio Furni Fig. I. perpendicularis, transiens per mediam fa-*

faciem anteriorem & posteriorem, ut pateat Furni dispositio interna, tanquam si a latere introspiceretur.

FIG. IV. *Furnus perpendiculariter dissectus, transeunte Sectione per utrumque latus; ut sistatur interior constitutio, tanquam si antèrius vel posterius introspiceretur.*

FIG. V. *Modulus ligneus, Ellipticus, secundum quem Furni Fig. sequ. interiorius cavum formari debet.*

a. *Pars abscissa, Operculum Fig. VII. formans. Inferius extremum similiter truncatus, ut fiat corpus Furni.*

FIG. VI. *Furnus fusorius, secundum modulum Fig. V. efformatus.*

d. *Annulus ferreus, ad marginem furni adplicatus, ut Lutum, quo intus obductus est furnus, coërceatur. Similis est ad imam furni partem firmatus.*

e.e. *Ausæ, quibus elevari & dirigi possit Furnus.*

c.c. *Duo Foramina, qualia etiam sunt è regione posteriùs facta, per quæ trans-*

EXPLICATIONES. 301

transmittuntur duo Baculi Fig. XI.; quibus Craticula Fig. XII. fulciatur.

FIG. VII. Operculum, quo clauditur Furnus, si intensiore igne Anemio opus est, cujus figura esse potest complementum Ellipsios abscissæ Fig. V. a.

b. Est porta versatilis, per quam Pabulum ignis in Furnum queat immitteri.

c. c. Ansa.

d. Segmentum Cylindricum, cui similis Tubus ferreus, instar Camini, pro igne augendo imponi potest, qualis Furno Docimastico Fig. I. t. super applicatur.

FIG. VIII. Porta operculi Fig. VII. interiùs conspicua, extante lamina ferreâ munita, ut Lutum pro lorica firmari possit.

FIG. IX. Cinerarium seu Pedistallum, cui Furnus Fig. VI. superimponitur.

c. Annulus ferreus, cui furnus innititur.

d. Foramen pro follis fistula immit-tenda.

b. Porta

b. *Porta pro admittendo vento, & eximendis cineribus.*

FIG. X. *Aliud Pedistallum, interius lorica-
tum, efformatum in Catillum
f.g.h. recipientem Metallum fusum.*

c. *Foramen, ut Rutabulum intrudi possit.*

d. *Foramen pro Follis fistula.*

e. *Foramen, ex quo liquefacta materia
ex interiori Catillo emitti possit per
canalem e fundo hujus g. huc decur-
rentem.*

FIG. XI. *Duo Baculi ferrei, qui per
Foramina Furni Docimaistici Fig. I.
o.o. vel Fusorii Fig. VI. c.c. trans-
mittuntur, ut ibi Fornix Docima-
sticus, hic Craticula, iis sustente-
tur.*

FIG. XII. *Craticula pro Furno Fusorio.*

FIG. XIII. *Pedistallum idem Fig. x.,
sed ita dispositum, ut liquefactum,
in Catillo ejus collectum, per Fora-
men Fig. x. e. emitti, & ab extrin-
secus appposito Catillo carbonaceo. i. ex-
cipi possit.*

T A B. IV.

FIG. I. Athanor S. 242.

- a. a. a. a. *Turris Athanoris, seu Furnus primarius, qui pabulum ignis recipit: lineæ punctis descriptæ crassitiem muri indicant.*
- b. b b. b. *Latera interiora, cavum formantia, decem pollices longa.*
- c. *Porta Cinerarii.*
- e. *Porta Superior.*
- d. *Craticula, quæ in altitudine Basis Portæ e. posita est.*
- f. *Operculum, quo Turris superior apertura clauditur.*
- g. g. *Hiatus, per quem ignis ex Turri in primum adscendit Furnum.*
- h. h. h. h. *Prisma cavum, quod format primum Furnum secundarium.*
- i. i. *Fornix semi Cylindricus, quo prisma superius clausum est.*
- k. k. k. k. *Lamina ferrea interius lorata, qua antè clauditur furnus secundarius primus.*
- l. *Laminæ k. k. k. k. foramen rotundum, per quod collum vasis 7. transmitti potest.*
- m. *Epi-*

304 F I G U R A R U M

m. *Epistomium*, quo foramen l. claudiri possit.

n.n. *Repagula ferrea*.

o.o.o.o. *Unci ferrei*, muro infixi, repagula recipientes.

6. *Valva ferrea*, qua clauditur hiatus g.g.

p.p.p.p. *Catenæ ferreæ*, quibus *Valva* elevari potest.

.. *Clavi*, ad quos mediantibus catenis pp. *valva* in determinata altitudine suspendi potest.

q.q.q.q. *Caminus hujus Furni*.

r.r. *Lamina ferrea*, qua *caminus* claudiri & aperiri possit.

s.s.s.s. *Margo ex bractea ferrea*, duplicatus, *laminam* r.r. intercipientes.

t.t. *Hiatus alter*, per quem *ignis* ex primo *Furno* secundario in alterum transit.

u.u.u.u. *Alter Furnus secundarius Cylindricus*.

v.v. *Apertura ejus superior*, circularis, antè exscissa, pro recipienda.

w.w. *Olla ferrea*, in hoc *Furno* altero secundario suspendendâ.

x.x. *Cir-*

EXPLICATIONES. 305

- x. x. *Circulus ferreus, quo Olla w. w. Furni supremo margini incumbit.*
- y. *Segmentum ex Olla exscissum priori v. v. respondens.*
- z. *Hiatus, ex altero Furno in tertium ducens ignem.*
- i. i. i. i. *Furnus secundarius tertius, similis secundo, Olla instructus.*
2. 2. 2. 2. *Caminus alter.*
3. *Lamina; qua clauditur & aperitur Caminus.*
4. *Apertura, quæ ex Tertio Furno tendit in Caminum.*
5. 5. 5. *Caminus tertius.*
6. *Retorta figulina, locata in Furno secundario primo. k. k. i. i. transmissa suo collo per hujus portæ foramen.*
7. *Recipiens.*
8. *Retorta vitrea in alterius Furni secundarii Olla ferrea arena impleta locata.*
9. *Recipiens.*
10. *Cucurbita, in Olla Furni tertii locata.*
11. *Fulcimenta, quæ Vasa recipientia sustinent, & Cochleis elevari ac*

demitti possunt.

FIG. II. Forceps, *pro Testis & Cupellis eximendis.*

- a. *Clavus ferreus, quo ambo Forcipis Crura nectuntur.*
- b. *Semilunaris pars anterior Forcipis, qua Vasa capiuntur.*
- c. *Auriculæ, quibus prehenditur & dirigitur Forceps.*

FIG. III. Tenaculum *pro Granulis vel Ponderibus parvis capiendis.*

FIG. IV. Forceps *pro Crucibulis, aliisve Vasis apertis, mediocris magnitudinis, ex igne eximendis.*

FIG. V. Forceps *pro amplectendis Crucibulis, vel Catinis maximis, multo metallo oneratis.*

- a. *Semicirculus simplex, ad alterum Crus firmatus.*
- b. *Semicirculus duplex ad alterum Crus firmatus, intercipiens, si Forceps clauditur, Circulum priorem. a.*

FIG. VI. Uncus seu Hamulus ferreus *pro movendis materiis in Testis sub Fornice Docimastico positis.*

FIG. VII.

FIG. VII. Filum ferreum duos cum dimidio pedes longum, semi pollicem crassum, pro prunis & cineribus in dorso Fornicis Docimastici in Furno TAB. III. Fig. I. locati movendis.

FIG. VIII. Hamus ferreus pro massis in Crucibulis in furno Anemio positus movendis, tres pedes longus $\frac{1}{4}$ ad $\frac{1}{2}$ pollicis crassus.

FIG. IX. Rutabulum quo Metallum fustum Scoriæve in Cineritio majori moventur.

FIG. X. Rutabulum quo per Portam cinerarii intruso, Craticula ab obstructentibus Cineribus vel prunis minoribus liberatur.

FIG. XI. Cochleare parvum ferreum longo instructum Manubrio, quocum materia in vasa igne imposita immittitur.

FIG. XII. Umbraculum ligneum.

FIG. XIII. Tubus Cæmentatorius.

FIG. XIV. Focus Fabrilis, haud equidem descriptus inter Furnos priores, facile tamen ex hac icone cognoscen-

us, quousque in Praxi requiritur.

- a. *Follis duplicatus.*
- b. *Foramen in Muro laterali factum, per quod ejus Fistula ad Focum per-tingit.*
- c. *Foveola in quam Vasa vel Cineritium majus imponi potest.*

FIG. XV. A. *Furnus Pro Cineritio majori Fornice tecto, cujus anterior Murus deficit, ut ejus interna dispositio intueri queat.*

- a. *Cineritium.*
- b. *Fornix.*
- c.c. *Ventilabra, per quæ aër ignem excitans intrare potest.*
- e.e.e.e. *Apertura ventum admit-tens.*
- B. *Similis Furnus anterieus clausus.*
- d. *Porta qua cum fornix contigua, ut introspici, & Metallum fusum scorieue moveri queant.*

T A B. V.

FIG. I. *Follis Duplicatus, cum suo Fulcimento.*

a. a. a. a.

- a.a.a.a. Sufſtentacula *ferrea*, ad *Tigna ſtabilia Fulcimenti Follis firmata*, quæ ſingula *Axes Follis recipere poſſunt*, ut *is parte poſteriore pro lubitu elevari & demitti poſſit*.
- b.b. *Cunei ferrei*, quibus *axes firmantur*, ne *elabi poſſint*, ſi *Follis agitur*.
- c.c. *Duo Tigna ſtabilia*, quæ *Follis Fiſtulam intercipiunt*.
- d.d.d.d. *Foramina in Tignis ſtabilibus c.c.*
- e. *Clavus Ferreus*, qui, per *foramina d.d.d.d. tranſmiſſus*, *Follis Fiſtulam ſuſtinet*, ut *elevari & demitti poſſit*.
- f. *Pondus*, quod *Follem inferiorem extendit*.
- g. *Pondus*, quo *oneratur Follis ſuperior*, ut *determinatâ vi deprimatur*.
- h. *Veſtis*, quo *agitur Follis*.
- i. *Catena*, qua *Follis quieſcens ſuſpenditur*.

FIG. II. *Bilanx Docimaſtica.*

a.b. *Jugum.*

c. *Lingula.*

310 FIGURARUM

FIG. III. TRUTINA.

- a.a. *Duo Foramina, in quibus Axis versatur.*
d.d. *Duo Foramina Confibulam coërentia.*
c. *Stylus, qui æquilibrii index est.*
b. *Apertura, ut Lingula Fig. II.*
c. *circa Indicem versans videri queat.*

FIG. IV. CONFIBULA.

FIG. V. A. A. *PATELLAE seu LANCES, quæ mediantibus funiculis sericeis in Fugi extremis Fig. II.a. b. suspenduntur.*

B.B. *Duæ Patellæ mobiles, quæ, ponderibus & ponderando oneratæ, prioribus imponuntur.*

FIG. VI. FULCIMENTUM pro suspendenda Balance.

- a. *Pedistallum.*
b. *Columna.*
c. *Brachium.*
d. *Trochlea prima.*
e. *Trochlea altera.*
f. *Trochlea tertia.*
g. *Brachium alterum.*
h. *Foramen oblongum.*

EXPLICATIONES. 311

i. Lamella *per foramen h. transmit-
tenda.*

k. Pondus *Funiculo sericeo affixum,
quo Bilanx elevata teneri potest.*

FIG. VII. DOMUNCULA, *in qua re-
conditur Bilanx.*

a. a. a. Fenestræ.

b. Fulcimentum Fig. VI., *cum Bi-
lance.*

c. Funiculus *sericeus, per Foraminu-
lum, infra Fenestram anteriorem
factum, transmissus, quò Bilanx in
clausa domuncula attolli & demitti
possit.*

e. e. Capsæ *ductiles, in quibus Ponde-
ra, Lances, aliave minuta supel-
lex reconduntur.*

FIG. VIII. *Monstrat PONDERA Capsu-
lâ inclusa.*

FIG. IX. ACUS PROBATRICES *colli-
gatæ.*

a. a. a. *Extrema, quæ ad Lapidem Ly-
dium stringuntur.*

FIG. X. LAPIS LYDIUS.

I N D E X.

A.

| | | |
|-----------------|--|----------|
| A | <i>Cida.</i> | Pag. 43 |
| — | eorum vis solvendi calore juva- tur. | 44 |
| <i>Acidum</i> | Aluminis. | 10 |
| — | Chalcanthi. | ib. |
| — | Fossile nativum. | ib. 44 |
| — | Nitri. | 45 |
| — | — ejus Productio. | ib. seq. |
| — | Salis. | 55 |
| — | — ejus productio, | ib. |
| — | Sulphuris. | 10 |
| — | Vagum Fossile. | ib. |
| — | Vegetabile. | 43 |
| — | Vini. | ib. |
| — | Vitrioli. | 45 |
| <i>Alcali</i> | fixum. | 41 |
| — | Lapides & Metalla imperfecta vitre facit. | 41. seq. |
| — | Aurum & Argentum non solvit. | ib. |
| — | Mercurium respuit. | ib. |
| — | Reducit Calces Metallorum per acida factos. | ib. |
| — | Nativum. | 10. 11 |
| — | Volatile Nativum. | 11 |
| <i>Aluduli,</i> | | 273 |
| | <i>Alu.</i> | |

I N D E X.

| | |
|--|-------------|
| <i>Alumen.</i> | 248. seq. |
| — ejus Matrices. | ib. |
| — — Generatio. | ib. |
| — Plumosum. | 16 |
| <i>Amalgamatio.</i> | 31, 32, 260 |
| <i>Amarill</i> vid. <i>Smiris.</i> | |
| <i>Amianthus.</i> | 16 |
| <i>Antimonium.</i> | 277 |
| — ejus Minera. | ib. |
| — — Regulus. | 8 |
| — — est volatile. | 36 |
| — In vitrum converti potest. | ib. |
| — est rapacissimum. | ib. |
| — ejus Rapacitas per Phlogiston auge- | |
| tur. | 36 |
| <i>Aqua Fortis</i> vid. <i>Acidum Nitri.</i> | 56 |
| — Regis. | |
| <i>Arena.</i> | 12, 14 |
| — Nigra. | 203 |
| <i>Ardesia.</i> | 12, 13 |
| <i>Argentum.</i> | 4, 30 |
| — ejus Minerae. | 221. seq. |
| — Nativum. | ib. |
| <i>Argilla.</i> | 13 |
| <i>Arsenicum.</i> | 8, 188 |
| — est Semimetallum. | 8 |
| — In plurimis Mineralibus latet. | 191 |
| — cum terris figitur. | 33 |
| — Metalla penetrat. | ib. 34 |
| — Papax est. | ib. |

I N D E X.

| | |
|---|------------|
| <i>Ars Docimastica.</i> | Pag. 1 |
| — ejus Usus in Metallurgia. | 286 |
| — — — — — Medicina. | 287 |
| — — — — — Arte Vitraria. | 288 |
| <i>Asbestus.</i> | 16 |
| <i>Asphaltum.</i> | 186 |
| <i>Atrament Stein vid. Lapis Atramenta-</i> <i>rius.</i> | |
| <i>Auripigmentum.</i> | 188 |
| <i>Aurum.</i> | |
| — <i>Nativum.</i> | 3. seq. 30 |
| — non occurrit in Minera propria. | 227. seq. |
| | 229. seq. |

B.

| | |
|-----------------------------------|-------------|
| B <i>Ergblau.</i> | 210 |
| <i>Berg-grun.</i> | ib. |
| <i>Bilanx Docimastica.</i> | 145 |
| — ejus Structura. | 146 |
| — — Examen. | 151 |
| — — Correctio. | 152 |
| <i>Bismuthum.</i> | 8, 37 |
| — ejus Minera. | 234 |
| <i>Bitumen.</i> | 186 |
| <i>Bleyglantz.</i> | 214 |
| — <i>Klaar-Spießiger.</i> | ib. |
| <i>Bley-Schweiff.</i> | 215. seq. |
| <i>Blut-Stein vid. Hæmatites.</i> | |
| <i>Bolus.</i> | 12 |
| | <i>Bor-</i> |

I N D E X.

| | |
|--|---------|
| <i>Borrax.</i> | Pag. 58 |
| —— vitrefacit lapides. | 59 |
| <i>Brunstein</i> vid. <i>Magnesia.</i> | |

C.

| | |
|--|---------------|
| C <i>Admia</i> Fornacum. | 34, 38 |
| <i>Calcinatio.</i> | 274 |
| <i>Calx</i> Metallorum. | 38, 41 |
| —— <i>Refractaria.</i> | ib. |
| <i>Caratura.</i> | 172 |
| —— alba. | 173 |
| —— mixta. | ib. |
| <i>Carbo</i> fossilis. | 187 |
| <i>Catillus</i> Aureus. | 101 |
| <i>Catinus</i> edulcoratorius. | 100 |
| <i>Cæmenta.</i> | 68 |
| <i>Cæmentatio.</i> | ib. 269. seq. |
| <i>Cæment-Kupfer.</i> | 245 |
| —— <i>Wasser.</i> | ib. |
| <i>Cerussa</i> nigra. | 262 |
| <i>Chalcitis.</i> | 248 |
| <i>Chrysocolia</i> vid. <i>Borrax.</i> | 210 |
| <i>Cineritium</i> minus vid. <i>Cupella.</i> | |
| <i>Cinnabris.</i> | 231 |
| <i>Glaër.</i> | 80 |
| <i>Cobaltum.</i> | 189, 234 |
| <i>Cobalti</i> Flos. | 186 |
| <i>Cæruleum</i> montanum. | 210 |
| <i>Conus</i> Fusorius. | 105 |
| | Con- |

I N D E X.

| | |
|---|-----------|
| <i>Conterfait</i> vid. Zink. | Pag. |
| <i>Creta.</i> | 15 |
| —— <i>rubra</i> vid. <i>Rubrica Fabrilis.</i> | |
| <i>Crucibula.</i> | 96 |
| <i>Cucurbitulae separatoria.</i> | 99 |
| <i>Cupella.</i> | 76 |
| <i>Cupellatio.</i> | 268 |
| <i>Cuprum.</i> | 4 |
| —— <i>Nativum.</i> | 208 |
| <i>Cupri Mineræ.</i> | 208. seq. |
| —— <i>Pyrites.</i> | 211 |

D.

| | |
|-------------------------------|----|
| D <i>Ocimastæ</i> Def. | 1 |
| —— <i>Objecta.</i> | 2 |
| —— <i>Usus.</i> | 19 |
| —— <i>Finis.</i> | 20 |

E.

| | |
|-----------------------------------|-----|
| E <i>Dulcoratio.</i> | 281 |
| <i>Eisen-mann, Eisen-Glimmer.</i> | 202 |
| <i>Eisen-Schweiff.</i> | 215 |
| <i>Electrum.</i> | 187 |
| <i>Eliquatio.</i> | 278 |
| <i>Elutriatio.</i> | 285 |

F.

| | |
|---------------------------|--------------|
| F <i>Abl-Ertz.</i> | 210 |
| | <i>Fabl-</i> |

I N D E X

| | |
|--------------------------------------|-----------|
| <i>Fahl-Kupfer-Ertz.</i> | Pag. 210 |
| <i>Fällung.</i> | 283 |
| <i>Fel Vitri.</i> | 61 |
| <i>Ferri Mineræ.</i> | 198. seq. |
| <i>Ferrum.</i> | 6 |
| —— <i>Nativum.</i> | 198 |
| —— <i>per Magnetem trahitur.</i> | 6 |
| <i>Figura Mineralium inconstans.</i> | 181 |
| <i>Flores.</i> | 271 |
| <i>Fluxus.</i> | 70 |
| —— <i>Reducens.</i> | 73 |
| —— <i>Niger.</i> | ib. |
| —— <i>Albus.</i> | 74 |
| <i>Forcipes.</i> | 139. seq. |
| <i>Fornix Docimasticus.</i> | 90 |
| <i>Fossilia vid. Mineralia.</i> | 110 |
| <i>Furnus Docimasticus.</i> | 119 |
| —— <i>Fusorius.</i> | 267 |
| <i>Fusio.</i> | |

G

| | |
|---------------------------------------|-----------|
| G <i>Agates.</i> | 186 |
| <i>Galena.</i> | 214 |
| <i>Glarea.</i> | 12 |
| <i>Glas-Kopff vid. Hæmatites.</i> | |
| <i>Granatus.</i> | 219 |
| <i>Gravitas specifica Mineralium.</i> | 181 & 182 |
| <i>Granulatio Plumbi.</i> | 23 |
| <i>—— Stanni.</i> | 24 |
| <i>——</i> | Hæ |

I N D E X.

| | |
|--|-----------|
| <i>Mercurius Virgo.</i> | Pag. 230 |
| — Mineræ. | 231 |
| — Non solvit ferrum nec Regulum Antimonii. | 32 |
| — Amalgama. | 31 |
| <i>Mica.</i> | 17 |
| <i>Metalla.</i> | 3 |
| <i>Metallum Principis.</i> | 37 |
| <i>Minera.</i> | 192 |
| — arte facta. | 193 |
| — elutriabilis. | 196 |
| — non elutriabilis. | ibid. |
| — Fluxilis. | 194 |
| — non Fluxilis. | ib. |
| — Refractaria. | ib. |
| — Rapax. | 197 |
| <i>Mineralia.</i> | 2 |
| — raro pura: | ib. |
| — eorum classes. | 3 |
| <i>Minerarum differentia.</i> | 193, seq. |
| — pondus specificum maximum. | 197 |
| <i>Mineralia composita.</i> | 2 & 180 |
| — habitu externo non semper cognoscenda. | 19 |
| — Vitriolica. | 203 |
| <i>Misy.</i> | 248 |
| <i>Molybdæna,</i> | 262 |
| <i>Muffel</i> vid: Fornix Docimasticus, | |
| <i>Muria</i> vid: Sal commune, | |

I N D E X.

N.

| | |
|---------------------------------|----------|
| N <i>Aphta.</i> | Pag. 186 |
| <i>Nieder-Schlag</i> trockener. | 277 |
| <i>Nihil album.</i> | 38 |
| — <i>gryseum.</i> | ibid. |
| <i>Nitrum.</i> | 9, 256 |
| — cum Phlogisto detonat. | 10 |
| — consumit Metalla imperfecta. | 61 |
| <i>Nitri</i> generatio. | 256 |
| — Matrices. | ibid. |

O.

| | |
|-----------------------------|-----|
| O <i>Cbra Cupri.</i> | 210 |
| — <i>Ferri.</i> | 202 |
| <i>Offenbruch.</i> | 38 |
| <i>Olla Cæmentatoria.</i> | 104 |
| <i>Ollaris.</i> | 17 |

P.

| | |
|---------------------------------------|---------------|
| P <i>Atina fusoria.</i> | 96 |
| <i>Petroleum.</i> | 186 |
| <i>Pix judaica.</i> | ibid. |
| <i>Phlogiston</i> Metalla ingreditur. | 39 |
| — — Metallorum liquefactionem ju- | |
| vat. | 41 |
| <i>Plumbum.</i> | 5, 21, 22, 23 |
| — calcinat Stannum. | 22 |
| X | <i>Plum-</i> |

I N D E X.

| | |
|------------------------------|----------------|
| <i>Plumbum Marinum.</i> | Pag. 262 |
| — non solvit ferrum. | 22 |
| — Nativum. | 213 |
| <i>Plumbi Mineræ.</i> | ibid. seq. |
| <i>Pompholyx.</i> | 38 |
| <i>Pondera Docimastica.</i> | 158 |
| — Centenariorum. | ibid. |
| — Ceratiorum. | 165 |
| — Granorum. | 164 |
| — Marcæ. | 163 |
| <i>Pondus Nummularium.</i> | ibid. |
| <i>Præcipitans.</i> | 277 |
| <i>Præcipitatio fusoria.</i> | 275 seq. |
| — humida. | 283 |
| <i>Pyrites albus.</i> | 188 |
| — flavus. | 185, 249 & 199 |
| — ferri Sulphureus. | 247 |
| — Cupri Sulphureus. | ibid. |
| <i>Pyxis granulatoria.</i> | 102 |

Q.

| | |
|---------------------------|-----|
| Q <i>Uartatio.</i> | 280 |
| <i>Quartzum.</i> | 14 |

R.

| | |
|-----------------------------------|-----------|
| R <i>Eductio.</i> | 39. & 269 |
| — non totum quantum reddit Metal- | |
| lum. | 01 |

Reg.

I N D E X.

| | |
|---|---------|
| <i>Reductio</i> fit per Phlogiston purum. | Pag. 40 |
| <i>Regulus.</i> | 276 |
| —— Antimonii. | 65 |
| —— ejus scorix. | ibid. |
| <i>Rösten.</i> | 273 |
| <i>Rubinus Arlenicalis.</i> | 66 |
| —— Sulphuris. | |
| <i>Rubrica fabrilis.</i> | 203 |

| | | |
|--------------------------------------|-----|----------------|
| S | S. | |
| <i>Sabulum.</i> | | 12 & 14 |
| <i>Salia.</i> | | 9 |
| —— fusoria vid. Fluxus. | | |
| —— neutra. | | 58 |
| <i>Sal Ammoniacus.</i> | | 253 |
| —— ejus origo. | | 253 & 254 |
| —— Commune. | | 61, 251 & seq. |
| —— Fontium. | | 252 |
| —— Gemmæ. | | 251 |
| —— Marinus. | | ibid. |
| —— eorum differentia, | | 253 |
| <i>Saxum Sabulosum.</i> | | 14 |
| <i>Schistus.</i> | | 12 & 13 |
| <i>Schlacke.</i> | | 268 |
| <i>Schmergel</i> vid. <i>Smiris.</i> | | |
| <i>Scoria.</i> | | 5 & 268 |
| <i>Scorificatio.</i> | | 267 |
| <i>Seigerung.</i> | | 278 |
| <i>Semi-Metalla,</i> | | 7 |
| <i>Silex.</i> | | 13 & 14 |
| | X 2 | Si- |

I N D E X.

| | |
|---|-------------|
| <i>Situla Lavatoria.</i> | Pag. 101 |
| <i>Smaltum.</i> | 198 & 235 |
| <i>Smiris.</i> | 201 |
| <i>Solutio humida.</i> | 280 |
| <i>Sory.</i> | 248 |
| <i>Spatum.</i> | 14 & 15 |
| <i>Spiauter</i> vid. <i>Zinck.</i> | |
| <i>Spiritus salis</i> vid. <i>Acidum Salis.</i> | |
| <i>Stalactites.</i> | 15 |
| <i>Stanni Minera.</i> | ibid. |
| —— <i>diversitas.</i> | 290 |
| <i>Stannum.</i> | 5 |
| —— <i>nativum.</i> | 217 |
| —— <i>Metalla fragilia reddit.</i> | 28 & 30 |
| <i>Suber montanum.</i> | 16 |
| <i>Sublimatio.</i> | 271 |
| —— <i>Geberiana.</i> | 272 |
| —— <i>Glauberiana.</i> | ibid. |
| <i>Succinum.</i> | 187 |
| <i>Sulphur minerale.</i> | 11 & 62 |
| —— <i>plerumque cum acido conjunctum.</i> | ibid. |
| —— <i>Nativum.</i> | 184 |
| <i>Sulphuris diversitas.</i> | ib. |
| <i>Sulphur in omnibus fere mineris.</i> | 186 |
| —— <i>non attingit aurum.</i> | 63 |
| —— <i>penetrat Argentum.</i> | ib. |
| —— — <i>Stannum.</i> | ib. |
| —— — <i>plumbum.</i> | 64 |
| —— — <i>Cuprum.</i> | ib. |
| | <i>Sul.</i> |

I N D E X.

| | |
|-------------------------------------|---------|
| <i>Su'phur</i> solvit Ferrum. | Pag. 64 |
| — — Regulum Antimonii. | ib. |
| — — Bismuthum. | ib. |
| — — Zinkum non penetrat. | 65 |
| — — varia vi â Metalljs absorbetur. | ibid. |
| — — auratum. | ib. |
| <i>Sulphuris</i> hepar. | 66 |

T.

| | |
|-----------------------------|-----|
| T <i>Alcum.</i> | 17 |
| <i>Terra.</i> | 12 |
| — — Sigillata. | 13 |
| <i>Test.</i> | 85 |
| <i>Testa.</i> | 87 |
| — ejus materia. | 88 |
| — — formatio. | 89 |
| <i>Tigillum.</i> | 99 |
| <i>Trockene Scheidung.</i> | 276 |
| <i>Tubus cæmentatorius.</i> | 144 |

U.

| | |
|----------------------------|-----|
| U <i>Mbraculum.</i> | 142 |
| <i>Ustulatio.</i> | 273 |

V.

| | |
|-------------------------------|------------|
| V <i>Erschlackang.</i> | 268 |
| X 3 | <i>Vi.</i> |

I N D E X.

| | |
|-------------------------|-----------|
| <i>Viride montanum.</i> | Pag. 210 |
| <i>Vitrificatio.</i> | 267 |
| <i>Vitriolum.</i> | 242 |
| —— album. | 245 |
| —— Cupri. | 242 |
| —— Ferri. | ibid. |
| —— Nativum. | ibid. |
| —— Stalacticum. | 203 & 245 |
| —— in aquis medicatis. | 244 |
| <i>Vitrum.</i> | 5 & 267 |
| —— Saturni. | 27 & 28 |

| | |
|----------------------------|-----------|
| W <i>Afferbley.</i> | 262 |
| <i>Weis-Ertz.</i> | 210 |
| <i>Wismuthum.</i> | 189 & 190 |
| <i>Wismuth Graupen.</i> | 235 |
| <i>Wolfram.</i> | 202 |

Z.

| | |
|-----------------------|--------------|
| Z <i>Affa.</i> | 236 |
| <i>Zinkum.</i> | 7, 236 |
| —— ejus origo. | ibid. & seq. |
| —— ——— minera. | 240. seq. |
| —— irreducibile. | 269 |
| —— Metalla solvit. | 37 |
| —— rapacissimum. | 38 |
| <i>Zin-graupen.</i> | 218 |
| <i>Zwitter.</i> | ibid. |

F I N I S.



Mineral
A

